

ИСО ЖАББОРОВ, САНЖАР ЖАББОРОВ

# ЖАҲОН ДИНЛАРИ ТАРИХИ

*Ўзбекистон Республикаси Олий ва ўрта маҳсус таълим  
вазирлиги олий ўқув юртлари талабалари ҳамда  
ўқитувчилари учун ўқув қўлланма  
сифатида тавсия этган*

ТОШКЕНТ "ЎЗБЕКИСТОН" 2002

86.2  
Ж 13

Масъул муҳаррир:  
академик, фалсафа фанлари  
доктори, профессор М.М.Хайруллаев

Такризчилар:  
фалсафа фанлари доктори, профессор К.Н.Пажимов  
тарих фанлари доктори, профессор К.Н.Норматов  
тарих фанлари доктори К. Иноятов  
тарих фанлари номзоди, доцент Х.К.Гуломов

Ўзбекистон Республикасида хизмат кўрсатган фан арбоби, фалсафа фанлари доктори, профессор И.Жабборов ҳамда ҳуқуқшунос ва диншунос олим, фалсафа фанлари номзоди С.Жабборовнинг ушбу китоби бой ва хилма-хил тарихий, археологик, этнографик ва энтоюридик материалларга таянган ҳолда анча вақтдан бери ўқиб келинаётган маҳсус курс ҳамда муаллифлар олиб борган тадқиқотлар асосида ёзилган. Унда мазкур фанлар кўлга киритган сўнгги илмий хулоса ва мулоҳазалар ақидавийлашган "жанговар атесизм"га зид ҳолда янгича талқин қилинган. Китобда ибтидий динларнинг ва илк билимларнинг пайдо бўлиши, давлатлар юзага келган даврдаги политеистик диний тасаввурлар ва дастлабки ҳурфикрлийликнинг эволюцияси, монотеистик жаҳон динлари (зардуштийлик, буддизм, христианлик, ислом)дан то ҳозирги динлар ва диний йўналишлар гача, тафаккур ва виждан эркинлиги тарихий жараёни, дин ва илм-фан орасидаги мулоқот ва мослашиш муаммолари баён этилган.

Китоб олий ўқув юртлари талабалари ва ўқитувчиларига ҳамда дин ва ҳурфикрлийлик тарихига қизиқувчи барча китобхонларга мўлжалланган.

Ж  $\frac{04010000 - 07}{351(04)} - 2002$

ISBN 5-640-02617

© «ЎЗБЕКИСТОН» нашриёти, 2002.

## МУҚАДДИМА

"Биз дин бундан буён ҳам аҳолини энг олий руҳий, ахлоқий ва маънавий қадриятлардан, тарихий ва маданий меросдан баҳраманд қилиши тарафдоримиз. Лекин биз ҳеч қачон диний даъватлар ҳокимият учун курашга, сиёsat, иқтисодиёт ва қонуншуносликка аралашиб учун байроқ бўлишига йўл қўймаймиз".

*Ислом Каримов*

Жамият пайдо бўлгандан буён инсон ранг-баранг табиат, турли-туман ҳодисалар ҳамда воқеаларни билишга интилиб келган. Инсон коинотда ўз мавқенини аниқлаш мақсадида яхши-ёмонни, эзгулик ва ёвузликни, ҳақиқат ва сохталикни, муҳаббат ва нафратни фарқлашга, уларнинг моҳияти ва сабабларини тушунишга ҳаракат қилиб, ҳар хил тасаввур ва қарашларни яратган. Аммо бундай ўй-фикр ва дунёқарашлар ҳар доим ҳам тӯғри ва ҳаққоний бўлавермасдан, кўп ҳолларда кишини сохта тасаввурлар орқали нодонлик тўрига илинтирган, уни ғайриилмий тушунчалар доирасига тортиб, кўр-кўrona итоаттўйлика олиб келган. Шу билан бирга ижтимоий тараққиётнинг энг муҳим омили ҳисобланган инсон ўз тафаккури билан оламдаги буюм ва ҳодисалар, ижтимоий воқеалар ва муносабатларнинг ҳақиқий моҳиятини тӯғри идрок қилиб, ижобий билимларга эга бўлган.

Антик даврнинг буюк мутафаккирларидан бири, миладдан аввалги VI-V асрларда яшаган Гераклит инсон ўз табиати билан оламни ва ўзини билишга, ёшлиқдан фикр юритишга қобил эканлигини алоҳида қайд қилган. Демак, ҳар бир инсон вояга етиб, ақлга эга бўлиши билан теварак-атрофдаги воқелик тўғрисида мулоҳаза юритиб, табиат ва жамиятга оид саволларга жавоб ахтарган, илк фалсафий дунёқараш ва тушунчаларни яратган, ўзи ҳам камол топган. Дастлабки илмий билимлар билан сохта

тасаввурлар ўртасидаги мuloқot асли табиат ва жамиятдаги турли қарама-қаршиликнинг ўзига хос ифодаси сифатида намоён бўлган. Бироқ бу мuloқot ҳар бир тарихий даврда турлича ифодаланган. Жамият қолоқ бўлса, дунёқарааш шакллари ҳам шунчалик оддий ва асосан хурофий тарзда ифодаланган. Инсон тафаккурининг такомиллашиши ва ўсиши натижасида илмий ҳамда хурофий тасаввурлар ҳам мураккаблашиб, ўз замонасига мослаша борган.

Ўзбекистон Республикаси Президенти Ислом Каримов одилона қайд қилганидек, ҳозирги кунда биз танланган мақсадимиз йўлида кўндаланг бўлиб турган муаммоларни аниқ тасаввур қилишни ўрганишимиз лозим. Чунки "бу муаммоларнинг кўпчилигини янги тамойиллар ва улкан воқеа-ҳодисалар келтириб чиқарган. Шу сабабли бизни ўраб, ҳеч ким ўз ҳолича яшай олмайдиган, ҳамма нарса бизга боғлиқ бўлавермайдиган, юксак мақсадларга эришилиш йўлидаги интилишимизга жиддий хавф-хатар солиб турган бу дунёнинг ўзи нимадан иборат эканлигини чукур тушуниб олиш жуда мұхим".<sup>1</sup> Бу жараённи тўғри тушуниш учун даставвал жамият тарихини яхши билиш зарур.

Халқнинг тарихий онги унинг ижтимоий тафаккури орқали умуминсоний қадриятлар ҳисобланган ватанпарварлик, одамийлик, ҳаққонийлик, ҳалоллик, ахлоқ-одоблилик, аҳиллик, меҳр-оқибатлилик каби юксак инсоний фазилатлар ва олий мақсадларга эга жамиятни қуриш билан доимо узвий боғлиқ бўлиб келган.

Инсон камолотга эришгунча бутун тарих давомида ниҳоятда мashaқатли ва чукур зиддиятларга тўла оғир йўлни босиб ўтган. Жамият тарихида қанчадан-қанча қудратли давлатлар, империялар пайдо бўлган, кейин емирилган, социал тўқнашувлар оловида бир сулоланинг ҳукмронлиги кулга айланиб, иккинчи сулоланинг ҳокимияти ўрнатилган, ижтимоий оқим тўлқинларида юзага чиқсан айрим гоя ва тушунчалар пуфакдай ёрилиб, буддизм, христианлик ва ислом каби диний таълимот ва эъти-

<sup>1</sup> Ислом Каримов. "Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари." Т., "Ўзбекистон", 1997, 10–11-бетлар.

қодлар тарих синовидан ўтган, илмий билимлар асрлар оша жаҳонга тарқалган. Улар ҳозиргача жамиятнинг муҳим омиллари сифатида сақланиб келмоқда. Тарихнинг айрим саҳифаларини варақламай туриб, маънавий маданиятнинг таркибий қисмига айланган диний тасаввурларнинг ижтиомий моҳияти ва илдизларини, илм-фанга таянган тафаккур эркинлиги ва уларнинг ўзаро муносабатини аниқламагунча бу жараённинг сабабларини тушуниш қийин.

Инсоннинг ибтидоий жамоа тузумидан ҳозирги илмий-техника инқилоби давригача бўлган тараққиёти, оддий тош ва ёғоч қуролларидан замонавий автоматика, компьютерлар ва атом энергетикаси, ибтидоий чайлалардан йирик шаҳарларгача, кўчманчи уруғ-қабилалардан буюк миллат ва элатларгача, ибтидоий нодонликдан коинот сирларини ўрганувчи космонавтика давригача босиб ўтган тарихи саҳифаларини варақлар экансиз, сонсаноқсиз ижобий ва салбий, эзгулик ва ваҳшийлик, жасуона ва фожиали воқеаларнинг гувоҳи бўласиз.

Ҳозирги даврда муайян эътиқод, аниқ умид ва эзгу ниятларга эга, ўз мавқеи ва ҳукуқини англаган, билимдон, ўз ватани ва бурчига садоқатли фуқароларсиз ижтиомий тараққиёт бўлиши мумкин эмас. Шунинг учун ёш авлодни тарбиялашда унинг дунёқараши, билим даражаси, маданий ва сиёсий савияси, хулқ-атвори умуминсоний қадриятларга мос келиши энг муҳим аҳамиятга эга. Чунки инсон мавқеи жамият моҳияти билан бевосита боғлиқ бўлиб, шахс камолининг асосий манбаи жамиятда, унинг фаолияти билан боғлиқ ижтиомий муносабатлар тизимида эканлигини тарих тажрибаси тасдиқлаб берган. Инсон моҳияти масаласини, унинг жамиятда тутган ўрнини шахснинг дунёсини ифодаловчи ўзаро узвий боғланган эътиқод (иймон), ҳукуқ, бурч, диёнат (виждон), адолат, ҳалоллик каби қадриятлар орқали тўғри идрок қилиш мумкин. Аслида ҳар бир фуқаро ҳаётдаги ўрнини ва мавқеини ўз жамияти, ватани, теварак-атрофидаги муҳит (оила, меҳнат жамоаси, маҳалла ва ҳ.к.) олдидаги бурчи ва масъулиятини ички ҳис-туйғулари ва вижданни орқали чуқур тушуниб олса, у ижтиомий тараққиётнинг муҳим омилига айланади.

Табиийки, биз фуқароларимизнинг, айниқса, ёшларнинг дунёқараси ва онги қандай бўлишига бефарқ қарай олмаймиз, келажакда ҳам ҳар томонлама камол топган, билимдон ва ишбилармон, реал ҳаётни тўғри идрок қила биладиган, онгли ва фаол эркин шахсни тарбиялашимиз зарур. Эркин шахс яашаш мақсадини ва ўз мавқенини тўғри аниқлаб олишга, хурофий тасаввурлардан озод ҳолда, ақл-идроқи, куч-ғайратига ва виждонига таяниб, ҳалол меҳнат ва фаолият билан турмуш шароитини яхшилашга интиладиган бўлиши керак. Аммо кишилар орасида айрим иродасиз шахслар ҳам борки, улар турмуш қийинчиликлари олдида ожиз бўлиб, ахлоқсизлик ва нодонлик тўрига тез илинадилар ва оқибатда ижтимоий тараққиётга ғов бўладилар.

Бизнинг мустақил республикамиз янги жамият қуришга киришди. Аммо бундай тарихий жараён мураккаб ўтиш даврида пайдо бўлаётган ҳар хил қийинчиликларга дуч келмоқда. Бу ҳолат собиқ совет республикаларининг деярли ҳамма ерида нафақат иқтисодий ва маънавий қашшоқлик, балки ҳар хил ёвузлик ва тўқнашувлар, зўравонлик ва қон тўкишлар, кутилмаган зиддиятлар ва социал оқибатлар шаклида яққол намоён бўлиб кишилар онгига ўз таъсирини ўтказмоқда. Афсуски, бундай жараён тўлқинида ҳар хил даҳшатли ва хатарли чиқиндилар ҳам қалқиб чиқмоқда. Улар орасида айрим пайтларда ўзларининг ёвуз ниятларига етиш, ўз ҳукмини ўтказишга, турли широрлар ва ниқоблар билан мустақиллик туфайли эришган демократик қонуний давлат шаънига доғ туширишга интилаётганлар ҳам пайдо бўлмоқда, унинг асосий қонуни — Конституцияга қарши чиқмоқдалар. Айниқса, бундай фожиали аҳвол Тожикистон, Грузия, Озарбайжон, Чеченистон, Арманистонда намоён бўлди. Шундай мураккаб бир вазиятда Конституцион давлат ўз кучини кўрсатиши зарур. Президентимиз Ислом Каримов айтганидек, Ўзбекистоннинг мустақиллигига, ҳудудий яхлитлигига ва хавфсизлигига рахна соладиган, миллий ва диний адоваратни авж олдирадиган ва зўравонликни тарғиб қилувчи, Конституцион тузумга, ҳалқнинг демократик эркинликларига ва маънавиятига тажовуз қиласидиган шахслар ва жамоат ҳаракатлари қонундан ташқари бўлиши

зарур. Зеро, Конституциямизда ҳурфиксрилил, виждан ва эътиқод эркинлиги масалаларига катта эътибор берилган.

Ўтмишда ва ҳозир ҳам маънавий ҳаётимизнинг таркибий қисми ҳисобланган исломнинг хулқ-атворимизни, руҳиятимиз ва турмуш тарзимизни мустаҳкамлашдаги хизматини унтиш мумкин эмас. Аммо, катта сиёсат, давлат ишларида, замонавий халқаро муносабатларни самарали бошқаришда илм-маърифатга ва умуминсоний дунёвий қонун-қоидаларга риоя қилиш давр талабидир. Шунинг учун ҳам Конституциямизнинг 31-моддасида: "Ҳамма учун виждан эркинлиги кафолатланади. Ҳар бир инсон хоҳлаган динига эътиқод қилиш ёки ҳеч қайси динга эътиқод қилмаслик ҳукуқига эга", деб ёзиб қўйилган.

Олий Мажлисда янгича қабул қилинган "Виждан эркинлиги ва диний ташкилотлар" тўғрисидаги Қонун ҳаммага — ҳукумат идоралари ва давлат арбоблари, диний ташкилотлар ва барча фуқароларга таалуқли бўлиб, Конституциямизга жуда мос келади. Унга ҳаммамиз чин қалдан ва ҳурмат билан амал қилишимиз зарур. Бутун эл-юрт бу Қонунни шунчаки хўжакўрсинга эмас, балки чуқур ўрганиб, юраги билан ҳис этса ва тўғри англай олса, ўлкамизда осойишталик ва тинчлик бўлиши, шубҳасиз.

Афсуски, виждан эркинлиги Қонунига зид ҳолда айрим ақидапарастларнинг дин ниқобида турли-туман ҳурофий ташвиқотлар билан баъзи кишилар фикрини чалғитиб, уларни маънавий қашшоқлик йўлига чорлаётгани жуда ачинарли ҳолдир. Йирик дин арбобларидан бири айтганидек, "йўқ ердагини йўндириб, беозор ва беғубор художўйлардан сиёсатдонлар ясад, тиниқ сувни лойқалаштириб, балиқ овламоқчи бўлаётган қалбан ва имонан номукаммал кимсалар" борки, бундайларга бепарво қараб бўлмайди. Ҳатто, айрим фундаменталист ақидапарастлар илмий билимларга зид ҳолда жаҳон тарихини фақат ислом асосида ўрганиш зарур, дейдилар. "Исломни чуқур ўрганмасдан туриб, — деб ёзади шундай ақидапарастлардан бири, — ўзбек адабиёти, санъати тарихини, халқимиз табиати ва савиасини, миллий одатларини ва яна муҳими, илму фан, фалсафа ва тафаккур тарихини ўрга-

ниш мумкин эмас". Бундай бирёқлама ёндашиш ёш авлодни тарбиялашга, қолаверса, мамлакатимизнинг истиқболига катта путур етказиши мумкин.

Маданият юксалган ҳозирги замонда ҳам баъзан узоқ ўтмишдаги сингари социал ва миллий низолар турли-туман беъмани ғоялар ва хурофий тасаввурлар шаклида намоён бўлиб, минглаб кишиларнинг ёстигини қурилмоқда, шаҳар ва қишлоқларни вайронага айлантирумокда. Президентимиз кўрсатганидек, "буғунги кунда хавфсизлик ва барқарорлик йўлида пайдо бўлаётган таҳдидларга тегишли муносабатда бўла олишнинг ўзигина етарли эмас. Мавжуд хавф-хатарларнинг табиатини тўғри тушуниб етишимиз керак. Уларнинг манбаларини ва ўзаро алоқаларини вақтида аниқлашимиз даркор"<sup>1</sup>. Бунинг учун ҳам ўтмиш сабоқларини билиш, тарих тажрибасини жиддий ўрганиш зарур.

Республикамиз мустақилликка эришгандан сўнг барча хурофий таълимот ва тушунчалардан озод умуминсоний ғоялар ва миллий хусусиятларни ўзида мужассамлаштирган янги жамият қуришга киришди. Бундай мастьалиятли тарихий вазифани бажаришда шу янги жамиятга хос, бозор иқтисодига асосланган мафкура руҳидаги эркин, жасур ва билимдон фуқароларни тарбиялаш биринчи даражали вазифа этиб қўйилди. Юқорида қайд қилинганидек, энг қудратли ишлаб чиқарувчи кучлар, илм-маърифат, фан ва техника ёшларни умуминсоний қадриятлар руҳида, ўзлигини таниган ватанпарвар, мустақиллик ғояларига содиқ қилиб тарбиялашда ҳал қилувчи роль ўйнайди. Илк ўрта асрларда яшаган буюк мутафаккир Абу Райхон Беруний: "Агар илм-фан нур сочиб турмаса, яхшиликтини ёмонликдан ва ёмонликни яхшиликтан фарқ этиш мушкул бўлиб қолур эди", деб бежиз айтмаган. Шарқнинг улуғ сиймоларидан ажойиб файласуф Носир Хисровнинг: "Жаҳолат — ўлимдур, билим — тириклик", деган сўзлари ҳеч қачон ўз кучини йўқотмайди.

Демак, даставвал, мустақил республикамизнинг порлоқ келажаги, халқимизнинг тўқ ва фаровон турмуши ҳам фан-техника ва илм-маърифат билан бевосита боғлиқ.

<sup>1</sup> Ислом Каримов. "Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари", 11-бет.

Шуни алоҳида қайд қилиш лозимки, ҳозирги пайтда шахснинг индивидуал белгиларигина эмас, балки унинг тафаккур ва виждан эркинлиги асосида маънавий бойликка, ахлоқий покликка, жисмоний камолотга етказадиган ёки унга тўсқинлик қиласидиган барча шарт-шароит, восита ва омилларни билиб олиш ниҳоятда муҳимдир. Президентимиз Ислом Каримовнинг қатъиян ва одилона кўрсатганидек, истиқлолга юз тутган келажаги буюк республикамиз олдида турган "эндиги асосий вазифа кишиларимизнинг мустақил фикрлашга ўрганиши, ўзига ишончининг орта боришидир. Чунки тафаккур озод бўлмаса, онг ва шуур тазиикдан, қулликдан кутулмаса, инсон тўла озод бўла олмайди"<sup>1</sup>. Бу доно фикрнинг нақадар тўғри эканлигини тарих тажрибаси кўп марта тасдиқлаган.

---

<sup>1</sup> Ислом Каримов. "Маънавий тикланиш йўлида". Т., "Ўзбекистон", 1998, 274-бет.

## **ИЛМ-ФАН, МАЬНАВИЯТ ВА ЭЪТИҚОД**

Антик замон мутафаккирларидан бири инсон учун энг муҳим ва қизиқарли омил инсоннинг ўзи, деган экан. Асрлар давомида киши нафақат теварак-атрофдаги табиатни, балки ўзини ўзи билишга, ўз моҳиятини тушунишга, жамиятда тутган ўрни ва мавқенини аниқлашга, ҳаётида учрайдиган турли муаммолар ҳамда ўз тақдирини тушуниб ҳал қилишга интилиб келган. Ҳозиргача инсон табиатида, унинг ички ҳиссий туйғулари ва тафаккурларида ҳали ўрганилмаган ва ечилмаган жумбоқлар борки, уларни фақат фан, техника ва илмий тадқиқотлар орқали билиш мумкин. Чунки инсон ижтимоий тараққиётнинг бош омили бўлибгина қолмай, шоир айтганидек у дунёдаги энг олий мавжудот ва чексиз коинотнинг бебаҳо ноёб тожидир.

Илк жамиятлар пайдо бўлганидан кейин, айниқса, антик қулдорлик давридан бошлаб, инсон моҳияти ва қадри мутлақо янгича талқин қилина бошлаган. Эрксиз қуллар кўпчиликни ташкил қиласа-да, улар одам ҳисобланмасдан ишчи ҳайвон даражасига туширилган. Инсон ва инсонпарварлик фақат ҳукмрон табақаларга хос бўлган. Антропологик, яъни одам ҳақидаги муаммолар эркин фуқаролар тақдири, уларнинг ҳис-туйғулари, маънавий ҳаёти ва жисмоний қиёфаси, ахлоқи ва майший турмушини қамраб олган ва барча фалсафий, эстетик, диний таълимотларда ўз ифодасини топган.

Диний мафкура тўлиқ ҳукмронлик қилган ўрта асрларда феодализм тузуми юзага келиши билан инсон эркинлиги ва тафаккури маънавий жиҳатдан ақидавийлик қонун-қоидаларига бўйсундирилган. Масалан, христиан дини илоҳиёти ва фалсафаси инсон муаммоларига ало-

ҳида эътибор беради. Унинг худоси одам шаклида таърифланиб, инсоннинг барча табиати ва фаолияти худо образига бўйсундирилади. Феодал ҳукмронлик қилган иқтисодий ва ижтимоий-сиёсий тузумда шахсни бутунлай қарам қилган крепостной ҳукуқ асосида итоатгўйлик тартиблари муқаддаслаштирилган эди. Жаҳон динларидаги ягона Парвардигор образи диний таълимотга биноан энг олий даражадаги идеал сифатида намоён бўлади. Ҳар бир тақвадор инсон бутун ҳаёти ва фаолиятини ўша идеалга эришишга интилиши шарт ҳисобланади. Бунинг учун киши барча ақл-идроқи ва иродасини худога, яъни илоҳий кучга итоат қилишга бўйсундириши зарур. Марксизм таълимоти ҳам асли ақидавий эътиқодлар даражасига кўтарилиб, кишиларни "порлоқ келажак" гоясига итоат қилишга чорлаб, деярли бир ярим аср давомида миллионларнинг эътиқодига айланди. Жаҳонда социалистик тузум емирилиши туфайли унинг сохта таълимот эканлиги аён бўлди.

Инсон ўз моҳиятини оламни билиш, ўтмиш сирларини ўрганиш, эски хатоларни бартараф қилиш, янги ҳаёт бунёд қилишда тўхтовсиз изланишлар, жиддий курашлар орқали аниқлаб олади. Ўтмиш хотираси маънавий ва маданий тараққиёт учун муҳим омиллардан бири бўлса, асрлар давомида тўпланиб келган тажриба инсоннинг камол топишида энг зарур замин ҳисобланади. Чунки инсон табиат яратган биологик мавжудот бўлибгина қолмай, даставвал, меҳнат фаолияти туфайли муайян табиат ва тафаккурга эга бўлган ижтимоий шахсдир. Узоқ вақт файласуфлар еча олмаган асосий сирли жумбоқ ҳам шундаки, инсоннинг моҳияти унинг меҳнат фаолияти билан боғлиқ. Инсонни шахс сифатида юзага келтирган, унинг ижтимоий қиёфасини шакллантирган, ўзини-ўзи англашига, ҳаёт мақсадларини ва маънавий дунёсини тушуниб олишига сабаб ҳам унинг ижтимоий меҳнат фаолиятидир.

Демак, инсон моҳияти жамият моҳияти билан узвий боғлиқ, шахс камолининг асосий манбаи ҳам жамиятда, у фаолият кўрсатаётган муайян ижтимоий муносабатлар тузумида. Инсон ўзини шахс сифатида фақат жамият яратган ва яратсаётган моддий ва маънавий бойликлар таъми-

ри остидагина эмас, балки ўша муносабатлар мажмуи сифатида, объектив муҳитга фаол таъсир этиш орқали намоён қиласди. Шахс муайян тузумга қарам шахс бўлиб-гина қолмай, меҳнати, ақл-идроқи, хулқ-атвори, маданий савияси, билим даражаси билан жамиятдаги ўз ўрни-ни аниқлаб олади.

Маданий бойликларнинг яратилиши киши ва табиат орасидаги муносабатни мустаҳкамлайди ва унинг ижти-моий моҳиятини кучайтиради, ўз навбатида ижтимоий меҳнат бунёд этган моддий ва маданий маҳсулотнинг киши томонидан ўзлаштирилиши унинг маънавий дунёсини бо-йитади. Инсон ўз онги туфайли тўплаган тажрибаси асо-сида яратган тараққиёт дастурини келажак авлодларга ет-казади. Киши туғилиб вояга етгач, эсини таниши билан барча ўтган аждодлар касб этган моддий-маданий ютуқ-ларга таяниб, уларни амалий ва назарий жиҳатдан ўзлаштирган ҳолда ўзининг маънавий қиёфасини шакллантира-ди, янги маънавий эҳтиёж, идеал ва орзу-умидларини яратади. Муайян тузум одамни шундай йўл билан тарбия-лайдики, айрим шахс бугуннинг ҳаётига қўшилиб кетади, бугун эса замон мағкураси ва ғоялари билан ҳар бир шахс-нинг онгидаги акс этади.

Инсон ўзининг амалий ва ижодий фаолиятида бир вақт-нинг ўзида, жамият маънавий маданиятининг ҳам яратувчиши, ҳам истеъмолчиси сифатида намоён бўлади. Маъна-вий эҳтиёжларни қондириш жараёнида индивид шахс си-фатида шакллана боради, унинг дунёқарашида муайян хулқ-атвор, идеал орзулар, билим ва эътиқод пайдо бўлади. Шахс ўз моҳияти, ҳаётдаги ўрнини аниқлаш билан бирга жамият, теварак-атрофи, яъни ўз жамоаси, оила муҳити олдидаги бурчини ва масъулиятини ички ҳис-туйғулари ва вижданни орқали чукур тушуниб, унга қаноат ҳосил қиласди.

Ҳар қандай жараён ҳам ўз тараққиётида ички ва таш-қи томонлари билан боғлиқ ҳолатда рўй беради. Инсон ҳам ибтидоий жамиятдаёқ шахс сифатида шакллана бош-лаган даврдан ўзининг ички олами — ҳиссиёти, тафакку-ри, туйғуларини юзага келтириб, даставвал, меҳнат фао-лияти ва теварак-атрофдаги муҳит таъсирида энг оддий ҳолатдан юқорилаб, пировардида онгли мураккаб мав-жуот сифатида намоён бўлади. Табиатнинг юксак маҳ-

сулоти ҳисобланган киши онги борлиқнинг инъикоси сифатида пайдо бўлиб, унинг ички дунёсини ифодалайди. Унинг ташқи томони жисмоний тузилиши ва физиологик фаолияти билан боғлиқ объектив ҳолатдан иборат. Инсон табиат бошлаган бунёдкорликни давом эттириб, теварак-атрофида ўзига зарур мұхит — "инсон оламини" яратади. Асрлар давомида тўпланган билимлари, техника ва технология, ижодий меҳнати асосида яратилган "сунъий табиат" дунёси киши билан табиат орасидаги мувозанат ва гармонияни юзага келтиради.

Маълумки, моддий неъматлар яратиш киши фаолиятининг энг мұхим ва биринчи зарурияти ҳисобланади. Чунки кишилар озиқ-овқат, кийим-кечак, уй-рўзгор ва бошқа моддий буюмларсиз яшай олмайдилар ва бу буюмлар унга табиатда тайёр ҳолда ёки файритабиий куч орқали етказиб берилмайди. Ҳаттоқи киши тайёр текин ҳавони ҳам, буюк мутафаккир Гегель айтганидек, меҳнат орқали истеъмол қиласи, чунки совуқ пайтлари уни қиздириш зарур бўлади. Аммо инсон фақат моддий буюмлар, озиқ-овқат билан тирикчилик қилмайди. Кишилар асрлар давомида ижодий меҳнат асосида ўз дидига маъқул бўладиган турли-туман буюмлардан ташқари, ҳар кунги ҳаётида аста-секин билимини ошириб, табиат сирларини ўрганиб, теварак-атрофдаги гўзалликлардан илҳомланиб, маънавий эҳтиёжларини қондиришга интилиб келган.

Инсон ички дунёсининг энг мұхим хусусиятларидан бири ҳам унинг маънавий озуқага ташналигидир. Ўзбекистон Президенти И.А.Каримов ўзининг "Истиқдол ва маънавият" номли асарида қайд қилганидек, "Маънавият инсонга ҳаводек, сувдек зарур. Саҳродағи сайёҳ ҳар доим булоқдан чанқофини босади. Ҳудди шунингдек инсон ҳам неча-неча азоблар ва қийинчиликлар билан маънавий чашмасини излайди". У овқатланиш, кийинишдан ташқари яшаш мақсадини билишга, ҳаётнинг моҳиятини аниқлашга интилади. Зарур нарсага эга бўлиш, тўлиқ ва моддий фаровонлик, чинакам ҳаёт учун дастлабки шароит унга моддий замин бўла олади. Чинакам баҳт-саодатга эришган инсон бўлиш учун одам юксак даражадаги маънавий дунёга эга бўлиши зарур.

Ҳақиқатга, адолатга, яхшиликка, гўзаликка интилиш фақат инсонга хос хусусиятдир. Шахснинг маънавий дунёси унинг билимидан ташқари ахлоқий ва эстетик тасаввурлари билан ҳам ифодаланади. Чунки инсоннинг қиёфа-си тафаккур ва билимдан ташқари ирода, ҳиссият, туйfy, ҳаяжон, завқ, ҳавас каби хусусиятлари билан белгилана-ди. Севиш ёки нафратланиш, ёмон кўриш ёки маъкул топиш, умид қилиш ёки бир нарсадан воз кечиш каби ҳиссий ҳолатлар ҳам инсон шахсига хосдир. Ҳатто ин-соннинг билимга интилиши ҳам ундаги оддий қизиқув-чанлик билангина эмас, балки муайян эҳтиёжлар, истак ва ҳиссиятлар асосида пайдо бўлади. Чунки теран би-лимга эга бўлиш учун билимни севиш, унга меҳр қўйиш зарурдир. Баъзан аксинча ҳам бўлиши мумкин. Чинакам билимга эҳтиёж қаҳр-ғазаб туйфуси асосида уйғониши мумкин. Хуллас, улуғ мутафаккир Гегель ибораси билан айтганда, дунёда ҳеч бир буюк нарса инсондаги буюк завқ-сиз яратилмаган.

Албатта ҳаётнинг ўзи ҳам инсон табиати сингари тур-ли зиддият ва қарама-қаршиликларга тўла. Асрлар даво-мида эзгулик, яхшилик, адолат, ҳақиқат учун кураш ин-сон қалбини ларзага солиб, унинг бутун ҳис-туйғуларига таъсир қилиб келган. Шунинг учун бир донишманд айт-ганидек, кишиларнинг ҳис-туйғуларисиз ҳеч маҳал ки-шиларда ҳақиқат қидириш бўлмаган, бўлмайди ва бўли-ши ҳам мумкин эмас. Илмий тафаккур ва хурофий ту-шунчалар орасидаги зиддият ҳам ҳақиқат учун кураш жараёнида яхшилик ва ёмонлик, адолатлилик ва золим-лик, ростгўйлик ва каззоблик каби ахлоқ категориялари орқали намоён бўлади. Кишининг амалий фаолияти ҳам қарама-қарши бирликдан — лаззат ва қийинчилик, баҳт ва мусибат, осойишталик ва жиддий кураш, майший омад ва турмуш мушкулликлари, хурсандчилик ва хафагарчи-ликлардан иборатдир.

Кишилар абадулабад эзгуликка эришиш, адолат ва ҳақиқат ўрнатиш, ёвуз ва қабиҳ ниятлардан, ярамас одат-лардан кутулиш йўлларини топишга интилиб келганлар. Киши баъзан қувонади ёки фазабланади, ёқимли ёки но-хуш, фойдали ёки зарарли, гўзал ёки хунук, одобли ёки беадаб ҳолатда бўлади. Мазкур ҳис-туйғулар ва тушунча-

лар бевосита инсоннинг маънавий дунёси билан боғлиқ бўлган нафосат ва ахлоқий тасаввурлар сифатида тарихий ўзгарувчан характерга эга бўлиб, ҳар даврда замона талабига қараб ўзига хос мазмун касб этади. Кишининг яшаш мақсади ҳам, барча маънавий эҳтиёжлари, эзгу умид-орзулари ҳам даставвал муайян тарихий, ижтимоий-иқтисодий муҳит билан белгиланади.

Ўтмишдаги мутафаккирлар кўпинча яхшилик ва ёмонлик манбанин инсоннинг мавҳум табиатида, унинг ҳузур-ҳаловатида, бахтта интилишида деб билганлар. Ҳатто баъзи алломалар ахлоқ-одобни, ҳаёт ва муҳит шароити билан боғлиқ яхшилик ва ёмонлик, хайрхоҳлик ва ёвузлик ҳақидағи тасаввурларни абадий ва ўзгармас деб таърифлаганлар. Аслида, чинакам қобилият ва ҳаққонийлик ҳам инсоннинг ахлоқий қиёфаси билан боғлиқдир. Пок қалбга ҳақиқат тез ўрнашади ва кенг очилади, ёвуз шахсларга чин ҳақиқат ётдир. Шунинг учун ҳам нодон кишилар учун қадимий ҳалқ ижодиёти ва донишмандларнинг доно фикрлари, эзгулик ва ҳаққонийлик тушунчалари мутлақо бегона. Антик замон мутафаккирлари гўзаллик фақат эзгуликда, деб бежиз айтмаганлар. Уйғониш даврининг таниқли адаби машҳур Сервантеснинг "Дон-Кихот" асарида бир аёл "чиройли бўлиш учун нима зарур?" деган саволига, "ахлоқий пок бўлгин!" деб жавоб олади. Улуг аллома Беруний "Ҳақиқатни билиш учун аввало ўз руҳингни кўпчилик кишиларни йўлдан оздирувчи (ёмон) хусусиятлардан, одамини ҳақиқат олдида кўр қилиб қўювчи сабаблардан, яъни одат бўлиб қолган кўникмалар — ҳавас, рақобат, хирсга бўйсуниш, ҳокимлик учун кураш ва шу кабилардан тозалаб олишинг лозим", деб насиҳат қилган эди.

Ҳақиқатни билиш билан ахлоқий идеалга интилиш инсоннинг амалий фаолияти ва ижодида намоён бўлади. Амалиёт (тажриба) ҳақиқатни аниқловчи дастлабки во-сита бўлса, объективлик уни билишдаги биринчи шарт-шароитdir: ҳақиқат ва эзгулик қўрқув ёки зўрлик билан эмас, онгли равища эътиқод орқали киши қалбига жо бўлади. Ҳақиқат, адолат, яхшилик кишига доимо завқ, гўзаллик ва ахлоқий кувват бағишлайди, унинг гармоник тарзда шаклланишида ва ахлоқий тараққиётида муҳим омил ва ёрдамчи ҳисобланади.

Буюк Шарқ мутафаккирлари ўрта асрлар даврида халқ манфаатларини ёқлаб инсон ахлоқи ва унинг баҳти ўз меҳнатида, эркин ижодида эканлигини куйлаганлар. Нариги дунёдаги насия баҳт ўрнига реал ҳаётнинг ўзида жаннат бунёд этишга чорлаган атоқли инсонпарвар олим ва ҳассос шоир Умар Хайём ахлоқий тараққиётнинг марказида доимо инсон тақдирни ва камолоти ётади, деб алоҳида қайд қилган эди. "Адолатни оламнинг тожи" деб ҳисоблаган, "ҳақиқат изловчи" номи билан машҳур бўлган Носир Хисрав ўзининг исёнкор шеърларида инсон ақлидрокини, меҳнати, одоби, ижодий қобилияти ва эркини улуғлаган, нодонлик, зулм, ёвузлик ва ижтимоий тенгизликтни аёвсиз қоралаган. Ҳусрав Дехлавий айтган экан: "Ҳар кимдаки бўлса яхши табиат, одамийлик юксак унда ниҳоят. Яхшиликдир яхши ишлар пояси, яхшиликдир гўзалликнинг moyasi".

Албатта, ўрта асрларда адолат, яхшилик, ёмонлик каби тушунчалар қандай шаклда намоён бўлмасин, маънавий жиҳатдан ўз замонасига хизмат қилувчи фоялар билан бевосита боғлиқ бўлган. Ҳатто, Марказий Осиё ҳудудида қулдорлик пайдо бўлган даврда жамиятда табақаларнинг ёрқин ифодаси сифатида ижтимоий-фалсафий фикрлар билан узвий боғлиқ зардуштийлик (зороастризм) диний таълимоти ҳукмрон тузумга тўла хизмат қилган. Мазкур таълимотнинг негизида дуалистик тасаввурлар, яъни икки ўзаро қарама-қарши куч — нур ва зулмат, эзгулик ва ёвузлик, яхшилик ва ёмонлик ётади ҳамда ўша даврнинг фоявий курашини ифодалайди. Антик замонда бундай фикрлар билан бир қаторда яхшилик ва ёмонлик, эзгулик ва ёвузлик худолари тўғрисидаги тасаввурлар ва афсоналар кенг тарқалган, уларнинг образлари тасвиirlanganган ажойиб ҳайкал ва расмлар яратилганлиги бизга антик замон тарихидан маълум.

Шуни алоҳида қайд қилиш лозимки, киши турмуш шароити, моддий ва маънавий ҳаётини ўзгартириш фақат ижтимоий муҳит билангина эмас, инсоннинг мустақил ақлидроки ва иродаси, шахс эркинлиги билан ҳам бевосита боғлиқдир. "Берганига шукур" қилиб, гайритабиий кучлардан мадад кутиб ўтирган нодон киши ҳеч вақт фаол ижодкор шахс бўла олмайди, унинг эрки, иродаси ва фаолият доираси ҳар томонлама чекланган бўлади.

Ҳаётда яхши орзу-ниятлар, эзгу умидлар тинч, булутсиз баҳтни англатмайди, чинакам баҳт-саодатга инсон фақат онгли меҳнат ва кураши орқали эришади. У қадим даврлардан бўён "Ҳақиқат, хайриҳоҳлик нима?", "Адолат ва фаровонлик нимадан иборат?", "Қандай яшаш керак ва баҳтни қандай топиш мумкин?", "Теварак-атрофдаги ижтимоий тузум ва социал мұхитнинг, табиатнинг ижобий ва салбий томонларини қандай фарқлаш ва тушуниш мүмкін?" каби кўплаб саволларга жавоб кутган. Лекин ибтидоий даврлардан бошлаб мазкур саволларга бериладиган жавоблар кўпинча хурофий тасаввурларга чулғанган, илоҳий афсона ва ғоялар билан сугорилган. Шунинг учун қадимги мутафаккирлар илмий билимларни, айниқса, фалсафани илоҳиёт билан боғлаб, икки хил ҳақиқат ҳақида мулоҳаза юргизганлар, улар асрлар давомида ҳатто илмфанни илоҳиёт хизматига қўйишга ҳаракат қилиб келгандар. Аммо илфор тасаввурга эга бўлган айрим мутафаккирлар фалсафани диндан ажратиб, уни бутун фанларнинг онаси, илмий билимларнинг асоси, борлиқни тушуниш синтези, деб ҳисоблаганлар. Ҳатто худони эътироф қилган бундай фикрни қадимги Юнонистоннинг энг машҳур донишманди Аристотель ҳам кўллаб-куватлаб, фалсафани "илмлар алифбоси", реал борлиқ тўғрисидаги билимларнинг универсал тизими, барча нарса ва буюмларнинг энг олий тамойили ва сабабларини ўрганувчи мantiқий билим, деб ҳисоблаган.

Абадий туганмас сирларга чулғанган борлиқни тўғри идрок қилишга интилиб келаётган инсон ибтидоий даврдан бошлаб ўзининг кундалик, хавф тўла мاشаққатли оғир ҳаётини тўғри аниқ билимлар билан енгиллаштиришга ҳаракат қилган. Билим даражаси ниҳоятда паст бўлган ибтидоий кишилар ҳақиқатни, борлиқ сирларини даставвал мифология, яъни турли-туман афсонавий ҳикоя, эртак ва ривоятлар орқали тушунтиришга интилганлар. Ёзув пайдо бўлгунча тўқилган ривоят ва қўшиқ, эртак ва ҳикоя, афсона ва достонларда халқнинг ижобий тажрибаси, инсоннинг ажойиб фазилатлари, юксак ахлоқий нормаларни ўзида мужассамлаштирган образлар яратилган.

Айрим олимларнинг таърифича, даставвал миф бадиий шаклда ҳар хил эътиқод, урф-одат, умид, орзу-ният,

одоб ва хулқ-атвор қонун-қоидаларини ўзида мужассамлаштирган. Ибтидоий мифлар бир томондан табиат ва инсон тўғрисидаги доно интуиция (ҳақиқатни бевосита пайқаш) билан мистицизм (файритабиий кучларга ишониш) тасаввурларининг мураккаб аралашмасидан иборат бўлса, иккинчи томондан, унда маънавий тушунчалар, ахлоқ нормалари, бадиий ижод ва киши тафаккурининг қудрати фантастик шаклда қарор топади. Мифда бир томондан киши ҳаётидаги яхшилик, эзгу ижобий фазилатлар акс эттирилса, иккинчи томондан салбий, ёвуз ниятли, ёмонлик келтирадиган образлар гавдаланади. Унда баъзан инсоннинг табиат устидан эришган дастлабки ғалабаси, ўтқир тафаккури ила чинакам ҳақиқатни идрок қила билиши билан бир қаторда йўл қўйган даҳшатли ҳатолари туфайли, бемаъни хурофий тасаввурларга берилиб, ҳар хил бефойда маросимларни бажариши каби қарама-қарши зиддиятлар мавжуддир.

Фалсафий тушунчалар муайян дунёқарашиб, ижтимоий онгнинг маҳсус шакли сифатида мифологиядан тубдан фарқ қиласи. Фалсафа оламга ва инсонга умумий қарашиб назарияси, табиат ва жамият ҳодисаларининг келиб чиқиши ва моҳиятини тушунтирувчи илмий тизим сифатида намоён бўлади. Фалсафа тафаккурнинг ташқи шакллари тўғрисидаги таълимот эмас, балки "барча моддий, табиий ва руҳий буюмлар" тараққиётининг, яъни дунёнинг бутун конкрет мазмуни ва уни билиш қонунлари тўғрисидаги таълимотдир. Аслида фалсафа фани оламни билиш тарихининг якуни, йиғиндиси ва холосаси сифатида намоён бўлган.

Қадимги Элладада илмий тафаккур тонгининг нурлари, аниқ фанларнинг дастлабки шаклланиши Шарқда авж олган йирик диний ҳаракатлар даврида рўй бера бошланган. Милоддан олдинги VII-V асрларда Ҳиндистонда янги диний эътиқод — жойнизм, Ўрта Шарқда зардуштийлик заминида пайдо бўлган, янги дин талабига мос дуалистик эътиқодлар, Хитойда буддизм таълимотига янги руҳ киритишга интилган конфуцийчилик шулар жумласидандир. Юнонистонда ҳам бу даврда янги диний оқим — орфизм кенг тарқалган эди. Ярим афсонавий қаҳрамон — шоир Орфей асос солган мазкур таълимот мазлум аҳолининг дун-

ёқараши — мифологияга қарама-қарши бўлган. Орфизм таълимотида жон билан жисмнинг мифологияга хос дастлабки бирлиги бузилган. Инсоннинг билувчилик қобилияти худони мушоҳада қилишга қаратилган эди. Мифологияда охиратдаги ҳаёт ердаги ҳаётнинг давоми ҳисобланиб, жон қандайдир жисмий вужуд деб қаралган, орфизм эса оламни худо яратган деб, охиратдаги ҳаётни роҳат-фароғат билан, ердаги ҳаётни азоб-уқубат билан боғлаб, жоннинг жисмидан ажралиб чиқиши тўғрисидагиояни тарғиб этади. Жисм гуноҳга ботган бўлиб, у ўлади, жон эса пок ва абадий яшайди.

Кўп мамлакатларда илк давлатлар пайдо бўлган даврда табиат ва инсон бирлигига асосланган мифология инқизорзга учрайди. Илгари оламни диний образлар орқали идрок этган шахс эндиликда борлиқни фалсафий тарзда тушуна бошлайди. Натижада дастлабки афсонавий тасаввурлар оламни идрок қилишдаги янги тасаввурларга зид келади.

Маълумки, "философия" сўзи қадимги Юнонистонда милоддан аввал пайдо бўлиб, иккита сўздан ташкил топган: "фило" /муҳаббат/ ва "софия" /донишмандлик ёки донолик/. Унинг маъноси "донишмандликка муҳаббат" ёки "доноликни севиш" демакдир. Ўзбек классик адабиётида "донишманд" сўзи "файласуф" маъносида ишлатилиди. "Философ" атамасини донишмандлик мухлиси маъносида Гераклит киритган. Унинг таърифича, "табиат сирли бўлишни истайди". Кимки шу сирни очса ўша файласуф, яъни донишмандлик дўстидир. Гераклит табиатни толмай ўрганишни васият қилиб, "фалсафа билан шуғулланувчи кишилар кўп нарсани билишлари зарур", деб айтган эди. Шунинг учун ўша даврларда билимга ҳавасманд, ҳар хил мамлакат ва ҳалқлар ҳаётини ўрганувчи зеҳнли сайёҳларни "файласуф" деб атаганлар, одам тўғрисидаги барча билимлар мажмуига "фалсафа" деб ном берганлар.

Илоҳиёт ҳиссиётга мурожаат қиласи, кўр-кўронада, бемулоҳаза итоатчиликни талаб этади ва эвазига нариги дунёда мукофот тарзида жаннатни ваъда қиласи, фалсафа эса ақлга, мантиққа мурожаат қилишга чақиради, шубҳани текшириб кўришни талаб қиласи, ҳақиқатдан

бошқа ҳеч нарсани ваъда қилмайди. Янги замон фалса-фаси барча буюмларни даставвал ўрганиб, кейин хулоса қиласди, илохиёт эса буюмлар тўғрисида, уларни ўрган-масдан мулоҳаза қиласди. Илмий фалсафа ғайритабиий кучларга ҳар қандай ишонишни мутлақо рад қилган ҳолда борлиқ сирларини ва муаммоларини илмий тафаккур орқали ҳал қилиш йўлларини ахтаради ва шу асосда ра-ционал тавсиялар кўрсатишга интилади.

Дин ҳам бошқа таълимот ва назариялар сингари ҳаёт масалалари, жумладан, инсон моҳияти, унинг мавқеи, яшаши каби муаммоларга ўзича жавоб беради. Дин инсон эътиқоди, маънавий дунёси, ҳис-туйғулари, ахлоқий ва эстетик тасаввурлари билан боғлиқ мураккаб дунёқараш бўлиб, у ўзича ҳаёт муаммоларини ечади ва жавоб беради. Динни оддий хаёлий афсона ва тоат-ибодатгина деб таърифлаб бўлмайди. Худо тушунчаси муайян эҳтиёж сифатида кишиларни биректириш, уларни қонун-қоида ва тартибга ўргатиш, ҳис-туйғулари ва дидини қаноатлантириш воситаси сифатида юзага келган. Диний таълимот ўтмишда киши маънавий эҳтиёжларини қондириб, табиат оламидаги ва ижтимоий ҳаётдаги хилма-хил ҳодисаларни, фантастик равишда бўлса-да, тушунтириб беришга интилган. Ҳозир ҳам барча динлар инсон олдида турган тури муммомларни замонага мослашган ҳолда талқин қиласди.

Элшунос ва диншунос олим С.А.Токарев таъкидлага-нидек, барча динлар фоний дунё ёвузликларидан кутулиш, яхшиликка интилиш ғоялари билан сугорилган. "Диний таълимотлар, — деб ёзади у, — ниҳоятда турли-туман шаклдаги эътиқодларга, ҳар хил диний — мифоло-гик намуналарига қарамай, аслида, бир катта муаммони ҳал қиласди: кишилар ҳаётидаги ёмон (ёвуз)лик ва жабру жафолар қаердан пайдо бўлган ва улардан қандай кутулиш мумкин? Жавоблар ҳар хил бўлсада, мазмуни бир хил". Жаҳон динларининг ҳаммаси ҳаёт, яшащ таълимо-ти сифатида юзага келган, барча муқаддас китоблар (Авесто, Забур, Таврот, Инжил, Куръон)да мазкур ахлоқий-тарбиявий масалалар асосий ўринни эгаллайди. Буюк рус ёзувчиси Л.Н.Толстой ҳар бир инсон учун дин бош масала, уни ҳаёт мақсадларига берилган жавоб, деб таърифлайди. Ф.М.Достоевский эса ҳар бир халқقا хос диний

эътиқоднинг асосий моҳияти яхшилик ва ёмонликни ажратиша, деб ҳисоблайди.

Жаҳон динларининг яшовчанлиги аслида унинг умуминсоний қадриятларга таяниб, инсон ахлоқий ва руҳий камолотига зўр таъсир ўтказиб келганлигидadir. Ўзбекистон Республикаси Президенти Ислом Каримовнинг 2000 йил сентябрида Тошкентда бўлиб ўтган диндорларнинг халқаро анжумани иштирокчиларига табрикномасида динга шундай баҳо берилган: "Дин инсон руҳини поклаши, одамлар ўртасида меҳр-оқибат туйгуларини мустаҳкамлаши, миллий анъаналарни асрашга хизмат қилиши билан ҳар қандай жамият ҳаётида муҳим ўрин тутади."<sup>1</sup> Бунга мамлакатимиз тарихида диннинг тутган ўрни яққол далил бўла олади.

Ўзбекистон азал-азалдан қадимий динлар ривож топган макон сифатида дунё цивилизацияси тарихида алоҳида мавқега эга. Бизнинг кўп миллатли ўлкамизда бугунги кунда мусулмонлар билан бир қаторда кўплаб диний конфессия вакиллари ёнма-ён, аҳилликда, ҳамкорлик қилиб яшаб келаётгани барча динларнинг моҳияти эзгулик ва яхшиликка хизмат қилишдан иборат эканлигининг тасдиғидир. Бу муборак заминда бизнинг аждодларимиз бошқа дин вакилларига доимо ҳурмат билан қарагани, мана шу юрт озодлиги йўлида улар билан бирга кураш олиб боргани, мустақиллик ва демократияни мустаҳкамлаб янги жамият барпо этишда елкадош бўлиб, ҳамкорликда меҳнат қилаётгани барчага аёндир.

Диний дунёқараш орқали инсон асрлар давомида ноҳақлик, адолатсизлик каби ҳукмрон тартибларга қарши норозилигини билдирган, аммо шу билан бирга "бағри тош дунёга" нисбатан ўзича итоатгўйликни сингдириб келган. Айрим кишилар борлиқ олдида ожизлиги туфайли ғайритабиий кучга итоат қилиш, гўёки абадий яратилган илоҳий тартиб-қоидаларга бўйсунишни зарурият деб тушунганлар. Улар турмуш шароитига фаол таъсир ўтказиш ўрнига бутун маънавий дунёси ва хулқ-авторини барча маҳлуқлар устидан ҳукмрон ҳисобланган олий мавжуудотга мослаштирган.

<sup>1</sup> "Ўзбекистон адабиёти ва санъати", 2000 йил 15 сентябр.

Диний таълим оламни иккига бўлади: бир томонда — гўёки парвардигор яратган ҳар кунги турмуш муҳити ва инсон ҳаёт фаолияти, иккинчи томонда — қандайдир илоҳий куч — худо ва у билан боғлиқ ҳар хил инс-жинслар мавжудлиги ва уларга бемулоҳаза итоат қилиш зарурлиги. Диний таълимотларга қараганда итоатгўйлик "худонинг қудрати" билан пайдо бўлган. Барча динларнинг руҳонийлари яқдиллик билан табиатда ва жамиятда рўй берадиган турли даҳшатли мавҳум ҳодисаларни худо қудрати билан боғлаб, кишиларнинг гайритабиий куч олдида ожиз эканлигини таъкидлаб, унга ҳар томонлама итоат қилиш керак, деб тарғиб қиласидар.

Илмий билимлар кўр-кўрона итоатгўйликни инкор қиласиди. Албатта, киши учун ишонч ниҳоятда зарурдир. Лекин кишининг ишончи кўр-кўрона эмас, балки чукур билим асосида, яъни бир нарса ёки ҳодисанинг чинлигини ва унинг моҳиятини аниқлаб, тушуниб олиш асосида пайдо бўлса ижтимоий тараққиётга ижобий таъсири қиласиди.

Шуни ҳам алоҳида қайд қилиш лозимки, диний эътиқодлар худо, пайгамбар, фаришта, иблис, авлиё, арвоҳ ва бошқа хил инс-жинслар билан боғлиқ тушунчаларгина бўлиб қолмай, балки асрлар давомида шаклланиб келган турли урф-одатлар, ижтимоий ва оиласи турмуш нормаларини белгилаб берувчи қонун-қоида ва ахлоқ кодекси ҳамдир. Дин кўп мамлакатларда узоқ давр қонунчилик, суд ишига ва ҳатто ҳалқаро муносабатларга ҳам аралашиб, ўз таъсирини ўтказиб келган ва келмоқда. У билан айrim кишилар, яъни руҳонийлар бутун онгли фаолиятини, истеъоди ва умрини bogлаб келганлар. Ҳозирги даврда айrim мамлакатларда диний партиялар, диний касаба ташкилотлари ва бирикмалари ҳам мавжуд.

Диний тасаввурларда асрлар оша авлодма-авлод ўтиб шаклланиб келган миллий урф-одатлар, ижтимоий ва оиласи турмуш анъаналари ҳам ўз аксини топган. Одат кишининг иккинчи табиати ҳисобланади ва шунинг учун ҳам у зўр консерватив кучга эга. Баъзан диний тусга кирган ижобий урф-одатларни эскирган салбий дастурлардан ажратиш қийин бўлади. Шунинг учун ҳам айrim кишилар ҳануз сақланиб келаётган баъзи хурофий дастурларнинг моҳиятини тушуна олмай, уларни миллий анъаналар

билан аралаштириб юборадилар. Диний эътиқод ва дастурларнинг келиб чиқиши ва моҳиятини тўлиқ тушуниш учун кишиларнинг турмуш шароити, оламни билиш қобилияти, тафаккурини, яъни диний эътиқодларнинг ижтимоий ва гносеологик илдизларини ҳам ўрганиш зарур.

Юқорида қайд қилганимиздек, дин ўзига яраша дунё-қараш сифатида табиат оламидаги ва ижтимоий турмушдаги хилма-хил ҳодисаларни илоҳиёт билан боғлаб фантастик равишда бўлса-да тушунтириб беришга интилади. У муайян таълимотлар тизими шаклида табиий ҳодисаларни, турмуш масалаларини, ижтимоий ўзгаришларни ўзича ечади ва бу таълимотларга кўр-кўрона ишонишни ва итоат қилишни талаб этади.

Албатта, дин ҳукмрон бўлган қадимги ва ўрта асрлар даврида Шарқ халқлари ўзларининг азалий орзу-умидларини, инсонпарварлик, яхшилик, тенглик, биродарлик ғояларини муайян ижтимоий муҳит таъсири остида диний шаклда ифодалаганлар. Ҳаттоқи муқаддас китобларда ҳам бирталай гайритабиий, хомхаёл ривоятлар ичida ҳалқ ижоди яратган зўр бадиий образлар, ажойиб ҳикматли сўзлар, дурдона фикрлар кўп учрайди. Шунинг учун ҳам муқаддас китоблар ҳозиргача ўз мавқенини сақлаб келмоқда. Авесто, Таврот, Инжил, Қуръон ва ҳадисларда ҳам дунёвий муҳаббатни, ҳақиқатни, инсоний фазилатларни улуғловчи ривоятлар, умуминсоний қадриятлар ва қонунқоидалар кўп учрайди. Бу жиҳатдан Тавротдаги Ездранинг иккинчи китобида фольклордан олинган битта ривоят диққатга сазовор. Унда дунёда нима энг кучли — шаробми, подшоми, аёлми ёки ҳақиқатми, деган мавзуда баҳс кетади. Ривоятда шундай ҳикоя қилинади:

"Эрон подшоси Доронинг ётоқхонасини қўриқловчи тўртта ўспирин йигит ўзаро баҳслашиб, ким ҳақлигини аниқлаш учун подшонинг олдига борадилар. Доро бутун Эрон ва Мидиядаги катта амалдорлар ва донишмандларни тўплаб йигитлар кўтарган муаммога жавоб беришни буюради. Биринчи йигит қуйидагича мурожаат қиласди: "Эй, улуғ арбоблар! Шароб қандай қудратли? У барча кишиларнинг кайфиятини кўтаради ёки бузиб ғамга солади. Маст киши дўст-биродарларини унутиб, баъзан уларга қарши қиличини қинидан чиқаради. Лекин эс-хушига келгач,

қилган ишларидан ўзи уялади, ғам чекади. Кишини шундай аҳволга соладиган шароб энг қудратли эмасми?". Иккинчи йигит эса: "Эй, улуғ арбоблар! Ҳаммани ўзига бўйсундирган энг кучли подшо эмасми?", дейди. Учинчи йигит сўзга чиқиб: "Эй, улуғ зотлар! Барча буюк подшолар ва эрлар ҳукмронлик қиласидиган шаробдан ҳам қудратли ким? Хотин эмасми? Аёл подшоларни ва барча кишиларни туқсан ... . Киши хотинсиз яшай олмайди. Агар киши олтин, кумуш ва қимматбаҳо тошларни тўплаб бойлик орттиrsa ҳам чиройли, гўзал аёлни учратса ҳеч қандай бойлик унинг кўзига кўринмайди. Подшонинг маъшуқаси унинг ўнг томонида ўтириб нозу карашмалар билан шох тожини олиб, ўз бошига кийиб, бетига шапалоқ уриб эркалаганини ўзим кўрганман. Шундай бўлса ҳам подшо маъшуқасидан кўзини айирмай, кулса кулиб, хафа бўлса суйиб эркалатган. Демак, хотиндан зўр куч борми? Тўртинчи йигит эътиroz қилиб бундай дейди: "Ҳамма нарсадан ҳақиқат буюк ва қудратли. Бутун олам ҳақиқатга интилади .... На харом шароб, на подшо ва на аёл, итоатгўй тақвадордирлар, инсоният фарзандларининг бари адолатсиз, уларнинг ишлари ҳам шундай, уларда ҳақиқат йўқ, шунинг учун улар ноҳақликдан ҳалок бўладилар. Ҳақиқат эса энг қудратли куч, абадулабад яшайди ва ҳукмронлик қиласиди. Унда юз-хотир қилиш ва кишиларни табақалаш йўқ, аммо у доимо одиллик тарафдори, адолатсизлик ва ёвузликни рад этади, уни ҳамма маъқуллайди. Унда ҳеч қандай мунофиқлик йўқ. Ҳақиқатда ҳам қудрат, ҳам подшолик, ҳам ҳокимлик, ҳам улуғворлик мужассамлашган". Шунда тўпланган амалдорлар баланд овоз билан: "Ҳақиқат буюк тантана ва ҳамма нарсадан кучли", деб хитоб қилишиди".

Ҳақиқат учун кураш асрлар давомида инсон қалби ва тафаккури, ижобий фазилатлари, адолат ва яхшилик учун кураш билан бевосита боғлиқ бўлиб келди, унинг йўлида қанча-қанча машхур шахслар қурбон бўлди. Ҳақиқат тушунчаси фалсафада ва ҳалқ тилида бир хил маънога эга эмас. Фалсафий нуқтаи назардан бу атама объектив ва субъектив, абсолют ва нисбий ҳақиқатларга бўлиб ўрганилади. Ҳақиқат воқеликнинг фикрдаги чинакам инъикиси, у кишиларнинг иродаси ва хоҳишига қараб тузил-

майди, балки акс эттирилган объектнинг мазмуни билан белгиланади. Чин ҳақиқат кўр-кўрона итоат асосида эмас, балки турмуш муаммоларини тўғри ҳал қилиш, аниқ исботлаш, жиддий мантиқий далиллар асосида ишонтириш йўли билан аниқланади. Шундагина ҳақиқат киши онгига, қалбига ва ҳиссиётига сингиб, унинг камол топишига ижобий таъсир ўтказади.

Фан фақат муайян талабларга таянган ҳолда ҳақиқатни билиш ва тушуниш истагидан бошланади, айрим шахсларнинг фикри ёки обрўйи билан эмас, балки ҳар томонлама текширилган, жиддий исботланган илмий хуносалардан ва танқидий анализдан иборатdir. Илмий тафаккур мослашишни билмайди, у фақат амалда аниқланган далилларга асосланади, унга енгилтаклик, итоатгўйлик, кўр-кўрона эътиқод ва тахминийлик ётдир. Фаннинг ички тараққиёт қонуни ҳам аслида ҳақиқатни билиш ва ўрганиш эҳтиёжидан ва танқидий изланишлардан ташкил топади. Олим учун ҳақиқат муайян буюм ёки ҳодисани ўрганишдаги билим манбаи ва таянчdir. Шу туфайли илм аҳли доимо буюм ва ҳодисаларни юзаки ўрганмасдан, яна ҳам чуқурроқ, кенгроқ ва ҳар томонлама ўрганишта, ҳақиқатни тўлиқ аниқлашга интилади. Кишининг виж-донлилиги ҳам ҳақиқатга бўлган муносабати билан белгиланади. Ҳақиқат қанча аччиқ бўлмасин, кишига доимо чинакам гўзаллик ва ахлоқий қудрат бағишлайди, унинг ҳар томонлама шаклланишида ва ахлоқий тараққиётида муҳим омил ва ёрдамчи ҳисобланади. Кишилар абадулабад яхшиликка эришиш, адолат ва ҳақиқат ўрнатиш, ёвуз ва қабиҳ ниятлардан, ярамас одатлардан қутулиш йўлларини топишига интилиб келганлар. Уларнинг бу йўлдаги изланишлари, юксак фоялари, азалий орзуумидлари оғзаки ижода, ҳар хил таълимот ва назарияларда ўз ифодасини топган.

Фалсафа нуқтаи назаридан муайян жамият ҳаёти муайян шароитнинг маҳсули ва унинг тақлид қилишга лойиқ ёки қораланиши лозим деб топилган яхшилик ва ёмонлик категориялари — кишиларнинг ижтимоий тарихий эҳтиёжларини қондириши ва шу эҳтиёжларни ифодаловчи илгор кучларнинг манбаатларига ёрдам бериши ёки тўсқинлик қилиши мумкин бўлган тушунчалардан иборат. Мазкур

тушунчалар ҳам тарихий ўзгарувчан характерга эга бўлиб, ҳар даврда замонасига қараб ўзига хос мазмун касб этади. Антик давр файласуфлари кўпинча яхшилик ва ёмонликнинг манбанин инсоннинг мавхум табиатида, унинг ҳузур-ҳаловатта, баҳтга интилишида деб билганлар. Ҳатто ахлоқ-одобни ҳаёт ва муҳит шароити билан боғлиқ деб қаровчилар ҳам яхшилик ҳамда ёмонлик ҳақидаги тасаввурларни абадий ва ўзгармас деб эълон қўлганлар. Илоҳиётчилар эса мазкур категорияларни худонинг иродаси ёки абсолют рухда деб билганлар. Буюк Шарқ мутафаккирлари, юқорида айтилганидек, ҳалқ манфаатларини ёқлаб, инсоннинг ахлоқи илоҳиёт билан боғлиқ эмаслиги, унинг баҳти ўз меҳнатида, эркин ижодида эканлигини куйлаганлар.

Киши турмушининг тараққиёти аслида эзгу орзу-ниятларга таянган инсон эркинлигининг ўсиши, ҳар хил объектив, субъектив ғовларни енгиги чиқиши орқали рўй беради. Ҳаётда яхши орзу-ниятлар тинч, беғубор баҳтни англатмайди, инсон баҳти фақат эзгулик йўлидаги ҳарарат орқали рўёбга чиқади. Социал зиддиятни, турмуш қийинчиликларини кўр-кўrona итоат ва тақдирга тан бериш йўли билан енгиги бўлмайди. Турмушдаги баҳт-саодат, яхшилик, адолат, ҳақиқат ва инсон эркинлиги учун кураш орқали ўрнатилади, уларсиз турмуш тараққиёти ва шахснинг камолоти ҳам бўлиши мумкин эмас. Юртбошимиз Ислом Каримов қайд қўлганидек, чинакам демократияга нафақат тинимсиз ақлий ва жисмоний меҳнат орқали, балки ҳаётнинг аччиқ-чучугуни тотиб, қийин, ҳатто фожиали тажрибаларни ҳам бошидан кечириб, оғир синов ва курашларга бардош берибгина эришиш мумкин. Киши қанча Эрксиз ва иродасиз бўлса, у хурофий тушунча ва тасаввурлар тўрига шунчалик чулғаниб, ҳаётнинг барча қийинчиликлари олдида ожизлик қиласди.

Хилма-хил воқеаларга бой давримизни, кун сайин ўзгариб бораётган турмушимизни, замонамизнинг барча гўзалликларини илмий тафаккурнинг қудратли ва ижодкор нурларисиз тасаввур қилиш мумкин эмас. Инсон нимани яратмасин — моддий неъматлар, автоматика ва телемеханикага асосланган ҳар хил завод ва фабрикалар, узоқ йўлни яқин қилувчи турли транспорт ва алоқа воситалари, гуллаб-яшнаётган катта-кичик шаҳар ва қишлоқлар, дабдабали ин-

шоотлар ва ранг-баранг багу бўстонларнинг пайдо бўлишида ҳар томонлама тараққий қилган фан ва техниканинг самарали ҳиссаси бор. Илмий тафаккур кишининг билим даражасини ниҳоятда кенгайтириб, табиатнинг янги ва янги сирларини очишга, чексиз коинотни забт қилишга, материянинг энг майда заррачалар оламини ўрганишга, борлик ва тараққиётнинг қонунларини кашф этиб, даҳшатли табиат кучларини жиловлашга, асрлар оша узоқ ўтмишга саёҳат қилишга ва ҳозирги давр ижтимоий воқеаларини чуқур ўрганиб, келажакни олдиндан кўришга имкон беради.

Албатта, фан ҳамма нарсани бирданига ва охиригача била олмайди. Лекин инсон тафаккурининг билиш имконияти чексиз: бугун биз кечагига нисбатан кўпроқ биламиз, эртага эса билимимиз бугунга нисбатан яна ҳам ошади. Улуғ мутафаккир шоир Абулқосим Фирдавсий ёзганидек:

Ҳар илмдан эшитсанг бир сўз,  
Ўрган уни кечаю кундуз,  
Бир шуъласи дилга тушган он  
Билурсенким, илм бепоён.

Ўрта асрларда диний таълимотни. Куръон ва ҳадисларни билиш ҳам илм ҳисобланган. Ҳатто дунёвий билимларни ҳам баъзилар Аллоҳни қалбга жо қилиш, унинг сифатларини чуқур ўрганиш ва таҳлил этиш воситаси деб билганлар. Айрим илоҳиётчилар Аллоҳ таълимотини ҳақиқий илм сифатида тан олганлар.

Шарқнинг буюк мутафаккирлари илм-фанинни юксак даражага кўтариб, унинг инсон учун энг муҳим омил эканлигини ўзларининг асарларида қайд қилганлар. Туркий адабиётнинг бизга маълум бўлган илк намуналаридан бири саналган "Ҳибат ул-Хақойик" асарининг муаллифи Аҳмад Юғнакий (VII аср) туркий элатларга исломий одоб қоидалари, маънавий-ахлоқий камолот сирларидан таълим беришга, илмий-билимларни ўрганишга чорлаган. Буни даставвал достондаги боб сарлавҳаларидан ҳам англаш мумкин. Масалан, ундаги биринчи боб ("Аннавъул-аввал") — "Илм манфаати ва жаҳолатнинг зарари ҳақида" деб аталган. Маълумки, Куръондаги илк нозил бўлган оятлар "Иқра!", яъни "Ўқи!" деб бошланади. Илмга ташвиқ этиш

ислом маънавиятигининг энг муҳим асосларидан бири эканлиги Аҳмад Юғнакий асарларида ўз ифодасини топган. Мазкур асар Муҳаммад пайғамбарнинг "Илм Чин элида бўлса ҳам ўрганинг" деган ҳадислари араб тилида келтирилган ва ушбу фоя туркӣ тӯртликлар шаклида шарҳланган. Муаллифнинг таърифича, "Саодат йўли билим билан билинади. Билим эгаси вафот этганда ҳам унинг номи боқий қолади, аммо билимсиз киши тиригига ҳам ўликтан фарқи йўқ", деб хулоса қилади у. Шоир билим эгаси бўлган аёл кишини эрлар қаторида кўради, билимсиз эркакни эса аёлдан ҳам заиф билади.

Аҳмад Юғнакий билимсизликни қоралаб, яна Расулуллоҳ ҳадисларидан: "Тангри ҳеч қачон жоҳилларни азиз қилган эмас", деган фикрни келтириб, илм қадрига фақат маърифатли одам етади, нодонга эса насиҳат бефойдадир, дейди. Унинг таърифича, билим туганмас бойлиkdir. У фақир кишини бой этади, илм аҳлини эса араб ҳам, ажам ҳам олқишлияди. XI-XII асрларда туркӣ тилда ижод этган Маҳмуд Кошғарий, Юсуф Хос Хожиб, Аҳмад Яссавий ва бошқа ислом оламининг буюк алломалари ижодига Аҳмад Юғнакийнинг таъсири зўр бўлган.

Айниқса Юсуф Хос Хожиб ўзининг "Қутадғу билик" ("Бахтга элтувчи билим") номли ажойиб асарининг бош қаҳрамони — ислом маънавиятигининг бош тимсоллари ҳисобланган Ақл ва Билимни эл-юрт, ҳалқ фаровонлиги йўлида хизмат қиласиган энг асосий омил деб ҳисоблайди. Унинг фикрича, агар Бойлик, Омад, Бахт ўткинчи бўлса, киши қўлида доимо турмаса, Ақл ва Билим уларнинг ўрнини боса олади.

Илк Ўрта аср маданиятигининг буюк намояндадаридан Маҳмуд Кошғарий асарларида ҳам илм ўрганиш ташвиқ этилади, жаҳолат, кибру ҳаво қораланади, саҳоват ва ҳиммат, инсонпарварлик ва билимдонлик улуғланади, илм аҳлига ҳурмат, мардлик ва хушёрилик ҳақидаги байтлари янграйди. Унинг машҳур "Девони"да инсонни илм-хунарга чорлайдиган сатрлар мавжуд:

Олим киши сўзидан олгил ўгит,  
Эзгу сўзни эшитсанг дилга сингар.  
Илм-ҳикмат ўргангин, бўлма қайсар,  
Ҳиммати йўқ мақтанчоқ йўл йўқотар.

Улуғ мутафаккир Форобийнинг фалсафий таълимоти моҳиятига кўра илоҳиёт қаломидан тубдан фарқ қилиб, илмий ғоялар билан йўғрилганлигини тадқиқотчилар қайд қилганлар. Унинг асарларида, айниқса, "Илм ва санъатнинг фазилатлари" рисоласида илм, билиш ва ақл ҳақидаги таълимот анча изчил ва мукаммал тадқиқ этилган. Мазкур фикрлар унинг инсон ҳақидаги таълимотлари учун хизмат қиласи ва унга бўйсундирилади.

Носир Хисрав таърифича, илм ва ақл одамни ҳақиқий инсон рутбасига эриштирса, нодонлик эса уни одамийлик даражасидан четлантиради. Унинг "илм" тушунчаси фақат диний ақидалар билан чекланиб қолмай, балки бутун дунёвий билимларни ўз ичига олади. Носир Хисравнинг фикрича "Кишилар орасида ақллилари ақлий лаззатга интилади. Шундагина у умумий лаззатга эришади.Faқат одам илм ўрганишдан лаззат топади, бу ҳис ҳайвонларда йўқ, илмнинг ҳар бир погонаси яна юқори-роқ погонага олиб келади, демак, билимнинг чегараси йўқ," — деб ёзади у "Зод ул-мусофирин" ("Сафар қилувчилар йўл анжоми") номли китобида.

Маълумки, моддий неъматлар яратиш киши фаолиятининг энг муҳим ва биринчи зарурияти ҳисобланади. Кишилар асрлар давомида ижодий меҳнат асосида астасекин билимини ошириб, табиат сирларини ўрганиб, инсон учун зарур бўлган хилма-хил буюмларни яратгандар. Сўнгги юз йилдан ошиқ давр ичидаги олимлар сунъий йўл билан тахминан бир миллион табиий химиявий бирикмаларни ҳосил қилганлар ва икки миллионга яқин табиатда аслида бўлмаган моддаларни яратгандар. Ҳозир шундай пластмассалар мавжудки, улар қаттиқлиги жиҳатдан жез, чўян, баъзан ҳатто пўлатдан қолишмайди, шу билан бирга мазкур металлардан тўрт-беш марта енгил. Инсоният пайдо бўлганидан бери биология фанининг ривожланиши туфайли муҳит ва шароитни ўзгартириш, сунъий танланиш ва урчиши йўли билан ўсимликларнинг бир неча минг янги навлари ва 400 дан ошиқ қорамол, 150 хил от ва 250 га яқин қўй турлари яратилган. Агар қадимги Юнонистонда олманинг атиги икки хил нави бор деб ҳисобланган бўлса, ҳозирги вақтда биргина Республикализ ҳудудида мингдан ортиқ олма нави мавжуд.

Фан ва техниканинг гуркираб ўсиши туфайли инсон оғир жисмоний меҳнатдан қутулиб, янада равнақ топмоқда. Юз йил мұқаддам инсон фойдаланадиган энергиянинг етмиш фоизи уй ҳайвонларидан, ўн беш фоизи инсон кучидан, олти фоизи сув, шамол ва кўмирдан олинган бўлса, эндиликда энергиянинг фақат уч фоизи инсон кучидан, бир фоизи ҳайвон кучидан, қолган 96 фоизи кўмир, газ, нефть, шамол, ер ости қайнар сувлари, сув оқими ва ҳоказолардан олинмоқда.

Табиат ва жамиятни эркин равишда тадқиқ қилишдаги ютуқлар ўтмишда асрлар давомида ҳукм сурган хурофот ва нодонлик билан муросасиз ва жиддий кураш натижасида қўлга киритилган эди. Фаннинг объектив борлиқни тўғри ўрганувчи ва ижтимоий тараққиётга ёрдам берувчи билимлар тизими сифатида танилиши учун ниҳоятда узоқ вақт керак бўлди.

Албатта, ҳозирги даврдаги кишилик жамиятини ўтган даврлар билан мутлақо таққослаб бўлмайди. Замонамиз ниҳоятда мураккаб ва хилма-хил сиёсий, иқтисодий, маънавий ўзгаришларга бой. Йирик ижтимоий тўнтаришлар ва ҳозирги илмий-техника инқилобининг таъсири остида неча юз миллионлаб кишиларнинг турмуш тарзи, онги тубдан ўзгариб кетди. Ҳозирги жамият ўзининг тузилиши жиҳатидан жуда ҳам улкан ва қарама-қарши динамик тузумдан иборатdir.

Табиийки, бундай мураккаб ва зиддиятли жамиятни бошқариш ва тўғри ижтимоий тараққиёт йўлидан йўналтиришга уни фақат ҳар томонлама илмий ўрганиш натижасида эришилади. Бундай оғир ва масъулиятли вазифани барча ижтимоий фанларнинг, шу жумладан, социология фанининг ютуқларига асосланган ҳолда амалга ошириш мумкин.

Замонавий илм-фан ва маърифатнинг энг ажойиб ҳислатларидан бири унинг инсонпарварлигидадир. Ижтимоий тараққиёт умумий қонунларининг ишлаш механизмини ўрганиш, жамиятни илмий бошқариш учун зарур амалий таклифларни ишлаб чиқиш, ижтимоий ўзгаришларни илмий асосда таснифлаш ва режалаштириши каби аниқ тадқиқотлар мавхум мақсадлар ёки илоҳиёт, охират, нариги дунё тушунчалари билан боғлиқ эмас, балки

киши тириклигига инсон учун, унинг эркин, ҳар томон-лама ривожланиши учун зарур шарт-шароит яратиб, уни баҳт-саодатли қилиш учун хизмат қиласди. Масалан, биз мустақил тараққиёт йўлига ўтиб янги жамият бунёд қилишга киришдик. Республикамизда миллий давлатга хос бўлган ижтимоий-иқтисодий, маънавий баркамол ва тараққий этган демократик ҳукуқий давлат яратмоқдамиз. Президентимиз кўрсатганидек, ҳозирги даврда "мамлакатни жадал ривожлантириш борасидаги дастурий ва-зифаларни амалга оширишда фанни ва илмий инфратузилмани ривожлантириш фоят муҳим аҳамиятга эга". Чунки илм-фан ва техника Ватанимизнинг миллий давлатчилиги ва иқтисодий мустақиллигини мустаҳкамлаш учун асос бўлиб хизмат қиласди. Бу олижаноб режаларни амалга оширишнинг ўзи қандай социал оқибатларга олиб келиши, янги ижтимоий муносабатларнинг шаклланишига ёрдам бериши мумкинлигини эътиборга олиш зарур. Бизда қандай моддий бойликлар, қандай техника яратилмасин, биринчи галда, унинг инсонга ва ижтимоий муносабатларга таъсири кўзда тутилиши шарт. Жамият тараққиётининг иқтисодий қонунлари кишига бевосита эмас, балки билвосита, ҳар хил моддий, маънавий омил ва шаклларда намоён бўлувчи ижтимоий қонунлар тизими орқали таъсир қилишини унутмаслигимиз керак.

Айрим шахснинг индивидуал белгиларигина эмас, балки шу шахсни маънавий бойликка, ахлоқий покликка ва жисмоний камолотга етказадиган ёки унга тўсқинлик қиласдиган барча шарт-шароит, восита ва омиллар ижтимоий фанлар дикқат марказида ҳам туради. Шахснинг шаклланишини бошқариш учун унинг тараққиётини белгиловчи умумий шарт-шароитни аниқлабгина қолмай, шахсни камолотга етказишга бевосита таъсир кўрсатадиган барча омилларни муфассал ўрганиш зарур.

Ҳозирги давр ижтимоий тараққиётининг асосий омили инсон эканлигини эътироф қиласак, жамият ва ҳокимият мавқеи ҳам инсонга бўлган муносабат, юксак гуманистик ғояларни амалга ошириш билан белгиланади. Мустақил республикамиз ўзининг ички ва ташқи сиёсати, барча амалий фаолиятида кенг омманинг, ҳар бир шахснинг фаровон, тинч ва осойиша турмуш кечириши, эр-

кин, тўқ ва соғлом яшаши учун имкон яратишни бош вазифа қилиб қўймоқда.

Афсуски, шундай мураккаб, масъулиятли бир даврда, бозор иқтисодиёти энди шаклланаётган бир пайтда, Президентимиз қайд қилганидек, айрим кишилардаги бепарвонлик, Ватан ва Миллат манфаатларига бефарқ қарашиб, бугунги ва келгуси авлодлар тақдиди учун масъулиятызлик ҳоллари уларнинг маънавий қашшоқлиги туфайли содир бўлмоқда. Хозирги мураккаб вазиятда Конституцион давлат ўз кучини кўрсатиши зарур. Ўргбошимиз ўзининг "Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари" номли асарида айтганидек, Ўзбекистоннинг мустақиллигига, ҳудудий яхлитлигига ва хавфсизлигига рахна соладиган, миллий ва диний адоваратни авж олдирадиган, зўравонликни тарғиб қилувчи, ҳалқнинг демократик эркинликлари, маънавиятга тажовуз қиласидиган шахслар, жамоат ҳаракатлари қонундан ташқари бўлиши зарур. Конституциямизда ҳурфиксиклик, виждан ва эътиқод эркинлиги масалаларига катта эътибор берилганлиги бежиз эмас. Юқорида номи зикр этилган асарда: "Айнан шуннинг учун ҳам маънавий жиҳатдан мукаммал ривожланган инсонни тарбиялаш, таълим ва маърифатни юксалитириш, миллий уйғониш foясини рӯёбга чиқарадиган янги авлодни вояга етказиш давлатимизнинг энг муҳим вазифаларидан бири бўлиб қолади", деб алоҳида қайд қилинган.



## ДИННИНГ КЕЛИБ ЧИҚИШИ ВА УНИНГ ИЛК ШАКЛЛАРИ

Ҳозирги замон фани кишилик жамиятининг пайдо бўлиши ва ижтимоий-иқтисодий муносабатларнинг шаклланиши тарихини анча аниқ ва ишончли тасвиrlаш имкониятига эгадир. Асrimiz қўлга киритган илмий тафаккур ютуқлари нафақат ижтимоий-иқтисодий тараққиётни, балки узоқ ўтмишдан шаклланиб келган маданий ва маънавий жараённи қайта тиклаш ва уни даврма-давр варақлашга, барча тарихий ва ижтимоий воқеаларни ҳаққоний таърифлашга қодир.

Одамнинг келиб чиқиши ва унинг онги ҳамда тафаккурининг шаклланиш жараёни анча мураккаб ва зиддиятларга тўла муаммодир. Бу муаммони ечиш, унга тўғри жавоб бериш мақсадида кўплаб мутафаккирлар бошлиқотирганлар, турли таълимот ва қарашларни яратганлар. Мазкур муаммо ибтидоий жамоа давридан бошлаб куртак отиб, илмий тафаккур ва диний тасаввурлар орасидаги турли шаклдаги қарама-қарши фикр ва мулоҳазаларга сабаб бўлиб келган.

Кейинги бир неча аср давомида олимлар орасида илмий ижобий билимлар олдин пайдо бўлганми ёки диний хурофий тасаввурлар, санъат олдин юзага келганми ёки диний мифология каби саволлар атрофида жиддий тортишувлар давом этиб келмоқда. Ҳозирги ғайриилмий таълимотга берилган Farb алломалари ва айниқса илоҳиётчилар гўёки диний тасаввурлар инсон пайдо бўлиши билан унинг қалби ва онгига сингдирилган, яъни туғма қарашлар деб исботлашга харакат қилиб келмоқдалар. Уларнинг фикрича, иймон, диний эътиқод, илоҳиёт масалалари одамзот тушуна олмайдиган, қандайdir ғайридан келган ҳис-туйғулардир.

Фарб тарихчилари сўнгги икки аср давомида диннинг дастлабки шакллари ва ибодатлар тўғрисида муҳокама ва мулоҳаза юргизиб келмоқдалар. Диннинг тарихи ва назариясига оид чет эл адабиётида энг кенг тарқалган умумий форя: "дин бутун даврларга ва барча халқларга хос универсал институт (ташкилот)дир". Демак, бундан хулоса қилиб айтиш мумкинки, дин инсон билан пайдо бўлган ва у билан абадулабад яшайди. Фарб тадқиқотчилари дастлабки диний эътиқодлар қандай, қайси шаклда намоён бўлган ва қандай белгилари асосий ҳисобланган, деган саволларга жавоб беришга интилиб, ҳар хил файриилмий назариялар, йўналишлар ва мазҳабларни яратганилар.

Албатта, ҳар бир дин, шу жумладан ислом ҳам, маҳсус диний фалсафа ва назарияларга таяниб, ўзини энг асл ва ҳаққоний деб ҳисоблайди. Бироқ, шунга қарамасдан, тарихда айrim шахслар диний ҳақиқат ва у ёки бу диннинг келиб чиқиши инсон табиати ва руҳияти билан боғлиқ эмаслигини исботлаш учун тажриба ҳам ўтказиб кўрганлар. Масалан, тарихий маълумотларга қараганда, буюк аждодимиз Бобурнинг набираси, XVI асрнинг иккинчи ярмида яшаган Ҳиндистоннинг "энг доно ҳукмдорларидан" Ақбаршоҳ, гарчи файриинсоний бўлса-да, фалати бир тажриба ўтказган. Атоқли давлат арбоби Жавоҳарлал Неру таърифлаганидек, ҳинд халқининг фаровонлиги учун кўп куч сарф қилган, "ҳинд миллатчилигининг отаси" деб танилган бу улуғ подшо ҳар хил диндаги кишилар билан диний мавзуда баҳс ва сұхбатлар ўтказиб келган. Бу баҳслар,— деб ёзади Неру, одатда, Ақбарни ўз динига киритишга интилган бошқа дин вакиллари ҳисобланган энг зўр уламоларнинг мағлубияти билан тугаган ва улар ўз мақсадига эриша олмаганлар.

Мусулмон ҳисобланган Ақбаршоҳ ҳиндуизм дини вакилига уйланиб, сиёсий фаолиятида виждон эркинлиги тарафдори бўлган. Ўз сиёсатининг тўғри эканлигини тажрибада исботлаш мақсадида ҳар хил мустабид халқ ва динга мансуб кишиларнинг энди туғилган 12 та фарзандини тортиб олиб, уларга қараб турувчи гунг энагалари билан бирга баланд деворлик айrim қасрга қамаб қўйишни буюради. Шу тариқа маҳбуслар ташқи дунёдан мутлақо ажратилган ҳолда 12 йил давомида қаср ичидан яшайди-

лар. Болалар 12 ёшга тўлгач, шоҳ ҳузурига турли ирқдаги ва динидаги машҳур олимум уламолар тўпланишиади. Бу ерда ҳозир бўлғаниларнинг деярли ҳаммаси диний ҳақиқат туғма, инсон муайян динга мансуб бўлиб туғилади, деган фикрни ўртага ташлаганлар. Акбаршоҳ бу фикрга қарши чиқиб, инсон камолотида дин ёки ирқ эмас, даставвал таълимтарбия ҳал қилувчи омил эканлигини айтади ва гунглар тарбиясида бўлган маҳбус болаларни келтиришни буюради. 12 йил мобайнида жамиятдан мутлақо ажратиб қўйилган болалар на бир тилни, на бир динни билмаганлар. Улар қандайдир ноаниқ товушлар чиқариб, ўз фикрини имо-ишоралар билан тушунтиришга ҳаракат қилганлар.

Бундай тажрибалар гарчи дин инсон психикасининг туғма хусусияти эмаслигини кўрсатса-да, умуман диннинг моҳияти ва келиб чиқишини илмий жиҳатдан исботлаб бера олмаган. Бу мураккаб жумбоқни фақат кейинги йилларда ўтказилган илмий тадқиқотлар асосида замонавий фан ўзича ҳал қилган. Аслида бевосита диннинг келиб чиқиши масаласига келганда, илмий нуқтаи назардан қайси тасаввурлар — объектив ҳаётнинг кузатилиши ёки хато ва хурофий қарашлар олдин пайдо бўлган деган фикр эмас, балки у ёки бу диний тушунчалар, ҳиссиёт ва ибодатлар қачон ва қандай тарихий шароитда дунёга келганлигини аниқлаш энг муҳим вазифа ҳисобланади. Шу билан бир қаторда, дин абадий ва туғма, доимо зарур ҳодиса бўлмасдан, уни муайян даврда жамият яратгандир, деган ғоя илмий диншуносликнинг асосий тамойилидир. Жаҳонда турли даврда пайдо бўлган юзлаб дин шакллари мавжуд бўлиб, улар дунёкараш сифатида ўз динини хақ деб биладилар. Файридиний тасаввурларни рад қиласилар.

Диннинг умумий тарихини фақат уни яхлит, муайян қонун-қоидаларга бўйсунган, ҳар хил зиддият ва қарамакаршиликлар жараёни билан боғлиқ, аслида ижтимоий иқтисодий тузум билан белгиланувчи ижтимоий онг шакли деб қараган ҳолда ўрганиш мумкин. Бу дегани ҳар бир динни унинг келиб чиқиши, тараққиёти, уни пайдо қилган конкрет тарихий шароит ва у яшаётган жамиятни ўрганиш ҳам демакдир.

Умуман длгайда дин тарихини уч даврга бўлиб ўрганиш мумкин. **Биринчи давр** — ибтидоий жамоа тузуми

шароитида диннинг келиб чиқиши ва шаклланиши. Бу даврда асосан кишининг табиат кучлари томонидан эзилганилиги натижасида унинг онгида сохта тасаввурлар пайдо бўлади. Иккинчи давр — социал табақаланиш ва давлат тузуми шароитида дин тўлиқ тараққий қилган бўлиб, эндиликда инсон фақат табиат кучлари олдида эзилибгина қолмай, тенгсизлик, социал зулм таъсирида унинг онгига қўшимча иллюзиялар пайдо бўлади. Учинчи даврда — илмий-техника тараққиёти таъсирида диндан қайтиш (секуляризация) жараёни кучайиб, диннинг оммавий таъсири бир оз сусаяди ва илм-маърифат устун турбашлайди.

Биринчи даврни ўрганишда антропология, археология, этнография, тилшунослик ва фольклор қўлга киритган ажойиб кашфиётлар асосий манба ҳисобланади. Палеантропология ва археология фанларининг маълумотларига қараганда инсоният тарихида ниҳоятда узоқ давр давомида энг қадимги ибтидоий аждодларимиз — австралопитеқ, зинжантроп, питекантроп, синантроплар ҳеч қандай диний тасаввурларни билмаганлар.

XIX асрнинг иккинчи ярмидан XX аср ўрталаригача археолог олимлар дунёning ҳар ерида — Осиёning ва Европанинг жанубий қисмларида, Африканинг кўп жойларида қазишмалар ўтказиб, энг қадимги одамлар суюгининг жуда кўп қолдиқларини топғанлар. Тадқиқотлар натижасида бу одамлар тахминан неча йил муқаддам, қайси даврда яшаганлиги аниқланди. Уларнинг маконларидан қазиб олинган ҳар хил буюмлар, меҳнат қуроллари, ибтидоий одамлар ов қилган ҳайвонларнинг суяклари ўрганилган.

1925 йилда Африкада австралопитеқ (лотинча "Австралис" — жанубий, "питекос" — маймун) деган ном берилган одамсимон маймуннинг суяқ қолдиқлари топилган. Тадқиқотчиларнинг фикрича, австралопитеқ ва бошқа антропоидлар бир неча юз минг йиллар давомида шаклланиб, ҳозирги онгли одам (гомо сапиенс)га яқин бўлган.

Кейинги йилларда Африкада ўтказилган тадқиқотларга асосланиб, олимлар одамнинг ҳайвонот дунёсидан ажрабиб чиқа бошлаш жараёни икки — уч, балки уч ярим миллион йил муқаддам рўй берган, деган фикрга келган-

лар. Чунончи, 1959—1960 йилларда Танганьика ўлкасидаги Олевай горида инглиз антропологи Луис Лики энг қадимги одамсимон махлукнинг тошга айланган сүяк қолдиқларини топган эди. Зинжантроп деб аталган бу маймусимон одам (мия қутисининг ҳажми  $530 \text{ см}^3$ ) тахминан 1 миллион 750 минг йил муқаддам яшаган. Антропологларнинг фикрича, зинжантроп дараҳтдан тушиб, ердаги ҳаётга ўтган, тош ва ёғочдан оддий қуроллар ясаш қобилиятига эга бўлган ва асосан ўсимлик таомларини истеъмол қилган.

Зинжантроп топилган жойнинг яқинида кашф қилинган бошқа бир одамсимон мавжудоднинг сүяги, унинг теварагидаги тош қуроллар ва ҳайвонларнинг сүяк қолдиқлари анча тараққий қилган ва тахминан икки миллион йил илгари яшаган махлукларга оид эканлиги аниқланган. 1960—1970 йилларда Африканинг Хадар, Омо дарёси водийси ва Рудольф кўли бўйида топилган "ишбилармон одам" (гомо габилис) сүяги қолдиқлари ва тош қуролларини тадқиқ қилиб, улар тахминан 2—2,5 миллион йил муқаддам яшаган, деб фараз қиласдилар.

Чинакам одамсимон махлукларга, шубҳасиз, ўзи оддий ишлаб чиқариш қуролларини ясай биладиган питекантроп (юнонча "питекос" — маймун, "антропос" — одам)-ни киритиш мумкинлиги исботланган. Унинг қолдиқлари дастлаб голландиялик олим Эжен Дюбуа томонидан 1891—1892 йилларда Ява оролидаги Соло дарёси атрофида ўтказилган қазишмалар натижасида топилган. Тадқиқотчиларнинг аниқлашича, питекантропнинг мия ҳажми тахминан  $940 \text{ см}^3$  экан. Миясининг ҳажмига кўра питекантроп ҳозирги одам (мия ҳажми  $1200—1500 \text{ см}^3$ ) билан олдин ўтган одамсимон махлук ( $600 \text{ см}^3$ ) ўртасида туради. Қазишмаларда топилган буюмларга қараганда, питекантроп энг оддий, қўпол тош қуролларни ишлаб чиқсан, аммо оловни билмаган. Калла суягининг ички томонини тадқиқ қилиш натижасида питекантроп миясининг нутқни бошқарадиган қисми анча ривожланганлиги аниқланди, яъни улар гапира билганлар. Питекантропнинг асосий машгулоти теримчилик, емишли илдизларни йифиши ва майдада ҳайвонларни ов қилишдан иборат бўлиб, тахминан 900 минг йил муқаддам яшаган.

Энг қадимги одамлар тараққиётидаги кейинги босқични кўрсатувчи зўр кашфиётлардан бири 1927—1937 йиллар давомида Хитойнинг Пекин шаҳри яқинидаги топилган синантроп ("хитой одами") ҳисобланади. Қазишмалар натижасида 40 га яқин эркак, хотин, қари-ёш одамларнинг суяқ қолдиқларининг топилиши синантропнинг тўлиқ қиёфасини тиклашга имкон берди. Таşқи кўринишидан пите-кантропга ўхшашроқ бўлса-да, унинг мия ҳажми 850-1300 см<sup>3</sup> орасида, яъни ҳозирги одамлар миясига яқинлашган. Синантроплар оқтош (кварц) ва чақмоқ тошдан куроллар ясаганлар, кийик, ёввойи от, антилопа каби ҳайвонларни овлаганлар, оловдан фойдалана билганлар. Ниҳоятда қалин кул қатламларига (кул қатлами баъзан 6 метргача боради) қараганда чўғни ўчирмасдан узоқ сақлаганлар, яъни олов чиқаришни билмаганлар. Синантроп типидаги одамлар Европада ҳам топилган. Бундай одамларнинг суяги 1907 йилда Германиянинг Гейдельберг шаҳри яқинидаги топилган. Синантроп ва гейдельберг одамлари оловдан фойдаланишгани учун анча бақувват бўлишган.

Кейинги ўн йилликларда Марказий Осиёда ўтказилган археологик тадқиқотлар бу худудда ҳам одамзотнинг дастлабки маконлари илк тош даврида — милоддан аввалги тахминан бир миллион икки юз минг йиллар муқаддам мавжуд бўлганлигини тасдиқлайди. Фарона водийси Селунгур горида ёш боланинг елка суяги ва кишиларнинг тишлари топилган. Шунинг учун ҳам қадимги аждодларимиз фанда фарғонантроплар деб номланган.

Инсоният тарихининг кейинги босқичида ишлаб чиқариш фаолияти кенгайиши билан инсон тафаккурида мавхум тушунчалар куртак ота бошлайди, дастлабки диний тасаввурларнинг айрим белгилари пайдо бўлади. 1856 йилда Германиянинг Дюссельдорф шаҳри яқинидаги Неандерталь водийсида ер қазиш ишлари вақтида тахминан 150-85 минг йиллар муқаддам яшаган қадимги одам суякларининг қолдиқлари топилган эди. Неандерталь деб аталган бу одамнинг суяқ қолдиқлари ва яшаган маконлари кейинчалик жуда кўп жойларда учратилди. Неандерталь маконлари Франция, Фаластин, Англия, Испания, Чехословакия, Африка ва Жанубий Осиёда ҳам мавжуд эди. Неандерталь суяги ва маданияти қолдиқлари

археолог Г.А.Бонч-Осмоловский томонидан 1924 йилда Кримдаги Қийик-куба горида ва Жанубий Ўзбекистоннинг (Сурхондарё вилояти) Тешиктош горида 1938 йили атоқли тадқиқотчи А.П.Окладников томонидан топилди. Илк тош асри маконлари ва манзиллари Тожикистон, Туркманистон, Қирғизистон, Ўзбекистон ва Жанубий Қозогистонда кўплаб учратилган. Бу ерга одамлар тахминан бир миллион йиллар муқаддам келиб жойлашган. Жуда кенг ҳудудга тарқалган неандерталь одамлари, гарчи бир-биридан (табиий шароитга қараб) меҳнат фаолияти, маънавий маданияти, баъзан антропологик тузилишига кўра фарқ қиласа ҳам, буларнинг ҳаммаси бир одамнинг туридир.

Диний тасаввурлар киши онгида бирорнинг буйруғи билан бирданига пайдо бўлиб қолмайди. Бу мураккаб жараён ниҳоятда узоқ даврлар давомида муайян тарихий шароитда намоён бўлади. Шунинг учун ҳам неандерталь маданиятига оид гуруҳларнинг баъзи бирлари динни мутлақо билмаганлар, баъзиларида диний тасаввурлар энди куртак ота бошлаган. Олимлар орасида мазкур масалада ҳамон тортишувлар мавжуд. Неандерталь одамнинг суюк қолдиқлари ва у ишлатган бошқа топилмаларнинг кўплиги туфайли унинг антропологик тузилиши ва моддий маданияти анча тўлиқ тикланган. Неандерталь кишиси умуман ҳозирги замон одамига яқин: унинг бўйи 150-165 сантиметр, гавдалироқ, қадди анча тик, кўз косаси устидаги қабариқ йўқолган, пешона текисланиб ияк пайдо бўлган, миянинг ривожланиши натижасида бош суюк ҳажми катталашган. У горларда яшаган, оловдан фойдаланиш ва олов чиқаришни билган, нисбатан мураккаб тош қуроллари, уй-жой ва буюмлар ясаган. Бу даврда тил ва тафаккур ҳам коллектив равишда олиб борилаётган меҳнат билан бевосита боғлиқ ҳолда ривожланади. Меҳнат жараёнида кузатиш ва тажриба асосида муайян хуласалар, тушунча ва тасаввурлар, яъни мантиқий тафаккур пайдо бўла бошлайди. Мантиқий тафаккурсиз такомиллашган меҳнат қуролларини яратиш мумкин эмас эди. Учи ўткирланган тошлар учига ўткир қиррали тош ўрнатилган найзалар ва суюқдан ясалган ҳар хил ўткир учли майда қуролларнинг топилиши бу даврда инсон тафаккурининг ўсганлигидан далолат беради.

Неандерталь маконларидан одатда йирик ҳайвонлар-нинг, кўпинча мамонтнинг, сўнгра каркидон, фор айифи, шимол бугуси, ёввойи от ва бошқа ҳайвонларнинг суяклари кўп миқдорда топилган. Бу ерда кўпинча гулхан қолдиқлари ҳам учрайди. Неандерталь одамларнинг турмуши ниҳоятда оғир кечган. Улар ўзларининг тош, суяк ва ёғочдан ясалган қўпол қуроллари билан даҳшатли табиат кучлари олдида ожиз эдилар. Уларнинг умри қисқа бўлган. Археологик тадқиқотларга кўра, неандерталь эр-какларнинг умри ўртача 30 ёшдан ошмаганлиги, хотинлар эса ундан ҳам кам яшаганлиги аниқланган. Албатта, неандерталь одам ижобий билимлар билан бир қаторда "табиатга қарши курашишдаги ожизлигидан" бир қатор нотўғри, хаёлий тасаввурлар яратиши ҳам мумкин бўлган. Балки шундай тасаввурлар асосида баъзи неандерталь маконларида ўликларни муайян бир тартибда кўмгандирлар. Шунга асосланиб, айрим олимлар, неандерталь одамларда дастлабки диний эътиқод пайдо бўла бошлаган, деган фикрга келганлар.

Бундай мулоҳазаларнинг пайдо бўлишига иккита кашфиёт сабаб бўлди. Биринчиси — 1908 йилда Франциянинг Безер дарёси яқинидаги Ле Мустье горидан топилган жasad қолдиқлари. Жasad унча чуқур бўлмаган гўрга ўнг қўлини бошига ёстиқ қилиб, чап қўлини олдинга чўзган ҳолда кўмилган. Гўрда тошдан ясалган меҳнат қуроллари, ўтда кўйдирилган ҳайвон суяклари ҳам топилган. Айрим олимларнинг фикрича, жasad қандайдир маросим асосида кўмилган: эҳтимол, ўша вақтда охират ва ўлмас жон тўғрисида баъзи бир ноаниқ тасаввурлар ҳам бўлган бўлиши мумкин. Демак, дастлабки диний тушунчалар неандерталь яшаган даврда, яъни 150-100 минг йиллар муқаддам пайдо бўлган, деб фараз қилинади.

Иккинчи археологик кашфиёт — жанубий Ўзбекистондаги Тешиктош горида кўмилган 8-10 яшар неандерталь бола жасадининг суяклари ва бошқа топилмалар. Бу мақонда ҳам жasad муайян ҳолатда дафн қилинган, ўликнинг бош суяги теварагида эчки шохлари ерга тиқилган, қисқа муддат ёқилган олов изи мавжуд. Балки олов ибодат билан боғлиқ маросим ўтказиш мақсадида ёқилгандир. Ле Мустье ва Тешиктошда кўмилган жasad букла-

ниб, ёнбошлаб ухлаётган кишини эслатади. Унинг оёқ-кўли боғланган бўлиши ҳам мумкин. Мазкур кўмиш маросими айрим қолоқ халқларда ҳозиргача сақланиб келган. Масалан, Янги Гвинея папуаслари ўлик қайтиб келиб уруғдошларига зарар етказмасин, деб жасаднинг кўл-оёғини боғлаб дафн қиласидилар.

Археологик тадқиқотлар натижасида неандерталь одамларнинг айрим гуруҳларида овчилик билан боғлиқ баъзи магик тасаввурлар бўлганлиги ҳам аниқланди. Швейцаријанинг Драхенлох горида, Германиянинг Петерхел горида айиқ бош суяклари муайян тартибда жойлаштирилган омборлар топилган. Олимлар айрим шимолий халқларда ҳозиргача сақланиб келаётган айиқ ибодати маросимларига қиёсан, неандерталларда ҳам мазкур тасаввурлар мавжуд бўлгандир, деб фараз қиласидилар. Форларда истиқомат қилган ибтидоий кишиларда айиқ суякларини маҳсус жойларда сақлаш бу ҳайвонларнинг кўпайишига ёрдам беради, деган тасаввур бўлган бўлиши мумкин. Неандерталь овчилари ҳар муваффақиятли овдан сўнг айиқнинг бош суякларини маҳсус тош шкафларига тахлаб кўйиб, айрим маросимлар ҳам ўтказганлар.

Болқон ярим оролининг шимоли-тарбий қисмидаги форларда жойлашган илгари унча маълум бўлмаган Крапина шаҳарчасининг номи ўтган асрнинг охирларида илм оламида машхур бўлган эди. Бу ерда археологик қазишмалар ўтказилганда учинчи ва тўртингчى маданий қатламда 300 га яқин неандерталь одам суюгининг бўлаклари топилган. Кейинчалик, 1905 йилда яна 200 дан ошиқ одамнинг суяқ қолдиқлари, тош қуроллари ва ҳайвон суяклари гулхан ёнган жойдан топилган. Шуниси қизиқки, топилган одам суякларининг бир қисми майдаланган ва куйдирилган. Кашфиётчилар бу ерда макон қилган неандерталлар тўдаси одамхўрлик (каннибализм) билан ҳам шуғулланганлар, деган фикрга келганлар. Улар одам гўштини гулханда пишириб, бош суюгини янчиб, мияси ни "деликатес" сифатида истеъмол қилганлар. Бундай ваҳшийлик Европанинг бошқа ерида учрамайди. Осиёда эса Ява оролида 1931—1932 йилларда ўтказилган қазишмаларда одамнинг 12 та миясиз бош суяги топилган, бу ҳам олимларни мазкур факт каннибализм билан боғлиқ маросим қолдиқлариидир, деган фикрга олиб келган.

Илк палеолит даврининг охирларига келиб, тахминан 70 минг йиллар муқаддам, неандерталь маконларида ҳаёт сўна бошлайди. Бу даврдан бошлаб ҳозирги замон кишилари типидаги одамларнинг шаклланиши, яъни антропогенез жараёни ниҳоясига етиб, инсоният тарихида яна бир муҳим ҳодиса — ирқлар пайдо бўла бошлайди. Ўтган аср охирларида Вазера дарёси воҳаси (Франция)даги Кро-Маньон горида ва Италиядаги Гримальди горида топилган янги одамнинг типик вакилларининг суюқ қолдиқлари бунга яққол мисол бўла олади. Скелет ва бош суюкларининг умумий тузилиши жиҳатдан кроманьон билан гримальди одами ўзаро ўхшаш бўлса ҳам, уларнинг ҳар қайсиси ўзига хос жисмоний хусусиятларга эга бўлган. Бундай маконлар Европанинг анча қисмида, шу жумладан, собиқ иттифоқ ҳудудида ҳам жуда кўп топилган. Тарихга кроманьон номи билан кирган бу одамлар неандерталликларга нисбатан анча тараққий этган, ундан кўп жиҳатдан фарқ қилган ва ўзининг барча жисмоний белгилари билан типик гомо сапиенс ("онгли одам") вакили эканлиги аниқланган. Унинг бўйи баланд (180 смга яқин), мускули кучли, гавдаси тик, кўз косаси устида қабарик йўқ, пешонаси тўғри, ияги олдинга чиққан ва бош суяги кутисининг ҳажми катта (тахминан 1560 см<sup>3</sup>). Гримальди одамда бир оз негроид белгилари бор.

Кроманьонларнинг моддий маданиятида ҳам анча юксалишлар рўй берган. Даставвал тош қуроллар такомиллашган, илгари кенг тарқалган жуда оддий парчалаш ёки синдириб олиш усули билан бирга, тош қуролга анча аниқ ва муфассал шакллар берувчи қисиб синдириш усули кенг қўлланилган, суюқ ва тош қуролларнинг баъзи бирлари ёғочга ўрнатилган. Бир неча қисмдан ясалган қуролларнинг пайдо бўлиши, ҳар хил буюмларнинг кўп миқдорда топилиши ибтидоий техниканинг тараққий қилганигидан, инсон тафаккурининг анча ривожланганлигидан дарак беради. Кроманьон маконларида илгариги умумий икки хусусиятга эга бўлган мустъе даврига оид тош қурол турлари ўрнида бир неча хил ва ихтисослашган қуроллар тўпламини, аввалдан ишлаб келинган оғир тош кескичдан ташқари, тош пичоқ, найза ва найзачалар, турли хил кескичлар, қирғичлар, суюқдан ясалган

бигиз игналар ва қармоқни учратамиз. Баъзан муайян турдаги ҳайвонларнинг — мамонт, ёввойи от, шимол бугуси каби йирик жониворлар сүякларининг жуда кўп (баъзан мингача етади) топилиши бу даврда одамлар кўпчилик бўлиб овлашга ўрганганлигидан далолат беради. Шубҳасиз, улар қурол ишлатишдан ташқари ўраб олиб, кувиб қамаш, тузоқ қўйиш каби такомиллашган овусуларидан ҳам кенг фойдаланганлар.

Демак, одамлар овчилик билан шуғулланиб, аста-секин ўтрокликка ўта бошлаган. Энди улар горларда эмас, балки қоялар билан тўсилган очиқ майдонларда истиқомат қила бошлаган. Доимий тураржойларнинг пайдо бўлиши ҳар хил чайла ва ертўлаларнинг келиб чиқишига сабаб бўлди. Россия ва Марказий Осиёда кўп топилган палеолит даври маконларида атрофи тошлар билан мустаҳкамланган, шоҳлар ва терилар билан ёпилган коност шаклидаги ярим ертўлаларда фақат гулханларнинг қолдиқларигина эмас, ўчоқ ва печкаларнинг излари ҳам учрайди. Нина бигизларнинг топилиши бу даврда кийим-кечак ва тикувчилик юзага келганлигидан дарак беради. Қазишмаларда топилган жуда кўп тасвирий санъат намуналари, безак буюмлари бу даврда инсон тафаккурининг анча ривожланганлигини, мавхум тасаввурларнинг пайдо бўлганлигини кўрсатади.

Ниҳоятда кенг ҳудудда кашиф қилинган кроманьон маданияти тахминан 40-20 минг йиллар муқаддам ибтидоий жамиятнинг мустаҳкам шакли — уруғчилик тузуми пайдо бўлганлигидан дарак берибгина қолмай, мана шу даврда яшаган одамларда дастлабки диний эътиқод ҳам шаклана бошлаганлигини аниқ тасдиқлади. Кроманьон одамлари жасадларини ҳар хил тартибда кўмганлар, баъзан ўзлари турган жойга дафн қилиб кўчиб кетганлар, баъзан куйдирганлар. Ўлик маҳсус қазилган гўрларга буқланган ҳолда, баъзан оёқ-қўлини боғлаб, жасаднинг ўзини ёки калласини қизил рангга бўяб кўмишган. Гўрга ҳар хил буюмлар: безаклар, тош қуроллар, таомлар қўйилган. Баъзан жасадни оғир тошлар билан бостириб кўмганлар. Қазишмаларда топилган ҳар хил ҳайкалчалар, фор деворларига ясалган фалати фигуralар, ҳайвон шаклида ниқобланган овчилар, қандайдир ўйинлар тасвири муайян

диний ва магик тасаввурлар мавжудлигидан дарак беради. Тасвирий санъат асарлари ичида сеҳгарлик маросимини адо этаётган, ҳайвон терисидан тикилган кийим кийган жодугарларнинг расмлари, ярим одам, ярим ҳайвон шаклидаги маҳлуқларнинг тасвиirlари, шубҳасиз, диний эътиқод маънавий маданиятда ҳам ўрин олганлигини ва унинг ижтимоий онг шаклига кираётганлигини кўрсатади. Диний мазмундаги тасвирий санъатнинг айрим намуналари Испания, Франция ва Саҳроий Кабир (Африка)даги қоя тошларда, Сибирь, Карелия, Ўзбекистоннинг кўп жойларида ҳозиргача сақланиб келган.

Кейинги босқич — неолит (янги тош асли) даврида инсоният тарихида жиддий ўзгаришлар рўй беради. Европа ва Яқин Шарқнинг кўп қисмида деҳқончилик ва чорвачилик пайдо бўлади. Жамоа ички ҳаётида тенгсизлик вужудга келади, аммо ижтимоий табақаланиш сезилмайди. Ишлаб чиқарувчи кучлар ва ишлаб чиқариш муносабатлари анча ривожланади. Буларнинг ҳаммаси ижтимоий онг шакллари, шу жумладан диний тасаввурларда ҳам ўз аксини топади. Дағн қилиш маросимлари дин билан боғлиқ эканлиги шубҳасиз. Қазилиб текширилган неолит гўристонларида ҳар хил майший буюмлар, куроласлача, овқат солинган идишлар ва ранг-баранг безаклар учрайди. Демак, кишиларда нариги дунё, охират тўғрисидаги тасаввурлар анча шаклланган.

Шундай қилиб, археологик кашфиётлар туфайли диннинг қайси вақтларда пайдо бўлганлиги, унинг ilk шакллари тўғрисида баъзи маълумотларга эга бўламиз. Аммо тилсиз археологик материаллар ниҳоятда кам ва сийрак, уларни гапиртириш ва тўлдириш учун этнографик маълумотларга мурожаат қилишга тўғри келади. Диннинг ilk тарихи ва шакллари тўғрисидаги ниҳоятда бой ва хилма-хил фактик материаллар қолоқ ҳалқ ва элатларни этнографик жиҳатдан ўрганиш натижасида қўлга киритилган.

**Тотемизм.** Юқорида қайд қилганимиздек, кейинги бир — икки аср давомида фанда қилинган ажойиб кашфиётлар туфайли диннинг ilk шакллари бундан 30-40 минг, балки юз минг йиллар муқаддам келиб чиқсанлиги исботланибгина қолмай, ҳатто ҳозирги даврда яшаётган

айрим қолоқ ҳалқлар турмушида уларнинг ҳамон сақла-  
ниб келаётганлиги аниқланганди.

Атоқли диншунос олим С.А.Токарев таклиф қилган таснифга кўра, ибтидоий диннинг энг қадимги шаклларидан бири тотемизм бўлиб, у юқори палеолит, яъни илк уруучилик жамияти даврида пайдо бўлган. "Totem" ёки "ото-tem" аслида Шимолий Америкада яшовчи туб аҳолининг алгонкин қабила тилидан олинган сўз бўлиб, "унинг уруғи" деган маънони англатади. Тотемизм тушунчаси айрим шахснинг ёки бир гуруҳ қишиларнинг, уруғ ёки қабила-нинг кўпинча қандайдир бир ҳайвон ёки ўсимлик билан баъзан жонсиз моддий буюм ёки табиат ҳодисалари билан файритабиий яқинлиги, ҳатто қон-қариндошлик алоқаси бор деган эътиқодни англатади. Бу динга сифинувчилар ўзи ёки уруғдошларининг барча аъзоларини муайян ҳай-  
вон, ўсимлик ва бошқа бир нарсадан келиб чиқсан, деган тасаввурга таянади. Масалан, денгиз қирғоқларида яшов-  
чи австралия қабилаларининг 60 фоизи тотемлари балиқ  
ва денгиз ҳайвонларидан иборат. Дехқончилик билан шу-  
гулланаётган меланезия ва полинезияликларда тотемис-  
тик тасаввурлар кам сақланган. Этнограф А.М.Золотарев-  
нинг таърифича, "тотемизм қариндошлик муносабатларини  
диний англашнинг дастлабки шаклидир".

ГАР уруғ ўзини бир тотемдан келиб чиқсан деб ҳисоб-  
ласа, шу уруғнинг барча аъзолари тотемни ўзининг қарин-  
доши деб тасаввур қилган. Тотемизмнинг асл ватани ҳисоб-  
ланган Австралияда, масалан, бир уруғ кенгуру тотемига  
тегишли бўлса, унинг аъзолари кенгуруни "бу менинг акам",  
"менинг отам" ёки "биродарим", деб таърифлайди. Австра-  
лияликларда ҳар бир қабила бир неча тотем гуруҳларга  
ёки уруғларга (10 тадан 30 тагача) бўлинади ва тотем номи  
билан, масалан, туйқуш уруғи, илон уруғи, бургут уруғи,  
қурбақа уруғи деб аталади. Уруғ аъзоларига тотем ҳисоб-  
ланган ҳайвон ёки ўсимликни ўлдириш ёки нобуд қилиш  
ёки таомга ишлатиш ман қилинган. Бу одатга табу дейи-  
лади. Кейинчалик бу тақиқлар аста-секин йўқола боради  
ва тотемнинг фақат баъзи бир қисмларини (калласи, буй-  
раги ёки жигарини) истеъмол қилиш тақиқланади. Тотем  
ҳайвонни сўйиш вақтида ундан узр сўраганлар, гунохини  
соқит қилишга уринганлар. Шу муносабат билан ҳар хил

хурофий маросимлар ўтказилган. Бу маросимларда қон чиқариш, танани тош билан суйкалаш, ёғ суртиш ёхуд сариқ ёки қизил охра билан бўяш, ҳар хил дуолар ўқиш каби магик (сехрли) иримларга риоя қилинган. Ибтидоий мифологияда ҳам қабила аъзоларининг пайдо бўлиши маълум бир ҳайвонга, табиат ҳодисасига ва бошқаларга боғланади. Бундай афсонанинг кейинги варианtlарида одамни қандайдир бир тотем ҳайвон ердан, лойдан ва бошқа нарсалардан ўзига ўхшатиб ясаган, деб исботланади.

Мазкур тасаввурлар ilk уручилик жамиятида қарор топган қон-қариндошлик муносабатларининг моҳиятини тушунмаслик натижасида пайдо бўлган. Тадқиқотчилар (Леви-Брюль, Д.Е.Хайтун, С.А.Токарев) Европадаги гор деворларига ясалган ilk палеолит даврига оид "буғуодам" ва ҳар хил ҳайвон шаклида ниқобланган, ўйнга тушаётган кишиларнинг тасвири музайян тотемистик аждодларнинг образлари, ўйнлари эса қандайдир диний маросимлар билан боғлиқ дея фараз қиласидар. Ибтидоий одам ўзини табиатдан ажратмаган, ўзини табиат кучлари ва ҳодисалари билан айнан бир нарса деб, ўзи ва уни ўраб олган борлиқ орасида қон-қариндошлик мавжуд деб тасаввур қиласидар. Шунинг учун ҳам ибтидоий овчи жамоаларининг турмуш шароити онгсиз, фантастик равишда тотемистик дин формасида намоён бўлади.

Анча мураккаб уруғ-қабилавий тузумга ўтиш жараёнида бундай тасаввурлар аста-секин инқирозга учрайди ва йўқола боради. Лекин унинг қолдиқлари узоқ даврларгача сақланиб келади. Тотемистик тасаввурлар Океания халқларининг кўпчилигига, Африка, Шимолий ва Жанубий Америка халқларида, Россиянинг асосан Сибирь халқларида сўнгги давргача сарқит сифатида сақланган. Тотемизм элементларини ҳатто жаҳон динларида ҳам учратамиз. Худо образини яратувчини ота (парвардигор) деб билиш, айрим ҳайвонларни ёки буюмларни ҳалол ва ҳаромга ажратиш, христиан динидаги причашчение маросимида маҳсус нон пишириб, нонни худонинг жисми, винони худонинг қони деб истеъмол қилиш ана шундай сарқитлардандир. Айрим тотемистик элементларни Ўрта Осиё халқларининг урф-одатларида ҳам учратиш мумкин. Отга сифиниш ва унинг гўштини истеъмол

қилишдаги айрим иримлар, муқаллас ҳисобланган баъзи ҳайвон ва қушларнинг суюк қисми, тирноғи, пати ва ҳоказоларни тумор шаклида ишлатиш кабиларни асли то-темистик тасаввурларнинг қолдиқлари эканлигини тад-қиқотчилар қайд қилганилар.

Фетишизм.<sup>1</sup> Африка ва Қисман Австралия халқлари-нинг кўпчилигида, Фарбий Африканинг негр қабилала-рида ҳар хил жонсиз буюмларга сифиниш кенг тарқалган. Бундай диний тасаввурлар фанда фетишизм (португал тилида — "фейтишо" — тумор, сеҳрланган буюм, деган маънони англатади) деб аталиб, энг қадимги ибтидоий дин шаклларидан бири ҳисобланади. Фетишизм ниҳоят-да хилма-хил шаклда намоён бўлади ва дин тараққиёти-нинг барча поғоналарида ибодатнинг муҳим қисми си-фатида дастлабки оддий динлардан то ҳозирги мураккаб дунё динларигача ҳаммасида учрайди. Аммо қайси давр-да ва қандай формада намоён бўлмасин, фетишизмнинг моҳияти бир: даҳшатли табиат кучлари олдида ожизлик қилган одам хурофий кўрқинч туйғулари асосида қан-дайдир гайритабиий кучдан мадад кутади, унинг ҳимоя-сига умид боғлайди.]

Албатта, ибтидоий кишилар моддий имкониятлари-нинг чекланганлиги, ишлаб чиқаришнинг жуда паст ри-вожланганлиги, меҳнат куролларининг камлиги, маъна-вий қашшоқлик ва билимнинг пастлиги одамни табиат кучлари олдида ожиз қилган, амалий фаолиятда қатор нотўғри хаёлий тасаввурларни, шу жумладан фетишизм-ни пайдо этган асосий сабабдир. Фетиш, одатда, хуро-фотга берилган кишини жуда ҳайратда қолдирган ҳар қан-дай буюм — тош, ёғоч, ҳайвон ёки дарахтнинг бир қисми ва бошқа нарсалардан ташкил топган. Ибтидоий одам-лар мазкур буюм — фетишларнинг мўъжизали ва ўзлари-нинг ҳаётига таъсир қилиш қобилиятига эга эканлигига ишонганлар, ундан мадад ва ёрдам кутганлар. Кўп афри-калик овчилар омад келтирадиган буюм (фетиш)сиз овни бошламаганлар ёки саёҳатга чиққанда кишини ҳаяжонга солган фетиш унинг йўлдоши бўлган. Ўтган асрда бир африка жодугари 20 мингга яқин фетиш тўплаган. Унинг айтишича, ўтган аждодлардан қолган мазкур буюмлар ўз вақтида омад келтирган.

Ҳозирги замондаги барча динларда ҳам фетишизм элементлари сақланиб қолган. Христианликда қотиб қолган мурдаларга авлиё деб сифиниш ва икона (худо тасвири)га чўқиниш, айрим диндор кишиларнинг "муқаддас" дарахт ва тошлар, авлиё-анбиёларга сифиниши, ҳар хил тумор ва дуолардан мадад истashi, шунингдек, буддизмда санам, бут ва бошқа буюмларни муқаддаслаштириш кабилар ҳам фетишизм билан боғлиқ тасаввурлар эканлиги исботланган.

**Магия.** Тотемистик тасаввурлар ва фетишизм билан боғлиқ, ниҳоятда кенг тарқалган ибтидоий динларнинг яна бир тури магия (сехргарлик) уруучилик тузуми даврида муҳим роль ўйнаган.<sup>1</sup> Сехргарлик ибтидоий одамларнинг машаққатли оғир ҳаётини нотўғри, сохта йўл билан бўлса-да енгиллаштиришга ёки ёвузликнинг олдини олишга қаратилган тасаввурлардир. Магия ёлғон ва кўзга кўринмайдиган сехрли алоқа ва таъсиrlарнинг табиатда мавжудлигига ишонтириш, айрим ҳолларда одам билан табиат орасидаги муносабатларга ҳам ўзаро таъсир ўtkазиш, бир одамнинг иккинчи бир шахсга таъсир қила билиш қобилиятига эга эканлигини уқтиришдан иборат диний эътиқодdir.

Бундай эътиқод асосида ибтидоий одамлар муайян усул ва воситалар орқали табиатга ва бошқа одамларга ўзи истаганича фойда ёки зарар етказиши мумкин, деган тушунча ҳосил қилганлар. Иккинчи томондан, шу эътиқоддан келиб чиқадиган тегишли ҳаракатлар сехргар шахс ёки гуруҳ орқали амалга оширилган. Оқибатда ибтидоий диннинг бу икки хусусияти ривожлана бориб, сехргарлик кучига ишониш эътиқодга, маҳсус мақсаддаги турли ҳаракатлар ибодатга айланади.

Сехргарлик йўли билан кўпинча хавф-хатардан сақланиш ёки душманга зарар етказиш мақсадида узоқ масофадан бўлса-да, жисмоний ҳам, ножисмоний ҳам таъсир ўтказишга ҳаракат қилинган.<sup>1</sup> Магия кучига эътиқод шунча зўр бўлганки, ибтидоий одам душман томонидан ўзига қарши қандайдир сехргарлик ҳаракатлари қилинганилигини билиб қолса, сехргарликка ишонганидан ўзини ўзи ўлимга гирифтор қилганлиги тўғрисида баъзи этнографик маълумотларни учратиш мумкин.<sup>1</sup> Ибтидоий одамларнинг

сехргарлик кучига ишончи уларга касаллик, ўлим ва бошқа ҳақиқий сабаби номаълум ҳодисаларни ўзича тушунтириб ҳам беради. Буюм ва ҳодисаларнинг афсонавий кучга эга эканлигига ишониш бахт келтирувчи ёки балодан сақловчи ҳар хил тумор ва тилсимларнинг пайдо бўлишига, яхшилик ва ёмонликдан иборат турли ирим ва ҳаракатларнинг келиб чиқишига сабаб бўлган. Бирор кишига қарши қилинаётган хатти-ҳаракатда ўша шахсга тегишли бўлган нарсалар (унинг сочи, тирноғи, кийими ва ҳоказолар) устида афсун қилиш, масалан, куйдириш ва бошқа иримлар жуда самарали натижа беради деб ҳисобланган. Шунинг учун ҳозиргача айрим хурофотга берилган кишилар ўзларининг соchlari ёки тирнокларини ҳеч вақт ташламайдилар, балки муайян жойда яширин сақладидилар. /

Сехргарлик билан табиий ҳодисаларни ўзига бўйсундириш мақсадида ўtkaziladigan хатти-ҳаракатлар шу кунгача сақланиб келган. Сехргарлик эътиқоди ибтидоий даврда пайдо бўлиб, муҳим элемент сифатида барча динларга кирган. Ҳозирги руҳонийлар қадимги сехргарлик усуларидан кенг фойдаланадилар. / Масалан, христиан динидаги чўқинтириш ибодати шайтонни ҳайдаш, заарли руҳлардан сақланиш мақсадида ўtkaziladigan ҳар хил магик хатти-ҳаракатлардан иборат. Барча динлардаги дуо, фотиҳа ўқишилар ҳам аслида сўзнинг сехргарлик кучига эга эканлигига ишониш билан боғлиқ эътиқодdir. /

С.А.Токаревнинг таснифига кўра, сехргар мақсадига кўра куйидаги магия турлари фарқланади: даволаш, ёмон ёки ёвузликдан қўриқлаш, жинсий таъсир (мафтун қилдириш ёки совутиш), заарар етказиш, ҳарбий мақсадларга қаратилган сехргарлик, касб-хунар (овчилик, балиқчилик, чорвачилик, деҳқончилик ва ҳоказо), метеорологик (об-ҳавога таъсир қилиш) мақсадларида ўtkaziladigan сехргарликлар. Масалан, даволаш сехргарлиги муайян иримлар, хатти-ҳаракатлар, жоду қилиш, аврашлар ва кейинчалик пайдо бўлган дуо ўқишилар орқали кишини касалдан ёки ўлимдан қутқариш мақсадида ўtkazilgan. Дастлаб ибтидоий одам ўз "билимига" ва имкониятига чуқур ишонган ҳолда сехргарлик билан шуғулланган. Масалан, ҳар бир австралиялик овга чиқиши олдидан ўtkaziladigan магик ҳаракатларининг овда натижа беришига ҳеч шубҳа қилмаган. /

Аммо тажриба ортиши ва амалий билимлар тўпланиши билан киши ўз нодонлигини ва ожизлигини англай бошлайди. Шу билан бирга одамда кўзга кўринмайдиган, унга бўйсунмайдиган қандайдир илоҳий кучлар борлиги ҳақида тасаввурлар пайдо бўлади ва аста-секин шаклланади. Одам ҳамон ўша файритабиий, хаёлий тасаввурлар таъсири остида қолган ҳолда шу кучларни ҳам ўзига итоат эттиришга ҳаракат қиласди, сеҳргарлик маҳоратини оширишга, янги зўроқ таъсир этувчи восита ва усусларни топишга уринади. Натижада уруғ жамоа аъзолари ичилада зўр истеъододли, сеҳргарлик сирларини ва воситаларини яхшироқ "биладиган" ва гўё кўзга кўринмайдиган файритабиий кучлар билан яқин бўлган алоҳида шахслар ажralиб чиқсан. Бундай ўзига хос мутахассислар — жодугарлар, азайимхонлар, фолбинлар, дуохонлар, баҳшилар ибтидоий диннинг ривожланишида ва такомиллашишида муҳим роль йўнаганлар ва уруғчилик жамиятида катта ўринни эгаллаганлар.

Ҳатто ҳозирги илмий-техника тараққиёти замонида ҳам сеҳргарлик билан кишиларни даволаш, тақдирига таъсир қилиш мумкин деган тасаввурларга эга бўлган, фолбинлик, дуогўйлик билан шуғулланувчи шахсларни учратамиз. АҚШда энг машҳур мунажжим Карл Райтер сайёralар орқали киши тақдирини олдиндан айтиб беришга, ҳар хил афсун ўқишига қодир эканлигини ҳар куни 369 газетада эълон қиласди. Унинг маслаҳатига атоқли киноюлдузлар, миллионерлар ва ҳатто сиёсий арбоблар муҳтож. Райтернинг ўн мингдан ортиқ доимий мижози бор. Ҳозир Farb мамлакатларида, шу жумладан АҚШда, магия, хиромантия, спиритизм, окультизм каби сеҳргарлик турларига қизиқиши оммавий тус олган. Миллионлаб америкаликлар ҳалиям "балодан сақловчи", "омад келтирувчи" сеҳрли күён оёғини олиб юради. Farbий Германияда эса машиналарда тумор осиши шунчалик кенг тарқалганки, хукumat уни ман қилишга мажбур бўлган, чунки туморлар ҳайдовчига халақит бериб, аварияларга сабабчи бўлган. Калифорния университетининг профессори Нэнд ҳозирги инсоннинг диний эътиқоди, хурофий тасаввурлари ва нодонлигига оид луғат тузишига киришган. У хурофот ва нодонликка бағишлиланган 400 мингдан ошиқ мақола ва хабарлар тайёрлаган.

Тўй ва ўлим маросимида риоя қилинадиган кўп иримлар аслида сеҳгарлик билан боғлиқдир. Деярли барча соҳаларда турли магик ҳаракатлар амалга оширилган. Масалан, дехқонлар қурғоқчилик йилларида ёмғир ёғдириш мақсадида ҳар хил диний маросимлар ўтказганлар.

Ўзбеклар яшайдиган лалмикор ерларда сўнгги вақтларгача ходага ёки белкуракка хотин кишининг кийимини илиб, "сув хотин" деган сеҳгарлик маросими ўтказиб келинган. Аёл кийимини кўтариб, ҳовлима-ҳовли юриб: "Сув хотин, сувсиз хотин, ҳавони ёғдирган хотин, буғдойни бўлдирган хотин, элни тўйдирган хотин", деган ашулани айтиб келган кишиларга сув сепишган, баъзи инъом-эҳсонлар беришган. Баъзи жойларда ёмғир ёғдириш учун тошбақаларни тўнтариб қўйганлар, ҳосилни кўпайтириш учун соchlарини ёйганлар. Ҳар хил касалликлардан, ёмон кўздан сақланиш учун болаларга ва бешикка тақиладиган тумор, мунчоқ ва ҳар хил безаклар ҳам ибтидоий сеҳгарлик тасаввурлари билан боғлиқ.

Айrim қишлоқларда томорқадаги ток, мевали дараҳтлар ва экинларга кўз тегмасин деб қўй-қўчкорнинг шохи ёки калла суюгини, тумор, исириқ ёки қора тўп тикон осиб қўйилганини учратиш мумкин. Дехқончилик ва чорвачилик ишларида баъзан ҳар хил иримларга амал қилинади. Баъзи жойларда молларга касал тегмасин деб "Чўпон ота" га садақа қилиб, қўй-эчки атайдилар, молларга тумор осадилар, исириқ тутатадилар. Буларнинг ҳаммаси магия билан боғлиқ иримлардир. Даволаш магияси ёки дуохонлик асосида пайдо бўлган ва кейинчалик жаҳон динларида кенг тарқалган шифокор худолар ёки авлиёлар, христиан динидаги крест (салб), ислом ва иудаизм динларида Куръон ва Таврот сўзлари ёзилган ҳар хил туморлар дастлабки диний тушунчалардан ўтган бўлиб, диндор кишининг эътиқодига айланган.

Кейинчалик, табиатга тобе бўлган ибтидоий одамнинг меҳнат ва хўжалик тажрибаси, унинг табиат ва жамият кучлари ҳақидаги умумий тасаввурлари илоҳий тушунчалар ва иримларни касб этишга олиб келади. Фойдали ва зарарли, яхши ва ёмон, эзгу ва ёвуз кучлар таъсири остида одам ўзининг ожизлигини англаб, кўркув туйгулари таъсирида ҳар хил йўллар билан барча табиат кучларини

хурматлашга, уларнинг "жаҳлини чиқармасликка", раҳмдил қилишга, ўз томонига оғдиришга ҳаракат қиласиди. Натижада эзгу ва ёвуз кучларга хайр-эҳсонлар бериш, курбонлик қилиш каби маросимлар орқали табиятга сифиниш пайдо бўлади. Тотемистик тасаввурлар янги тусга кириб, эндиликда тотем уруғининг алоҳида ҳомийиси ва ҳимоясига айланади. Кейинги тараққиёт дин тарихида сеҳграрлик, сифиниш ва ибодат сифатида, тотемизм эса одамга ҳомийлик қилувчи кучларни улуғлаш ва унга итоат қилиш сифатида ривожланади.

**Анимизм.** Ибтидоий диннинг табиятга сифиниш ва итоатгўйлик шаклидаги тараққиёти илк дин шаклларидан бири ҳисобланган анимизмнинг ривожланиши асосида рўй берган. Инглиз этнографи Эдуард Тэйлор томонидан киритилган бу ном (лотинча "анима" — "жон", "руҳ" дегани) ўз моҳияти жиҳатидан анча чекланган ва, Тэйлор таърифлаганидек, анимистик тушунча энг илк дин шакли ҳисобланмайди, чунки дин тараққиётининг дастлабки босқичида жон ҳақида одам алоҳида тасаввурга эга бўлмаган. Одамни ва барча табиятни "жон"лантириш ва "руҳ"лантириш ҳақидаги бир-биридан фарқ қилинмаган бошлангич тушунча иккига бўлинади. Дастлаб, жон ва таннинг алоҳидалиги ва жоннинг мустақил яшаши мумкинлиги тўғрисидаги оддий тасаввурлар пайдо бўлади. Ибтидоий одамлар ўз таналари тузилишини, киши ўлиши ва жасади билан боғлиқ ҳодисаларни тушуна олмай, жонни мавжуд бир нарса деб билиб, сояга, баъзан моддий буюмларга ўхшатиб тасаввур қилганлар. Баъзи халқлар (тасманияликлар, алгонкин, зуллус, басурлар) да "жон" сўзи "соя" маъносини англатади. Қадимги яҳудийлар, араблар, папуасларда "жон" тушунчаси "қон" билан бир маънода ишлатилади. Ўзбек халқининг энг эски масалларидан бирида "гулнинг қони чиқса, жони чиқади", дейилади. Шубҳасиз, бу ибора ҳам ибтидоий анимистик тасаввурлар билан боғлиқ Гренландия эскимослари тасаввuriда семиз одамларнинг жони семиз, ориқлариники ўзларига ўхшашиб ориқ бўлар эмиш.

Жон ҳаётнинг тимсоли, унинг маҳсус жойи (жигар, юрак, кўз ва ҳ.к.) мавжуд, кишининг нафас олишдан тўхташи, яъни ўлиши билан унинг жони чиқиб, бошқа жойга

кўчиб кетади, деган тасаввурлар пайдо бўлган। Ибтидоий одамлар уйкуни жоннинг танани вақтинча ташлаб кетиши, тушни эса киши ухлаб ётганида бошқа узоқ жойдаги жонларнинг ёки ўлган кишиларнинг жони қайтиб келиб учраши, деб тушунгандар. Киши жони одам ўлгандан кейин бошқа ерга кўчиб, мустақил моҳиятга эга бўлиши (кейинчалик ҳар хил жин-арвоҳлар ва парилар мазкур тасаввурлар асосида пайдо бўлган), ўлик одамнинг жони ҳайвон танасига ўтиши мумкин, деган ишонч жуда кенг тарқалган тоғемистик тасаввурлар билан боғлиқ. Бундай тасаввурлар айрим жойларда ҳозиргача сақланиб қолган. Масалан, ҳиндлар қорамолни ва умуман жониворларни ўлдиришни катта гуноҳ, деб ҳисоблайдилар, чунки уларнинг танида илгари ўтган аждодларнинг жонлари жойлашган эмиш. ¶

¶ Анимистик дин тотемизм, магия ва табиатга сифиниш каби эътиқодларни ўзида мужассамлаштириб, барча буюмларни, табиат кучи ва ҳодисаларни жонлантиради! Шу билан бирга, гайритабиий қуч ва, ҳодисалар ҳақидаги тасаввурлар ҳам ривожланади. Одам бу руҳларни ўзига яқинлаштириш учун уларга шакл берган, яъни муайян буюмлар (бут, фетиш, санамлар) яратган ва уларга сажда қилган. Арвоҳлар келиб сайр қиласиган айрим тўқайзор, чангальзор, тоф ва форлар муқаддаслаштирилиб, бу жойларга сифинилган. Ўз навбатида киши ўлганидан кейин унинг танаси яшамайди, бироқ жони яшаща давом этади, деган тасаввурлар бир қатор ғояларни, шунингдек маросим ва урф-одатларни ҳам юзага келтирган. Арвоҳлар ғазабини келтирмаслик ва уларни хайриҳоҳликка чақириш мақсадида ҳар хил қурбонлар берилган. Табиат кучларидан кўрқсан айрим халқларда одамлар ҳам қурбон қилинган. Масалан, қадимги Перуда ҳар йили табиат руҳларига атаб ўн яшар ўғил ё қиз болалар қурбон қилинган. Этнографик маълумотларга кўра, Ўрта Осиёда асримиз бошларигача, тошқин вақтида қишлоқларни сув босиш хавфидан сақлаш имконияти бўлмаса, нодонликка берилган аждодларимиз энг сўнгги чорани кўришган: тўғон остига Турғун, Турсун ёки Тўхта исмли бир кишини тутиб келиб, қурбонлик деб тириклай сувга чўқтириб юборишган.

Ўлим дастлаб ҳеч уйғонмайдиган уйку деб тасаввур қилинган (ҳозиргача ишлатиладиган "мангу уйкуда ёт" де-

ган ибора ўша даврдан қолган) ва "ухлаганнинг" қавму қариндошлари унга ғамхўрлик қилиб, ҳар хил расм-русум ва иримларга риоя қила бошлишган. Жасаднинг чириб кетиш сабабларини тушуна олмаган ибтидоий одамлар — ўликни дафн қилишнинг турли-туман урф-одат ва шаклларини ўйлаб топғанлар. Сўнгги даврларгача қолоқ ҳалқларда қўйидагича ибтидоий тарзда дафн қилишлар сақланаб қелган: ўликка бир оз овқат тежами ва энг зарур буюмларни қолдириб, устини чала-чулла ёпиб кетишган, кемага солиб денгизга оқизиб юборишган, ерга кўмишган, дараҳт шохлари устига ёки "кўтарма"га чиқариб қўйишган (бу усул "очиқ ерга дафн этиш" деб аталади), қўйидириб кулинни совуришган ёки маҳсус идишда сақлашган, тутунда дудлаганлар ёки гўштдан тозаланган жасаднинг барча суякларини ёки бир қисмини сақлаганлар. Даствлаб якка, кейинчалик коллектив мозорлар пайдо бўлган. Ўртаосиёликларнинг қадимги аждодлари ҳам ўликларни турли тарзда дафн қилишган. Археологик кашифиётларга қараганда қадимги Хоразм, Суғдиёна ва Бактриядаги ўтроқ аҳоли, даشتли сак, массагет ва бошқа қабилалар ўликларни дастлаб овқат тежамлаб, зарур курол ва буюмлар билан, ҳар хил усулда ерга кўмганлар, баъзан кўйдирганлар, жасад суякларини маҳсус идиш (оссуарий)ларга солиб дафн қилгандар, сагана қуриб жойлаштиргандар.

Этнографик тадқиқотларга қараганда, дастлабки диний тасаввурлар мифология билан боғлиқ бўлиб, у диннинг бошланғич манбаи шаклида намоён бўлади. Шунинг учун ибтидоий жамиятнинг ilk даврида жон тўғрисидаги тасаввурлар ҳар хил афсоналар билан чулғанган. Масалан, австралийлик туб аҳоли жон ва руҳларни тўлиқ ажратса олмаган, уларда охират ҳақидаги тасаввурлар шаклланмаган. Уларнинг фикрича, одам ўлиши билан жони ҳам ўлади. Нисбатан тараққий қилган кўшни меланезияликларда файритабиий кучлар тўғрисидаги тушунчалар анча такомиллашган, нариги дунё тўғрисидаги тасаввурлар пайдо бўлган. Янги Гвинея қабилаларида ўликларнинг жонлари одам шаклида Дигул дарёсининг қуий оқимида ҳеч нарса ўсмайдиган ҳаётсиз ботқоқликларда истиқомат қиласи, деган тасаввур мавжуд. Улар кечалари осмонга учиб, ўзлари инг экин далаларига келиб, за-

рур озиқ-овқат ва ичимликлар олиб кетар, у ерда яшовчи ёш ўликлар ўйин-кулги ва майшатда кун кечирап, қарилари эса суяклари парчалангунча пальма дараҳтига таяниб умр ўтказар эмиш. Океания оролларида яшовчи халқлар охират узокда, денгизнинг гарбий орқасидаги оролларнинг бирида жойлашган деб тасаввур қилганлар. Сувга дафн қилиш (баъзан жасадни қайиқقا солиб денгизга оқизиб юборгандар) шу тасаввур билан боғлиқ бўлса керак. Янги Каледония, Бисмарк архипелаги ва Маркиз оролларида яшовчи халқларда охират сув тагида жойлашган деган тасаввур бор, улар ҳам ўликни сувга дафн қиладилар. Баъзи муаллифларнинг фикрича, ўликни ерга ёки форга дафн қилиш расми охират ер тагида жойлашган деган тасаввурлардан келиб чиқкан.

Кўп халқлар нариги дунёда ўликларнинг жонлари эгасининг тириклигидаги мавқеига қараб жойлашади, деб тасаввур қилганлар. Қабила одатларига риоя қилиб, одобсақлаган кишиларнинг жонлари яхши жойларга тушар эмиш. Океания халқларининг кўпчилиги (Гавайя, Маркиз ороллари, Таити ва ҳоказолар)да уруғ, қабила раҳбарлари ўлгандан кейин уларнинг жонлари осмонга, оддий кишиларники — ер ёки сув тагига кўчади, деган тушунча бор. Кўп халқлардаги тушунчаларга кўра жонлар охиратда жавоб берармиш, уни маҳсус жондор ёки даҳшатли маҳлуқ эшик олдида кутиб олиб, тутган мавқеига қараб ичкарига ўтказар, ёмон бўлса еб қўяр эмиш.

Жаноза вақтида, маъракаларда амал қилинадиган жуда кўп иримлар, юқорида қайд қилинганидек, мозор бошига у-бу пишириб олиб бориш, авлиёларга қурбонлик аташ, домла-имом ва ювғичга бериладиган пул ва бошқа худойиларнинг ҳаммаси марҳумнинг арвоҳини хурсанд қилиш мақсадида ўтказиладиган анимистик урф-одатлардир.

Ривожланган уруғчилик тузуми даврида жоннинг ўлмаслиги ва бошқа жойга кўчиб яшаш ғояси (кейинчалик, охират, дўзах ва жаннат тушунчалари ҳам шундан келиб чиқкан ва жаҳон динлари ақидасига айланган), раҳбарни ёки аждодлар руҳини хурматлаш ва хотирлаш, жонларнинг гавдаланиши ва ўликдан қолган шахсий буюмларда яшашни давом эттириши, улар қандайдир моддий тасвирга ўтиб олиши мумкин деган тасаввурлар ва улар билан боғлиқ

ҳар хил маросимлар яна ҳам такомиллашади. Бу тасаввурлар асосида ҳаётлигида жамиятда салмоқли роль ййнаган уруғ аъзолари, уруғ-қабила бошлиқлари, жасур жангчилар руҳини муқаддаслаштириш натижасида аждодларга сифи нишнинг мураккаб тури вужудга келади. Бундай аждодларнинг арвоҳи кўпинча ўзининг тирик қавм-қариндош ва уруғдошларининг ҳомийси ва ҳимоячиси ҳисобланган, уларнинг мозорлари эса кейинчалик авлиё-анбиёлар даражасига кўтарилиган. Ўтган аждодлар арвоҳига сажда қилиш, уларни хотирлаш, табиатга ва табиат кучларига сифиниш натижасида дунёнинг турли бурчагида муқаддас жойлар ва авлиёларнинг қабрлари вужудга келган.

**Муқаддас жойлар.** Шарқ мамлакатларининг кўпчилигига, шу жумладан Ўрта Осиёда кенг тарқалган анимистик тасаввурлар билан узвий боғланган авлиё-анбиё, "муқаддас" жойлар, табиат ва аждодларга сифинишлар ибтидоий диннинг мураккаб шакли бўлиб, улар кейинчалик жаҳон динларининг таркибий қисмига айланган. Бизнинг ўлкамизда учрайдиган, одатда, "мозор" ёки "авлиё" номи билан донғи чиққан муқаддас жойлар турли замонларга тааллуқли бўлиб, ҳар хил диний тасаввурларни ўзида мужассамлаштирган синкетик (аралаш, қурама) характеристдаги диний эътиқодлар билан боғлиқдир.

Мозор сўзининг ўзи аслида зиёратгоҳ маъносини англатади. Энг қадимги ибтидоий даврга оид табиат кучларига сифиниш билан боғлиқ бўлган, ҳамма ёғига турли латталар осилган якка дарахтни ҳозиргача тоғли ерларда, бъзан чўл жойларда учратиш мумкин. Барча вилоятларда учрайдиган гайритабиий шаклдаги тоғ тешиги ва тошлар, ғалати қоялар ва форлар, шифобахш булоқлар ва кекса дарахтлар ҳам зиёратгоҳларга айланган. Масалан, Сурхондарё вилоятидаги "Чилон ота", "Чинор бобо", "Анжир ота", "Мурч бобо" каби авлиё дарахтлар ёки Бойсун тоғидаги "муқаддас" балиқли булоқлар, Фарғона водийсидаги "Тахти Шоҳимардан" ва анча масофага чўзилган ёриқ фор, Ургутдаги катта мозор ҳисобланган бутун бир чинорзор, Қорақалпоғистондаги Султон Увайс тоғи этакларида жойлашган "муқаддас" тош қоялари, Бухородаги Лесак ҳовузи, Жалолободдаги "Чашма Айюб" номли иссиқ булоқ ва ҳоказолар табиэтга сифинишнинг ёрқин далилидир.

Аждодларга сифиниш эътиқоди билан боғлиқ зиёратгоҳлар ичида машхур тарихий шахслар ва йирик дин арбоблари номи билан аталган, кенг шуҳрат қозонган мозорлар билан бир қаторда айрим маҳаллий қишлоқ аҳолисининг зиёратгоҳи ҳисобланган кичик авлиёлар ёки номаълум мозорлар ҳам мавжуд. Илмий кузатишлар шуни кўрсатадики, авлиёларни зиёрат қилувчиларнинг бутун хатти-ҳаракати (курбонлик сўйиш, ёғоч ёки дараҳтларга латта осиш, дуо ўқитиш кабилар) да исломгача мавжуд бўлган ибтидоий фетишизм, анимизм, магия (сексгарлик), ҳатто табиат ва аждодларга сифиниш каби диний эътиқодларнинг элементлари муҳим ўринни эгаллади.

Уруғ жамоачилик муносабатларининг кейинги тараққиётида, матриархат (она уруғи) даврида дин табиатга сифиниш йўлидан ривожланади. Бу даврда деҳқончилик, айниқса, ривож топади ва шу асосда Она-ерга, Қуёшга, Ойга ва бошқа табиат ҳодисаларига сифиниш кучаяди. Табиат кучлари ва айрим элементлар аёллар образи сифатида гавдаланади ва шунга мувофиқ руҳларнинг кўпчилиги аёллар номи билан аталади. Жамоада ва хўжаликда ҳукмронлик қилаётган аёллар диний масалаларда ҳам етакчи роль ўйнайди. Эркак ва аёллар ўртасидаги ижтимоий меҳнат тақсимоти туфайли шу босқичда хўжалик ва жамиятда аёллар мавқеининг кўтарилиши бунинг сабабидир. Лекин патриархал (ота уруғи) муносабатларнинг пайдо бўлиши аста-секин бутун жамият усткурмасида эркакларнинг ролини кўтарди. Натижада диний тасаввурларда ҳам ўзгаришлар рўй беради. Эркаклар образидаги худо ва руҳлар аёл руҳларни ва худоларни сиқиб чиқаради. Моногом патриархал оила пайдо бўлиши билан эрининг оиласига кўчиб ўтишга мажбур бўлган аёл дастлабки вақтларда ўз ибодатига риоя қилган, кейинчалик эрининг динига ўтган ва унинг худосига сифинган. Бу даврда табиатга ва аждодларга сифиниш яна ҳам ривожланади, оила жамоасининг ўсиши билан уруғ аъзолари ўз уйига, ўчоғига кўпроқ сифина бошлайдилар, яъни "ўчоқ ибодати" кучаяди.

Ишлаб чиқарувчи кучлар ва ишлаб чиқариш муносабатларининг тараққиёти натижасида уруғ-жамоа тузуми емирила бошлайди ва жамият аста-секин табақаланиб, янги ижтимоий муносабатлар пайдо бўлади. Янги жами-

ятга ўтиш даврида диний эътиқод ва иборалар ҳам анча мураккаблашади ва уларнинг турлари кўпаяди. С.А.То-карев типологиясига кўра, ибтидоий жамоа тузуми ин-қирозга учраб, синфий жамиятга ўтиш даврида ўша жа-раённи ўзида акс эттирувчи қуидаги диний эътиқод ва тасаввурлар пайдо бўлади: ҳар хил илк қабила ибодатла-ри (инициация, яъни ўспириналарни уруғ қабила аъзоли-гига қабул қилиш маросими ва ҳоказолар), касб-хунар соҳаларига оид ҳомий худоларга сифиниш, уруғ-оила му-носабатларини бошқарувчи ҳомийлар ва муқаддас буюм-лар ибодати, фолбинликнинг энг тарқалган ва дин шак-лига кирган тури — шаманизм, шахсий руҳ-ҳомийлар ибодатини ифодаловчи нагуализм, ҳар хил пинҳоний ит-тифоқлар ибодати, оқсоқолларга, раҳбарларга, қабилавий худоларга сифиниш, дәҳқончилик ва чорвачилик билан боғлиқ ҳар хил диний ибодатлар ва ҳоказолар.

Ибтидоий динларнинг синфий жамият динларига ўтиш жараёни даставвал жамоа аъзолари ичидан мустақил ко-ҳинлар ажralиб чиқишида, маҳсус ибодатлар ва диний ташкилотларнинг пайдо бўлишида ёрқин ифодасини топ-ган. Уруғ-қабила бошлиқларини илоҳийлаштириш, ку-рашchan қабилавий худоларнинг пайдо бўлиши, энди кур-так отаётган хусусий мулкчилик ва қулдорлик муносабатларини муқаддаслаштириш, коҳинликнинг маҳсус касб сифатида табақаланиши каби муҳим ўзгаришларни иб-тидоий жамоа тузумининг охирги босқичида турган бар-ча халқлар (масалан, Полинезия ва Марказий Африка халқлари) ҳаётида аниқ кузатиш мумкин. Кишилар уруғ-чилик тузуми емирилиши билан фақат табиат кучлари-гина эмас, ижтимоий муносабатларнинг стихияли кучла-ри олдида ҳам ожизлигини сеза бошлайди. Натижада уруғ қабила бошлиқлари, буюк аждодлар илоҳийлаштирила-ди, илгари номсиз, маҳфий ҳисобланган арвоҳлар таба-қалашиб, муайян хўжалик фаолиятининг ҳомийси сифа-тида худолар образига кира бошлайди.

**Политеизм.** Қабилалар иттифоқининг пайдо бўлиши гойиб худо бошчилигига кўп худолик (политеизм) ни ву-жудга келтиради. Мулкий тенгсизлик, яъни бой-камба-галлик нариги дунё, охират тўгрисидаги тасаввурларда ҳам ёрқин намоён бўлади. Кишининг ўлгандан кейинги

ҳаёти фоний дунё ҳаётининг давоми деган тасаввурлар асосида дабдабали маросимлар ўтказиш, катта курбонликлар ва у дунёда зарур бўлиши таҳминланган оддий ёки қимматбаҳо буюмлар, қурол-аслаҳалар билан дағн қилиш синфий жамиятнинг пайдо бўлишидан дарак берувчи эътиқодлардир. Бундай диний тасаввурлар Европа ва Осиённинг кўп қисмида ўтказилган археологик қазицмалар туфайли ҳам яққол намоён бўлади. Демак, бу даврда табиат кучлари билан бир қаторда ижтимоий кучлар ҳам майдонга чиқади, одамга қарши турувчи бу кучлар ҳам унга ёт, тушунарсиз бўлади ва табиат кучлари сингари зоҳирйи зарурият сифатида ожиз инсон устидан ҳукмронлик қиласди. Дастилабки вақтларда табиатнинг сирли кучларинигина акс эттирган фантастик образлар эндилиқда ижтимоий атрибуталарга ҳам эга бўлиб, тарихий кучларнинг намояндалари бўлиб қолади. Албатта, бу жараён ниҳоятда мураккаб ва узоқ даврни ўз ичига қамраб олади. Оқибатда ривожланган кулдорлик жамиятига келиб, дин маҳсус мафкураий курол сифатида ўртага чиқади.

Ишлаб чиқариш фаолияти ва ижтимоий муносабатлар тизими такомиллашган сари кишилар онгига табиий дунё билан ғайритабиий дунё орасидаги тафовут анча ёрқинлаша борди. Ибтидоий жамоа тузумининг охирги босқичида, синфий жамият ва давлат энди пайдо бўлаётган бир даврда яшаган полинезияликлар бунга мисол бўла олади. Талқиқотчилар қайд қилганидек, европаликларнинг келиши арафасида полинезияликлар ҳаётида фақат руҳлар тизимиғина эмас, олий худолар пантеони ҳам мавжуд бўлган. Уларда космогония анча ривожланган ва мифлар мукаммаллаштирилган. Полинезияликлар тасаввурида дастлаб дунё тухум шаклида бўлиб, коинот икки қисм: ўн қават "юқори" ва ўн қават "пастки" қисмдан иборат. Шуларнинг бир қаватида (одатда иккинчи қавати ер ҳисобланган) одамлар, яна бир қаватида аждодлар жони яшайди. Полинезия қабилаларида бош худо (Ту, Тане, Тангроа ва Ронго) лардан ташқари жуда кўп маҳаллий худолар, шу жумладан биринчи одамлар — Тики ва Хину ҳам бўлган. Шуниси қизиқки, уларнинг афсоналарида қадимги Юнонистон мифологиясидаги сингари жуда кўп афсонавий қаҳрамонлар образларини учратамиз.

Шундай қилиб, археологик кашфиётлар ва этнографик тадқиқотлар туфайли диннинг келиб чиқсан даври, унинг илк шакллари ва ибтидоий даврдаги тараққиёт жараёнини тасаввур қилиш имкониятига эга бўлдик. Мазкур тадқиқотлар ибтидоий кишилар фақат нодон бўлган, хурофтода яшаган, теварак-атрофи кўркувдан иборат эди, деган гайриилмий фикрларни инкор қиласди. Жуда бой археологик ва этнографик мъалумотлар ибтидоий жамият пайдо бўлган даврдан бошлаб одам ўз фолиятининг барча соҳалари бўйича ҳар хил билимлар тўплаганидан далолат беради. Ибтидоий одам диний тасаввурлардан асар ҳам бўлмаган даврда, яъни одам шаклига келгандан бошлаб бир неча юз минг йиллар давомида тафаккур, нутқ ва бошқа усууллар орқали ўзаро ва жамоада фикр алмасиб, тажриба ва кузатишлар натижасида сабаб ва оқибатни ажратса билишни ва бир-бирига боғлашни, хуносалар чиқаришни ўрганиб, кейинчалик тўғридан-тўғри тажриба ўтказиш йўли билан жуда кўп ижобий билимлар орттирган. Бу билимлар табиатдан фойдаланишга, жуда кўп ажойиб кашфиётлар ва янгиликлар очишга имконият берган эди.

**Илк билимлар.** Ибтидоий одамга хос бўлган ўткир кузатувчилик ва унинг табиат билан яқиндан чуқур танишиши инсонни туганмас табиат китобининг баъзи сирли варажларини ўқий билиш даражасига кўтарган. Албатта, мазкур ижобий билимлар тўпланмагандан инсоният ўзининг гўдаклик давридан чиқа олмас, умуман ривожланиш бўлмас эди. Унинг йўлида учраган ва доимо гов бўлиб келган нотўғри, тескари хаёлий тасаввурлар қанчалик кўп бўлмасин, ижтимоий ва маънавий тараққиётни ҳеч вақт тўхтата олмаган. Аксинча, ижобий билимлар ўзидан кейин пайдо бўлган илмий тафаккурнинг ашаддий рақиби ҳисобланган диний тасаввурлар билан муросасиз курашда шаклланиб, бу кураш жараёнида тўпланган билимларнинг қанчалик ҳақиқий эканлиги аниқланган. Шубҳасиз, мазкур жараён ниҳоятда узоқ ва машаққатли тараққиётдан иборат.

Дунёни ижобий билимлар туфайли тўғри идрок этиш ибтидоий одамларнинг шафқатсиз табиат билан курашда кўлга киритган дастлабки ғалабаларидан, ишлаб чиқариш

тажрибаси орқали топган фан ва техника куртакларидан бошланади. Кишиларнинг меҳнат фаолияти, чунончи, ҳар хил қурол-аслаҳа ва зарур буюмлар ишлаб чиқариш, овчилик ва балиқчилик, кейинчалик пайдо бўлган деҳқончилик ва чорвачилик куртак отаётган илмий билимларнинг тўпланишидаги дастлабки шарт-шароитдир. Инсоннинг ҳайвондан фарқ қиласиган энг характерли хусусиятларидан бири унинг билимга бўлган иштиёқидир. Антик даврнинг буюк мутафаккири Аристотель "Барча кишилар ўз табиати билан билимга интиладилар", деб бежиз айтмаган.

Маданият тарихини ўрганувчи олимлар ибтидоий одамларни оловни ҳосил қилишларида баъзи жиҳатдан физик, озиқ-овқат тайёрлашда — химик, даволашда ва яраларни боғлашда — хирург, теварак-атрофдаги муҳитни, дарё ва тоғларни билишда — географ, бармоқ ҳисобида — математик, тошболта ва ўқ ёйини ясашда — ихтирочи механик деб таърифлаганлар. Узоқ ўтмишга қанча чуқур назар ташласак, унинг сирли саҳифаларини варақласак, бу фикр тўғри эканлиги исботланади. Илмнинг илк шакли одамнинг меҳнат қуролларини ишлаб чиқариш ва улардан фойдалана билиш қобилиятидан бошланган эди. Палахмон, қопқон, бумеранг ва ўқ-ёй каби ибтидоий қуролларни кашф этиш учун, албатта, бошланғич механика қонунларини билиш зарур бўлган. Макон, замон, ўлчов, тезлик каби физикавий тушунчалар ҳам қадимги одамларнинг кундалик ҳаётидан олинган.

Меҳнат жараёнида одам буюмларнинг ҳар хил хусусиятларини, уларнинг қаттиқ-юмшоқлигини, ўзгарувчанлигини ва моҳиятини билишга интилган. Ибтидоий одамларнинг урадиган, санчадиган ва кесадиган қурол-яроғлар тайёрлашида зарур материаллар — чақмоқтош, кварцит, чиғаноқ, мармартош каби жинслардан фойдаланиши уларнинг дастлабки минералогия билимларидан хабардор бўлганилигини кўрсатади. Бундай билимлар Австралиянинг кўп қабила ва қавмлари, Американинг баъзи туб элатлари, масалан, эскимослар, Осиёнинг айрим қолоқ халқлари орасида сўнгги давларгача кенг тарқалганлиги, уларнинг ушатиш, синдириш ёки қуч билан кўчириш, силлиқлаш ва пармалаш йўли билан тошни мукаммалроқ

ишлиаш техникасига эга эканлиги фанга маълумдир. Меланезия оролларининг бирида ҳозирда ҳам қўлланиладиган тошни пармалаб тешиш усули кузатувчанлик ва ихтирочиликнинг ажойиб намунасиdir.

Ибтидоий техника тарихида олов ёндира билишнинг кашф этилиши ниҳоятда катта аҳамиятга эга бўлган инқиlobiy ҳодиса эди. Бу буюк кашифиётнинг инсон тафаккурининг ривожига таъсири энг муҳим аҳамиятга эга бўлди. Оловни ҳосил қилиш, уни сақлаш, кўчириш ва фойдаланиш каби муайян билимлар кузатиш ва тажриба асосида пайдо бўлган. Олов кашифиёти, даставвал, чақмоқ тошни ишилаш вақтида учқун чиқишини, ёғочни тараашлаш, рандалаш ёки арралаш вақтида иссиқликнинг пайдо бўлишини ҳамда ёниб кетишини кузатишнинг маҳсулидир. Олов чиқаришнинг мавжуд усуллари ҳам ишқалаш, пармалаш, арралаш, тошларни бир-бирига уришдан иборат. Турли-туман асбоблар билан олов чиқара билиш маҳсус малака ва зўр маҳорат талаб қиласи. Немис тадқиқотчи профессор Карл Вейлс ўз асарларидан бирида талабалар билан ўзи кузатиб таърифлаган усуллар асосида пармалаб олов чиқаришга бир неча марта уриниб кўрганини, барча куч ва уринишларга қарамай, ҳеч қандай натижа чиқаролмаганини ҳикоя қиласи. Ваҳоланки, ибтидоий одамлар маҳсус асбоблар билан оловни бир неча секундда ҳосил қила билганлар.

Этнографик маълумотларга қараганда, илгари кўчманчи бўлган қозоқ, қирғиз ва туркман қабилалари орасида ҳам саводсиз, аммо ўз ватанининг ботаника ва зоологиясини асосли равишда эгаллаган, ҳайвон изларини яхши биладиган шахслар кўп бўлган. Моҳир туркман изчилари ҳаттоқи ота ёки онанинг изини билса, болаларнинг изига қараб кимнинг боласи ўтганлигини айтиб бера олган. Агар у урғочи туюнинг изини билиб олса, кейинчалик унинг бўталоқларининг изини ҳам билган, бўталоқнинг қайси туюдан тарқалганини ҳам айтиб бера олган. Эски-мослар ёғочдан бўрттирилган карта ясайдилар. Полинезияликлар эса энг кучли шамол ва денгиз оқимлари кўрсатилган қамишдан ясалган харитага эга бўлганлар. Австралияликлар бир жойдан иккинчи жойга кўчганда оёқлари билан қумга чизиқ ўтказадилар ва чизиқнинг учига ҳивич

тиқиб қўядилар. Чизиқнинг йўналиши ва унинг узунлиги шу гуруҳнинг қайси томонга ва қанча масофага кетганини кўрсатади. Бундай "сигналлар тили" ҳозирги замондаги барча қабилалар ва халқларда (айниқса Шимолий Американинг туб аҳолиси ва негрлар орасида) кенг тарқалган бўлиб, у дастлабки топографик билим куртакларидан дарак беради.

Энг қадимги даврлардан бошлаб Куёш, Ой, юлдузлар компас ва соат вазифасини бажарган. Бир тадқиқотчнинг образли ибораси билан айтганда, одамни ҳайвондан ажратадиган белгиларидан бири, унинг баъзан бошини кўтариб осмонга қарашининг асосий сабаби иш мавсумини юлдузларнинг ҳаракатлари ва сонлари ўзгаришига қараб белгилаш заруриятидадир. Масалан, папуаслар Куёшнинг юришига қараб ишни бошлаш ва тугатиш вақтини аниқлаганлар, Арабистонда яшовчи кўчманчи қабилалар учун жазирама иссиқдан қочиб, кечалари кўчиб юрганларида Ой доимо йўлчи бўлган. Шунинг учун ҳам бу ерда пайдо бўлган ислом динининг муқаддас аломати ярим ойдир. Кўп халқларда ҳозиргача йил ҳисоби ой календарига асосланган.

Ибтидоий одамлар илк тош давридан ойни тўрт фазага бўлиб, ҳар ҳафта етти кундан иборат деган тушунчага эга бўлганлар. Археологик кашфиётларга асосланиб, олимлар ой тақвимини тош даврида пайдо бўлган деб фараз қиладилар. Папуаслар ўз хўжалик ишларини ой тақвими ҳисоби билан белгилаганлар. Кўп халқларда дастлаб осмон ва юлдузлар илоҳийлаштирилмаган. Уларнинг афсоналарида Куёш билан Ой эр-хотин, aka-сингил образида тасвиrlанади. Папуаслар кеч тушиши билан осмонда пайдо бўладиган Чўлпон (Венера) юлдузини ишдан қайтаётган гўзал қизга ўхшатадилар.

Деярли барча қабилаларда юлдузларни ҳайвон исми билан номлаш одат бўлган. Масалан, африкалик бушменлар у ёки бу юлдузни тошбақа, калтакесак, тоғ эчкиси ва ҳоказо ҳайвон номи билан атаганлар. Туб австралийлар жадий юлдузларини кенгуру деб атайдилар. Уларнинг ўйлашибича, осмон овчилари тутиб ейиш учун бу кенгурунинг кетидан юрар эмиш, осмондаги сомон йўли эса ўша овчилар ерда ёқсан гулханнинг осмонга кўтарилиган тутуни эмиш.

Эскимослар юлдузларни тулен овлашга чиқиб, осмонда йўл тополмай адашиб юрган овчилар деб таърифлайдилар. Мўғуллар ва турклар йилни 12 ойга бўлиб, ҳар ойни бир ҳайвон (сичқон, бузоқ, арслон, қуён, наҳанг, илон, от, қўй, маймун, товуқ, ит ва чўчқа) номи билан атаганлар. Бу йил ҳисобини қўшни Осиё мамлакатлари, шу жумладан Ўрта Осиё ҳалқлари ҳам қабул қилган. Қадимги Шарқда кенг тарқалган яна бир (Қуёшнинг йиллик ҳаракати доирасидаги 12 нуқтада жойлашган бурж — зодиак юлдузлар туркумига асосланган) календарда ҳам сайёralарнинг кўпчилиги ҳайвон (кўзичоқ, бузоқ, қисқичбақа, шер, чаён, тоғ эчкиси, балиқ) номи билан аталган.

Мазкур ой номлари ҳар бир ҳалқнинг машғулоти, меҳнат фаолияти, турмуш тарзининг ўзига хос хусусиятларини объектив равишда ифодаловчи муҳим далиллардир. Масалан, зодиак (буржий) йил ҳисобида ойнинг Бузоқ юлдузлар туркумининг ёнида жойлашган вақт апрель-майга тўғри келади ва ўша вақтда далага мол (бузоқ) ларни ҳайдаб чиқарганлар. Камон ойи (ноябрь-декабрь) ов қилиш даврига, сунбула (арабча "бошоқ") ойи (август-сентябрь) йилнинг деҳқончиликда ҳосил бералиган энг гўзал ўрим-терим вақтига тўғри келади. Агар мовий само овчи қабилалар тасаввурида овчилар қувлаган ҳайвонлар билан тўлса, чорва ҳалқларида уй ҳайвонлари ва подачилари билан, деҳқонларда ҳар хил деҳқончилик курол-асбоблари билан тўла. Масалан, славянлар юлдузлар туркумини омоч, мола, ҳаскаш, чалғи, обкаш деб атаганлар. Албатта, ибтидоий одамларнинг юлдузлар, Ой ва Қуёш билан боғлиқ тушунчаларида ҳар хил тотемистик тасаввурлар ҳам маълум ўринни эгаллаган. Ҳозиргacha қоронги осмонда метеорит кўчса, бироннинг ўлими билан боғлаб, унинг "юлдузи ўчди" дейилиши бежиз эмас.

Ибтидоий медицина ва фармакология тўплаган баъзи билимлар ҳозиргacha замондошларимизни ҳайратда қолдиради. Медицина тарихи билан шуғулланувчи олимларнинг фикрича, ибтидоий овчилар маълум даражада амалий анатомия соҳасида улардан бир неча минг йил кеийин (Ўрта асрларда) яшаган врачларга нисбатан анча чуқур билимларга эга бўлганлар. Ўрта асрларда жасадларни ёриб очиш тақиқланган бўлса, ибтидоий табиблар энг мурак-

каб хиругия йўли билан бош суягини кесиш (трепанация қилиш) йўлларини яхши билганлар. Агар ўтган асрнинг бошларида медицина фани асосида бош суяги трепанация қилинганди кишиларнинг 90 фоизи ҳалок бўлган бўлса, бир неча асрлардан бери Шимолий Африка қабилаларидаги табиблар амалга ошириб келаётган бош суягини кесиш операциясидан деярли ҳеч ким ўлмаган. Лекин шу билан бир қаторда ибтидоий қабилаларда ваҳшиёна хурофий усуллар ҳам кўлланилган. Масалан, баъзи қабилаларда дори-дармон ва массаж билан бош оғриқ тўхтамаса, трепанация усули билан ёки беморнинг манглайнини тешиб "даволаганлар". Бадандаги ортиқча ўсимталарни олиб ташлаш, синган жойларни тузатиш, қон оқишини тўхтатиш каби хиругия усуллари зўр маҳорат билан бажарилган.

Ибтидоий австралийликлар сукунга "шина"дан фойдаланишни, ўргимчак уяси ва кул босиб қон оқишини тўхтатишни, ични сурдиришни ва қустирадиган воситаларни яхши билганлар. Кўп қабилалар заҳардан балиқни карахт қилиш, ўқ-ёйни заҳарлаш ҳамда баъзан даволаш мақсадида фойдаланганлар. Жанубий американлик индешлар баъзи заҳарли ўсимликларни заҳарсизлантириб, истельмол қилиш йўлларини ҳам билганлар. Улар каучук дараҳтидан клизма қиласидан асбоб ихтиро қилганлар, санитария ва шахсий гигиена, иссиқ ва совуқ гидротерапия усулларига ҳам, парҳез сақлашга ҳам аҳамият берганлар. Деярли ҳар бир қишлоқда тепалик ёнбағрига ўйилган форда ёки ерда усти тери билан ёпилган буғ ҳаммоми бўлган, барча шимолий индеен қабилалари умумий қоида бўйича тез-тез ҳаммомда чўмилганлар. Лекин сувдан қўрқадиган ва мутлақо чўмилмайдиган қабилалар (масалан, кубе қабиласи) ҳам учрайди.

Жодугарлик, фолбинлик ва сеҳгарлик қанча кенг тарқалмасин, ибтидоий одамлар жуда кўп ўсимликларнинг, ҳайвон ва минерал мoddаларнинг даволаш хусусиятини ҳам яхши билганлар. Перунинг қадимги аҳолиси ёввойи ҳолда ўсадиган хина дараҳтининг пўстлоғидан безгак қасалини даволайдиган дори (хинин) ни кашф этган. Улар тамаки чекишини ҳам даволаш воситаси деб ҳисоблаганлар, ҳар хил заҳар ва наркотиклардан оғриқни босиш ва даволаш учун фойдаланганлар. Қадимги боливияликлар

ёввойи ҳолда ўсадиган кока номли маҳаллий бутани экиб кўпайтирганлар ва унинг баргидан оғриқни босувчи дори сифатида фойдаланганлар. Ундан наркотик ичимлик ҳам тайёрланган (ҳозирги машҳур кока-кола ва кокайн дорисининг ихтирочиси қадимги Боливиянинг қабилаларидир). Туб австралияликлар қирқа яқин ҳар хил даволайдиган ўсимликларни билганлар. Ибтидоий жамоа тузуми даврида пайдо бўлган табиблар, жодугарлар ва дуохонлар фақат сеҳргарлик, авраш билан чекланиб қолмасдан, балки ибтидоий фармакология қўлга киритган барча доридармонлардан ҳам моҳирона фойдаланганлар.

Чорвачилик ва деҳқончиликнинг пайдо бўлиши ибтидоий даврда табиатшунослик куртакларининг вужудга келишига сабаб бўлган. Тахминан беш-ён минг йиллар муқаддам одамлар ҳар хил ҳайвонларни хонакилаштиришга бошлаганлар. Чунки улар гўшт ва бошқа озиқ-овқатларга, кийим-кечак учун жун ва терига, юқ ташиш ва кейинчалик ҳайдаш учун иш ҳайвонига муҳтож эдилар. Шуниси диққатга сазоворки, юқори маданият яратган кейинги авлодлар ибтидоий одамлар хонакилаштирган от, қорамол, қўй, эчки, тuya, товуқ, курка каби уй ҳайвон-паррандаларидан бошқа бирорта ҳайвонни хонакилаштирганлар. Чорва молларининг ўсиши, деҳқончилиқда ер ва ҳосил ўлчаш зарурияти ибтидоий даврдан бошлаб ҳисоблаш, узунлик ва оғирлик ўлчови каби тушунчаларни пайдо қилган эди.

Фақат ўткир кузатувчилик ва табиат билан яқиндан танишиш натижасида ибтидоий одамлар ёввойи ҳолда ўсаётган дон ва полиз экинларини, мева дараҳтларини сунъий ўстириш имкониятига эга бўлдилар. Масалан, меланезияликлар ўн хил нон дараҳтини, 52 та банан турини ўстиришни билганлар. Америкадаги қабилалар эса ўн бир хил маис (макка) турини парвариш қилганлар. Ҳозирги даврда экиладиган бошоқли экинлардан буғдой, тариқ, арпа ва шоли энг қадимдан (неолит давридан) ва жуда кўп жойда парвариш қилина бошлаган ўсимликлардир.

Шундай қилиб, ҳозирги даврда инсоният истеъмол қилаётган ва хўжаликда фойдаланилаётган маданий ўсимликларнинг деярли ҳаммаси қадимги замонларда турли мамлакатларда турли қабила ва элатлар томонидан маҳал-

лий ёввойи турларидан етиштирилган. Беҳисоб ёввойи ўсимликлар орасидан инсон учун фойдали турларини танлаб олиш, уларни парвариш қилиш усулларини ўйлаб топиш ва зарарли ўтлардан қўриқлаш учун узоқ вақт давомида ибтидоий одамлар қанча сабот-матонат ва меҳнат сарф қилганлар. Ибтидоий кашфиётларнинг энг муҳим аҳамияти шундаки, инсон кўп асрлик ишлаб чиқариш тажрибаси ва ибтидоий билимлар асосида теварак-атрофни ва ўз табиатини тўғри объектив идрок қила бошлаган, рационалистик (ижобий) билимлар ибтидоий одамларнинг онгига дастлабки ижобий тўғри тушунчаларнинг сингишида муҳим замин бўлган. Кишилар ўз билимларини тажрибада текшириб, ҳар гал аста-секин табиат тўғрисида анча аниқ ва объектив маълумотларга эга бўлиб борганлар. Буюк демократ А.И.Герценнинг образли ибораси билан айтганда, "Ёзилган нарсани болта билан кесиб бўлмагандай, тажриба орқали олинган билимни олов билан куйдириб бўлмайди".

Ибтидоий жамиятда дастлабки илмий билимлар инсон онгини чулғаб олган хурофий туман ичидан куртак отиб чиқишига доимо интилиб келган. Юқорида қайд қилганимиздек, баъзи ибтидоий қабилалар нариги дунё (охират), жоннинг тандан ажралиб чиқиб абадий яшаши тўғрисидаги тасаввурга эга бўлмаганлар. Африкалик готтентотлар охират ҳақида ҳеч нима билмаганлар, улар одам ўлиши билан унинг жони ҳам ўлади, деганлар. Ибтидоий одамларда файритабиий кучлар, арвоҳларга сифиниш мавжуд бўлмаса-да, баъзан уларнинг қудратига шубҳа билан қараш, оғир турмушда ёрдам бермаганлиги учун норози бўлиш ёки ҳақорат қилиш каби ҳодисалар ҳам бўлган. Этнографлар эскимослар орасида руҳларнинг борлигига, шамаларнинг мўъжизаларига ишонмайдиган скептикларни учратганлигини ҳикоя қиласидар. Шимолий Канадада яшовчи эскимос қабилаларидан бирида агар руҳ фойда келтирмаса, уни ҳақорат қилиб "ҳайдаганлар". Шимолий Осиё ҳалқарининг оғзаки ижодида руҳларни таҳқирилаш кўп учрайди. Уларда ерни, воҳаларни, тогу дарёларни, одамни яратган ва унга тақдим қилган буюк Қарға масхара қилинади. Коряқ ва чукчилар Қарға-шаман осмон ва ерни яратувчи, қабиланинг ҳомийси бўлса-да, уни калака қилиб, қизғанчиқ, ўғри ва муттаҳам қуш деб таърифлай-

дилар. Атоқли сайёҳ олим С.П.Крашенинников камчадаллар ер ва барча мавжудотларни яратган муқаддас Кутху қарғани энг нодон деб масхара қилғанликлари, унга ниҳоятда бехурматлик билан қараганликлари ва ундан ҳеч нима тилемаганликлари түғрисида ҳикоя қиласиди. Сибирь ёқутлари ҳам ўзларининг яратувчи Қарғасини мазах қиласидилар. Шимолий Африка қабилаларида яратувчи ҳайвонлар, одатда, нафрат ва кулги қўзғайдиган ожиз ва қўрқоқ руҳлар образида таърифланади. Африка қабилаларида руҳ ва худоларга нисбатан нафратнинг пайдо бўлиши — уларда дунёдаги барча ёвузликларни файритабиий кучлар яратган деган тасаввурлар билан боғлиқ.

Килиманджаро тоги этагида яшовчи жангга қабиласи түғрисида африкалик этнограф Мзандо қўйидагича ҳикоя қиласиди: "Менинг қабиладошларим шундай дейдилар: "Ҳар ким тирик экан, айш-ишратда яшасин. Киши ўлгандан кейин ҳеч қандай яхшилик бўлмайди. Руҳлар дунёсидан яхшилик кутма ... . Руҳлар ниҳоятда қизғанчиқ ва очкўз, уларни ҳеч тўйдириб бўлмайди. Ўҳ, агар бирор мени руҳлар маконига бошлаб борса, уларнинг ҳаммасини қилич билан чопиб, қириб ташлар эдим. Биз уларга ҳар гал янги қурбонликлар берамиз, улар ҳеч қандай ёрдам бермайдилар". Этнографлар африкаликларнинг ўз аждод-худолариға: "Эй худолар, сизлар ҳеч нимага ярамайсизлар, бизларга фақат ёмонлик келтирасизлар. Бизлар сизларга шунча озиқ-овқат берамиз, сизлардан ҳеч қандай ёрдам йўқ", деб мурожаат қилғанларини кўп эшитганлар.

Баъзан руҳ ва худолардан қаттиқ ғазабланиб, ибодатхона ва бутларни йўқ қилған, коҳин ва жодугарларни ўлдирган ибтидоий қабилалар түғрисида ҳам этнографик маълумотлар мавжуд. Д.Лёббок берган маълумотларга қаранганди, Гавайя оролларида яшовчи қабилалар худоларга қурбонлик бериш учун коҳинларни ҳайдаганлар. Ўтган асрнинг бошларида ўзини ҳосилдорлик ва ёмғир худоси деб гавдалантирган Гавайя қироли Камеамеа II бут ва ибодатхоналарни йўқотишга қарор қилған. Ҳалқ унинг қарорига бўйсунишга мажбур бўлган, аммо ўз санамларини ўрмонларда яшириб, ўша ерда ибодат қилишни давом эттирган. Ҳамма руҳ ва худоларидан кечган гавайяликларни мустамлакачи ва миссионерлар келиб, христиан динига ўтказ-

ган. Тонга оролида яшовчи полинезияликларнинг бошлиғи Финоу 1837 йилда барча худоларни йўқотишга қарор қилган. Унинг таърифика, худолар разил душман, уларни одамлар фақат бошига бир мусибат тушса эслайдилар, улар кишиларни одамхўрлик каби энг ёмон ёвузликка ўргатган, урушда эса фақат кучли кўшинга эга бўлганлар тарафидан. Шунинг учун Финоу худо олдида қўрқиб, ибодатгўйликни тарғиб қилувчи барча коҳинларни ўлдиришга чакирган. Бундай сиёsatдан чўчиган коҳинлар унинг ўзини заҳарлаб ўлдирганлар.

Шуниси қизиқки, жодугар ва коҳинларга қарши курash асосида қабила ва халқлар мифологиясида худоларга, осмон эгаларига қарши курашадиган қаҳрамонлар образи ҳам пайдо бўлган. Суматра оролида яшовчи даяклар ўртасида шундай ҳикоя мавжуд. Эмишки, қадим замонларда ер юзида жасур ва қудратли кишилар яшаган. Улар худоларни йўқотиш мақсадида баланд тоқقا кўтарилигандар ва шу баландликдан осмонга ёйдан ўқ ота бошлаганлар. Ривоятларга биноан, ярадор бўлиб ерга тушган худоларни чўқмор-таёқ билан уриб ўлдирганлар. Африканинг банту, ашанти ва бошқа халқларида одамларнинг осмонда яшовчи руҳ ва худолар ҳукмронлигидан қутулиш ва уларнинг таъзирини бериш учун мовий самога етадиган минора ёки нарвон қурганликлари тўғрисида афсоналар мавжуд. Бундай афсоналар тибет-бирма қабилаларида ҳам учрайди. Мазкур ривоятларнинг баъзи варианtlари кейинчалик Инжил ва Тавротда "Бобил минораси" тўғрисидаги афсонада намоён бўлади.

Шундай қилиб, инқизотга учраётган ибтидоий жамоа тузуми ўрнида янги ишлаб чиқариш муносабатлари асосида янги жамият ва унинг устқурмаси бунёд этила бошлайди. Оқибатда ибтидоий жамоа тузуми ўрнида мустабидликка асосланган қулдорлик тузуми ва давлати пайдо бўлади. Руҳлар худоларга айланади, олий ва паст худолар иерархияси саф тортади, дунёвий ҳоким эса шу олий ҳудонинг ердаги авлоди, вакили ёки ноиби сифатида ҳукмронлик қила бошлайди. Мазкур диний тасаввурлар билан бир вактда инсон ўзининг кундалик ҳаёти ва меҳнат фаолияти асосида ижобий билимларни ҳам тўплаб камол топа бошлайди.

## **МИЛЛИЙ-ДАВЛАТ ДИНЛАРИ, ҲУРФИКРИЛИК ВА ДаҲРИЙЛИК**

Ҳар бир давр ўзига хос дунёқараши, фоя, мафкура ва эътиқодларни яратади. Тарих саҳнасига ижтимоий табақаланган жамият пайдо бўла бошлиши билан ижтимоий онг шаклларида табиат кучларига сифиниш билан бирга, ижтимоий кучларни илоҳийлаштириш биринчи даражага кўтарила бошлайди. Даставвал, янги тузум ўрнатилиб, жамиятда рўй берган табақаланиш билан бир қаторда ғайритабии олам ҳам табақаланади: сон-саноқсиз руҳлар ичидан олий имтиёзли ғайритабии мавжудотлар — худолар табақаси ажralиб чиқа бошлайди. Агар руҳлар айримликни ифодалаган бўлса, худолар умумийликни ифодалайди.

Янги жамиятда пайдо бўлган политеизм (кўп худорлик) диний тараққиётнинг муҳим босқичи бўлиб, худолар теварак-атрофдаги чексиз борлиқнинг ҳамма томонини эгаллаб, ўз назоратини ўрнатади. Мазкур политеистик тасаввурлар жараёни, яъни диний ифодалашга яккаликдан умумийликка ўтиш ижтимоий тараққиёт билан боғлиқ ижтимоий муҳит негизида рўй бериши мумкин эди. Асли политеизм қулдорлик жамияти негизида ва шу жамият манфаатига хизмат қилувчи ақидавий қарашлар сифатида пайдо бўлган ижтимоий онг шакли эди. Унинг мумтоз намунаси энг ривожланган ва юқори даражага кўтарилган қулдорлик давлатларида, айниқса, қадимги Юнонистон ва Римда очиқ намоён бўлади. Гўё Олимп тоғларида истиқомат қиласидаган Зевс бошчилигидаги худолар аслида юон жамияти ижтимоий структурасининг акси эди.

Қулдорлик жамиятининг диний эътиқоди икки катта гуруҳга бўлинган: бир томонда — расмий ибодат, иккин-

чи томонда — кўп ирқ ва қавмли қуллар орасида тарқалган хилма-хил диний тасаввурлар. Буларнинг бир-бирига ҳеч яқинлиги бўлмаган. Ҳукмон қулдорлар ва қарам қуллар орасидаги ўзаро ижтимоий муносабатларни мафкуравий жиҳатдан бошқариш эҳтиёжи бўлмаганилиги туфайли диннинг ижтимоий роли ва таъсири доираси анча чекланган. Юқори табақалар орасида тафаккур эркинлиги кучли бўлган.

Энг ривожланган классик қулдорлик мамлакатларида — қадимги Рим ва Юнонистонда (асосан эркин фуқароларга мўлжалланган) динлар ва коҳинларнинг ижтимоий турмушдаги таъсири нисбатан суст бўлган<sup>1</sup>. Дин ўзининг ижтимоий бошқариш функциясини биринчи галда майда ишлаб чиқарувчига нисбатан адо этиб, ижтимоий турмушда мустаҳкам ўринни эгаллаган. Қишлоқ жамоасига бириккан майда ишлаб чиқарувчи деҳқонлар меҳнатидан фойдаланилган қадимги Шарқда дин ва коҳинларнинг тутган ўрни ва ижтимоий тузумга таъсири ниҳоятда зўр бўлган<sup>2</sup>.

Қадимги политеистик динларнинг яна бир хусусияти — уларнинг муайян этник гуруҳларга хослигиdir, ҳар бир халқ ўз динига эга бўлиб, олдинги дин шакллари билан анча яқин турган. Политеизмнинг қулдорлик жамиятида ҳукмонлиги мазлум табақалар, яъни қулларнинг ташқаридан, бошқа халқлар ҳисобига тўлдирилишига ҳам боғлиқ. Шу боисдан ҳам қулдорлик жамияти яхлит этник бирликка эга бўлмаган. Қулларга бўлган нафрат ҳукмон табақанинг динига ҳам ўтган. Диний онгда ташқи ғайри дин вакилларидан қуллар олиб келинадиган манба учун кураш акс этиб, у ҳар хил этник гуруҳларнинг миллий туйгуларига ўз таъсирини ўтказган.

Илк синфлар пайдо бўлган даврда диннинг одамларни бир-бирига яқинлаштириш, биритириш (интеграция) ёки қарама-қарши қўйиш (сегрегация) функцияси алоҳида намоён бўлади. Дин тарихи аслида ижтимоий тараққиёт жараёнида одамлар орасидаги муносабатларнинг ижтимоий онг шаклларида, жумладан диний онгда акс эттирилиши тарихидан иборат. Агар ибтидоий жамоа тузуми даврида кишилар муайян тотем, яъни уруф-қабила-нинг келиб чиқиши жиҳатидан ёки бошқа этник гуруҳлардан фарқ қилган бўлса, синфий жамият пайдо бўлиши билан политеистик тасаввурлар асосида миллий-давлат

динлари байроби остида бириккан ёки фарқ қилганлар. Ҳозиргача кўп ҳалқларда, шу жумладан, ўзбекларда ҳам дин ва миллат тушунчалари чатишиб, баъзан бир маънода тасаввур этилиши диннинг интеграция ва сегрегация роли билан бевосита боғлиқдир. Илк қулдорлик жамиятида пайдо бўлган динларнинг моҳияти ҳам ўша жараён билан боғлиқ. Бу жараён кенг омма ва ҳудудни ўз ичига олган уруғ-қабилавий динларнинг бирикиши ва умумлаштирилиши натижасида умуммиллат ёки умумдавлат пантеонини ҳосил қиласи. Қадимги Шарқ динларининг тарихи бунга ёрқин далил бўла олади.

Қадимги Шарқ ҳалқлари, айниқса, Миср ва Месопотамия қулай табиий-жуғрофий шароит туфайли бошқа ҳалқларга нисбатан олдинроқ синфий тараққиёт ва юксак маданият яратиш йўлига ўтган эди. Аммо ҳали етилмаган қулдорлик, ниҳоятда мустаҳкам ва турғун қишлоқ жамоаси, ерга хусусий мулқчиликнинг йўқлиги каби баъзи ижтимоий-иқтисодий муносабатлар ўзига хос сиёсий тузум ва мафкуравий олам яратган. Шарқ жамияти мафкурасида ибтидоий жамоа диний тасаввурларининг таъсири ниҳоятда кучли эди. Ўша даврда инсон тафаккури қадимги анъаналар занжирига банд қилинган, тараққиёт эса диний таълимотлар чизигидан чиқолмас эди. Инсон онги ва қалбини тўлиқ эгаллаб олган дин қадимги Шарқда бошқа мустақил ижтимоий онг шаклларининг пайдо бўлишига йўл қўймаган. Бу жараённинг зўрлигини алоҳида қайд қилган мутафаккирлардан бири "Шарқ тарихи дин тарихи тусини олади", деб тўғри ёзган эди. Шарқ мамлакатларида қадимги даврларда фалсафа мифология, диний таълимотлар билан чатишиб кетганлигининг сабаби ҳам шунда. Қадимги Миср ва Бобилда фалсафий тафаккур умуман диний қобиқдан чиқолмаган, мустақил ижтимоий онг шаклида намоён бўлмаган. Фақат қадимги Юнонистон, қисман Ҳиндистон ва Хитойда фалсафа маҳсус ижтимоий онг шакли сифатида мустақил пайдо бўлган эди.

**Қадимги Миср.** Диннинг санъат, адабиёт, сиёсий ғоялар ва ижтимоий онгнинг бошқа шаклларидан фарқ қиласидан муҳим хусусияти шундан иборатки, у бир даврдан иккинчи даврга ўзи яралган шароитни ташлаб ўтиш ва янги даврга мослашиш қобилиятига эга бўлган. Шу-

нинг учун ҳам энг ибтидоий дин шакларидан (уларни яратган ижтимоий ва гносеологик илдизлар йўқолиб кетган бўлса-да) кўпчилиги кейинги юксак маданиятли жамиятларда ҳам сақланиб, муҳим ўринни эгаллаган. Буни қадимги Миср ва Месопотамия халқларининг тарихидан кўриш мумкин.

Кўхна Нилнинг серунум тупроқли воҳасида яшовчи халқларнинг ҳаётида неолит даврдан то юқори қулдорлик маданияти давригача диннинг хилма-хил шакллари намоён бўлган. Неча минг йиллар давомида қадимги Мисрда фиръавнларнинг чексиз ҳокимиятини илоҳийлаштирган, подшони тангри даражасига кўтарган диний эътиқодлар тизими билан бир қаторда энг оддий ибтидоий дин шакллари ёнма-ён турган. Ижтимоий тузумнинг ва умуман бутун маданиятнинг ниҳоят даражада секин ривожланганлиги туфайли Миср тарихининг ҳамма даврларида тотемизм, фетишизм, ҳайвонларга ва табиатга сифиниш каби ибтидоий диний эътиқодлар кенг тарқалган ва давлат миқёсида муқаддаслаштирилган. Тадқиқотчиларнинг фикрича, мисрликларнинг энг илк динлари шаҳар, вилоят (нўм) ларнинг ҳомийси ҳисобланган маҳаллий (аслида қадимги қабилавий) худолар ибодати билан боғлиқ. Қадимги подшолик даврида ёқ деспотик ҳокимиятга эга бўлган қудратли фиръавнларнинг илоҳийлаштирилган образлари вужудга келтирилган. Ҳар бир нўм (вилоят) ўзининг худосига эга бўлган, унинг ҳокими худонинг бевосита меросхўри ва ўғли сифатида тасвирланган. Қайси бир нўм ҳокими мамлакатни бириктириб, ўз ҳокимлигини ўрнатса, ўша нўмнинг ҳокими подшо, худоси эса энг олий бош худо ҳисобланган, яъни умумдавлат парвардигори даражасига кўтарилган.

Шуниси ҳам қизиқки, қадимги мисрликларнинг илгари мустақил жамоага эга бўлган ҳар бир шахри ўзининг худолар системасига эга бўлиб, шу системага уч худолик (учлик) бош бўлган: Ота-худо, Она-худо, Бола-худо. Масалан, Мемфисда Цта-Сўхмет-Нефертум учлиги, Фива шаҳрида Омўн-Мут-Хўнсу учлиги олий худо ҳисобланган. Шундай қилиб, умумий Миср худолар пантеони ташкил топган.

Мазкур жараённинг оқибати сифатида ҳайвон ва табиатга сифиниш кенг тарқалган: бу тотемистик тасав-

вурлар чукур илдиз қолдирганлигидан далолат беради. Қадимги Мисрнинг деярли барча худолари ҳайвон шаклида тасвирланган. Масалан, худо Гўр лочин шаклида, маъбуда Сўхмет — урғочи шер, худо Хнум — қўчкор, Мемфисдаги Хани ёки Опис — ҳўкиз, Отун — бузоқ, Омён ёки Ўсирис — қўчкор, Онибис — шақал, Нехебит — калхат, Сет — илон, Шебет (Сўбека) — тимсоҳ ва бошқа ҳайвонлар шаклида тасвирланган. Бутун мамлакатда фуқаролар мушук, қирғий, шер, буқа, эчки каби ҳайвонларга сифинганлар. Кўп жойда муқаддас буқа гўё табиатдан ҳам устун турувчи кучга эга бўлган. Подшо шер образи билан кўшилиб кетган, кўпинча подшонинг ўзи одам бошли забардаст шер (сфинкс) шаклида тасвирланган. Муқаддас ҳайвонлардан илон, калхат, лочин ва асалари азалдан подшо ҳокимииятининг ҳомийлари ҳисобланган: уларга сифиниш ҳатто подшонинг эътиқодида ва унвонларида акс этган. Мисрни юононлар босиб олгандан кейин мамлакатда саёҳат қилган атоқли географ Страбон таажжубланиб, халқ оммасида ҳайвонларга сифиниш кун сайин ва ҳаммаёқда кучайиб боряпти, деб ёзган эди.

Табиатнинг даҳшатли кучлари олдида тиз чўйкан мисрликлар қадим замонлардан муқаддас қоя ва тоғу тошларга, ер ва сувларга ҳам сифинганлар. Мамлакат экономикасининг асосини қишлоқ хўжалиги ташкил этганлиги туфайли ҳар хил деҳқончилик маъбудалари жуда кенг тарқалган. Улар сувни бутун табиатнинг асоси деб тушуниб, серсув улуф Нилни улуғлаштирганлар, уни худо Ўсирис билан тенглаштириб, "худоларнинг каттаси, ҳамма нарсани яратган, одамларга ҳаёт баҳш этиш учун тошиб турдиган Нил", деб атаганлар. Муқаддас сувга сифиниш одати фиръавнлар бошчилигига барча коҳинлар томонидан худога атаб ичкликлар ҳадя қилиш ва гуноҳларидан тозаланиш маросимини адо этишда ўз ифодасини топган. Нил дарёси бўйида дараҳтлар кам бўлса-да, хурмо ва миср анжири муқаддаслаштирилган, бутун ўсимлик ва ҳайвонот дунёси ҳар хил руҳлар, маъбудалар ва худоларнинг номлари билан тўлган.

Табиат ҳодисалари ва кучларини илоҳийлаштириб, ҳамиша тирилиб турдиган табиатнинг абадийлигини ифодаловчи мотам-маърака маросимининг марказий сий-

мосига айланган Ўсирис ва унинг рафиқаси Исида образлари диққатга сазовор. Қадимги подшолик давридан бошлаб давлат дини томонидан тан олинган Ўсирис ўлувчи ва тирилувчи табиатнинг худоси сифатида намоён бўлали. Қадимги мисрликлар Ўсирислик ўсимлик ва сув худоси деб тасаввур қилиб, ўзининг бу дунёдаги ҳаёти ҳам унга боғлиқ деб билганилар. Улар мазкур сув ва ўсимлик худосининг тирилиши кишининг янги ҳаётга қайтиши учун гаров, деб тасаввур қилганилар.

Қадимги Миср динларида дағн қилиш ибодати муҳим аҳамиятга эга бўлган. Жасадни мўмиёлаштириш техникаси ниҳоятда ривожланган ва мураккаб дағн қилиш маросими хилма-хил диний-сехргарлик тасаввурларига чулғанган. Одам жонининг ўлгандан кейинги тақдири билан боғлиқ дағн маросимлари ранг-баранг бадиий афсона ва ривоятларда, худо ва подшоларга бағищланган диний ваъда ҳамда гимнларда куйланган. Мисрликлар тасаввурида ҳар бир кишида Бо деб аталган жон бўлиб, у одам бошли күш шаклида тасвиранган. Ўрта подшолик давридан бошлаб охират, яъни нариги дунё, ўлганларнинг жонини суд қилишғояси ҳам пайдо бўлади. Охиратда жонларни Ўсирис 42 нўм худолари ёрдамида сўроқ қилас эмиш.

Милоддан аввалги V минг йилликка оид энг қадимги обидалар киши ўлгандан кейин ҳам дунёвий ҳаётдаги сингари моддий ва бошқа эҳтиёжларни қондиради деган тасаввурлар ҳукм сурғанигини кўрсатади. Жасадни квадрат шаклидаги гўрга ҳар хил озиқ-овқат, ичимликлар солинган тош ёки сопол идишлар, қурол-аслача, уй буюмлари, баъзан уй ҳайвонлари ва хизматкорлар тасвиранган ҳайкалчалар билан дағн қилганилар. Энг қадимги даврларда ўликни чиптага, терига ёки матога ўраб, гўё у ухлаб ётгандай бир томонга қаратиб букчайтириб ётқизиб, квадрат сағаналарга кўмганлар. Кейинчалик мазкур ер ости сағаналарининг деворлари тошдан қурилган ва устига ёғоч ёпилган. Мурда яхши сақланиши учун унинг бутун ичак-чавоқларини тозалаб, маҳсус каноп идишларга солиб, ўликни туз эритмаси ва смола билан мураккаб усулда мўмиёлаштириб, бир неча қават зифирпоя газламасига қаттиқ ўраганлар. Тобутнинг бош қисмига офтоб нурлари тушиб турсин деб, кўзи тўғрисида иккита те-

шикча қолдирилган. Албатта, ҳоким ва бой кишилар шу тариқа дағн қилинган. Подшолар қабри устида эса ниҳоятда дабдабали мақбара (эхром)лар қад қўтарган.

Мисрликлар тасаввурнида охиратда худолар фақат подшо ва бой зодагонларни қабул қилар эмиш, коинот эшиги фақат фиръавнлар учун очилар эмиш. Оддий кишилар эса охиратда ҳам Нил дельтасига ўхшаш қамишзор далалярда жойлашиб, ҳаётдагидек бу афсонавий серунум ўлкада деҳқончилик билан шуғулланар эканлар. Қадимги Мисрда ҳалқ орасида гүё ўликин кўмганда алоҳида мотам-маърака маросимларини бажариш ва ҳар хил сеҳргарлик одатларини ўташ орқали одамлар у дунёда ҳам ўз мол-мулкини, подшо марҳамати билан ато этилган имтиёзларини сақлаб қоладилар, деган тасаввурлар кенг тарқалган. Марҳум нариги дунёда ҳам хотиржам бўлсин учун қавму қариндошлари жуда кўп курбонликлар қилганлар. Мазкур қадимги дағн маросимлари узун папирус ўрамига ёзилган "Ўликлар китоби" да ва бошқа жуда кўп диний тўпламларда, шунингдек охират суди, нариги дунёдаги роҳат ва фароғат тўғрисидаги афсоналар ўлик солинадиган тобут-қутилар ва сафана деворларига битилган ёзувларда батафсил баён этилади.

Аммо фиръавнларнинг деспотик ҳокимияти билан чирмашиб кетган диннинг ҳалқ ҳаётида шундай катта роль ўйнашига, ижтимоий онгнинг бошқа шакллари орқали диний таълимотнинг инсон қалбига зўр таъсир қилишига қарамай, тафаккур эркинлиги бутунлай бўғилмаган эди. Ёзма манбаларга қараганда қадимги Миср мафкураси ҳар хил шубҳаларнинг гояларидан тўла фориф бўлмаган. Бунга масалан, "Арфа чалувчи қўшиғи" ва "Хаётдан кўнгли совиган одамнинг ўз руҳи билан суҳбати" каби баъзи поэтик асарлар ёрқин далил бўла олади. Инсоният тарихидаги бундай дастлабки бадиий асарларда охиратга ишонмаслик, у дунё ҳаётига шубҳа оҳанглари янграйди, уни яратган муаллифлар киши ҳаётлигига бу дунёнинг барча лассат ва ноз-неъматларидан тўла баҳра олишга чақирадилар. Милоддан аввалги ХХII-XXI асрларда, яъни бундан тўрт минг йиллар муқаддам ёзилган "Арфа чалувчи қўшиғи" асарида диний таълимот ваъда берган охиратдан ҳеч ким қайтиб келмаган, шунинг учун у дунё тўғри-

сида ҳеч ким ҳеч нарса айта олмайди деган фикрлар баён этилади. "Худолар, ҳимматли ва олижаноб кишилар мўмиё ҳолатда эҳромларда дафн қилингандар, аммо уларнинг ҳолати не бўлди — ҳеч ким билмас экан, — дейилади қадимги бир ашулада, — уларнинг кетидан боргунча, кунингни шодликда ўтказ, танга ором бер, қалбинг ҳукми ила истакларингни бажо эт, ёмонлик орқангда қолсин. Жимжитлик, сукунат ҳукм сурган ўлка бир куни сенинг ҳам ётоғинг бўлғай. Ўша кун келгунча ишрат қил, ҳамиша ўйнагил-кулгил, кўнглинг шод ўлғай".

Иккинчи асарда тафаккур эркинлиги янада ёрқин на-мойн бўлади. "Суҳбат" аслида фалсафий руҳдаги шеърий диалог услубида ёзилган асардир. Унда яшашдан мақсад нимада, деган саволга жавоб ахтариб, ўша даврнинг бутун ҳаёт тартибларидан норозилик изҳор қилинади, ҳаётда ғам-ғуссадан бошқа нарса кўрмаган муаллиф азоб-уқубатдан кутулишнинг йўли фақат ўлимда, дея ғоят пессимистик туйғуларни изҳор қиласди. Дунёвий ҳаётдан ҳафсаласи пир бўлган киши фалакдан дод-фарёд деб, уни ҳақорат қиласди, охират ва абадий ҳаётнинг борлигига шубҳаланиб, ишонч билан айтадики, "ўлим ҳамма учун, бойлар ва кам-багаллар учун ҳам баб-баробар, ҳамманинг ҳам қисмати бир хил — ҳамма ҳам жазирама офтоб нурлари остида ёки энг қудратли бўлган сувнинг кучи билан йўқ бўлиб кетади... . Сени уйдан олиб чиқиб, гўрга ташлайдилар. Сен ҳеч қачон ундан қайтиб чиқолмайсан ва қуёш нурини кўролмайсан. Метиндан мустаҳкам қасрлар қурдирган кишилар ҳам бўм-бўш қурбонгоҳларни қўрдилар. Сол устида ўлиб кетган ва фарзанди ҳам қолмаган кишиларнинг қисмати нима бўлса, ўша қасрларни қурдирганларнинг ҳам қисмати шу бўлди". У дунёда яшашга ишонмаган киши жуда катта чиқимлар талаб қиласиган дабдабали мотам-маъракалар ўтказиш ва катта қурбонликлар бериш билан охиратда абадий, фароғатли ҳаёт кечириш мумкин, деган афсонавий гапларга ҳам ишонмай кўяди. "Суҳбат"да шахсий норозилик эмас, балки зиддиятларга тўла ижтимоий табақаланган жамиятнинг исканжасида эзилган инсоннинг дод-фарёди ва қалб фифони изҳор қилингандир.

Азалдан анъана бўлиб келган диний тасаввурларга зид фикрлар, яъни охират ва нариги дунёдаги абадий ҳаётга

шубҳа қилишнинг намуналари халқ ижодининг айрим жанрларида ҳам учрайди. Кўпгина насиҳатномаларда ва бошқа асарларда камбагаллар бойларга ҳавас қилмайди, чунки киши умри қисқа, ўлим ҳаммани тенг қиласди, деган ғоялар мавжуд. Насиҳатларда одоб нуқтаи назаридан: "Кишини ота мулкидан маҳрум қилмаслик, хизматкорларни ҳайдамаслик" кераклиги айтилади. Подшо Охтўй "Насиҳатнома"сида кўрсатилган мазкур одоб қоидаларини бузиш охиратда даҳшатли жазоларга рўпара қиласди, деган ғоялар, албатта, нариги дунё таълимоти ҳам социал характерга эга эканлигини исботлайди. Қулдорлик мафкурачилари фоний дунёдаги хурсандчилик ва шўхликларга охиратдаги абадий яшовчи жоннинг тинч хузур-ҳаловатини ва кайф-сафоли ҳаётини қарама-қарши қўядилар.

Аммо подшо ҳокимияти ва коҳинлар зўравонлигидан норози бўлган оқсуяқ зодагонлар охират тўғрисидаги таълимотни танқид этиб, уни беҳуда умидлар деб, бу дунё лаззатларидан фойдаланишни насиҳат қилганлар. Герадотнинг ёзишича, мисрликлар базмига келган меҳмонларга ёғочдан ясалган ўлик тасвирли кутини бир-бир кўрсатиб: "Буни кўр, шундан кейин ич, ўйин-кулги қил, чунки ўлганингдан кейин сен ҳам шунга ўҳшайсан", дейиш одат бўлган. Битта қабрга ёзилган хатда хотинининг ўз эрига мурожаати келтирилган: "Эй биродарим, рафиқим, дўстим, ичиш-ешишдан чарчама, ичгил ва муҳаббат лаззатини тотгил, байрам қил, кеча-кундуз қалбинг тилагини қондир. Бутун Farb — машаққат тўла уйқу ўлкаси: бу ер ўз мўмиёларида абадий уйқуда ётганлар жойи, улар ўз биродарлари, ўз ота-оналарини кўриш учун энди уйғонмайдилар, кўнгил на хотин, на болаларни истамайди!"

Милоддан аввалги XII асрга оид папируслардан бирида, эҳром абадийлик келтирмайди, кишиларга фойда келтирадиган буюк асарлар мангум яшайди, дейилади. Доно китобларнинг муаллифлари абадий, чунки уларни авлодлар ўқииди, ўрганади ва ўз устозларини доимо эслайдилар. Улар темир қабрли мис эҳромларни қурдирмаганлар. Насиҳат китоблари уларнинг эҳромлари. Қабрдан, мустаҳкам урилган девордан китоб фойдали. Инсон ўлгач, жасади тупроққа айланади, унинг барча яқинлари ҳам ўлади, аммо асарлар ўқувчилар оғзидан тушмайди, қурил-

ган уй, мудофаалаштирилган қўрғон, ибодатга аталган тош плитасига нисбатан абадий яшайди. Оҳтўй насиҳатларида китоб ва таълимнинг фойдасини таърифловчи "Китобни онангдан ҳам кўпроқ сев", "Китобдан буюк нарса йўқ" деган фикрлар кўп учрайди. Умуман қадимги Миср бадиий ижодида диний тасаввурларга зид ҳолда инсонга муҳаббатни изҳор қилувчи гуманистик ғоялар мағрур жаранглайди.

Қадимги Миср маданиятини анча ривожланган илмий билимларсиз тасаввур қилиш қийин. Киши табиатни тўғри идрок этишга ва унинг сирларини билиб олишга доимо интилади. Қадимги мисрликлар ҳам кундалик хўжалик ҳаётида, айниқса, суфоришга асосланган деҳқончиликда ва дабдабали иншоотлар куришда эркин тафаккурига таянган аниқ билимларга муҳтоҷ бўлганлар. Тўрт-беш минг йиллар муқаддам ёзилган "Насиҳатнома"ларнинг бирида билимга юксак баҳо бериб шундай дейилади: "Агар сен билимдон одам бўлсанг, айтганинг-айтган, деганинг деган бўлади. Ёзиш-ўқишини чуқур эгаллаб, кўнглингга маҳкам жо қилиб ол, ана шунда ҳар бир айтган гапинг ҳаммага манзур бўлади". Қаттиқ интизомга таянган маҳсус мактабларда зодагон қулдорлар, бой-амалдорларнинг болалари таълим-тарбия олган. Ҳаттоқи олий типдаги "турмуш уий" деб аталган "мирзалар мактаби" ҳам бўлган.

Албатта, кундалик ҳаётдаги амалий эҳтиёжларни қондириш, сув деҳқон хўжалиги, савдо, бинокорлик ва монументал санъатнинг ривожланиши учун математика, геометрия, астрономия каби аниқ билимлар зарур эди. Қадимги Миср донишмандлари 300 дан ортиқ ўсимлик, қушлар ва ҳайвонлар рўйхатини тузганлар, ветеринария дарслигини ёзганлар, ҳатто инкубаторни кашф этганлар. Подшо мақбаралари ва ибодатхоналарида топилган схематик харита ва чизмалар, ҳисоб жадваллари ва геометрик тўпламлар, юлдузларнинг жойлашиш жадвали ва осмон харитаси, медицина ва ветеринарияга оид бир қанча матнлар ўз замонаси ҳаётининг ҳар томонларини реалистик тасвиirlаш санъати инсон тафаккурида дин ҳукмронлик қилган даврда ҳам ривожланганлигидан далолат беради.

**Қадимги Месопотамия.** Қадимги Миср билан бир даврда энг қўҳна юксак маданият яратган Дажла (Тигр) ва

Фот (Евфрат) дарёлари воҳаси — Месопотамияни баъзи тадқиқотчилар қадимги дунё динларининг бешиги деб атаганлар. Аслида бу ҳақиқатдан узоқ фикр бўлса-да, аммо унда ҳам жон бор. Чунки икки дунё — Шарқ ва Farb цивилизацияси оралиғида яшаган қадимги шумерлар, ак-қадлар, суряликлар ва бобилликлар яратган ажойиб маданият ва уларнинг динлари қўшни мамлакатларга зўр таъсир кўрсатган. Милоддан аввалги даврда ўзининг сиёсий ва маданий ҳукмронлигини ўрнатган шумер ва аккад халқлари кашф қилган миххат ёзуви Кавказ чўққиларидан то Нил дарёси воҳасигача кенг ҳудудда яшаган халқлар маданиятининг пайдо бўлишида муҳим роль ўйнаган эди. Ҳатто месопотамияликларнинг қадимги тили қўшни халқларнинг дини, қонуншунослиги ва адабиётига зўр таъсир ўтказиб, асрлар давомида (худди Европадаги лотин тили сингари) коҳин ва зодагонларнинг расмий тили сифатида (уларга семитик жиҳатдан анча ёт бўлса ҳам) узоқ даврлар сақланиб келган.

Қадимги Шарқ халқларининг маданияти сингари кўхна Месопотамия маданияти ҳам ҳар хил диний тасаввурлар билан аралашиб, ибтидоий диний-сехргарлик эътиқодлари билан суғорилган. Уларда табиат кучларига ва айниқса сувга сифиниш кенг тарқалган. Ҳудолар одамсизмон маҳлуқ шаклида тасвирланганлиги тотемистик тасаввурларнинг сақланиб қолганлигидан далолат беради. Месопотамияда суғориладиган деҳқончилик асосий хўжалик фаолияти бўлганлиги туфайли ҳосилдорлик ва сув худолари олий даражали ҳисобланган. Жанубий Месопотамияда энг қадимги даврларда даҳшатли табиат стихияси — сув тўфони худолари Апсу ва Тиамат тўғрисида ҳам ҳар хил афсоналар пайдо бўлган.

Милоддан аввалги II минг йиллик ўрталарида икки дарё ўртаси бирлаштирилиши билан донишмандлик худоси — балиқ думли ёки гардани балиқникига ўхшатиб тасвирланган Эа одамларни ҳар хил касб-хунарга, санъат ва билимга ўргатувчи илоҳий қудрат деб танилган. Унинг "ўғли ва образи" бўлмиш Таммуз ҳам сув худоси ҳисобланган ва "мамлакат ўсимликларининг ҳукмдори" деб аталган. Уни баъзан ҳаётбахш қуёш худолари даврасига киригтанлар, табиатни тирилтирувчи ва унинг ишлаб чиқа-

рувчи кучлари худоси қиёфасида тасвирилаганлар. Табиатни туғдирувчи ва ҳаёт худоси Иштар кўпинча танасидан шоҳ-бутоклар ўсиб чиққан хотин образида тасаввур қилинган ҳамда "осмон ва ернинг порлоқ машъали" бўлмиш "Зуҳра ўлдузи" сифатида мужассамлаштирилган. Момақалдироқ худоси ва Бобилнинг энг олий ҳомийси Мардук афсонавий аждарҳо ёки ярим илон, ярим қуш қиёфасида тасвириланган.

Бобил давлатининг энг гуллаган даврида Мардук худолар ўргасида биринчи ўринга кўтарилиган. Аммо қадимда осмон худоси Ану "худолар подшоси" ва "отаси" ҳисобланган. У етти қават осмоннинг энг юқори қаватида тахт ўрнатиб, бутун оламга ҳукмронлик қилган. Унинг рафиқаси ҳисобланган Иштар бир вақтлар она маъбуда қиёфасида тасвириланган бўлса, деспотик давлат пайдо бўлиши билан даҳшатли жангчи, осмон маликаси ва подшо ҳокимииятининг ҳомийсига айлантирилган. Қадимги деҳқончилик худоси "фаровонлик, бойлик ва ҳосил ҳомийси" Мардук эса Бобил кўтарилиши билан "улуг ҳукмдор" га, "осмон ва ер ҳукмдори"га, қудратли жангчи, олий давлат худосига айлантирилган. Қуёш худоси Шамаш адолат ва ҳаққоният худосига, ердаги подшонинг осмондаги ҳомийси даражасига кўтарилиган.

Шундай қилиб, қулдорлик жамияти ривожланиши билан қадимги табиат худолари аста-секин ҳокимият ва ҳукмдорлик худоларига, адолат ва куч тимсоли сифатида самовий қози ва даҳшатли подшоларга айлантирилган. Худолар пантеонида мансаблар бўлинган. Учала худо — осмон худоси Ану, ер худоси Энлил ва донишмандлик худоси Эа олий худолар гуруҳини ташкил қилган. Улардан бир поғона пастида ой худоси Син ва унинг фарзанди (қадимги шумерлар тасаввурига кўра кундуз кечадан туғилган) Қуёш худоси Шамаш, момақалдироқ худоси Адад ва табиатни тирилтирувчи худо Таммузнинг хотини Иштар етти қават осмоннинг пастики қисмларида жойлашган.

Бу даврда диний тасаввурлар анча мураккаблашган, турли-туман маросимлар ўtkазилган ва уларни бошқариш учун коҳинлар табақаси пайдо бўлган. Ердаги ҳокимлар ҳам илоҳийлаштирилиб, подшолар халқ оғзаки ижодида, адабиёт ва санъатда худолар қиёфасида тасвирилан-

ган. Бутун адабиёт диний мақсадларга хизмат қилган, улар диний афсоналар ва ривоятлар, диний ақидалар ва foяларни ифодаловчи восита ролини ўйнаган, холос. Ҳатто илмий билимлар ҳам дин хизматига кўйилган. Диний ва дунёвий билимларни факат коҳинлар билиши мумкин дейилган, диний таълимот эса ҳамма нарсани тушунтира оладиган илми фойиб деб билинган. Бош коҳин вазифасини ҳоким ва подшолар эгаллаган, улар ўзларини дин соҳасида энг билимдан деб ҳисоблаганлар. Бунга қадими Урук подшоси Гильгамеш мисол бўла олади. Мазкур подшо тўғрисида яратилган достон диққатга сазовор. Унда "учдан икки бўлраги худо ва бир бўлраги одам" шаклидаги Гильгамешнинг қадимги Урук шаҳрида қандай подшолик қилганлиги, катта иншоотлар ва худоларга атаб ибодатхоналар қуриш учун ҳалқни эзиб, унга зулм қилганлиги ҳикоя қилинади. Ҳалқ эса оғир қисматга чидолмай, золим подшо устидан худоларга арз қилганлиги, худолар афсонавий кучга эга Энкиду номли баҳодирни яратиб, уни Гильгамешга рўпара қилганлиги ва улар орасида кураш бўлиб, оқибатда тенг кучли паҳлавонлар дўст-биродарликка эришганлиги бадиий бўёқлар билан тасвиранланган. Улар биргаликда кўп қаҳрамонликлар кўрсатган.

Энкидунинг обиҳаёт ахтариб бошидан кечирган ҳар хил саргузаштлари баён қилинган бу ривоят қадимги диний афсоналар ва мифлар билан бойитилган. Достонда киши қандай қаҳрамонликлар кўрсатмасин, ўлимдан қочиб кутула олмаслиги, ўлим муқаррар эканлиги ва уни ҳеч қандай куч енга олмаслиги жуда зўр маҳорат билан, ёрқин ифодаланган. Бош қаҳрамон Гильгамеш ҳам ўзининг худо насабидан бўлишига қарамай, худоларнинг олий марҳаматига етиша олмаган, абадий ҳаётга мусассар бўлмаган. Гильгамеш марҳум дўсти Энкидунинг арвоҳи билан учрашиб ундан одам ўлгандан кейин у дунёда нима ҳол кечишини сўрайди. Бу ибтидоий анимистик тасаввурлар билан боғлиқдир.

Қадимги шумер-бобил достонларида ҳикоя қилинган дунё тўфони ва одамнинг яратилиши ҳақидаги афсоналар кейинчалик жаҳон динларига ҳам ўтган. "Гильгамеш тўғрисидаги достон"да қаҳрамон абадий яшаш йўлини қидириб, обиҳаёт ичган бобоси Ўт-Напиштам яшаган ерга

борган ва ундан обиҳаётни қаердан олганлигини сўраған. Бобоси унга қадим ўтмишда жаҳлдор худолар қилган гуноҳлари учун одамларни жазолаш мақсадида ерга даҳшатли тўфон юборган ва бутун дунёни сув босиб, катта ҳалокат бошлангани, бу ҳалокатдан фақат унинг ўзи тангри Эа маслаҳати билан ясаган қайифига миниб, "дунёнинг жами жониворлари"нинг уруғини солиб, қутилиб қолганини ҳикоя қилиб беради. Тўфондан омон қолган Ўт-Напиштамга ва унинг хотинига худолар абадий ҳаёт баҳш этган эмиш. Бундай афсоналар кўп ҳалқларда ҳар хил баён қилинади. Улар минг йиллар кейинроқ айрим муқаддас китобларда — Таврот, Инжил ва Куръонда ҳам ўз аксини топган.

Қадимғи Месопотамия диний афсоналаридан яна бири — йилнинг фаслларга бўлиниб, табиатнинг ўзгариб туришини ўзича талқин қилувчи худо Таммуз ҳақидаги афсона ҳам дикқатга сазовор. Ривоятларга кўра табиат худоси Таммуз вафот этгандан сўнг унинг садоқатли рафиқаси Иштар эри кетидан ер ости дунёсига тушган. У ердаги етти дарвозанинг ҳар бир қўриқчисига ўзининг бебаҳо зебу зийнатларидан биттасини қолдириб, севимли эрини топади ва нариги дунёда биргаликда бандиликда яшай бошлайди. Аммо табиат ҳомийлари ҳисобланган мазкур худоларнинг ер юзидан кетиши фоний дунё ҳаётини тўхтатиб қўяди. Бу ҳолат бошқа худоларни Таммуз ва Иштарни ер ости дунёсидан озод қилишга мажбур этади. Мазкур ривоят асосида Таммузнинг ўлими ва қайта тирилишига бағишланган жуда катта тантана ва маросимлар ўтказилган. Кичик Осиёда кенг тарқалган ҳосилдорлик маъбуласи Мо, Рея ёки Кибела ҳам табиатнинг ўлиши ва қайта тирилишини ифодаловчи худолардан бўлиб, у ҳам Иштар сингари ўз севимли эри Аттисни тирилтирган. Бу воқеага бағишланган катта байрамлар баҳорда март ойида зўр тантаналар билан ўтказилган. Кейинчалик христианлар худоси Иисус — Исо пайғамбар образининг шаклланишига афсоналарга бой шундай маросимлар таъсир қилган.

Милоддан аввалги VII асрга оид Бобил ёзувларидан бирида бу афсонанинг янги бир нусхаси топилган бўлиб, унда табиат худоси Таммуз ўрнига Бобилнинг бош худоси Мардук образи тасвирланган. Афсонага кўра Мардук

ер ости дунёсида жуда кўп азоб-уқубатларни бошидан кечиради, уни уриб сўроқ қиласилар, тоғдаги зинданга қамаб, қаттиқ қийнайдилар. Улуғ тангрининг кулфат чекаётганидан ғазабланган халойиқ ғалаён кўтариб, унинг қисматини енгиллаштиришга ҳаракат қиласиди. Мардуки озод қилган маъбуда унинг "найза санчилган юрагидан чиқаётган қонни қўли билан артади" ва худолар ёрдамида қайтадан тирилтиради. Бу воқеага бағишлиланган янги йил (кўкламда кеча-кундуз баравар бўлган кунда) байрамлари ниҳоятда тантанавор нишонланган ва катта диний маросимлар ўтказилган. Ана шу тантанали маросимда подшонинг ўзи қатнашиши шарт бўлган.

Маросимларда коҳинлар ўзига хос поэтик шаклдаги афсунлар, кароматли дуолар ва суралар ўқиганлар. Худоларни улуғлайдиган дуо, гимнлар, афсун ва кароматлар чолғу асбобларининг мунгли товушлари остида янграган. Христиан динидаги пасха байрами маросимларига ўхшаган бу тантаналар табиат худосининг ўлими ва тирилишини ифодалаган. Бобилда ўтказиладиган бу катта маросимга мамлакатнинг ҳамма ёғидан вакиллар келган, маросим иштирокчилари Мардук бош ибодатхонасидан чиқиб, шаҳар чеккасидаги муқаддас жойга тўпланганлар. Тўрт кун давомида дуохонлик ва қурбонликлар қилинган, бешинчи куни қўй сўйиб, унинг гўштини дарёга улоқтирганлар. Шу билан халқнинг барча гуноҳлари дарёдаги сувда ювилар эмиш. Олтинчи куни маросимнинг энг Олий нуқтасида подшо Мардукка тақлидан тиз чўкиб, ўзини жафокаш қилиб кўрсатиши лозим бўлган. Коҳинлар подшони муқаддас деб тасвирлаб, у худонинг ердаги вакили (ноиби), деган таълимот асосида қулдорлик ҳокимиятини илоҳийлаштирганлар. Бундай маросимлар кейинчалик юнон-рим динларида ҳам ўз аксини топган.

Академик Б.А.Тўраев ибораси билан айтганда, бутун қадимги дунёга "ҳам географик, ҳам хронологик" жиҳатдан зўр таъсир ўтказган Бобил маданияти тафаккур эркинлиги билан ҳам намуна бўлган. Олам ибтидоий хаосдан келиб чиққан, деган тасаввур даставвал Бобилда пайдо бўлган. Дабдабали иншоотларнинг тикланиши қадимги бобилликларда ҳам, мисрликлар сингари, диний-идеалистик тасаввурларга зид ҳолда содда материалистик тушун-

ча куртакларини яратган эди. Бу ерда ҳам инсон бахтсизлигининг асосий сабаби — унинг гуноҳга ботиши билан боғлиқ деган тасаввурлар кенг тарқалган. Бу гуноҳларига икрор бўлган шахснинг тавба қилиб, худога ноласи баён этилган қадимги ёзувлар диний эътиқоднинг кишилар онгига нақадар сингиб кетганлигидан дарак беради. Аммо бундай ёзувларда ҳам дин ва охиратта шубҳа туйғулари мавжуд. Бунга "Жафокаш тақводор қиссаси" ва "Хўжайниннинг кул билан суҳбати" асарлари мисол бўла олади.

Биринчи асарда муаллиф ўзининг оғир қисматидан, ҳамма вақт бахтсизлик кетидан бахтсизлик келишидан шикоят қилиб, унинг сабабларини билишга интилади. У ўз ҳаётини таҳлил этиб, на худолар ва подшолар, на коҳинлар олдида биронта ҳам жиноят қилмаганлигини ва ўзини тамоман бегуноҳ деб сезишини, диний мажбуриятларини доимо "саҳоват" билан адо этишига қарамай, азоб-укубат ва қийинчиликдан боши чиқмаганлигини баён қиласди. Муаллиф унинг ибодат ва саждаларига эътибор қилмайдиган худоларнинг адолатлигига ва диний ақидаларнинг ҳақлигига шубҳа қилиб дейди: "Ҳар кун хўрси-ниш, ҳар кеча кўз ёши, ҳар ой — дод-фарёд, ҳар йили фам-ғусса: мен чақирдим ўз худойимни, лекин кўрсатмади у менга юзин. Ўз маъбудамга қилсан-да сажда, боқмади у менга кўрсатиб кўзин... Қандай ноҳақ бу дунё! Подшога ҳурмат — олий ҳиммат деб бердим мен таълим. Аммо худога не манзур — била олмадим. Чунки инсон маъқул деб билган нарса худога қабиҳ сезилади, киши кўнглини ранжитган нарсани парвардигор хайриҳоҳлик деб билади. Осмондаги худолар эркини ким билади? Фойиб қисмати — қоронбулик, уни ҳеч ким билармикан? Биз, бандали, қандай қилиб, худо йўлини тушунамиз?" Мазкур сатрларда, бир томондан, худога садоқат, унинг насиҳатларига риоя қилишга тайёр туриш, подшо ва бошқа ҳокимларни ҳурмат қилиш, иккинчи томондан, худо образининг ноаниқлигини, худонинг шафқатли ва хайр-саҳоватли эканлигига шубҳа мотивлари ифодаланган.

"Хўжайниннинг кул билан суҳбати" бундан ҳам пессимистик руҳдаги асардир. Ўзига хос услубда ёзилган бу диалогда хўжайниннинг буйруқларига ва ҳар хил истакларига кул ҳар гал итоатгўйлик билан "хўп", деб жавоб бе-

ради. Хўжайнинг бетайин саволларига қулнинг жавоблари фақат қуруқ тасдиқ эмас, балки бу — хўжайнинг хатти-ҳаракатларига берилган баҳо ҳамдир.

Хўжайн подшо саройига бориш фикрини айтади, кул "бундай садоқат учун бойликка эришиш мумкин", дейди; хўжайн бу ниятидан айниганида, қул бундай ҳаракатни ҳам маъқуллайди, аммо унинг номаълум жойга сургун қилиниб, жафо чекишини айтади; хўжайн худога курбонлик беришни ўйлади, кул бундай савоб иш учун унинг тақдирланиши мумкинлигини айтади, хўжайн курбонлик бериш фикридан қайтади, хизматкор бу фикрни ҳам тасдиқлаб, очиқдан-очиқ даҳрийларча жавоб беради: "Курбонлик қилма, хўжайн, қилма! Сен худони номоз ўқиш ёки бошқа синов билан итдек кетингдан зргаштиарман деб ўйлама!" Хўжайн ватани учун хайр-саховатли ишлар қилишини айтади, кул "бу ниятлар эвазига фақат яхшилик кўриш мумкин", дейди; хўжайн бу эзгу ниятидан қайтади, шунда қул: "Саховат қилма, хўжайним, ҳаробага айланган шаҳарлар тепасига чиқиб, теварак-атрофга кўз ташла, кўхна ҳаробаларни сайр қил ва илгари ўтган кишиларнинг жасад суюкларига назар ташла, қайси бири золим подшо бўлган ва қайси бири хайру саховат эгаси — уларни фарқлаш мумкин эмас!", дейди.

Шундай қилиб, ўз хўжайнинидан ҳам ахлоқий, ҳам интеллектуал жиҳатдан баланд турган қул доно ва истеҳзоли жавоблари билан диққатни тортади, у баъзан даҳрийлик руҳида мулоҳаза юргизади. Ҳаётдан кўнгли ранжиган хўжайнинг қарама-қарши ва бир-бирига зид фикрларини тасдиқловчи қул аслида борлиқнинг нақадар мураккаб ва чалкаш эканлигини қайд қиласди. У ҳаётда ҳамма нарса узвий боғлиқ ва ўзаро муносабатда, доимий ва тургун ҳақиқат йўқ, деган фикрни илгари суради. Қулнинг мантиқий изчил ва аниқ жавобларидан, унинг ҳаёт ҳодисаларини ақл-идрок билан баҳолашидан подшонинг одиллигига, ҳудонинг шафқати ва ёрдамига, охиратдаги ҳузур-ҳаловатга умид боғлаш асоссиз, деган хulosса ўз-ўзидан келиб чиқади.

Қадимги Миср ва Бобилдаги ҳурфикрлилик ғояларининг моҳияти ижтимоий характерга эга. Инсоннинг ердаги ҳаёти ниҳоятда оғир. Агар қудратли ва сахий худо-

лар мавжуд бўлса, нега улар одамларга ёрдам бермайди? Нима учун улар ўзлари яратган дунёдаги адолатсизлик ва жафоларга бефарқ қарайдилар? Коҳинлар тарғиб қилаётгани худолар мавжуд бўлса, нима учун уларни ҳеч ким кўрмаган, битта одам йўқки, уларни тўғри тасвирлаб берса? Нима учун нариги дунёдан ҳозиргача ҳеч ким қайтиб келмаган, коҳинлар тасвирлаган жаннат ва дўзахдан ҳеч қандай дарак йўқ? каби шубҳали саволлар бизга етиб келган ҳар хил фольклор ва бадиий асарларда кўп учрайди.

Ахлоқ мавзуига оид қадимги Шарқ, жумладан Миср адабиётларида инсоннинг хулқ-автори фойибдан белгиланган эмас, унинг ўз иродасига, тарбиясига боғлиқ дейилади. Одоб насиҳатлари файритабиий кучларга таянмасдан, инсоннинг ўз тажрибаси ва амалий фаолияти мисолида асослаб берилади. Жуда кўп халқ мақоллари ахлоқ нормаларини ўзида мужассамлаштирган. Уларда инсоннинг ажойиб фазилатлари, ижодкор меҳнати, тафаккур эркинлиги акс этади. Масалан, "Бой йиртқич бўлгандан, вижонли инсон бўлган яхши", "Тилингни ёмон гапдан тий, шунда кишилар муҳаббатига эришасан", "Бирорвга ёмонлик қилиш ниятида ҳеч вақт қадам ташлама". Милоддан аввалги XXVII асрга оид баъзи шумер мақоллари исёнкор руҳга эга: "Ҳамма камбағал оиласлар ҳам итоатгўй эмас", "Сен эҳтиёткор бўлсанг — худойинг сен билан, эҳтиёткор бўлмасанг, худойинг юз ўгиради". Шу муносабат билан ўзбек халқининг "худо ҳам сақлаганни сақлайди", деган афоризми буларга яқинлигини эслатиш мумкин.

Қадимги Шарқда худонинг хизматкори ҳисобланган подшога бўйсунмаслик "худосизлик" деб баҳоланган. Шумер мақолларидан бирида "Подшо — худонинг ойнаси," дейилади, яъни осмон ва ердаги ҳокимлар ўзаро яқин, демак, ердаги ҳокимга қарши чиқиш — худога қарши чиқиш, худога қарши исён кўтариш билан тенг, деган фоя илгари сурилади. Албатта, қадимги Шарқ одобномасида рационализм ва мистицизм диний руҳда намоён бўлган, мазлум аҳли ўзининг этик дунёқарашини фақат диний шаклда ифодалаган.

**Қадимги Ҳиндистон.** Тафаккур эркинлиги асосида пайдо бўлган диний танқид намуналари, айниқса, қадимги Ҳиндистон ва Хитойда ривож топган. Аммо энг қадимги

ҳинд динлари тўғрисида маълумотлар жуда оз. Милоддан аввалги II минг йиллик ўрталарида шимоли-фарбий Ҳиндистонда ижтимоий табақаланиш кескинлашгани, мустаҳкам ҳокимиятнинг мавжудлиги, ўзига хос юксак моддий ва маънавий маданият, чунончи, суратли ёзув, санъат ва дин формалари бўлганлиги аниқланган. Моҳинжа-Дорова Ҳараппада ўtkазилган археологик тадқиқотлар буни тасдиқлайди. Бу даврдаги ҳинд маданиятини қадимги шумер ва аккад маданиятлари билан тенглаштириш мумкин ва шу асосда бу икки мамлакат орасида ўзаро маданий ва савдо алоқалари бўлган деб фараз қилинади.

Ҳиндистоннинг узоқ шимоли-фарбдан келган орий қабилалари истилосидан кейинги даврдаги ижтимоий тузуми, маданияти ва динларини қадимги ёзма манбалар, даставвал қонун ва диний тўплам (веда)лар асосида тасаввур қилиш мумкин. Веда динлари билан бир қаторда ўша даврда ҳар хил тотемистик тасаввурлар, табиатга, айниқса, космик ҳодисаларга сифиниш каби ибтидой дин шакллари ҳам мавжудлиги аниқланган. Бундан ташқари илк синфий жамиятларга хос бўлган ҳомий турли худоларга сифинилган. Мифларга қараганда, худолар дунёнинг яратилишида иштирок қилганлар, аммо бунёдкорлик ролини ўйнамаганлар. Веда худолари пантеонида осмон худоси Воруна, қуёш худоси Суръё, тонг худоси Умос, мамақалдироқ ва яшин худоси Индра, шамол худоси Вайю, олов худоси Огни, охират худоси Ема, ҳосилдорлик худоси Одити энг муҳим худолардан ҳисобланган. Илк веда даврида бу худолар ичida ёмғир ёғдирувчи, ҳаёт бағишлиовчи, ҳосилдорлик маъбудаси Индра ва уйнинг муқаддас ҳомийси, худолар билан инсон орасидаги воситачи ҳисобланган олов худоси Огни энг обрўлиси бўлган. Ҳиндулар бу даврда ибодатхоналар қурмаганлар, худо образини тасвиrlовчи ҳайкал ва расмлар яратмаганлар.

Дастлабки даврда коҳинлар ҳали табақа бўлиб ажралмаган, барча худойилар ва ибодат маросимлари оддий тақводорлар томонидан адо этилган. Аждодлар руҳига сифиниш эътиқодининг энг кейинги ва мураккаб шакллари ҳали пайдо бўлмаган. Қадимги ҳинд динларидағи патриархал оила ҳаётини ва жамоачилик муносабатларини ифодаловчи оловга ва аждодларга сифиниш Ману

қонунларида ўз аксини топган. Унда айтилишича, "отабоболар дастлабки худолардир, улар ғазабдан холи бўлгандар, мутлақо пок, доимо бекаму кўст, низодан юз ўгирадиган ва катта фазилатлар эгаси" бўлганлар. Аслида патриархал оиласлар бошлиғи бўлган бой зодагонларни бундай улуғлаш ва илоҳийлаштириш қулдорлик ҳокимияти ва жамиятини мустаҳкамлашга қаратилгандир. Веда китобларида, диний мадҳияларда ҳам аждодлар руҳига сифи-ниш муҳим ўринни эгаллади.

Ҳинд жамияти тараққиётининг кейинги босқичида ижтимоий табақаланиш кучайиб, мамлакатнинг кўп жойларида айрим қулдорлик давлатлари ва ҳатто империялар пайдо бўлади, янги динлар юзага келади. Диний тасаввурларнинг ўзгаришида жамият аъзоларининг варна ва касталарга, ижтимоий табақалар ва касб-хунар гуруҳларга бўлининиши муҳим роль йўнаган. Асосий варналар: брахманлар — профессионал коҳинлар; кшатриялар — ҳарбийлар; вайшилар — деҳқонлар, савдогар ва хунармандлар; шудралар — хизматкорлар, камбағаллар ва қуллар, яъни кўйи-қарам табақадан иборат бўлган. Мазкур табақаланиш тизими Ману қонунлари ва диний ақидаларда илоҳийлаштирилган.

Варналар ичида энг қудратлиси ва таъсирчани брахманлар бўлиб, улар қулдорлик тузумини муқаддаслаштирувчи диний мафкура ва ибодатлар тизимини яратганлар. Брахманизм айрим худоларга аталган ниҳоятда мурракаб қурбонлик ибодати, ҳар хил маросимлар ва қаттиқ адаб тартибидан ташкил топган. Бу дин асосчиси Яжнага аталган маросимларда дастлабки даврларда ҳатто асирга тушган одамларни олов худоси Оғнига қурбон қилганлар. Кейинчалик, одамлар ўрнига ҳайвонларни қурбон қилидиган бўлишган, асирлар эса қулларга айлантирилган. Худолар пантеонида ҳам муайян тартиб ўрнатилади. Унда эса веда маъбудалари янги худолар билан бирикиб, энг олий уч худо: оламни яратган — Браhma, уни қўриқловчи Вишну, емирувчи ва қайта тикловчи — Шива юқори поғонани эгаллаган. Уларнинг ҳар биттасига бўйсунган иккинчи даражали бир тўда худолар мажмуаси мавжуд бўлган. Уларга атаб дабдабали ибодатхоналар қурилган, тошдан, металлдан ва ёғочдан ажойиб ҳайкаллар яратил-

ган, ранг-баранг тўй ва дафн маросимларида, диний байрамлар ва ибодатхоналарда сон-саноқсиз коҳинлар хизмат қилган.

Социал табақаланган жамиятнинг маҳсули сифатида брахманизм подшо ҳокимиютини, ижтимоий тенгсизликни, жамият аъзоларининг варна ва касталарга бўлинишини худо номи билан қонунлаштирган. Мазкур диний-маиший қонун-қоидалар тизими асосида қулдорлар билан қуллар, бойлар билан камбағаллар, ҳукмрон табақа билан мазлум аҳли, тенг ҳуқуқли билан ҳуқуқсиз қуллар орасида жуда катта фарқ мавжуд, улар ўзаро мутлақо яқинлашиши мумкин эмас, деган ғоялар оммага сингдирилган. Ҳатто ажойиб ҳинд эпоси "Махабхарата" да варналарнинг кўшилиб кетиши қонунсизликнинг энг учига чиққан намунаси, деб таърифланади. Бу ғояларни диний жиҳатдан оқлаш учун драхма, яъни ҳар варна аъзолари вазифасини белгиловчи таълимот яратилган бўлиб, у кейинчалик буддизм ва ҳиндуизмнинг энг муҳим ақидаларидан бирига айланади. Асрлар давомида драхма меҳнаткаш оммага итоатгўйлик ва пассивлик туғуларини сингдириб келган. Ведаларнинг туғилиш доирасида (сансара), яъни барча нарсалар бир ҳолатдан иккинчисига ўтиб, қайтадан туғилиши ва ажрини бериш (карма), яъни фоний дунёдаги ҳаракатига яраша ўлганидан кейин таҳқирланиши ҳақидаги таълимот ҳам шу мақсадларга хизмат қилган.

Каста тизимиға ва брахманизмга қарши чиққан буддизм ва ҳиндуизм таълимотида инсон азоб-уқубатлардан қутулиш ва туғилиш истиқболига ижтимоий муҳитни ўзгартириш ёки табиат кучларини енгиш учун кураш йўли билан эмас, балки тарқидунё қилиб, нирвана (рўшнолик) орқали эришиши мумкин эмиш. Бу таълимотга биноан, киши ўлганидан кейин унинг жони бир туғилаётган жониворга кўчар эмиш. Агар киши ҳаётда тақводор, одоб-икромли бўлса, унинг жони ўлганидан кейин олий мавжудот, юқори даражадаги инсон ёки муқаддас ҳайвон шаклида қайтадан туғилади; агар беадаб бўлса, каста тартибларини бузиб, ахлоқсиз яшаса, унинг жони энг хунук, ҳаром маҳлуқ ёки ҳайвон образига ўтармиш. Ҳозиргача Ҳиндистонда жонли маҳлуқни ўлдириш катта гуноҳ ҳисобланади. Чунки ҳар бир ҳайвонда илгари ўтган аж-

додларнинг жони яшайди, деган тасаввур шу кунгача сақланиб келмоқда. Мазкур таълимот кейин пайдо бўлган ҳинд динларида ҳам асосий ўринни эгаллади. Илк ўрта асрларга келиб буддизм ва жойнизмни янги диний таълимот — ҳиндуизм сиқиб чиқаради ва у давлат динига айланади.

Аммо ведаларда, қадимги ҳинд эпоси ва адабиётида диний тасаввурларга мутлақо зид материалистик фоялар ҳам учрайди. Тарихда ҷарваклар деб аталган (ҳиндча "ҷарвак" — "материалист" деб таржима қилинади) фалсафий таълимот бунга ёрқин далил бўла олади. Қадимги Хиндистон анъанавий фалсафа мактабларининг еттитасидан биттаси ҳисобланган ҷарвакага милоддан олдинги III асрда ярим афсонавий донишманд Брихаспати асос солган. Ҷарваклар брахманизм, буддизм, ҳиндуизм динларининг асосий ақидаларига қарши жиддий кураш олиб борганлар. Шунинг учун улар доимо қаттиқ қувғинда бўлганлар, уларнинг асарлари куйдирилиб йўқотилган. Ҷарваклар олий гайритабиий яратувчи кучларни инкор қилиб, оламнинг моддийлигини, унинг кишилар онгига боғлиқ бўлмаган ҳолда мавжудлигини эътироф этгандар. Улар бутун коинот, шу жумладан одам ҳам тўрт унсурдан: тупроқ, олов, сув ва ҳаводан ташкил топган, деган фикрни тасдиқлашга ҳаракат қилганлар. Ҳар бир унсурга ўзгармайдиган, йўқ қилиб бўлмайдиган абадий мавжуд атомларнинг ўзига хос тури тўғри келади. Ҷарваклар тирик вужуд ўлганидан кейин унинг жони яшайди, деган фояни мутлоқ инкор қилиб, тан билан жон бир, уларни бирбиридан ажратиб бўлмайди, деб тасдиқлайдилар. Уларнинг фикрича, кишининг онги, ақли ва сезги органлари ҳам атомларнинг қўшилиши натижасида пайдо бўлади, одам ўлганидан кейин унинг бутун вужуди унсурларга бўлининиб кетади ва улар, ўз навбатида, тегишли турнинг жонсиз табиатда мавжуд бўлган атомларига бирлашади.

Қадимги ҳинд материалисти Ожиста Кешакамбалин фикрича, одам ҳам тўрт унсурдан яратилган. Одам ўлганда унинг тупроқдан ясалган ва бошқа қисмлари тупроқقا, суюқ қисми сувга, иссиқлиги ўтга, нафаси ҳавога қайтиб қўшилади, онги эса фазога кўтарилади. Унинг таърифича, киши ўлгандан кейин марҳум арвоҳини хурсанд қилиш

учун худойилик бериш бемаънилик, чунки умуман олами ни у дунё, бу дунёга бўлишнинг ўзи нодонликдир. Бу таълимот қадимги ҳинд динларининг асосий ақидаси ҳисобланган сансара ва карма тўғрисидаги таълимот мутлақо уйдирма, ёлғон деган фикрга олиб келади. Демак, муаллифнинг таърифича, жон абадий яшамас экан, охират, жаннат ва дўзах тўғрисидаги ақидалар ҳам асоссиз, худонинг борлигига ишониш ҳам, уни ҳамма нарсанинг сабабчиси, дунёнинг яратувчиси, деб айтиш ҳам ҳақиқатга тўғри келмайди.

Чарваклар инсоннинг дунёни билиш имкониятини ҳам материалистча ҳал қилганлар. Улар диний ақидалар сингари ҳар қандай воситали билимнинг ишончли эканлигини инкор этиб, инсоннинг сезгилари билишнинг бирдан-бир реал манбаи деб эътироф қиласилар. Чарвакларнинг этикаси ҳам актив кураш руҳи билан суфорилган. Бу таълимотга биноан, инсон ўзининг амалий фаолиятида завқ-сафоли ҳаёт кечириш ва энг кам азоб-уқубат тортиши зарур. Яхши ҳаёт деганда ҳузур-ҳаловатли турмуш, яхшилик қилиш деганда бировга роҳат ва лаззат бахш этиш, ёмонлик деганда кишига жафо келтириш тушунлади. Аммо яхши ҳаёт учун кураш хафагарчилик, дардаламдан кутулиш деган тушунчани англатмайди. Инсон ҳаёти қарама-қаршиликлар бирлигидан — ҳузур-ҳаловат ва жафо, осойишталик ва курашдан иборат. Ҳаётдан мақсад аслида барча ғовларни енгиб, бахтга эришиш учун курашдир, деган исёнкор ғоялар чарваклар фалсафасининг асосий ғоясидир.

Халқ ижоди намуналарида ҳам даҳрийлик руҳидаги ғоялар сақланиб қолган. "Панчантра" ("Бешта макр") номли халқ эртак ва масаллари тўпламида брахманларнинг ҳийла-найранглари фош қилинади. Унда эркин тафаккурни ифодаловчи мақоллар бор. Масалан, "Ой брахмансиз ҳам чиқаверади", "Үғрини йўтал фош қилса, брахманни нафси ҳалок қиласи", "Қарға Ганг дарёсида чўмилгани билан оққуш бўлармиди" кабилар хурофотга қарши қаратилган фольклор намуналаридандир.

Бироқ умуман, қадимги Шарқда, шу жумладан Ҳиндистонда ҳам илм ва фалсафа асосан диний қобиқда намоён бўлган. Шунинг учун ҳукмдор қулдорлар синфига

хизмат қилувчи илоҳиёт руҳидаги фалсафий илмлар мажмуи ҳисобланган илми нужум — астрология (юононча "астрон" — юлдуз ва "логос" — таълимот, яъни юлдузлар тўғрисидаги таълимот) жуда кенг тарқалган. Унинг негизида, даставвал, қулдорлик жамиятининг савдо-сотик, деҳқончилик хўжалигининг амалий эҳтиёжларини қондириш ётади. Энг қадимги ҳинд астрономияси жуда зўр кашфиётлар қилган бўлса-да (27 юлдузнинг аниқланган рўйхати маълум бўлган), у нафақат ижобий, балки сохта гайрийлмий астрология таъсири остида бўлган. Ҳинд жамоасида ижобий билимларга эга йил ҳисобини биладиган брахман бўлган, у экиш, ўриш ва бошқа ҳар хил дехқончилик ишлари билан боғлиқ қулай вақтни белгилаб берадиган мунахжимлик вазифасини бажарган. Ҳатто, ҳозиргача тақводор ҳиндуистлар мунахжимлар насиҳатига риоя қиласидар, баҳтли ва баҳтсиз дақиқа, соат, кун ва ҳоказоларни белгилайдиган ишимларга ишонадилар.

Шуни ҳам қайд қилиш лозимки (бу тасодифан бўлмаса керак), энг тараққий қилган Фарбий Европа ва Америка мамлакатларида ҳам астрология шу бугунгача катта обрўга эга. Масалан, Францияда ҳозирги вақтда 30 мингдан ошик, Италияда 10 мингдан кўпроқ мунахжим мавжуд. АҚШда 30 минг мунахжимни бирлаштирган маҳсус Америка астрология федерацияси ташкил қилинган. АҚШ нинг жуда кўп газеталари ҳар куни сайёralарнинг жойлашишига қараб киши тақдирини кўрсатиб берадиган жадвал — гороскоплар босиб чиқаради. 1962 йил баҳорда Ҳиндистанда мунахжимлар яқинда охир замон бўлишини айтиб, миллионлаб кишиларни қаттиқ ваҳимага солган эди. Ҳар бир янги туғилган гўдак болага гороскоп тузилади, у ҳозиргача ҳиндуистларнинг туғилиш гувоҳномаси вазифасини адо этади.

Бутун Шарқда қадимги даврлардан фақат киши ҳаёти, йил алмашинуви, об-ҳаво ўзгариши, шамол ва ёмғир, ҳосилдорлик ва қурғоқчиликкина эмас, балки ижтимоий ҳодисалар жараёни ҳам осмондаги ёритқичларга қараб белгиланган. Уларга қараб айрим шахсларнинг тақдири, омади ва толеи, туғилиши ва ўлими, касал-соғлиги ва турмуш баҳтини айтиб бериш мумкин эмиш. Осмон ўтмиш ва келажакнинг буюк китоби бўлиб, унинг саҳифаларида бўла-

жак тарих баён этилар, доимо ўрнини ўзгартириб турган юлдузларга қараб худо иродасини таърифлаш мумкин эмиш. Осмондаги иккита худо кишиларнинг хатти-ҳаракатини ёзиб борар эмиш: бири "яхши ишлар тахтасига" инсоннинг барча фазилатларини, иккинчиси унинг ёмонликларини туширап экан. Кейинчалик, бир неча асрлардан сўнг бу қадимий афсона Инжил, Таврот ва Қуръонга ҳам кўчирилган. Масалан, исломда кишининг икки елкасида икки фаришта ўтириб, доимо унинг яхши-ёмон қилмишларини ёзиб боради, деб ҳикоя қилинади.

Қадимги ҳиндларнинг инсоният тарихини тўхтовсиз доирасимон ҳаракатга ўхшатиш тасаввури ҳам йил фасллари айланишини кузатиш натижасида пайдо бўлган. Мамлакатда ҳар йили сув тошқинларининг бўлиб туриши, у баъзан келтирадиган даҳшатли оғат, йил мавсумларининг давраси катта тўфон билан тугайди, деган афсоналарни яратган. Осмон жисмлари ҳаракатини кузатиш, йил, кун ва кечанинг навбатма-навбат алмашинувини кузатиш натижасида коинотда "ягона оламий тартиб" — "рита" ("ри" сўзидан олинган, ҳаракат қилиш, йўл, деган маънони англатади) мавжуд деган ғоя пайдо бўлган. Ведалардаги ривоятларга қараганда, худоларни яратган ҳам рита, у бутун борлиқнинг отаси, бутун коинот, ер осмон рита қонунлари асосида ҳаракат қиласди. "Рита бу бутун дунёга сингтан қонун, унга барча худолар ва одамлар бўйсунади ... Рита бизнинг ахлоқ тартибимизни кўрсатиб берган. У — буюмларнинг умумий моҳияти" — дейилади ведаларда. Осмондаги ёритқичларнинг ҳаракатини белгилаб берадиган риталар барча худолардан олдин пайдо бўлган, деган эътиқод ҳозиргача сақланиб келади.

Милоддан аввалги VI асрда Шимолий Ҳиндистанда каста тузумини илоҳийлаштирган брахманизмга қарши омма норозилиги қучаяди. Бу норозилик ахлоққа доир ҳар хил бидъатчи мазҳабларда намоён бўлади ва будда динида ёрқин ифодасини топади. Буддистлар, даставвал, барча кишилар учун, уларнинг қайси кастага тегишли бўлишидан қатъи назар, нажот қидиришга ваъда берадилар. "Ҳамма одамларнинг териси, гўшти, суяги ва калласи бир, уларни фақат безаклари ва бош кийими билан ажратиш мумкин" -- деб таълим берган улар. Миллион-

лаб кишиларни каста зулми ва қашшоқликдан, ҳар хил қурбонликлар ва мураккаб ибодатдан қутқариш, маънавий тенглик ўрнатиш ваъдаси билан чиққан буддизм жуда тез орада катта обрў қозонган. Бу янги диннинг асосчиси Будда (дили равшан) лақабли Сиддаҳартқа брахманизм муқалласлаштирган касталарга бўлинишига, худоларга сиғиниш ва қурбонлик қилиш каби мураккаб маросимларга қарши чиқибгина қолмай, азоб-уқубатли ҳаётни тарк этиб, нирванага (рўшноликка) фарқ бўлиш йўли билан ахлоқий камолотга етиш мумкин, деган таълимотни тарфиг қилган.

Дастлабки Будда таълимотида буддистлар яратувчи худоларни инкор қилганлар, чунки уларга фикр эркинлигининг таъсири бўлган. Уларнинг таърифига кўра, худо ҳамма нарсага қодир, қудратли, бунёдкор бўлганида дунё бунча дард-алам билан тўлмаган, у, албатта, оламни баҳтсизлик ва жабр-зулмдан қутқарган бўлур эди. Агар одами худо яратган бўлса, унда ҳеч нарса ўзгармасди ва ҳалок бўлмасди, муқаддаслик ва номуқаддаслик, яхши ва ёмон, адолат ва золимлик кабилар бўлмас эди. Аммо буддистлар объектив борлиқни инкор қилганлар.

Будда таълимотининг асосий моҳияти жабр-зулмдан кутилиш чорасини "кашф" этишдан иборат. Унинг таърифича, нажоткорлик вазифасини адо этувчи "тўртта буюк ҳақиқат" мавжуд. Биринчи "ҳақиқат" — бу ўткинчи дунё ғам-ғуссага тўла, ҳар бир маҳлуқ ўлганидан кейин бошқа бир жисм (одам, ҳайвон ва ҳоказо) шаклида қайта тирилади; борлиқ — жабр-зулм демакдир; яшаш — жабр чекиш, йўқлик — эзгулик. Иккинчи "ҳақиқат" — жабр-зулмнинг сабаби ҳаётга ташналиқ, орзу-истак, кайф-сафо, ҳавас туйгулари; ҳар бир истак ва интилиш актив фаолият талаб этади, фаол ҳаракат янги азоб-уқубат келтиради. Шунинг учун буддист севги-муҳаббат, раҳмдиллик, афв этиш каби фаолият уйғотувчи туйгулардан холи бўлиши шарт. Учинчи "ҳақиқат" — жабр-зулмдан фақат барча истак, орзу-ният ва завқ-сафодан кечиши орқали қутилиш мумкин. Будда "сенинг руҳингни эркалатадиган, ишқ-ҳавас уйғотадиган барча нарсалардан ўзингни тий", деб таълим беради. Тўргинчи "ҳақиқат" — чархи фалак яратган қайта тирилиш доирасидан рўшнолик (нирвана) орқали қутилиб, абадий

йўқолиб кетиш, рўшноликка эришиш учун "тўғри ўйлаш, тўғри гапириш, тўғри ҳаракат, тўғри турмуш тарзи, тўғри ният, тўғри дикқат-эътибор, тўғри разм солиш" зарур ҳисобланади. Бунда, даставвал, ҳаётга муҳаббат, кайф-сафо, орзуният, нафрат, фурур каби барча туйғулардан бутунлай кечиши талаб қилинади. Хуллас, буддизм ёвузликка қаршилик кўрсатмаслик, итоатгўйлик, ҳар қандай курашдан возкечиш, ташки дунё билан муносабатни узиш, борлиққа бефарқ бўлиш каби жаҳолатпастлик фояларини ўзида мужассамлаштирган. Бундай таълимот кулликни ва жабрзулмни илоҳийлаштириб, уларни фоявий жиҳатдан мустаҳкамлашга хизмат қиласиди. Шунинг учун ҳам милоддан аввалги III асрда ҳинд подшоси Ашока буддизмни давлатдини деб эълон қиласиди. Тоғ қояларида, иморатларнинг устунларида ҳокимиятга бўйсуниш, барча орзу-истак ва ниятларни тийишни талаб қилувчи таълим ёзувлари ҳозиргача сақланиб қолган.

**Қадимги Хитой.** Қадимги Хитой маданияти ҳам кўхна Миср, Бобил ва Ҳиндистон сингари қулдорлик ишлабчиқариши заминида пайдо бўлган ва ўзига хос диний тасаввурларни яратган. Даствлабки қулдорлик жамиятлари ташкил топиб ривожлана бошлаган (милоддан аввалги II-I минг йилликлар) давомида Хитойда энг кенг тарқалган диний тасаввурлар — аждодлар ва табиат "руҳлари"га сифиниш билан боғлиқ тотемистик эътиқодлардир. Антропоморф, яъни одам шаклидаги арвоҳлар бутун табиатда тарқалган бўлиб, улар осмон ёритқичлари, ёмғир, шамол ва бошқа ҳодиса ва маҳлукларни бошқариб туар эмиш. Осмон руҳларидан Шан-ди табиат ҳодисалари ва инсон ҳаётининг барча томонига катта таъсири билан ажралиб туради. Ердаги руҳлар ичида тоғ ва дарё руҳларига кўпроқ сифинганлар. Ердаги энг қудратли руҳ — Хоу-ту мамлакатдаги барча ерларга хўжайин ҳисобланган. "Осмон фарзанди" бўлган император мамлакатни бошқариш ҳуқуқини Шан-дидан олган эмиш. Афсоналарга кўра, Шан-дини осмонда хизматкор "руҳлар" ва ўлган ҳокимларнинг жонлари ўраб олган ва улар ёрдами билан буюк руҳ халқни бошқарар экан. Шан-ди бошчилигидаги руҳлар иерархияси асли ердаги қулдорлик уруғи зодагонлари иерархиясининг экси эди. Подшолар осмон ва ер руҳ-

ларига, маҳаллий ҳокимлар төғ ва дарёларнинг майдада руҳларига, оддий жамият аъзолари эса ўз аждодлари руҳларига қурбонлик берганлар.

, Қадимги Хитой динларида моҳир коҳинлар ва маҳсус ибодатхоналар бўлмаган. Диний маросимлар очиқ майдонда ўтказилган. Осмон ва ер руҳларига аталган ибодатхоналар кейинроқ қурилган. Қурбонлик маросимларида ашула айтилган ва дуолар ўқилган, унда аждодлардан маслаҳатлар сўраганлар, қилган муҳим ишлари ҳақида ҳисбот берганлар. Зодагонлар ўз аждодлари арвоҳларига аatab дабдабали ибодатхоналар қурдирганлар, Меҳнаткаш омма эса, ўз аждодлари номи ёзилган маҳсус жадвалларни сақлаган, холос. Ҳар хил сеҳгарлик ва дуохонлик, афсунгарлик ва "авлиё" лар ҳам кенг тарқалган.

Мазкур табиатга сифиниш ва айниқса аждодлар арвоҳига сифиниш каби тасаввурлар кейинги Хитой динлари — даосизм, конфуцийчилик, буддизм каби диний системаларга ўтиб, ҳукмдорларнинг муҳим мафкуравий қурулига айланган. Бу диний тизимлар орқали қулдорлар, зодагонлар киши табиатига ва онгига ҳамиша юмшоқлик, итоатгўйлик, ўзидан катталар ва ҳокимларга бўйсунишга тайёр туриш каби куллик ғояларини сингдиришга интилганлар.

Милоддан аввали VI-V асрларда ижтимоий ва сиёсий инқирозлар даврида пайдо бўлган фалсафий таълимот — конфуцийчилик етакчи тоявий оқим сифатида шаклланиб, кейинчалик милоднинг бошларига келиб, ҳукмрон феодал синфи манфаатини ифодаловчи динга айланган. Унга асос солган Кун-цзи (Конфуций)нинг фикрича, ҳар бир инсон жамиятда ўзининг тутган ўрнини билиши керак. "Подшо — подшолик қилиши, хизматкор — хизматкорлик, ота — оталик, ўғил — ўғиллик қилиши зарур". Инсон тақдирини "осмон" белгилайди, одамларнинг "нажиб" ва "паст" кишиларга бўлинишини ўзgartириб бўлмайди. Шунинг учун кичик каттага, пастда турувчи юқорида турувчига сўзсиз итоат қилиши лозим. Конфуцийчилик қадимги Хитой динларида табиатга, қаҳрамонларга ва аждодлар арвоҳига сифинишни қабул қилган; унда осмон олий худо (шанди) деб таърифланади, инсон ўз баҳтини таъмин қилиши учун бутун фаолиятини "осмон" билан келишган ҳолда олиб бориши зарур, дейилади. Чунки Кун-цзи айтгани-

дек, "ўлим ва туғилиш осмоннинг ҳукми, бойлик ва фаровонлик унинг иродасига боғлиқ". Кун-цзи издошлари ижтимоий тенгсизликни ҳам "осмон" иродасига боғлаб изоҳлайдилар. Уларнинг фикрича, инсон буюмларнинг қонуналари (дао)ни билиб олгач, улардан ўз манфаатлари йўлида фойдаланмоғи лозим. Милоддан олдинги II асрга келиб Кун-цзини илоҳийлаштириб, унга итоат қила бошлаганлар, қурбонликлар берганлар, ибодатхоналар қурила бошлаган, Милоднинг III асрода конфуцийчилик давлат дини деб эълон қилинади, император "осмон ўғли" ва бош коҳин деб танилади.

Конфуцийчиликнинг ахлоқий таълимотидаги асосий тушунча жэнь (инсонпарварлик) ҳам зодагонлар ҳокимиётини мустаҳкамлашга қаратилган. Фақат зодагонларга хос инсонпарварлик, унинг таърифича, даставвал, ота-она ҳурмати ва катталарга бўйсунишдан иборат. Давлатни катта оиласага ўхшатган конфуцийчилик инсонпарварлик тушунчasi асосида "осмон ўғли – подшони ота-онадек ҳурмат қилишни, унга итоат қилишни олий бурч", деб билади. Кишининг ҳаёт мақсади амалдорга, подшога хизмат қилишдир. Кўп асрлар давомида бу янги дин Хитойда ҳукмрон тузумни оқладиган ва халқ оммасини маънавий қулликда сақладиган восита бўлиб келган.

Иккинчи диний-фалсафий таълимот ҳам ўша даврларда Дао-цзи номли ярим афсонавий донишманд томонидан асос солинган даосизмидир. Бу таълимот сеҳргарлик, шаманлик, астрология ва алхимия аралашмаларидан ташкил топган, "Дао" дегани абадий ўзгариб турадиган нарсалар ва одамлар дунёсининг "йўли" маъносини англатади. Бу "йўл" на худо, на одамга боғлиқ эмас, унинг ўзгарувчанлиги табиий қонун. Доасизм одамлардан шу табиий қонундан чекинмасликни (амалиятсизликни, фаолиятсиз ҳолатни – увэйни) талаб қиласиди. Кейинчалик буддизм таъсири остида бу гоя актив фаолиятдан воз кечиш, пассив бўлишни тарғиб қила бошлаган. Шу асосда даосизм хулқ-атвордаги олий таомил – пассивлик, ҳар ким ўз иродасини ва фаолиятини чеклашга ҳаракат қилиши зарур, деб таълим беради.

Даосизм ҳукмронлик ва зулмга қарши чиқиб, ибтидий жамоа ҳаётига қайтишни даъват этади. Унда ҳамма

нарсалар ўз "йўли" ("дао") туфайли доимо ўзгариб, ўз қара-ма-қаршилигига айланади, деган содда диалектика ун-сурлари мавжуд. "Баъзи нарсалар йўқолиб кетади, баъзилари қайтиб келади, баъзилари гуллайди, бошқалари сўла-ди, айримлари мустаҳкамланади, бошқалари ожизланади, баъзилари туғилади, айримлари емирилади". Даосизм тар-ғиб қилаётган "амалиятсизлик" ва пассивлик, ёвузликка қаршилик кўрсатмаслик ғоялари ҳукмрон синфларга қўл келган. "Дунёдаги энг кучлилар энг кучсизларни енгади. Йўқлик ҳамма ерга кира олади. Дунёда амалиятсиз (фао-лиятсиз)ликнинг фойдаси билан тенглашадиган нарса йўқ", — дейилади даосизм таълимотида. Бу ғоя буюк рус ёзувчиси Л.Н.Толстойга жуда маъқул тушган ва унинг мақолаларида ўз ифодасини топган.

Қадимги Хитойда илмий тафаккурнинг ўсиши нати-жасида оддий табиат фалсафаси тасаввурлари ҳам пайдо бўлган. Кенг тарқалган қарашлардан бирида дунё "бешта бошланғич унсурдан" — ёғоч, металл, сув, олов ва тупроқдан ташкил топган дейилади. Шу унсурларнинг ўза-ро қўшилувчи таъсири натижасида ранг-баранг воқелик пайдо бўлади. Бундай илмий дунёқарашнинг ёрқин ифодаси файласуф-материалист Ван-чун асарларида намоён бўлади. У ўзининг "Танқидий мулоҳазалар"ида ҳамма нар-сага қодир бўлган "осмон" таълимотига қатъян қарши чиқади. Унинг таърифича, барча нарсалар ҳаёт кучига эга бўлган бошланғич моддий унсур "ци"дан ташкил топ-ган. Осмон, ер, жонли табиат, шу жумладан одам ҳам худо томонидан эмас, мазкур моддий унсур туфайли яра-тилган. Ван-чун мистицизм ва идеализмни инкор қилиб, табиат ривожланиши тамойилини, дунёнинг бирлигини зътироф этади. У инсоннинг ҳиссий идрок ва сезгилари-ни объектив оламни билиш жараёнининг бошланғич пай-ти деб, "түфма" билимни инкор қиласди. У ҳаёт ва ўлимга ҳам материалистик нуқтаи назардан ёндашган. "Инсон жонли маҳлуқ — дейди Ван-чун,— у ким бўлишидан қатъи назар, бойми, подшоми, князми бари бир бошқа маҳлуқ-ларга ўхшаш табиатга эга. Осмон ҳодисалари ҳеч ким-нинг иродасига боғлиқ эмас... Агар кишилар ўлгандан кейин уларнинг руҳлари тирик бўлганда ҳар бир қадамда руҳларни учратар эдик, улар хоналарни, саройларни,

сўқмоқларни, йўлларни тўлдириб юборарди, руҳлар кўплигидан жонли кишиларни кўриб бўлмас эди". Ван-чун фикрича, ҳамма жонли нарса ўлади, ўлим нарсаларнинг емирилиши ва уларнинг дастлабки ҳолат — "ци"га қайтишидир. У абадий ҳаёт, охират тушунчаларини қуруқ фантазия деб, қурбонлик, "жон", "арвоҳ" ва аждодларга сифи ниш каби диний одат ва тасаввурлар устидан кулган.

Кенг халқ оммаси орасида ҳам баъзи илмий руҳдаги фикрлар тарқалган. Улар ўз ҳаёт тажрибасида зулм ва қулликдан худо қутқара олмаслигига ишонч ҳосил қилганлар. Қадимги Хитой асарларида учрайдиган "осмон адолатсиз", "осмон бераҳм", "осмон жаҳлдор ва даҳшатли", "у биз учун ғамхўрлик қилмайди", "осмоннинг буйруғига ишониб бўлмайди, шунинг учун ҳам одам ўзига ишониши, бегам бўлмаслиги керак", деган фикрлар ўша давр кишиларининг тафаккур эркинлигидан далолат беради. Қадимги хитойликларнинг айримлари ҳатто ердаги ҳаётни бошқарувчи "осмон подшолиги"ни инкор қилганлар, улар "бузуқлик осмондан эмас, кишиларнинг ўзидан", "осмон яхши одамларга узоқ умр ато эта олмайди", деб мuloҳаза юргизишган.

Донишмандлар табиат ва жамият ҳодисаларини тушуниришда осмонга, олий ҳокимга, руҳларга мурожаат этишдан қайтганлар, "халқни тинглаган мамлакат яшайди, руҳларни тинглаган — ҳалок бўлади", "осмонга хизмат қилгандан халққа хизмат қилган афзал", деб насиҳат қилганлар. Ян Чжу номли донишманд "осмондан мадад кутма", деб худо ғазабини инкор қилган. У ўлимни кўп ўйламаслик, чинакам ҳаётдан лаззатланиш кераклигини айтиб, "ўлгандан кейин ҳамма тенг, бари мурдага айлануб бузилади, чирийди ва йўқолади", деб таълим берган.

Қадимги Хитойдаги этик тушунчалар ҳам содда илмий материалистик қарашлар билан боғлиқ бўлиб, уларнинг таълимотида юқорида қайд қилинган олам бешта стихия — сув, олов, ер, ёғоч ва металлдан ташкил топган, деган фикр тасдиқланади. Бу бешта табиат стихияси кишининг бешта фазилати: донолик, инсонпарварлик, садоқат, катталарга ҳурмат, мардликни ифодалайди. "Ўзгаришлар китоби"да кишиларнинг ахлоқий сифатини белгиловчи саккизта бошланғич унсур — осмон, ер, сув, олов,

кўл, шамол, тоғ, мамақалдириқ кўрсатилади. Бу китобда яхшилик ва ёмонлик орасидаги ўзаро муносабат ёруғлик (ян) ва қоронгулик (инъ) ўртасидаги қураш сифатида тасвирланади. Шуниси ҳам қизиқки, зодагонлар осмон ва офтобга, оддий кишилар — қоронгулик ва тупроққа ўхшатилган. Шундай қилиб, қадимги Хитойда диний ва фалсафий таълимот ва илоҳий қарашлар ижтимоий тенгсизликни ифодалаб, кўп йиллар давомида ҳукмрон синфларга хизмат қилиб келган.

Албатта, конфуцийчилик ва даосизм ҳозирги даврда ўз таъсирини анча йўқотган. Аммо 50-йиллардан бошлаб конфуций таълимоти кенг ҳалқ оммаси дунёқарашига катта таъсир кўрсата бошлади ва ҳатто ҳозиргача ҳам унинг мавқеи анча кучли. Даосизмнинг таъсирчанлик доираси жуда камайган бўлса-да, янгича таълимот — неодаосизм шаклида намоён бўлмоқда.

Японияда илк феодализм (VI-VII асрлар) даврида конфуцийчилик, даосизм, буддизм таъсирида турли уруғ-қабилавий ақидалар, урф-одат ва маросимлар асосида тотемизм, анимизм, сеҳргарлик, табиатга ва аждодларга синениш каби илк динларнинг аралашмасидан ташкил топган синтоизм дини анъанавий миллий диний таълимотга айланган. Бу атама "синто" — "худолар йўли" сўзидан олинган бўлиб, ҳозир японларнинг миллий дини деб қабул қилинган. Синтоизмдаги қурамачилик (синкетизм) балки япон миллатининг динга унча берилмаслигига ва улар орасида ҳар хил динга итоат қилишга сабаб бўлган бўлиши мумкин. Аммо синтоизм динида миллий руҳ ниҳоятда кучли, уларнинг тасаввурнида синто худолари фақат японияликларни яратган. Синтоизм таълимотида жуда кўп худолар ва руҳлар мавжуд бўлиб, олий худо қуёш маъбудаси Аматэрасу императорлар сулоласининг ҳомийси, император олий мавжудот яратган одам-худо ҳисобланган, авомни гўёки иккинчи разрядли руҳлар — "ками" (аждодлар худоси, қаҳрамонлар, руҳлар) яратган деб, ўзларини эса худо фарзандлари сифатида таърифлайдилар. Синтоистларда ақидавий муқаддас китоблар йўқ, аммо ҳар хил афсоналар, ривоятлар маҳсус мифологик солнома — "Кодзики" номли тўпламда сакланмоқда. Синтоизмнинг аждодларга синениш, анъанавий турмуш тарзига риоя қилиш,

айниқса, сиёсий тартибларга фарзандлик садоқатини билдириш ҳозирги давр талабига мослашган.

1868 йил синтоизм давлат дини деб эълон қилинган. Диннинг тузилишини бир оз ўзгартириб, у сулолавий, ибодатхонавий, оиласвий (уй-рўзғор тартиботи) турларга бўлинган. Ўша даврдан мамлакатда ибодатхоналар курилиши кучайди, уларда синтоистик ва буддистлар байрамлари нишонланадиган бўлди. Иккинчи жаҳон урушида Япония мағлубиятга учрагандан сўнг (1947 йилда қабул қилинган Конституция асосида) синто давлатдан ажратилган. Ўтган асрнинг охирларидан мамлакатда бир қанча неосинтоизм мазҳаблари пайдо бўла бошлайди. Ҳозирги пайтда Япония ахолисининг ярмидан кўпи иккала динга — буддизм ва синтоизмга амал қиласидар, қолганлари турли мазҳаблар ва бошқа жаҳон динларига итоат қиласидар.

**Иудаизм.** Энг қадимий миллий-давлат динларидан иудаизм (яхудийлик) Яқин Шарқда пайдо бўлиб, кейинги жаҳон динлари — христианлик ва исломга ўз ақидалари билан, айниқса, муқаддас китобларда тўпланган мифологияси билан улкан таъсир ўтказган. Иудаизм миљоддан аввалги иккинчи минг йилликларда Арабистон ярим оролида яшаган семит қабилалари орасида шакланиб юзага келган.

Турли афсона ва ривоятларга бой қўхна Осиё ҳозиргача ўз бағрида жуда кўп ечилмаган сирли жумбоқларни сақлаб келмоқда. Ярим аср муқаддам рўй берган тасодифий бир воқеа асримизнинг буюк кашфиётларидан бирига сабаб бўлган эди. 1947 йилнинг баҳор фаслида Арабистон ярим оролида Ўлик денгиз соҳилларининг шимоли-ғарбий қисмидаги Води-Қумрон номли одамсиз дашти-биёбонда по-даци бадавий бола Мұхаммад ад-Диб подадан ажralган эчкисини ахтариб қоя тоғ этагида дам олишга тўхтайди. Турган жойида теварак-атрофига назар ташлаб, олдида одам бўйли баландликда ғор тешигига кўзи тушади. Йўқолган эчки кирганмикан деб тешикка тош отганда, зарбдан кўза жаранглаб сингани эштилади. Бола қўрқа-қўрқа жарга кириб қараса, қандайdir ғалати ёзувли терилар ўраб тиқилган сирли кўзаларни топади. Маълум бўлишича, топилган кўзалар энг қадимий ноёб қўллэзмалар архиви бўлиб, кейинчалик милоддан аввалги I асрда яшаган яхудийлар

мазҳабига оид эканлиги аниқланди. "Кумрон қўлёзмалари" деб тарихга кирган бу ажойиб ёзувлар дарров илм олами диққатини ўзига жалб қилди. Чунки илк бор Фаластинда топилган бу қадимий қўлёзмалар жаҳондаги энг йирик дин — христианликнинг келиб чиқиши, унинг муқаддас китоби Инжил ва бошқа диний таълимотлар ва мазҳаблар тўғрисидаги тарихнинг кўп ноаниқ саҳифаларини ёритишга кўмак берди. Олимларнинг илгари кенг тарқалган фикрича, Фаластиннинг табиий иқлими туфайли бу ерда умуман қадимий қўлёзмалар сақланиши мумкин эмас, деган тасаввурлар ҳам мазкур кашфиёт туфайли пучга чиқди. Агар 1960 йилларда "Ўлик денгиз қўлёзмалари" нинг бир жилди нашр қилинган бўлса, 1982 йилга келиб бу туркумга оид асарлар етти жилдни ташкил қилди.

Тадқиқотлар шуни кўрсатадики, топилган қўлёзмалар милоддан аввалги I асрларда қудратли Рим империясига кирган, оғир жабру жафоларга чидаш бера олмай, Води-Кумрон дашту биёбонига яширгандан яхудийлар жамоаси арбоблари томонидан ижод қилинган асарлар экан. Хўш, асли яхудийлар кимлар ва уларнинг диний тасаввурлари нимадан иборат бўлган? Яхудийлик (иудаизм) ва христианлик динларининг бир-бирига нима алоқаси бор? Улар қачон пайдо бўлган?

Шуниси жуда қизиқки, Кумрон водийси яхудийларининг диний эътиқодлари дастлабки христианларнинг эътиқодларига ўхшаб кетади. Улар ўзларининг таълимотларини "Янги васият" ("Инжил") деб номлаганлар, худо фотиҳа берган (пешонасига "муқаддас" ёф суртилган) "тақводор устоз" ининг муртад коҳинлар ҳукми билан жазоланганилигига ишонганлар. Охир замонда қиёмат бошланганда "халоскор устоз" ерга қайтиб, ҳаммани сўроқ қиласмиш, устознинг кўп васиятлари Исо пайғамбар (Иисус Христос)нинг таълимотига жуда яқин. У ҳам, Христос сингари итоатгўйликка, "худо иродаси" билан ўрнатилган ҳокимликка бўйсунишга ва "ёвузликка қаршилик қиласмаликка" чақиради. Аммо Кумрон ёзувларида таърифланган "тақводор устоз" милоддан аввалги I аср бошлирида яшаган. Исо пайғамбарнинг ҳаёти эса милоднинг I асри ўрталарида ўтган. Лекин Исо қиёфаси яхудийларнинг афсоналари асосида пайдо бўлган "тақводор устоз"

Олд Осиё худоларининг умумлаштирилган образи ва улар билан боғлиқ ақида ҳамда ибодатларни ўзида мужассамлаштирганлиги шубҳасиз.

Ягона худога эътиқод қилишга асосланган монотеизм анча мураккаблашган, юқори даражага кўтарилигдан диний таълимот бўлиб, у табақалашган жамиятларда ягона мустабид ҳокимиятларнинг пайдо бўлиш даврига тўғри келади. Асли политеистик динлар заминида юзага келган монотеистик диний тасаввурлар — иудаизм, христианлик ва ислом бир замонда генетик жиҳатдан ва моҳиятан ўзаро узвий боғлиқ эътиқодлардир. Шулардан энг қадимийси ва кейинги жаҳон динларига анча таъсир қилгани яхудийларнинг дини — иудаизмдир.

Қадимги яхудийлар ва уларнинг диний тасаввурлари тарихи асосан Таврот ва Библиядан маълум. Бизга етиб келган Таврот матни яхудийларнинг Бобил қуллигидан кутилиб, ватанига қайтган даври, яъни милоддан аввалги VI-IV асрларда коҳинлар томонидан тамомила таҳrir қилиб битказилган. Унинг муаллифлари асли ҳалқ тарихини мақсад қўлмай, балки фақат васиятнома ижод қилган ва ўз васиятларида тарихий воқеалардан фойдаланганлар, холос. Шуни алоҳида қайд қилиш лозимки, Таврот муаллифлари муқаддас китобни яратишда асл нусха ижод қилмасдан, фақат қадимий матнлардан фойдаланиб таҳrir қилганлар. Иудаизм ўзининг асосий ақидаларининг ҳаммасини деярли бевосита қадимий политеистик динлардан олган.

Милоддан аввалги II минг йиллкларда яхудийлар, Арабистон ва Фаластиндаги бошқа семит ҳалқлари сингари, ҳар хил худоларга ва арвоҳларга сифинишган, турли ҳайвонларга ва бошқа ҳалқларнинг маъбуналарига ҳам итоат қилишган. Мисрликлардаги каби айрим шаҳарнинг ёки этник бирликларнинг кўп худолари ичидан бош худо ажралган. Тавротда шундай дейилади: "Сенинг шаҳарларинг қанча бўлса, худоларнинг шаҳарлари ҳам шунчадир". Маҳаллий авлиё ҳисобланган Иисус Навин, Аврам, Иаков, Исаак кабилар кўп худолик даврида бош худо шаклида кўтарилигдан маъбуналардир. Шулардан энг обрўли ва кучли бўлиб танилган Яхве даставал қадимий яхудий ҳалқи авлодининг бир маъбудаси сифатида намоён бўлиб, кейинчалик бош худо даражасига кўтарилади.

Афсоналарга кўра, яхудийлар ва арабларнинг ота-боболари бир бўлиб, Иаков (Ёкуб) пайғамбардан тарқаган ва у гўё, монотеистик тасаввурларга асос солган. Иаковдан туғилган 12 ўғил (яхудий халқининг 12 бўғин авлоди) унинг бош патриархлари бўлиб танилган. Иаковнинг ўғли Иосиф (Юсуф) Мисрда фиръавн хизматида бўлганида яхудийлар Нил водийсига кўчиб борганлар. Иосиф ва унинг укалари вафотидан кейин яхудийларнинг 12 бўғин авлоди бир неча асрдан сўнг кўтарилиб, она юртига кўчиб келади.

Археологик кашфиётлар туфайли Авраам авлодининг эътиқодлари Месопотамия ва қўшни жойларнинг энг қадимий динлари билан боғлиқ эканлиги аниқланди. Аммо "Миср асирияни" да яхудийларнинг аҳволи жуда оғир кечган. Фақат Левия авлодидан чиққан Моисей (Мусо) туғилиб, уларга бош бўлгандан кейин, чинакам халоскор Яхве яхудийларни асирийлардан қутқаради ва уларни "орзу қилган ерларига", яъни Ханаан номли ўлка (Фаластин) га кўчириб ўрнаштиради. Қонунчи ҳоким сифатида Моисей Яхве буйруғи билан машҳур ўн васиятни ёзиг қолдиради. Риво-ятларда Моисей турли мўъжизалар кўрсатган: бир ҳаракат билан денгиз сувини қайтариб, юртдошларини куруқ ердан ўтказган; қувиб келган мисрликларни эса қайтадан сувни юбориб чўктирган; ҳассаси билан қояни тешиб дашти биёбонда булоқ чиқарган; осмондан атала ёғдириб, ўз халқини очликдан қутқарган ва ҳоказо. Шунинг учун Моисей яхудийлар динининг отаси деб ном олган.

Тарихий маълумотларга биноан, яхудийларнинг Кўҳна Фаластинда (Ханаан)да пайдо бўлиши милоддан аввалги XIV-XII асрларга тўғри келади. Улар янги "орзу қилган ерни" зўрлик билан босиб олиб, Тавротда таърифланганидек, Яхве фотиҳаси билан маҳаллий аҳолига қирғин келтирадилар, шаҳарларни харобага айлантирадилар, серунум ерларни талон-тарож қиладилар. Яхудийлар ўтроқ ҳолатда дехқончилик турмуш тарзига ўтадилар ва ўзларнинг давлатини ташкил қиладилар. Милоддан аввалги XI-X асрлар давомида ҳукмронлик қилган биринчи подшолар Саул, Давид ва Соломонлар мамлакатни биритиргандар, аммо қудратли давлат яратса олмаганлар. Оқибатда Соломон вафотидан кейин давлат иккига — шимолда Истроил ва жанубда бўлиниб кетган.

Икки подшоликда ҳам ҳокимият жуда бўш бўлган, аммо Иерусалим ибодатхонасининг коҳинлари, ҳар хил "худо хизматкорлари", назариётчи ("муқаддас") кишилар ва пайғамбарларнинг обрўси ва таъсири зўр бўлган. Улар адолатсизликни ва ижтимоий тенгсизликни қаттиқ танқид қилиб, буюк Яхве ибодатини юксак адо этишга, унинг иродаси ва илтифотига ишонишга чақирғанлар. Амалда барча ҳокимликни қўлга олган Иерусалим ибодатхонаси коҳинлари Бобил асоратидан кейин, айниқса, Эрон подшоси Кир истилосидан сўнг жуда бойиб кетиб, эски политеистик (кўп худолик) сарқитларига қарши курашни кучайтириб, ягона ва қудратли Яхве ибодатини тўла ўрнатишига интилганлар.

Хўш, кейинчалик христианлик ва ислом динларида ҳам тилга олинган шахслар, авлиё ва пайғамбар даражасига кўтарилиб таърифланган, айниқса, Ўрта асрларда, Уйғониш даврида буюк рассомлар ва ҳайкалтарошлар тасвирлаган ажойиб образларда, ўлмас бадиий асарларда ва ҳалқ ижодида куйланган Авраам, Моисей, Давид, Соломон кабилар афсонавийми ёки тарихий шахсларми? Маълумки, ҳозиргача бутун Шарқда, шу жумладан Ўрта Осиёда ҳам, айниқса, Авраам (Иброҳим), Давид (Довуд), Соломон (Сулаймон) каби Таврот номлари билан боғлиқ муқаддас жойлар ва ҳар хил ривоятлар жуда кўп учрайди. Бу шахслар қайси даврда яшаган?

Библия ва Тавротда ҳикоя қилинган воқеалар ва образларнинг кўпчилиги аслида қадимий яхудийлар ижод қилган асл нарса эмаслиги ва унинг бир қисми Месопотамия билан боғлиқ эканлиги фанда аниқланган. Яқин даврларгача Европа маданияти фақат қадимий Юнонистон маданиятининг меросхўри деб ҳисобланар эди. Энг янги кашфиётлар инсоният маданиятининг дастлабки куртаклари беш минг йиллар муқаддам яшаган шумер ва аккад ҳалқининг буюк қобилияти билан боғлиқ эканлигини исботлади.

Абадулабад алмашиб турган қудратли тарих оқимида айрим маданиятлар ва ҳалқлар юзага келиб, сўнгра йўқолиб кетган. Уларнинг тарихий тажрибаси кейинги авладларга ўтиб, янги юксак маданиятларни яратишда иштирок қилган. Бу ўзаро узвий боғлиқ тараққиёт қонуни-

ятидан яхудийлар истисно бўлмаган, албатта. Уларнинг маданий анъаналари илдизи Месопотамия тупроғи билан боғлиқ бўлиб, асрлар давомида Тигр ва Евфрат соҳилларида шаклланиб келган тасаввурлар, урф-одат ва диний афсоналар Таврот ва Инжил саҳифаларида ўз ифодасини топган. Ханаан (Фаластин)га кўчиб жойлашган яхудийлар аста-секин Месопотамия таъсиридан озод бўлиб, оғиздан-оғизга ўтиб келган афсона ривоятларни талқин қилиб, ўзгартириб юборгандар. Коҳинлар эса қадимий матнларни таҳрир қилиб, энг қадимий қисмидаги (милоддан аввалги IX асрларга оид) муаллифлар худо сўзини "Элоҳим" (ўзбек тилида ҳам "Илоҳим" сўзи худо маъносидаги ишлатилади) деган сўз билан ифодалайди. Фақат бир аср кейинроқ худо Яхве номи билан тилга олинади.

Яхудийларнинг китобида таърифланган энг қизиқарли, драматик саргузаштларга тўла патриархларнинг ҳаёти аслида ибтидоий жамиятдаги уруғ-қабила бошлиқлари фаолиятини эслатади. Масалан, Авраам қабиласининг тасвири типик партиархал муносабатларни ифодалайди. У бой қулдор, бадавий қабиласининг бошлиғи сифатида намоён бўлади. Авраамнинг турмуш тарзи Ханаандаги кўчманчи чорва қабилалар ҳаётига ўхшайди, муайян фаслда у ёки бу шаҳар деворлари ёнида чодирлар тикиб, ўз кўчманчиларига хос моллари (сут, жун, тери)ни шаҳар маҳсулотига алмаштириб савдо қилган. Бу вақтинча тикланган қароргоҳда аёллар жун илийигириб ашула айтганлар. Қабила бошлиғи Авраамнинг катта чодири қароргоҳ марказида қад кўтарган. Патриарх Авраам асли Месопотамиядан Ханаанга кўчиб келган қабила номини ифодаловчи афсонавий образдир. Буни археологик қазилмалар ҳам тасдиқлайди. Масалан, Сурияда топилган қадимий ёзувларда битилган айрим шаҳарларнинг номлари Авраам авлоди исмларига тўғри келади, уларда Авам-рам, Иакоб-эль номли қабилалар ҳам тилга олинган. Милоддан аввалги XVII асрга оид бу миххатли ёзувлар архиви 33600 тахтадан иборат бўлган.

Демак, топилган ҳужжатларни Библия образлари билан қиёс қилсан, патриархларнинг номлари (айниқса, Ав-

раам авлодига оид) яхудийлар босиб олган ёки жойлашган қабила ва шаҳарларнинг номига, яъни топонимикасига тўгри келади. Шунга биноан Авраам ҳам Месопотамиядан Ханаанга кўчиб келган қадимий қабилалардан бирининг номини афсонавий жиҳатдан ўзида мужассамлаштирган образдир. Агар янги динга асос солган Авраам тарихий шахс деб қабул қиласак, унинг Ефрат соҳилларидағи Харран шаҳридан (улар, қадимий Бобил ёзувларига қаранды, Ой худосига итоат қилганлар) ўз қабиласи билан Харранга кўчишига маҳаллий файри диндаги аҳоли қувғини сабаб бўлган, деган фикр туғилади. Бунга ўхшашибоқеа илк пайғамбар Зардушт фаолиятида, кейинчалик, исломга асос солган Мұҳаммад пайғамбар ҳаётида ҳам рўй берган. Масалан, Мұҳаммад ўз таълимотига қарши чиқсан жуда кўп душманларидан қочиб, Маккадан Мадинага кўчишга мажбур бўлган. Аслида монотеист Авраам ўз қабилавий ягона худоси Элоҳимга итоат қилишни афзал кўриб, уни маҳаллий Ой худоси эътиқодига алмаштиришга қарши чиққанлиги учун Месопотамияни тарк қилган.

Авраамнинг ўз диний эътиқодига нақадар содиқ эканлиги кейинги жаҳон динларига, жумладан исломга тўлиқ кўчирилганини Исаак афсонаси тасдиқлайди. Унда шундай ҳикоя қилинади. Худо Авраамни синаш учун ўзининг ягона севимли ўғли Исаакни сўйдириб қурбон қилишга буюради. Итоатгўй Авраам фарзандини худо ҳукмини адо этишга қарор қилиб, онаси Саррадан яширин ҳолда қоронги кечаси ўғлини олиб чиқади. Уч кун йўл юриб, битта тоғ этагига етиб, ўғлининг қўлини ва кўзини боғлаб, қурбонгоҳ тошга ўтиналарни йигиб, бoshини қўйиб энди бўғзига пичоқ солмоқчи бўлганда фаришталар келиб худонинг янги амри билан Исаак ўлимдан кутулади. Ўз бандасидан миннатдор бўлган худо Авраамга осмондаги юлдузлар, денгиз соҳилидаги қум заррачалари каби сон-саноқсиз авлод ато этишини ваъда қиласиди. Бундан хурсанд бўлган бандаси ўша ерда адашиб юрган қўйни худо йўлига Исаак ўрнига сўйиб қурбон қиласиди. Ислом динидаги Иброҳим ҳам севимли ўғли Исмоилни қурбон қилишга рози бўлиб, кейин худо амри билан унинг ўрнига қўй қурбонликка сўйилади. Бу патриархлар томонидан тўқилган қадимий афсонанинг асосий моҳи-

яти диний эътиқодга итоатгўйликни, худога садоқатни тарбиялашга қаратилган илоҳий фоядан иборат.

Бундай фожиали афсона Тавротда лирик бўёқлар билан ниҳоятда ҳаяжонли қилиб бадиий тасвирланиши кишида қайғу-ҳасрат, итоатгўйлик, умидсизлик туйғуларини уйготмаслиги мумкин эмас эди. Бундай сермазмун ривоятлардаги буюк оддийлик, қисқа ва аниқлик, киши қалбига таъсир қиласидан диний рұҳдаги жўшқинлик ўтмишда қанча истеъодли шоирлар, рассомлар, бастакорларга буюк асарлар яратишда илҳом бағишилаган.

Масалан, яна Таврот ва Библия қаҳрамонлари Давид (Довуд пайғамбар) ёки Соломон (Сулаймон пайғамбар) образларини олсак, аслида иккаласи ҳам яхудийлар давлатининг бириккан, гуллаган даврида ҳукмронлик қиласидан тарихий шахслардир. Давид милоддан аввалги 1012-972 йиллар, ундан сўнг Соломон 972-932 йиллар подшолик қиласидан тарихий шахслардир. Соломон подшолиги тугагандан кейин ўнга яқин шимолий қабилалар ажralиб чиқади ва икки қисмга — Иudeя ва Исроилга бўлиниб, улар орасида доимо кураш бўлиб келган. Мазкур подшолар образи Библия ва Қуръон каби муқаддас китобларда куйланибгина қолмай, жуда кўп ҳалқларнинг оғзаки ижодида, афсона ва ривоятларда, буюк шоир ва рассомлар асарларида тасвирланган.

Иудея подшоси Иосия ҳукмронлик қиласидан вақтдан бошлаб (милоддан аввалги 62 йил) маҳсус ислоҳот билан Яҳве ягона худо деб танилади, бошқа қабила худолари ва маҳаллий ханаан маъбудалари ҳамда ибодатлари маън қилинади. Иерусалим марказий ва ягона ибодатхонага айланади. Коҳинлар эндиликда фақат Яҳвени улуғлайдилар. Ягона худони жуда кўп пайғамбарлар ҳам дуолар ўқиб, тарғиб қиласидан таркиб келиб, уларнинг ваъз ва таълимлари ҳатто Тавротга кирган. Коҳинлар ва пайғамбарлар 586 йилда Иерусалим бобилликлар томонидан босиб олингандан кейин кўп ватандошлари билан асир қилиб олиб кетилган. Милоддан илгари X асрда Соломон ёғочдан қурдирган дабдабали муқаддас ибодатхона куйдириб юборилган. Шу воқеа билан “Биринчи ибодатхона” деб аталган яхудийларнинг беш юз йиллик тарихий даври тутатилади, кейин милоддан аввалги 538 йил Бобилни Эрон подшоси Кир босиб олган, яхудийларга Иерусалимга қай-

тишга рухсат берилиб, "Иккинчи ибодатхона" даври бошланади. Ўша даврда кўп худолик сарқитларидан анча озод бўлган ягона ва қурдатли Яҳве ибодати ва коҳинлар ҳокимлиги яна ҳам кучаяди.

Библияниңг энг қадими қисмлари милоддан аввалги XIV-XII асрларда маълум бўлса ҳам, унинг асосий матнлари ва умумий таҳрири "Иккинчи ибодатхона" даврида амалга оширилган. Унинг энг эски Таврот деб аталган қисмлари бир неча китобдан иборат. Шулардан ривоятларга биноан Моисей (Мусо) яратган машхур Бешкитоблик номли муқаддас асарнинг биринчи китобида коинот, Одам Ато ва Момо Ҳавонинг яратилиши, жаҳонни сув босиб кетиши, биринчи яҳудий пайғамбарлари ва Иосиф (Юсуф) пайғамбарнинг асирикдаги ҳаёти тўғрисида ҳикоя қилинади.. Иккинчи китобда яҳудийларнинг Миср асиригидан қайтиши, Моисей (Мусо) ва унинг васиятлари, Яҳве ибодатининг ташкил қилиниши тўғрисида баён этилган. Учинчи китоб асосан турли ақидалар, қонун-қоидалар ва расм-удумлардан иборат. Тўргинчи ва бешинчи китоблар яҳудийларнинг Миср асиригидан кейинги тарихига бағишланган. Яҳудийларда Торо деб аталмиш охирги китоб — Бешкитоблик эски васиятноманинг энг азим қисми ҳисобланади. Кейинчалик Торо изоҳлари асосида кўп жилдли Таврот пайдо бўлиб, у барча яҳудийлар жамоасини диний жиҳатдан бошқарувчи руҳоний (раввин)лар фаолияти асосини ташкил қилган.

Эски васиятномада яҳудийлар Яҳве олдида итоатгўй бўлиш, унга ва унинг номидан гапирадиган пайғамбарларга, коҳинларга тўла бўйсуниш талаб қилинади. Аммо Тавротда яхлит бутун Библиядагидек олам ва коинот, борлиқ ва унинг асоси, ҳаёт ва одамлар орасидаги муносабатлар, ахлоқ нормалари ва турмуш мақсадлари каби ҳаётий масалалар тўғрисида чуқур мулоҳазалар ва васиятлар муҳим ўринни эгаллайди.

Тавротнинг асосий моҳияти худо истаги билан ҳамма учун бир парвардигор ҳисобланган буюк Яҳвени ягона деб тан олиш, аммо қурдатли Яҳве фақат яҳудийларни барча халқлардан ажратиб, уларга алоҳида ҳомийлик қилади, деган ғоядан иборат. Яҳве марҳаматига мұяссар бўлган яҳудийларнинг отаси Авраам бошчилигига танланган бу

халқ буюк маъбуданинг доимо дикқат марказида. Шуниси муҳимки, "Иккинчи ибодатхона" давридан, айниқса, таҳминан милоддан аввалти II асрлардан бошлаб Иерусалим коҳинлари ўз халқини пок сақлаш мақсадида ҳар томонлама тадбирлар кўра бошлаган. Масалан, бошқа халқлардан ажралиб туриш учун гўдак ўғил болаларни саккиз кунликдан суннат қиласланлар, ғайри элатлар билан никоҳ ўтказиш тақиқланган.

Иудаизмга хос хусусиятлардан бирни ниҳоятда итоатгўйлик ва Яҳве қудратининг зўрлигига эътиқоднинг жуда кучли эканлигида. Бу ҳақда Библиядаги (кейинчалик христианлик ва айниқса ислом динларига ўтган) бир афсона дикқатга сазовор. Иова қисмида шу исмдаги бош қаҳрамон авлиёни Яҳве катта синовдан ўтказади. Худонинг амри билан Иова барча бойлиги ва фарзандларидан маҳрум этилиб, оғир касалликка дучор этилади, унинг бутун баданини қурт босиб кетади. Бераҳм Яҳве шундай жабр-жафолар билан ўз бандасининг сабр-тоқати ва эътиқодини синамоқчи бўлган. Узоқ вақт чўзилган касаллик туфайли оғир азобларга бардош бера олмай, ўлиш даражасига етган Иова дод-фарёд қиласди. Бундай иродасизлик ва эътиқодсизликни сезган олий мавжудот норози бандасини қаттиқ койиган. Қудратли худо таъзиридан уялган Иова тавба қиласди ва шу кунига шукур қиласлан ҳолда Яҳвега эътиқоди зўрлигини билдиради. Фазабидан қайтган парвардигор итоатгўй бандасига соғлигини ва бойлигини қайтариб беради, хотини эса унга ўнта фарзанд туғиб, худо амри билан узоқ умр кўради.

Мазкур афсонанинг энг муҳим фояси кишиларда итоатгўйликни, мўминлик, сабр-тоқатлик, ноумид бўлмасликни ва қудратли худога шукур қилиб, унга нисбатан чукур эътиқодни тарбиялашга қаратилгандир. Шундай фоя ҳар доим ҳукмрон табақалар қўлида меҳнаткаш оммани итоатгўйликда сақлаш учун жуда зўр маънавий қурол вазифасини бажариб келган. Ҳозир ҳам иудаизм фояларидан ҳукмдор табақалар ва сиёсатчилар кенг халқ оммасини итоатгўйликда сақлаш, уларда миллатчилик туйғуларини уйғотиш, сионистик фояларни сингдириш мақсадида фойдаланмоқдалар.

Тавротда яхудийларни худо томонидан сараланган ҳалқ деб тан олиш ғояси мавжуд бўлиб, улар ўзларини Яҳве марҳамати билан ягона, бошқалардан фарқли миллат деб биладилар, бу эса мазкур ҳалқнинг тарихий тақдирига катта таъсир қилиб келган.

Айниқса, икки эра оралиғида, яъни яхудийлар давлатининг тўла барбод бўлганидан бошлаб аҳолининг кўпчилиги бутун жаҳонга тарқалиб кетади, борган мамлакат ва ўлкаларида маҳаллий шароит ва давлатга мослашиб, кун кечиришга мажбур бўлади. Уларнинг мусофирилик ҳаётидаги оғир вазиятларга бардош беришида ва миллатнинг турли ақидалар орқали мустаҳкам бўлишида ҳамда пок сақланишида ҳам ягона худо ғояси муҳим роль ўйнаган.

Фаластиндаги ибодатхонанинг 70-йилларда емирилиши ва 133-йилга келиб қадимги яхудий давлатининг бутунлай тугатилиши, бу ҳудуднинг Рим империяси томонидан босиб олиниб, бутун ҳалқ ниҳоятда қаттиқ зулм остида қолиши яхудийларни бошқа юртларга кўчиб кетишга мажбур қилган эди. Қолган аҳоли орасида эса чексиз жабр-зулмлар туфайли бир неча марта қўзғолонлар кўтарилиган, аммо уларнинг ҳаммаси рум лашкарлари томонидан шафқатсиз бостирилган. Оқибатда истилочилар томонидан эзилган барча ҳалқлар, шу жумладан яхудийлар орасида турли диний тасаввурлар (христианликнинг пайдо бўлишига ҳам шу вазият сабаб бўлган эди), мессионизм (халоскорлик) ғоялари кенг тарқалган. Мазлум ҳалқларнинг бутун ишончи, умид-орзулари ғайритабиий кучларга, қандайдир халоскор шахс пайдо бўлишига қаратилган. Коҳинлар мессионизм ғояларини ҳар томонлама тарғиб қилганлар, жабрланган омма эса ўз халоскорининг келишига тўла ишонган.

## ЖАҲОН ДИНЛАРИ ВА ТАФАККУР ЭРКИНЛИГИ

Кўҳна Осиё ўзининг гўзал ва ранг-баранг табиати, серунум тупроғи, хилма-хил этник қиёфаси билан ажralиб туради. Айниқса, узоқ ўтмишда ниҳоятда ривожланган Фарбий ва Марказий Осиё бутун жаҳон маданиятининг пойдеворига жуда ҳам катта ҳисса қўшган ўлка ва элатларнинг ватанидир. Бу ерда маданиятнинг энг муҳим омили — дастлабки ёзув ва илм куртаклари, ажойиб меъморчилик ва санъат обидалари, турли-туман диний тасаввурлар ва инсон тафаккурининг дурдоналари яратилган. Кейинчалик бошқа қитъаларга тарқалган, ҳозиргача бир неча юз миллионлаб кишиларнинг онги ва қалбини эгаллаган монотеистик диний таълимотлар — буддизм, христианлик ва исломнинг, ҳозиргача миллий-давлат дини деб қабул қилинган иудаизм ва синтоизмнинг, шу кунгача бутун жаҳонда ахлоқ қоидаси ва ижтимоий-сиёсий рисола (устав) вазифасини бажариб келаётган Таврот, Инжил, Библия ва Қуръоннинг ватани ҳам Осиёнинг муқаддас тупроғидир. |

**Зардуштийлик.** Яқин даврларгача фанда қабул қилинган тизим асосида жаҳон динлари фақат уч дин — буддизм, христианлик ва ислом деб ҳисоблаб қелинган. Асли чукур тадқиқотлар шуни кўрсатадики, дастлабки жаҳон дини, турли ирқ ва элатлар орасида тарқалиб, бир неча давлатларда асосий ҳукмрон мафкура деб қабул қилинган таълимот зардуштийлик (зороастризм)дир. Афсуски, барча дарсликларда ва кўп тарихий тадқиқотларда ҳам мазкур дин тўғрисида жуда кам маълумотлар келтирилган, ҳатто Зардуштийнинг ватани тўғрисида ҳам мужмал мулоҳазалар, мунозарали фикрлар мавжуд. Ўрта Осиё, айниқса, Хоразмда ўtkazilgan кўп йиллик археологик тад-

қиқотлар, муқаддас "Авесто" китобининг 2700 йиллик юбилейининг жаҳон миқёсида нишонланиши мазкур муаммога анча аниқликлар киритишга ёрдам берди.

Энг қадимги маданият ўчоқларидан ҳисобланган Ўрта Осиё ва Эронда, бепоён Евроосиё даштарида милоддан аввалги III минг йилликда ҳинdevропа ва қисман туркий тил туркумига оид тилларда сўзлашган жуда кўп кўчманчи ва ўтроқ қабила, элатлар яшаган. Урал тоғларидан Ҳинд дарёсигача бўлган кенг ҳудудда яшаган бу қабила ва элатлар фақат тили жиҳатидангина эмас, хўжалик фаолияти, маданияти, келиб чиқиши жиҳатидан ҳам умумий бирликка эга бўлганлиги аниқланди. Бу қабилаларнинг ўша даврда ўзларини "арий" (яъни бир уруф одамлари) деб аталган қисмлари кўшни халқлар тарихида муҳим роль ўйнаган. Дарё қирғоқларида яшовчи "арийлар" дехқончилик, тош, мис ва жез қуроллар ишлаб чиқариш билан шуғулланган бўлса, кўчманчи "арийлар" чорвачилик билан шуғулланганлар.

Милоддан аввалги III минг йиллик охирларида фанда скиф-сармат, сак-массагет номи билан машхур бўлган кўчманчи ва ярим ўтроқ ҳинд-эрон қабилаларининг бир қисми Қозоғистонга, Ўрта Осиёning шимолий қисмига жойлашиб, ўзига хос юксак маданият яратганлар. Кейинчалик, кўхна Хоразм, Марғиёна, Сўғдиёна ва Бақтрияда яшовчи ўтроқ, сугориладиган дехқончилик билан шуғулланувчи, эроний (форсий) тилда гапиравчи халқлар билан яқин алоқада бўлган сак-массагетлар бутун Яқин ва Ўрта Шарқни ларзага келтириб турган. Геродот ва бошқа кўпгина қадимги юнон муаллифлари таърифлаган, буюк Фирдавсийнинг ўлмас "Шоҳнома"сида қўйланган, жаҳон маданиятининг ажойиб дурдоналаридан бири "Роланд ҳақида қўшиқ" номли француз эпосида тилга олинган" ...дашту биёбон Оссиана юртнинг худога ишонмаган лаънати қабиласи" асрлар давомида Машириқдан Мағрибгача кўшни давлатларга ўз таъсирини ўтказиб келган. Достонда таърифланганидек,

Уларнинг ҳар бирининг сийнаси  
Пўлатдан ҳам мустаҳкам,  
Тошдан ҳам метин эди!  
Уларга на дубулға, на совут эди даркор.  
Уларнинг мардлигига ғалаба ҳам эди ёр.

Милоддан аввалги II минг йилликнинг ўрталарида сакмассагет қабилалари металдан ҳар хил меҳнат қуроллари ва яроғ-аслаҳалар — ханжар, болта, найза, ўқ-ёй учи, хилма-хил бадиий безаклар, катта фидиракли уч-тўрт от ќўшиладиган оғир аравалар ва ҳарбий юришларда ишлатиладиган енгил аравалар ясаганлар. Бу даврда "арийлар" янги чидамли от турларини парвариш қилганлар, илфор уруш тактикасига эга бўлганлар, аравали лашкарлар эса айрим табақага ажратилган. Бепоён Евроосиё даштларида у ер-бу ерда учрайдиган жуда кўп тепаликларда дафн қилинган бой қабила бошлиқлари ва ҳарбийларнинг дабдабали қабрларини қазиб текшириш натижасида скиф-сак қабилаларининг юксак маданиятга ва қудратли ҳарбий кучга эга бўлганлиги исботланди. Қабрларда жасад билан кўмилган турли ҳарбий қуроллар, безакка бой юган ва эгарли от-аравалар, ажойиб нақшли сопол буюмлар, гўзал ҳайкалчалар, қимматбаҳо тош ва металлардан ясалган афсонавий безаклар бунга ёрқин далилдир.

Шуниси қизиқки, сак ва скиф-сарматлар ўтган тепаликлардан топилган бадиий буюмлар, от-арава, тuya, қўчкор, илон ва бошқа афсонавий маҳтуқлар тасвирланган расм ва ҳайкаллар ўтган асрнинг охирларида жанубий Тожикистонда кашф этилган машҳур "Амударё хазинаси" буюм ва безакларига, кейинги Аҳмоний, македониялик Искандар ва Кушан давлати даврига оид топилмаларга ўхшаб кетади. Жанубий Қозоғистон тоғ ёнбағирлари ва Ўзбекистоннинг кўп жойларидаги қоятошларга ясалган ибтидоий расмларда ҳам от-tuya қўшилган аравалар, ҳар хил ҳайвонлар — тuya, тоғ эчкиси, қўчкор ва бошқа ғалати маҳлуқларнинг тасвирланиши узоқ ўтмишда ўртаосиёликларнинг маънавий маданияти билан Евроосиё даштларида яшаган қабилалар маданиятида қандайдир умумийлик, яқинлик мавжудлигидан далолат беради. Туркманистон, Ўзбекистон ва Тожикистоннинг жанубий қисмида топилган Жайтун маданияти, Қоратепа, Олтинтепа, Айиртом, Даљварзинтепа, Фаёзтепа, Холчаён, Намозгоҳтепа, Яланғочтепа ва бошқа ёдгорликларда ўтказилган ажойиб қашфиётлар ҳам бу фикрни тасдиқлайди.

Қазишмаларда топилган буюм ва безакларда кўп учрайдиган афсонавий тасвирлар, айрим худоларнинг об-

разини ифодаловчи ҳайкал ва расмлар узоқ ўтмишдаги аждодларимизнинг диний эътиқодлари, урф-одатлари тўғрисида мулоҳаза қилишга имкон беради. Ҳар хил идишлар, ханжар ва пичоқ дасталари, билагузук ва исирғалар, тўғноғич ва тўқаларга ясалган эчки ва қўйлар, қанотли қўчқорсимон ёки отсимон маҳлуклар, ярим одам, ярим илон ёки шер шаклидаги афсонавий образлар, тамға ва муҳрлардаги ҳар хил қуш ва ҳайвонларнинг тасвири оддий санъат намунаси бўлибгина қолмай, балки илк дин шакллари, чунончи тотемизм билан боғлиқ тасаввурлар маҳсулидир. Асосан деҳқончилик билан шуғулланувчи ўртаосиёликлар милоддан олдинги III-II минг йилликларда яратган хилма-хил ҳайвон ва қушларнинг образлари (қадимги Месопотамия, Элом ва Эрондаги сингари), албатта, муайян зооморф, яъни ҳайвонсимон тасвиirlар мавзуига боғлиқ дунёқарашнинг аксиdir.

Тарихий маълумотларга қараганда Евроосиё даштларида яшовчи ҳинд-эрон аҳолисининг хўжалик, ҳарбий ва маданий ҳаётида милоддан аввалги II минг йиллик ўрталарига келиб жиддий ўзгаришлар рўй беради. Табиат ўзгариши (ҳавонинг совуши) ва бошқа баъзи бир сабабларга кўра ўша даврда сон-саноқсиз дашт қабилалари ҳаракатга келган. Юқорида қайд қилинган "арийлар" номи билан маълум ҳинд-эрон жамоаси иккига бўлинib, катта бир қисми Кавказ тоғлари устидан Олд Осиёга кўчиб ўтади. Бу ерда улар маҳаллий элатларга отни парвариш этиш ва аравада жанг қилиш тактикасини ўргатиб, ўзлари туб аҳоли билан аралашиб, тарих саҳнасидан йўқолиб кетгандар. Уларнинг Ўрта Осиёнинг шимолида яшаган иккинчи қисми милоддан аввалги II минг йилликнинг иккинчи ярмида Тожикистон тоғ довонларидан аста-секин ошиб, шимоли-гарбий Ҳиндиистон, Гўмал, Сват ва Гандхарага кўчиб жойлашгандар. Бу "буюк кўчиш" натижасида мазкур қадимиий этник гуруҳлар босиб ўтган йўлда ҳозиргача қадимиий скиф қабристонлари, отлар дағн қилинган мозорлар, аравалар сурати солинган қоялар учрайди.

Ҳозиргача Шимолий Ҳиндиистон аҳолиси орасида Европадаги илк ватан тўғрисида афсона ва ривоятлар сақланиб келади. Милоддан аввалги II ва I минг йилликлар

ўртасида пайдо бўлган зардустийлик динининг муқаддас китоби Авестода ҳам ҳинд-эрон қабилаларининг илк ватанидан жанубга бир неча марта кетма-кет тўлқин бўлиб кўчганлиги ҳикоя қилинади.

Зардустийлик дини Ўрта Осиёда пайдо бўлиб, Эронга, Озарбайжонга тарқалган. У I минг йилликнинг бошларида давлат динига айланган. Зардустийлик ёки зороастризм номи бу динга асос соглан афсонавий пайғамбар Заратуштра (Зороастра) исми билан боғлиқ. Аммо у фанда бошқа ном билан ҳам аталади: унга бош худо Ахурамазда исми билан маздаизм, бош муқаддас китоб "Авесто" номи билан авестоизм, асосий эътиқод оловга сифиниш бўлганлиги туфайли оташпараматлик ёки кейинги даврларда худо Митра исми билан митраизм деб ном берилган. Бу диннинг асосий асари — "Авесто" Ўрта Осиё ва қўшни мамлакатларнинг (милоддан аввалги II минг йилликнинг охирларидан I минг йилликнинг кейинги асрларигача бўлган даврни қамраб олган) тарихи ва маданиятини ўрганишда муҳим ёзма манба бўлиб хизмат қиласди.

"Авесто" ривоятларидан бирида афсонавий биринчи одам ва эронийларнинг биринчи подшоси Йима осмон худоси Ахурамазда унга берган ерларни кенгайтирганлиги тўғрисида ҳикоя қилинади. Йима уч юз қиши ҳукмронлик қилган. Шу давр ичida унинг ерида ўсимликлар, қушлар, ҳайвонлар, чорва ва одамлар шунчалик қўпайиб кетганки, туаржой ҳам қолмаган, ерга ҳам оғирлик тушган. Кейин Йима ўз одамларини янги макон излаб, қуёш йўли билан жанубга бошлаган ва у ерда 600 йил ҳукмронлик қилган. Яна аҳоли қўпайиб зич бўлганлигидан, Йима ўз кициларини 900 йил давомида аста-секин жануб томон кўчириб олиб кетади ва охирида орзу қилган ўлкаси Арианам Ваэжога етади. Бу ерда улар фаровон, тўқ ҳаёт кечира бошлайдилар. Йилнинг етти ойи илиқ, беш ойи файзли гўзал ёз билан ўтган. Аммо ёвуз Анҳра Майню (Ахримон) келиб, бу серунум сахий ўлкани сув билан таъмин қилиб турган дарёни "қирғин келтирадиган улуф илон — қаҳратон қиши билан тўлдирган". Энди ўн ой қиши ва фақат икки ой ёз бўлиб қолган.

Айрим олимларнинг фикрича, бу афсонавий ўлка муқаддас дарёning қуи оқимида жойлашган кўҳна Хоразм

ҳисобланади. Археологик кашфиётлар ҳам бу фикрни тасдиқлади. Беруний берган маълумотларга қараганда, Хоразмга афсонавий қаҳрамон Сиёвуш келиб, дастлаб давлатга асос солган даври хоразмча йил ҳисобининг бошланиш санаси "буюк кўчиш"лар даврига тўғри келиши диққатга сазовордир.

ЛЭрамизнинг X асрига қадар ҳукмронлик қилган мазкур афсонавий Сиёвшулар сулоласининг асосчиси "Авесто"да Сиёваршон номи билан тилга олинади, унинг образи ҳалқ эпосида, афсоналарда ярим худо қиёфасида гавдаланади. Йима эса буюк Фирдавсийнинг ўлмас эпоси "Шоҳнома"да Жамшид образида намоён бўлади. Жам (йим) киши исми, шид — нуроний деган маънони англатади. "Нуроний"нинг подшолик қилган даври ёруғлик зулмат устидан, адолат ёвузлик устидан, инсонлар девлар устидан узил-кесил ғалаба қилган, ҳатто ўлим енгилган, ҳар бир дардга даво топилган замон сифатида таърифланади ва эронийларнинг афсонавий тарихида "олтин давр" ҳисобланади. "Шоҳнома"даги бир афсонага кўра, Жамшид авлоди Ҳушанг Прометей сингари оловни кашф этиб, сада байрамида кишиларга ўргатиб, уни муқаддаслаштиради. Мазкур афсонада зардуштийлик динининг асосий эътиқоди оловга сифинишнинг пайдо бўлиши ҳикоя қилинади.

Бу диннинг энг муҳим белгиси унинг дуалистик характерга эга эканлигидadir. Унда ёруғлик, эзгулик худоси Ахурамазда (Ormuzd) ва қоронгулик, ёвузлик худоси Анҳра Майню (Аҳримон) орасидаги доимий жiddий кураш ғояси ётади. Биринчиси — дехқончилик, ўтроқ аҳолининг, иккинчиси — жангвор, урушқоқ кўчманчи қабилаларнинг, йиртқич ҳайвонларнинг ҳомийси, деб таърифланади.

Зардуштийлик таълимотига биноан келажакда Ахурамазда Аҳримон устидан ғалаба қозонади, бутун инсоният бирикиб, ягона давлат ва ягона тил ўрнатилади. Бундай демократик ғоялар зардуштийликнинг узоқ давр ҳалқ орасида сақланиб келишига сабаб бўлган. Кейинчалик зардуштийликдан християн ва ислом динлари қабул қилган охират таълимоти ва одамларнинг нариги дунёда худо олдидаги тенг бўлиши ғоялари ўша даврда Ўрта Шарқни ларзага келтиргат, руҳонийлар ва зодагонларга қарши

Қаратилган маздакизм номли ҳалқ ҳаракатида ўз ифодасини топган эди. Манихой коҳини Маздак бошчилигига диний ниқобдá бошланган бу ҳаракатнинг ғояси "Шоҳнома"да оташин сатрларда куйланади:

Маздак оддий ҳалққа фикр этиб изҳор,  
Дерди: "Бою гадо — баробар зинҳор,  
Кам-ортиқ бўлмасин ҳеч кимнинг моли,  
Бир бўлсин ўриш ва арқоқ мисоли.  
Бойлик, бечоралик бўлмасин, токим  
Тенглик бўлсин жаҳон мулкида ҳоким.  
Бир хилда яшасин қашшоқ билан бой.  
Қашшоқда ҳам бўлсин оила, уй-жой.  
Ушбу эътиқодим менинг динимдир.  
Ёвузликка қарши йўл — оинимдир.  
Бу диндан юзини ўғирса ҳар ким  
Уни жазолагай албатта, тангрим".  
Маздакка сифинди барча кекса-ёш,  
Дарвишу бечора бўлиб маслакдош.

Албатта, бундай демократик ғояларнинг пайдо бўлишида "Авесто"нинг энг қадими қисми "Гаталар" китобида изҳор қилинган ибтидоий жамоа тузуми анъаналярининг таъсири, чунончи, меҳнатни улуғлаш, хусусий мулкни ва бойликни инкор қилиш зарурлиги тўғрисидағи фикрлар муҳим роль ўйнаган бўлиши мумкин. Шуниси муҳимки, "Авесто"дагидек ижтимоий утопия ғоялари биринчи марта Европада эмас, Шарқда зардуштийлик-таълимоти ва "Шоҳнома"да янграйди.

Энди зардуштийликнинг илк ватани Хоразмга қайтадик. "Авесто"нинг дастлабки каёнийлар билан боғлиқ бўлган қиссалари Фирдавсий асарларида ҳам тилга олинган. Сиёваршон ва Ҳусрав кўрсатган қаҳрамонликлар билан боғлиқ қиссалардаги воқеалар Урва (Урганч) яқинидаги кўлларга бой ўлкада, Верукаш (Орол) денгизи атрофларида ҳамда даҳлар ва сарматлар (Волга бўйи даштлари) мамлакатида рўй беради. Шу ерда, Верукаш денгизига яқин жойда Ардви (Амударё) ирмоқлари пайдо қилган оролларда "еттита киршвор" аҳоли яшаган энг қадимги вилоятлар юзага келган. Бу ерга Сасраок номли муқаддас ҳўқизга минган дастлабки авлодлар муқаддас маздакий оловини келтиради. Шу оловнинг энг қадимийси ва

энг қадрлисини Йима (Жамшид) Хоразм тоғларидан бирининг чўққисига ўрнатади.

Милоддан аввалги IV-І асрлар қадимги Хоразмнинг гуллаб-яшнаган даври бўлиб, бу даврга оид ёдгорликлар жуда кўп ва хилма-хилдир. Хоразмнинг антик даврдаги шаҳарларининг деярли барчаси воҳани даштдаги қўшни қабилалардан мудофаа қилиш мақсадида бунёд этилган. Амударёнинг ўнг томонидан шарқдан гарбга бирин-кетин чўзилган Кангақалъа, Жонбосқалъа, Бозорқалъа, Кўроғошинқалъа, Қирққиз, Аёзқалъа, Бурлиқалъа ва Тупроққалъа сугориш иншоотларининг этагида бир-бирларига яқин ва қатор қилиб қурилган. Бир тарҳга асосланган мудофаа тизими ва тараққий қилган улкан сугориш иншоотларининг мавжудлиги Хоразмнинг қудратли марказлашган давлат бўлганлигини кўрсатади.

Бу қалъалардан Кангақалъа, Жонбосқалъа ва Кўйқирилганқалъада топилган буюмлар ва бошқа ноёб топилмалар қадимги хоразмликларнинг диний эътиқодларини аниқлаш имконини беради. Жонбасқалъа марказий кўчаси охирида жойлашган иморат харобаларини текшириш натижасида бу бино маҳаллий аҳолининг ибодатхонаси бўлганлиги аниқланди. Иморат ўргасидаги супачага қурилган ўчоқда муқаддас ўт доим ёниб турган. Ибодатхонанинг ички девори тагида узун супа, оташхона ёнида эса ибодат қилувчиларнинг диний маросимларни ўтказишлиари учун айрим хона ҳам мавжуд бўлган. Бу хонада топилган кўплаб сүяк қолдиқлари унда диний маросимлар учун тайёрланган таомлар истеъмол қилинганлигидан дарак беради.

Ўрта Осиёдаги халқлар илк феодализм даврида ҳам жамоа тўпланган пайтларда умумий маросим таомларини пиширганликлари, одамлар тўпланиши учун маҳсус уйлар бўлгани, бу уйлардаги ўчоқларда доимо олов ёниб тургани ҳақида Беруний ва бошқа муаллифлар ёзиб қолдирганлар. Маълумки, яқин вақтгача айрим тоғли ерларда маҳсус оташхонали уйлар мавжуд бўлиб, бу ерда эркаклар тўпланишиб гап берганлар. Ўзбекларнинг айрим тўй ва бошқа маросимларида гулхан ёқиши одати ҳали ҳам учрайди. Бутун антик даврда Ўрта Осиёда ҳукмронлик қилган зардушт (зороастризм) динига биноан, шунинг-

дек эски урф-одатларга эътиқод қилувчиларнинг тушун-  
часига қараганда, ўтга сифиниш турли фалокат ва ин-  
жинслардан сақлар, турмушда бахт ва муваффақиятлар  
келтирадар эмиш.

Жонбосқалъя ва бошқа ёдгорликларда ҳам жуда кўп  
учрайдиган ҳайкалчалар (археологлар тилида терракота-  
лар), идишларга солинган отнинг расмлари қадимги хо-  
размликларда зардушт динидан ташқари табиат кучлари-  
га, ҳайвонлар, чунончи, отга сифиниш эътиқоди ҳам  
бўлганлигини кўрсатади. Тарихий манбаларда ҳам мас-  
сагетларнинг отга сифинганлиги тўғрисида фикр бор.  
Серҳашам кийимли аслзода кишини тасвириловчи жуда  
кўп ҳайкалчалар унумдорлик худоси, сув ва сугориш ин-  
шоотларининг ҳомийси Анахита образи билан боғлиқли-  
гига ҳеч шубҳа йўқ. Наршаҳийнинг ёзишича, зардушт  
динидаги бухороликлар ҳар йили наврӯз байрамида бо-  
зордан лойдан ясалган худо ҳайкалчаларини олиб, эски-  
сини синдирап эканлар. Ёдгорликларда топилган ҳайкал-  
чаларнинг деярли ҳаммаси синдирилганлиги бу фикни  
исботлайди. Беруний асарларида ҳам Наршаҳий ҳикоя-  
сига ўхшаш маълумотлар, ривоятлар мавжуд.

Тасвирий санъат намуналари ичida жимжимали қилиб  
ясалган оссуарийлар алоҳида ўринни эгаллайди. Юқори-  
да айтганимиздай, бу даврда бутун Ўрта Осиёда, Эронда,  
Озарбайжонда зардустийлик дини ривож топган эди. Зар-  
дустийлик динига биноан, ўликларни ерга кўмиш, сувга  
ташлаш гуноҳ ҳисобланиб, жасадни ё куйдирганлар ёки  
гўшти ва терисини йиртқич ҳайвон, күшларга едириб,  
суякларини маҳсус сопол қути (оссуарий) ларга солиб,  
айрим биноларда сақлаганлар. Шундай қутиласарни Ўрта  
Осиёнинг ҳамма ерида учратиш мумкин. Мана шу ва  
бошқа фактларга асосланиб, кўп олимлар Зардустнинг  
ватани Ўрта Осиё деб ҳисоблайдилар.

Қўйқирилганқалъя теварагида кўп учрайдиган оссуа-  
рийлар хилма-хил бўлиб, қопқоқларининг кўпчилигига  
ҳайкалчалар ясалган. Мазкур обидадан тахминан бир ярим  
чақирим шимолда кумтепалар орасидан топилган квад-  
рат шаклдаги оссуарийнинг қопқоғидаги чордона куриб  
ўтирган эркакнинг ҳайкали жуда ажойибdir. У калта  
мўйловли, соқоли хоразмча қилиб қўйилган, кийими

нақшдор қилиб түқилган, камари учидар күй бошини тас-вирловчи безак бор. Оссуарийлар ичидан шаклида ясалгандар ҳам учрайди. "Шоҳнома"да учрайдиган айрим қаҳрамонларнинг номи (Лухрасп, Гуштасп, Аржасп ёки Хоразмдаги Ҳазорасп қалъаси) от (асп) билан боғлиқ эканлигини эътиборга олганда, бу тасвирлар муайян диний эътиқодлар билан боғлиқ дейиш мумкин.

Қалъалиқирда сўнгги йилларда топилган қумтошдан, лойдан ва ганчдан, шунингдек сополдан ясалган турли типдаги оссуарийлар ичидан юмaloқ қопқоғида қуш тасвири туширилган квадрат оссуарийлар алоҳида ажралиб туради. Уларнинг тотемизмга тегишли эканлиги шубҳасиз. Антрапоморф, яъни одамсимон ҳайкаллар ва расмлар бир неча археологик қазишмаларда топилган. Қуёш худоси Митрага бағишилаб ҳар йили маҳсус байрамлар (митраган) нишонланган. Бу юонлардаги ўсимлик маъбудаси Дионисга бағишиланган вакханалия байрамига ўхашаш кузда, йигим-терим вақтида ўтказиладиган табиат ҳосилдорлигига бағишиланган хушчақчақ байрам ҳисобланган. Қадимги Парфия пойтахти Нисада топилган мармардан ясалган ниҳоятда гўзал Родогунда ҳайкали муҳаббат туйфуси, гўзаллик ва мафтунлик худоси ҳисобланган Афродита образини эслатади. Машхур "Амударё ҳазинаси"га тегишли жуда кўп олтин буюм ва безаклардаги бургут бошли, шер гавдали ва қанотли баҳайбат маҳлук ва бошқа образлар қадимги Шарқ худоларига ўхшайди.

Юон-бақтрия кумуш тангларидан тасвирланган бир томонда маҳаллий подшоларнинг қиёфаси ва иккинчи томонда қанотли отлар, юон худолари тасвирига ўхашаш ҳомий маъбудалар образи бу даврда синкретизм диний тасавурларининг кенг тарқалганилигидан далолат беради. Кейинги Кушон империяси даврида бу жараён кучаяди ва чукурлашади. Бақтрияни емириб, унинг харобалари ўрнида пайдо бўлган кушонлар империяси жуда қисқа мuddат ичидан қулратли давлатга айланади. Император Канишка (78-123 йиллар) хукмронлик қилган давр охирларидан Кушон давлати ўз ҳудудини ниҳоятда кенгайтиради ва замонасининг буюк давлатлари Рим, Парфия ва Хитой билан бир қаторда туради. Янги империянинг чегараси Фарбда Орол ва Каспий денгизи бўйларигача,

Жанубда Ҳинд дарёсининг қуи оқимигача, Шарқда эса Синцзяннинг Хўтан шаҳридан Ганг бўйларидағи Банорасгача чўзилган.

Канишка ғолибона юришлардан ташқари катта қурилишлар ҳам барпо қилди. Унинг даврида Шимолий Ҳиндистондан бутун Марказий Осиёгача анча шаҳарларга асос солинган. Ҳозиргача шу шаҳарларнинг бири унинг номи билан юритилади. Бу даврда кўп мамлакатлар билан иқтисодий, сиёсий ва маданий муносабатлар яхшиланади. Милоднинг 99 йилида Кушон элчиларининг Римга келиши ва Хўтан худудида жуда кўп рим тангаларининг топилиши бунга далил бўла олади. Канишканинг дин соҳасидаги сиёсати натижасида Кушон империясида, жумладан Ўрта Осиёда ҳам то араб истилосигача буддизм дини кенг тарқала бошлаган. Ҳаттоқи Хитойга ҳам буддизм Кушон империяси орқали тарқалган. Буддизмнинг энг муҳим асарларидан бири — "Амитаба Сутра" Кушон мамлакатидан Хитойга 147 йилда олиб келтирилганлиги тўғрисида Хитой солномалари хабар беради.

Марказий Осиёда буддизм нақадар муҳим ўринни эгаллаганлигини кейинги йилларда ўтказилган археологик қазишмалар ҳам тасдиқлайди. Жанубий Ўзбекистон, Туркманистон ва Афғонистондан археологлар кашф этган будда ибодатхоналарининг харобалари, айниқса, улкан маҳорат билан ясалган катта-кичик будда ҳайкаллари бунинг ёрқин далилидир. Қадимги Термиз харобаларидан топиб текширилган йирик ибодат маркази (унда 20-25 та будда комплекси борлиги аниқланган) диққатга сазовор. Ажойиб санъат ва архитектура намунаси бўлган кушон зодагонининг қасри ҳисобланган Холчаёнда будда иншоотлари кашф этилган. Айритом, Болаликепа, Далварзинтепа ва Фаёзтепа ёдгорликлари мажмуи, марказий будда ибодатхонаси жойлашган Қоратепада топилган археологик материаллар ўша даврдаги истеъододли аждодларимизнинг юксак моддий маданияти, диний тасаввурлари, умуман дунёқараши ва урф-одатларини кенг тасаввур қилишга имкон беради.

— Мазкур обидаларни текшириш Марказий Осиё ҳалқларининг Кушон даврига оид моддий ва маънавий маданиятида, шу жумладан диний тасаввурларида ҳам антик

маданий анъаналар билан бир қаторда янги анъаналар пайдо бўлганлигини кўрсатади. Чунончи, сопол идишлирида тасвирланган ҳайвонлар (асосан от, кўй, кўчқорлар, маймун ва фил) кушонликларнинг диний тушунчаларида, бир томондан, Шимолий Қора денгиз бўйларида, Шарқий Европа ва Қозоғистон даштларида яшаган қабилаларининг таъсири борлиги, иккинчи томондан, Ҳиндистон халқлари диний мафкурасининг таъсири (маймун ва фил образи) борлиги сезилади. Топилган буюмларнинг кўпчилиги бу даврда зороастризм ва буддизмдан ташқари ҳар хил тотемистик ва сеҳргарлик (магия) диний тасаввурлари муҳим роль йўнаганлигини кўрсатади.

Шундай қилиб, бутун антик даврда қадимий Ўрта Осиё ва кўшни Эрон халқарининг ҳаётида милоддан аввалги II минг йиллик охирларида пайдо бўлган ва кейинчалик давлат дини деб танилган зороастризм билан бир қаторда буддизм ва илк ибтидоий дин шаклларидан тотемизм, магия, анимизм, табиятга сифиниш кабилар ҳам кенг тарқалган. Турли даврларда пайдо бўлган хилма-хил этник гурӯҳлар диний тасаввурларининг ўзаро таъсири остида антик даврдаги аждодларимизнинг динлари мураккаб синкетик характер касб этган ва бу жараён узоқ даврларгача сақланиб қолган.

**Христианлик.** Жаҳондаги энг тараққий қилган ва энг йирик дин ҳисобланган христианликнинг пайдо бўлиши ҳам мана шундай мураккаб, турли воқеаларга бой даврга тўғри келади. Христиан дини ўз илдизлари билан қадимий Шарққа, унинг поэтик афсона ва акидавий ибодат ҳамда урф-одатларига бориб тақалади. Қадимий динларга нисбатан анча ривожланган кескин ижтимоий, иқтисодий, сиёсий зиддиятларга тўла жамиятда пайдо бўлган янги диний таълимот ўз даврининг долзарб ва мураккаб масалаларига асосли жавоб бериши ва жабр-зулмда эзилиб келаётган миллионлаб кишиларга йўл-йўриқ кўрсатиши зарур эди. Янги дин турли тиллардаги ҳар хил элатларга ва барча табақаларга хаёлий бўлсада, тенг мададкор бўлиши шарт эди. Христиан динининг пайдо бўлишида ва қисқа мuddат ичида турли ирқ ва элатлар орасида кенг тарқалишидаги асосий омиллардан бири шундан иборат. Янги диний таълимотнинг шаклланишида

Энг мухим роль ўйнаган зороастризмдан куртак отиб чиқ-кан митраизм ўша даврда бутун Рим империясида энг машхур шарқий динлардан бири эди. Шубҳасиз, унинг шаклланишида гоявий манбалардан Платон (Афлотун) идеалистик фалсафасининг диний таълимоти ҳам мухим роль ўйнаган.

Демак, христиан дини бутун Яқин Шарқ ва Ўрта дениз дунёсини бириктирган, турли миллатлар устидан ҳукмронлик ўрнатган Рим империяси чегарасида миллатлар ва элатлар манфаатидан устун турган "жаҳон" диний тизими сифатида юзага келган. Аммо у дастлаб қудратли империядан чеккада, қадимий маданият ўчоқлари ва ниҳоятда ўзаро таъсири кучли гоялар ва турли диний таълимотлар чорраҳасида пайдо бўлган эди. Унинг таълимоти яхдийлар мазҳаби, юон-рим фалсафаси ва Шарқ динлари таъсирида шаклланган. Буни жуда бой антик давр манбалари ва айниқса машхур Кумрон ёзувлари тасдиқлайди.

Янги ва эски эра оралиғидаги даврда Рим империяси ижтимоий-иқтисодий ва сиёсий жиҳатдан танг аҳволга тушган. Давлат бу ҳолни кенг халқ оммасини эзиш ва жабр-жафоларни кучайтириш орқали ўзгартишга интилган. Барча мусибат моддий ва маънавий бойликлардан фойдаланиш ҳуқуқларидан бутунлай маҳрум бўлган миллионлаб қулларнинг гарданига тушган. Ниҳоятда оғир жисмоний меҳнат ва унинг маҳсулотидан асло ўзи фойдалана олмаслик қулларнинг ишлаб чиқариш фаолиятини сусайтириб қўйган. Қулдорларнинг чексиз жабр-зулмлари, даҳшатли жазолари ҳам қуллар меҳнати унумини оширолмаган. Аксинча, ваҳшиёна золимлик ва ноинсоний азоблар меҳнаткаш омманинг ғазабини қўзғатиб, уларнинг исён кўтаришига сабаб бўлган. Оқибатда қулдорлик жамиятининг бойликлари яна ҳам камайиб, ҳатто ҳукмдор табақалар орасида ҳам умидсизлик, нажоткорлик ҳиссиётлари кучаяди. Бир неча миллион издошларига эга бўлган яхдий дини ҳам оғир аҳволдан қутилиш йўлини кўрсата олмай, турли мазҳабларни (форисейлар, саддукеилар, зелотлар, эссенлар) юзага келтирган ҳамма аҳоли қандайдир файри қудратли халоскор шахс — масиҳни кутаётган эди. Бундай шахс Иисус Христос (юононча мас-

сия, қадимги яхудийларнинг "мариаҳ", яъни халоскор сўзидан олинган) образида пайдо бўлиб, империянинг турли жойида намоён бўлган.

Янги христиан динининг асосчиси ҳисобланган Иисус Христос Библияниң чор китобида ҳар хил афсонавий мўъжизаларга қодир илоҳий халоскор шахс сифатида ба-тафсил тасвирланган. Ислом динига Исо пайғамбар номи билан кирган Христос, ривоятларга кўра, яхудийлар подшоси Давид сулоласига тегишли иффатли қиз Мария (му-сулмонлар Мариям дейишади)дан туғилган. Шунинг учун уни отасиз, худо нури билан дунёга келган халоскор подшо сифатида "Давиднинг меросхўр ўғли" деб ҳам атаганлар. Дунёвий шахс сифатида эса Мариямнинг унаштирилган кўёви Иосиф (Юсуф пайғамбар) Христос, яъни Исонинг отаси деб танилган.

Христос муқаддас китобларда баён этилганидек, шимолий Фаластиндаги Галилея номли шаҳарнинг Вифлем деган жойида молхона ўрнида ишлатилаётган бир форда туғилган. Саккиз кун ўтгач, гўдакни суннат қилиб, унга Иисус деб ном қўйилади ва қирқ кундан кейин яхудийлар оиласининг тўнгичи сифатида Иерусалим ибодатхонасига келтириб, худога бағишлиланган ибодатдан ўтказдилар. Коҳинлар томонидан "халоскор" деб танилган гўдакнинг ота-онаси Мария ва Иосиф яхудийлар подшоси Ирод ғазабидан қўрқиб Мисрга қочадилар. Ирод ва-фотидан кейин вояга етган Иисус онасининг шаҳри Назоратга қайтади.

Эски одатга биноан 12 ёшга етган ўспиринни Иерусалимга зиёрат қилишга олиб келадилар. У ибодатхонада устозлар билан баҳслашади ва ҳаммасини ўз ақл-идроқи билан қойил қолдиради. Ривоятларга кўра, гўёки Христоснинг назари тушган муқаддас бутлар эриб, кулга айланади. Унинг амири билан мевали дараҳтлар онаси Мария олдида эгиладилар, ваҳший ҳайвонлар унга таъзим қиласидилар. У саҳрова ташна қолганларга булоқдан сув чиқариб беради, ўликни тирилтиради ва бошқа мўъжизаларни намойиш қиласиди.

Христос афсонавий ўн икки шогирди билан Фаластинда ўз таълимими тарғиб қиласиди, у ерда ҳам турли мўъжизалар кўрсатади. Масалан, бир катта тўйда ички-

лик етмай қолганида сувни шаробга айлантиради, кучли бўронни тўхтатади, мингга яқин кишини беш-олти нон билан тўйдиради, асаб касалини ва бошқа касалликка чалинган бетобларни даволайди, сув устида юради ва ҳоказо. Аммо уни она ватанида ҳеч ким қўллаб-кувватламайди, аксинча, у қувғин ва қаршиликка учрайди. Ўз шогирдлари билан пасха байрамида Иерусалимга келганда, уни жуда катта тантаналар билан кутиб оладилар. Бундай обрўга эга бўлаётган Христосни яхудий оқсоқоллари Рим давлати ҳукмдорларига ифво қилиб, исёнкор сифатида топширадилар. Сотқин Иуда бошчилигида бир гурӯҳ қуролланган яхудийлар халоскорни алдаб Рим судига келтириб, уни ўз халоскорлик мақсадларига иқрор эканлигига ишонч ҳосил бўлгач, ўлим жазосига ҳукм қиласилар.

Христосни ўша вақтдаги энг даҳшатли жазо — аввал қаттиқ қалтаклаб, сўнг оёқ-қўлини крест (бут)га михлаб қўйганлар. Халоскор олти соатлик азобдан кейин вафот этади. Унинг ўлими вақтида күёш тутилиб олам қоронгулашади, ер қимиirlайди, катта ибодатхонадаги пардалар йиртилади. Христоснинг ўлганлигини билиш учун лашкарлардан бири унинг ўнг биқинига найза тиқади. Жасадни дўстлари тош тобутга солиб форга дағн қиласилар ва форни катта тошлар билан бекитадилар. Аммо Христос қабрида тирилиб арши аълога кўтарилади. Шундай қилиб, афсоналарга чулғанган худо Иисус Христоснинг дунёвий ҳаёти тугайди.

Тадқиқотчилар орасида Иисус Христос тўғрисида яқин давргача жиддий тортишувлар бўлиб келган. Бир гурӯҳ олимлар (мифология мактаби вакиллари) уни фақат афсонавий шахс, тарихда унинг прототипи ҳам бўлмаган, деб тасдиқлайдилар. Христос, Шарқда кенг тарқалган афсонага кўра, ўлиб тириладиган худолар, мўъжизалар яратувчи ва бошқа турли афсоналарни ўзида мужассамлаштирган образ. Иккинчи гурӯҳ тарафдорлари кўпчиликни ташкил қиласиди. Улар Библиядаги воқеалар ва Иисус Христос образи аслида тарихда мавжуд бўлган қандайдир умумийликка эга воқеа ва шаҳслар билан боғлиқ деган фикрни қўллаб-кувватлайдилар. Масалан, яхудийлардаги Иешуа исмли жаҳонгашта тарғиботчи Иисус типидаги пайғамбарлардан бири бўлиши мумкин. Аммо

Води-Кумрон ёзувлари бу масалага бир оз аниқлик киритган. Ундаги эссенлар мазҳабига оид насиҳатлар ва рисолаларда Давид уруғидан чиққан қандайдир ҳалоскор шахс, охир замон ва гуноҳкорлар тўғрисида ҳикоя қилинади. Расмий иудаизм динига қарши чиққан эссенлар "адолат устози" ҳисобланган ҳалоскор образи ва шу асосдаги таълимоти билан дастлабки христианликни эслатади.

Христианлик дастлаб илгари ўтган қадимий Шарқ динлари ва таълимотлари, айниқса иудаизм, митраизм ва уларнинг урф-одат ва ибодатлари тизимига асосланган бўлса, кейинчалик эллинистик фалсафа, айниқса, стоиклар таълимотини, Сократ ва Платон ғояларини қабул қилади. Император Нероннинг тарбиячиси, стоитицизмнинг йирик вакили Сенека ахлоқий тамойиллари христианлик мафкурасини ишлаб чиқишига катта таъсир кўрсатган. Шунинг учун янги дин тарихини жиддий ўрганганд Ф.Энгельс Сенекани "христианликнинг амакиси" деб атаган эди.

< Янги диний таълимотнинг бош ғояси иудаизмда пишиб етилган яккахудолик, гуноҳга ботиш ва ундан ҳалос бўлиш ақидаларидир. Одамлар худо олдида гуноҳкор, яхудийми ё юон, римлики ё варвар, қулми ё эркин фуқаро, бойми ё камбағал — барчаси "худонинг бандаси", барчаси гуноҳга ботган. Бандаси ўз гуноҳини худога, буюк ҳалоскорига чукур эътиқод ҳосил қилиш орқали ювади. Иисус Христос бутун одамизот гуноҳини ювиш учун қанча азоблар чекиб, бандаларига ўрнак бўлсин деб ўзини қурбон этади. Муқаддас учлик (Ота-худо, Ўғилхудо, яъни Иисус ва Муқаддас рух)га ишонган, тавба қилган, охиратдаги яхши ҳаётга умид боғлаган тақводор — камбағалми ё бой, қулми ё подшо — тўғри жаннатга бориши мумкин. Аксинча, бетавфиқ гуноҳкор ва таъмагир дўзах оловида қовурилади. Христианликнинг Муқаддас учлиги ва Иисуснинг дунёвий одамликдан худо даражасига кўтарилиши уни иудаизм ва исломдан фарқлайдиган асосий ақидалардир.>

Илк христианлик расмий иудаизм ва Рим ҳокимияти қулдорлик мафкурасига қарши чиқаётган барча норози кучларнинг, айниқса, турли тилдаги ва диндаги барча мазлумларнинг орзу-умидларини ифодаловчи демократик

руҳдаги таълимот сифатида юзага келган. Аммо бу таълимот, хусусий мулк, бойлик ва тенгизлилкка қарши чиқса ҳам, мазлум халқларни курашга чорламаган, аксинча, шукур қилиш ва итоатгўйликка чақирган. Бундай ғоялар албатта ҳукмрон табақаларга қўл келган, шунинг учун христиан дини уч-тўрт асрдан кейин давлат динига айланади. Дастлабки икки-уч асрда у эзилган ва қувфиндаги омманинг дини сифатида юзага келиб, жуда кенг ҳудудга тарқалган ва мазлумларни ҳаракатга келтирган ғоя сифатида ижобий роль йўнаган. Аслида христианлик барча одамлар учун фақат биргина тенгликни берар эди. У ҳам бўлса — энг биринчи гуноҳ тенглиги эди, бу эса христианликни қуллар ва мазлумлар дини бўлиши характеристига мувофиқ бўлган. Шу билан бир қаторда христианлик, жуда деганда, яна мумтоз кишиларнинг тенглигини ҳам эътироф қилган, лекин бу тенглик христианликнинг энг дастлабки даврида илгари сурилган. Охиратда тенглик ваъда қилиниши ва дунёвий азоб-уқубатларга чидаш, жабр-зулмларга ҳеч қаршилик кўрсатмай итоат қилиш — илк христианликнинг энг муҳим ғояси эди.

Шундай қилиб, антик даврда, политеистик динлар ичидаги якка худолик (монотеистик) динлари юзага кела-ди. Аммо шуни ҳам қайд қилиш лозимки, янги дин якка худоликни тарғиб қилиб, анча кенг оммани ғоявий жи-ҳатдан бириктирган бўлса-да, бошқа монотеистик динлар сингари тафаккур эркинлигини бўғиб қўйган. Аксинча, масалан, қадимги Юнонистон ва Римда политеистик динлар ҳукмронлик қилган даврда, илмий тафаккур ва фалсафа анча эркин ривожланган.

**Антик Юнонистон ва Рим.** Энг қадимги Шарқ афсо-наларида одамларнинг оғир турмушини енгиллаштириш учун олов кашф этган, уй ҳайвонларини тақдим қилган, қурол-аслаҳа ясашни ва уй-жой қуришни, касб-хунар ва билим ўргатган буюк инсонпарвар образлар яратилган. Улар баъзан яратувчи, сахий худолар шаклида, баъзан ҳеч нимадан, ҳатто худо ғазабидан, ўлимдан ҳам қўрқмайдиган, аммо инсон баҳти учун барча қийинчиликларга бардош бериб, ўзини қурбон қилишга тайёр қаҳрамонлар сифатида намоён бўлади. Буюк "Шоҳнома"да куйланган, дунёни бошдан оёқ обод қилган, ҳамма ёқни

адолатга тўлдирган, тошдан олов чиқариб, равшанлик сочган адолатпеноҳ Ҳушанг ва унинг фарзанди, "жаҳонда фойдали ҳар нимаики бор, банддан ечиб уни этган ошкор", йигирмоқни ва тўқимоқни, мато ё гилам ясамоқни одамга ўргатган девбанд Тахмурас каби қаҳрамонлар асли ҳалқ ижодидан олинган образлардир. Зулм ва адолатсизликка, золим шоҳга қарши исён кўтарган, юқорида қайд қилинганидек, ҳалқ қаҳрамони темирчи Кова ҳам, қадим афсоналарда аждарҳога қарши курашган, қўёш каби покиза Фаридун ҳам ҳалқ оммасининг эзгу орзуларини ўзида ифодалаган образлардир. Адабиётда инсонларнинг ғамхўр ҳомийси ва ҳалоскори, "фалсафа календаридаги энг олижаноб авлиё ва жафокаш киши", деб таърифланган қадимги афсонавий юонон қаҳрамони Прометей ҳам инсонпарварлик фазилатлари учун, ривоятларга кўра, Олимп худолари ҳукми билан даҳшатли азоб-уқубатга учрайди.

Аслида бу ривоятларда инсон тафаккурининг қудратли чироғи нодонлик ва хурофотга қарши кўтарилилган ақл исёни сифатида намоён бўлади. Инсон ақли ва тафаккури қанча узоқ нур сочса, киши ҳаёти шунча ёрқин ва енгил бўлган, нодонлик ва хурофот орқага чекинган. Аммо бу олижаноб кураш йўлида қанча ҳақиқий прометейлар азоб чеккан, ҳақиқат йўлида қурбон бўлган ёки фожиали ҳаёт кечирган. Бу кураш, айниқса, илмий билимлар анча ривожланган, маданият ва санъат равнақ топган қадимги Юнонистон ва Римда яққол намоён бўлади.

Антик дунё диний тасаввурларининг энг асосий хусусиятларидан бири шундаки, улар теология (илоҳиёт)ни, Авесто, Таврот ва Инжил сингари муқаддас китобларни билмаганлар. Мифологияга асосланган бу динлар жiddий талабчан ақидалардан ва кўр-кўrona итоатлардан ҳам нисбатан озод бўлган. Қадимги Юнонистонда ҳатто худолар, маъбудалар тўғрисида эркин мулоҳаза юргизиб, баъзан уларни танқид қилиб турганлар. Оқибатда коҳинлар алоҳида каста ёки ижтимоий табақа бўлиб ажralиб чиқмаган, уларнинг таъсири ҳам анча чекланган. Кўп худоларнинг образлари одамсимон шаклида бўлиб, баъзан тотемистик тасаввурларни ифодаловчи зооморф (ҳайвонсимон) белгиларни ҳам сақлаб қолган.

Маъбудалар ичидаги ҳосилдорлик, деҳқончилик ва чорвачилик билан боғлиқ худолар жуда муҳим ўринни эгаллаган. Ер ҳаёт бошлангичи, бутун борлиқнинг онаси, барча нарса ердан чиқиб, ерга қайтади, деган тушунча асосида маҳсус ҳосилдорлик худоси Деметрага сифинганлар. Олимп худолари ичидаги фахрий ўринни эгаллаган Деметра қонунчилик, никоҳ ва оила ҳомийси деб танилган. Унга атаб ҳар хил байрамлар ўтказилган, тантаналарда катта гулхан ёқиб, хўқиз, сигир, чўчқа, мева, асал ва бошқа нарсалар қурбон қилинган. Деметра Италия деҳқонларининг маъбудаси Церера билан, кейинчалик Шарқда кенг тарқалган барча худоларнинг ва мавжудотларнинг онаси, табиатни тирилтирувчи ва ҳосил берувчи "Буюк Она" деб ном қозонган Кибела билан уйғуналашиб, қандайдир нафис ва гўзал аёл образида тасвирланган. Қулдорлик жамияти инқизорзга учраган даврда (милоднинг I асрларида) қадимги Мисрнинг буюк табиат худоларидан опа-сингил Ўсирис ва Исида ибодати ниҳоятда кучаяди, юнон-рим оламида бутун империяда Шарқ худоларидан Кибела, Аттис, Митра ҳам фахрий ўринни эгаллади.

Асосий худолардан ташқари қадимги юнонлар жуда кўп иккинчи даражали маъбудалар — табиат кучлари ва ҳодисаларини ифодаловчи нимфаларга, ярми одам, ярми от образидаги афсонавий ўрмон девлари — кентаврларга, худоларнинг оддий аёллар билан алоқасидан туғилган ярим маъбуд деб танилган қаҳрамонларга ҳам сифинганлар. Уларнинг номига атаб маҳсус ибодатхона (героон)-лар қурилган, умумхалқ байрамлари ўтказилган, қурбонликлар берилган. Шаҳар ҳомийлари — қаҳрамонларга сифиниш аслида Юнонистондаги сиёсий тарқоқликтининг акс садоси эди. Айнан айрим шаҳарлар ҳукмронлиги ўрнатилиб, маданий ва иқтисодий бирлик жараёни кучайган пайтда ҳукмрон шаҳар худоси майда маъбудаларни ўзига сингдириб, барча умумдавлат қонун-қоидаларини қўриқловчи буюк худо деб танилган. Бу, айниқса, Олимпия худоларида ўз ифодасини топади.

Қадимги юнон афсоналарига қараганда, энг асосий худолар Фессалия яқинидаги баланд Олимп тоғларида бир оила бўлиб, ҳар бири мис ва тилладан ясалган қасрларда яшаганлар. Бу худолар оиласининг энг каттаси барча ху-

доларнинг отаси Зевс бўлиб, ҳамма худолар унга сўзсиз бўйсунган. Ундан кейинги ўринларни унинг укалари денгиз ҳокими Посейдон ва ер ости подшолигининг ҳокими Аид эгаллаган. Зевснинг сингиллари Гера, Деметра, Гестия ва унинг барча фарзандлари ҳам муайян илоҳий мансабларни эгаллаб, инсон фаолиятининг айрим соҳалари устидан ҳомийлик қилганлар. Аслида, Олимп ҳудоларининг турмуши ва иерархияси, яъни оила тузуми ҳаёти қадимги юонон патриархал уруғ зодагонлари оиласи тузилиши ва ижтимоий ҳаёти намунасининг аксидир.

Олимпия ибодати ва маросимлари бутунлай давлат назорати остида бўлган. Коҳинлик вазифасини муайян бир даврга сайлаб кўйилган полиснинг эркин фуқаролари бажариб турган. Олимпиядаги муқаддас ибодатхоналар бутун антик дунёда катта обрўга эга эди. У ерда маҳсус байрамлар ва ўйинлар милоддан аввалги 776 йилда ўтказилган бўлиб, ўша даврдан бошлаб умумюнон йил ҳисоби бошланади. Кейинчалик эллинизм замонасида шарқий худоларнинг таъсири зўрайиб, ҳар йил маҳфий диний удумлар ўтказиш кучаяди.

Қадимги Римда ҳам деҳқончилик ва чорвачилик асосий хўжалик фаолияти бўлганлиги туфайли диний тасаввурлар табиат кучлари, қишлоқ ҳаёти ва деҳқончилик меҳнати билан боғлиқ бўлган. Даставвал, ҳар хил табиат ҳодисалари ва кучларини, инсон фаолиятини ифодаловчи ҳомий арвоҳларга сифиниш кучли бўлган. Худолар ҳам гўё турли вазифаларни адо этганлар. Масалан, дастлаб, деҳқончилик ва чорвачилик ҳомийси, баҳор ва уйғониш худоси Марс кейинчалик уруш маъбудасига айланган. Илк боғдорлик ва узумчилик худоси ҳисобланган Венера (Чўлпон) кейинчалик юонон Афродитаси сингари муҳаббат ва гўзаллик маъбудаси вазифасини бажаради. Осмон худоси Юпитер юононларнинг Зевси ёки мисрликларнинг Омўни сингари деҳқончиликни ва хунармандчиликни ҳомийликка олган энг катта худо деб танилган. Аслида, Римда давлат худоларининг сони 30 та бўлган, уларнинг устида Рим давлатининг қудратини ифодаловчи энг олий маъбуд, яъни "худоларнинг отаси" Юпитер турган.

Аммо майда худолар ҳам жуда кўп бўлган. Шунинг учун ҳам I асрда яшаган рим сатириги Петроний биз-

нинг Италияда одамларга қараганда худоларни кўпроқ учратиш мумкин, деб ҳазил қилган. Дарҳақиқат, қадимги Римда табиатнинг ҳар бир ҳодисаси, ҳар бир буюм, одамнинг ҳар бир фаолияти ва ҳис-туйғулари ҳам ўз худосига эга бўлган. Фақат гўдак билан боғлиқ 43 та худо бўлган: унинг биринчи овоз чиқаришида бир худо, биринчи сўз айтишида иккинчи худо бош бўлган, маҳсус худолар гўдакни овқат ейишга, суюқлик ичишга, ётишга ўргатган, тўртта худо уни ўйнатишга олиб чиқкан. Инсон фаолияти ва туйғуларини ифодаловчи тушунчалар — Умид, Жасорат, Бахт, Тақдир, Адолат, Тинчлик каби мавҳум худолар қадимги рим динларининг хусусиятидир. Ҳатто эркакларнинг шахсий ҳомийси бўлган худо (гений)лар, аёлларнинг оиласи турмуши, бола туғилиши, баҳт-саодатини қўриқловчи шахсий маъбуда (юнона)лар ҳам мавжуд бўлган. Дастлабки даврларда римликлар худоларни тасвиrlамаганлар, ибодатхоналар қурмаганлар. Фақат эллинизм давридан бошлаб юон маданияти ва дини таъсири остида худоларнинг ҳайкаллари ва расмларини ясанганлар, дабдабали муқаддас ибодатхоналар қурганлар.

Милоддан аввалги даврнинг охирги асрларида Рим жамиятида жиддий ижтимоий ўзгаришлар таъсири остида икки қарама-қарши ғоявий ҳодиса рўй беради. Бир томондан, эллинизм даврида халқ оммасининг оғир аҳволи ҳар хил хурофий иримлар ва Шарқ худолари тўғрисидаги ғояларнинг пайдо бўлишига олиб келган; эски дин инқизозга учраб, худоларга "манслаблар теккан".

Кўп римликлар Кичик Осиёга зиёратга — худоларнинг Буюк Онаси Кибелага топиниш учун сафар қилганлар. Энг кенг тарқалган Фортуна (Омад) худоси дастлаб ҳосилдорлик ва экин ҳомийси деб танилган бўлиб, кейинчалик у тақдир маъбудасига айланган. Тўхтовсиз урушлар, қирғин ва талон-тарожлар кишиларни ўз уйидан, оиласидан, мол-мулкидан ажralиш хавфини туғдириб, уларда умидсизлик, эртанги кунга ишончсизлик туйғуларини пайдо қилган. Шунинг учун бугун бирорнинг баҳтини, эртага яна бошқанинг баҳтини, омадини ҳал қилувчи тақдир худоси Тихи ўша даврда энг машҳур худолар даражасига кўтарилиган. Эски даврнинг худолари ҳеч қандай нахжот ва енгиллик келтирмаганлиги туфайли илгариги об-

рўйини йўқота бошлайди. Янги мазмун кашф этган эски худолар билан бир қаторда Омад, Адолат, Тақдир, Хотира, Сахийлик, Фурур каби мавҳум маъбудаларнинг кенг тарқалиши диний эволюциядан дарак берадиган далиллардан биридир.

Доимий урушлар, давлат тўнтаришлари, қулларнинг кўпайиши, мулкий табақаланиш ва ижтимоий зиддиятларнинг кескинлашиши фақат мазлум халқ орасидагина эмас, балки ҳукмрон табақага мансуб руҳан жуда қийналган кишиларнинг кўпчилигига ҳам янги дин шаклларига эҳтиёж туғдиради. Ҳатто олий табақадаги қулдорлар мураккаб ижтимоий ҳодисаларни тушуна олмай, жамиятнинг ижтимоий ва сиёсий ҳаётига бефарқ қарайдиган бўлганлар, уларнинг сўзи ва амалий ишлари бир-бирига мос келмай, мунофиқликка ўтганлар. Рим жамияти турили табақалари орасида мустабидлик (монархия) ҳукмнинг ўрнатилиши натижасида полис ватанпарварлиги сусаяди, санъатдаги юксак ғоявийлик инқизозга учрайди, лаганбардорлик ва риёкорлик одат тусига киради ва шу асосда омма орасида умидсизлик ва ғоясизлик кенг тарқалган. Аммо бу оғир аҳволдан кишиларни қутқаришга эски динлар ожизлик қилган, одамлар файритабиий кучлардан халоскор элчи ёрдамга келишига ишонганлар.

Худодан келадиган халоскор — Исо пайғамбарга умид боғлаш, ўша даврда халқ оммасининг ижтимоий муҳит, зўравонлик, адолатсизлик ва чексиз зулм олдида ожизлиги туфайли уларнинг уюшмаганлиги ва заифлигини кўрсатади. Мазкур ғоялар фақат қуи табақалардагина эмас, балки коҳинлар орасида ҳам қўллаб-қувватланган ва диний йўл билан ишлаб чиқилган. Оқибатда кенг халқ оммаси эски политеистик юонон-рим динлари ўrniga монотеистик христиан динига ўта бошлайди. IV асрга келиб христиан динининг Рим империяси давлат динига айланиши унинг ҳукмрон синф хизматига тайёр, халқ оммасини бўйсундирувчи ва эзувчи муҳим восита бўлиб етишганлигидан дарак беради.

Иккинчи томондан, бу даврдаги муҳим ғоявий ҳодиса — бутун юонон-рим дунёсида илмий билимларнинг пайдо бўлиши ва атеистик фикрларнинг шаклланишидир. Зўр донишманд олим ва мутафаккирлар ўзларининг ате-

истик ғояларини дадил тарғиб қилганлар. Улар баъзан таркидунё қилиб, бойлик ва тинч ҳаётдан кечиб, муно-фиқлик, нодонлик ва ахлоқизликтини фош қилишга, ҳақиқатни кўйлашга, адолатни топишга, билим ва маърифат тарқатишга бутун умрини бағишлаганлар. Бундай буюк шахслар Юнонистонда ҳам, Римда ҳам учрайди.

Тарихий ривоятларга қараганда, ниҳоятда донолиги ва эркин тафаккури билан танилган, она ватани Кичик Осиёдан қувғин қилинган антик даврнинг машҳур шоири, ажойиб файласуф ва моҳир созандаси Ксенофан (милоддан аввалги 580 — 480 йиллар) ана шундай буюк инсонлардан эди. У умрининг охиригача элма-эл, шаҳарма-шаҳар дайдиб юриб, ҳақиқатни, покликни ва адолатни кўйлаган, диний мифологияни фош қилган. Ксенофан ёшлиқ давридан ватани Кичик Осиёда худосиз деб ном қозонган эди. У юнонлар итоат қиласидаги худоларга мутлақо ишонмаган, бунинг устига бошқаларни ҳам диний эътиқоддан қайтишга чақирган, худолар тўғрисидаги ҳар хил ривоятларни масхара қилиб, уларнинг ҳаммасини уйдирма деб атаган. Ксенофан фалсафа тарихида биринчи бўлиб худоларнинг одам характеристида эканлигига асосланиб, улар инсон фантазиясининг маҳсули, деган фикрни айтган. Унинг фикрича, барча динларда одамлар ўз худоларини ўзларига ўхшатиб, яъни ҳабашлар — қора танли ва пучуқ бурун, фракияликлар — кўк кўз ваmall соч қилиб тасвирлайдилар. Ксенофан: "Агар отлар, ҳўқизлар, шерлар ва бошқа ҳайвонлар расм ва ҳайкал ясаш учун қўл ва бармоқларга эга бўлганда, улар ўз худоларини ҳам ўзларига ўхшаш ҳайвонлар шаклида тасвирлаган бўлар эдилар", деб диндорлар устидан кулган. Аммо у худоларни бутунлай инкор қилмаган, унинг фикрича, коинот ва табиатнинг ўзи ягона худо, асли худолар табиат кучларининг аллегорияси, символи. Ўша даврда мазкур фикрлар ўтакетган даҳрийликнинг ифодаси эди.

Ксенофан ёлғиз бўлмаган. Унинг энг яқин садоқатли шогирдлари устозининг буюк маърифатпарварлик ишларини давом эттириб, ватандошларини хурофтдан озод қилишга, уларда танқидий тафаккур уйғотиб, барча хурофий тасаввурларга шубҳа туғдиришга интилганлар.

Қадимги Юнонистон ва Римнинг жўшқин иқтисодий ва сиёсий ҳаёти анча жонли, ҳаракатчан ва бой фалсафий дахрийлик руҳидаги тафаккурини яратган эди. Юқорида қайд қилинганидек, антик даврда фалсафий ва дахрийлик тафаккурининг ривожланишида жиддий диний ақидалар ва сиёсий кучга эга бўлган коҳинлар табакасининг бўлмаганлиги муҳим роль ўйнаган. Ҳамма нарсани билишга ва ўрганишга ёрдам берадиган инсон ақлига ишончнинг қучлилиги бу даврга хос ҳодисадир. Қадимги юнонларнинг эркин фикрли драматургларидан Эпихарм айтган эди: "Хушёр бўл, ишонмасликни ўрган, танангнинг барча моҳияти ўшандা!".

Милоддан аввалги VI асрда йирик савдо, дентизчилик ва маданият маркази ҳисобланган Милетда пайдо бўлган энг қадимги фалсафий мактабда дахрийлик ғоялари кучли бўлган. Шу мактабнинг Фалес, Анаксимандр ва Анаксимен каби атоқли намояндалари математика, география ва астрономия соҳасида қилган ажойиб қашфиётлари билан диний таълимотларга қаттиқ зарба берганлар. Милет мактабига асос солган Фалес ҳамма нарсани ташкил этадиган моддий субстанцияни излаб, барча мавжудотнинг бош асоси сув деган таълимотни тарғиб қилган. У худоларга ва ғайритабиий кучга кўр-кўрона итоат қилишга қарши чиқиб, материянинг ва ҳаракатнинг абадийлиги ғоясига асосланган стихияли диалектика тарафдори бўлган.

Анаксимен эса олам, шу жумладан одамнинг пайдо бўлиши тўғрисидаги диний афсоналарни мутлақо инкор қилган. У одамнинг бошқа бир мавжудотдан келиб чиқканлигини исботлашга интилган. Анаксимандр таълимоти бўйича коинот тузилувчи ва емирилувчи жуда кўп атомлардан иборат, коинотнинг марказида Ер жойлашган, унинг атрофида уч осмоний ҳалқа: Қуёш, Ой ва Юлдуз ҳалқалари доимо айланиб туради.

Ғайритабиий кучлар табиат ҳодисаларига таъсир қила олмайди, деган фикрни Милет мактабининг йирик вакили Анаксимен ҳам айтган. Унинг фикрича, барча мавжудот ҳаводан вужудга келади ва ҳавога қайтади, қуюқлашган ҳаво дастлаб булатга, сўнгра сувга, кейин тупроқ ва тошларга айланиб, майдаларидан олов пайдо бўлади. Жон ҳам, коинотнинг барча оламлари ҳам ҳавонинг ўзидир,

бу ерда худога ўрин йўқ. Хуллас, Милет мактаби файласуфлари худоларнинг яратувчилик фаолиятини инкор қилиб, барча буюм ва ҳодисаларнинг табиий, қонуний характерда эканлигини исботлаб, олам тўғрисидаги диний тасаввурларни пучга чиқаришга ҳаракат қилганлар.

Кичик Осиё (Эфес) даги зодагонлар зотидан чиққан буюк файласуфлардан Гераклит ҳам ўша даврларда оламни худолар яратган, деган таълимотни рад этган. Унинг фикрича, табиатнинг бош моддаси энг ўзгарувчан ва серҳаракат оловдир, бутун олам, ҳатто тирик жонлар ҳам ундан келиб чиққан. "Бутун мавжудот учун айни бир яхлит бўлган бу оламни ҳеч қандай худо ва ҳеч қандай инсон яратмаган, у қонуний равишда бир меъёрда ўчиб турадиган абадий жонли олов тарзида ҳамиша бўлган, мавжуд ва ҳамиша бўлади", дейди Гераклит. У худоларга бағишлиланган афсоналар ва шоирларнинг асарларига салбий муносабатда бўлган, беъмани қурбонликларни ва худоларнинг ҳайкалларига сажда қилишни масхаралаган.

Қадимги юнон демократияси даври (милоддан аввалиг V аср)да ҳурфикрлилик айниқса ривожланган эди. Бу даврнинг энг йирик намояндаларидан Анаксагор ўзининг буюк истеъоди ва донишмандлиги билан замондошлирини ҳайратда қолдирган. Табиатшунос, файласуф сифатида уни жонли ва жонсиз табиат қонунлари ва ҳодисалари қизиқтирас эди. Анаксагор учун Куёш қурбонлик талаб қиласиган Гелиос худоси эмас, балки абадий "олов шар". Ой тутилиши ва айланишининг ҳеч қандай файри-табиий кучга алоқаси йўқ, балки у муайян табиат қонунлари асосида ҳаракат қиласи ва содир бўлади. Куёш ва юлдузлар — "осмондаги жонли худолар" эмас, балки метеорга ўхшаш моддий жисмлар — "осмон тошларирид". Унинг фикрича, ҳаётнинг келиб чиқиши коинотдаги заррачалар — "буюм уруғлари" билан боғлиқ, улар ҳаво орқали ёмғир билан ерга тушган ҳамда жонли маҳлуқлар, ўсимлик ва ҳайвонлар пайдо бўлган. Мазкур фикрлар худоларнинг яратувчилик қобилиятини инкор қилиб, диний эътиқодни обрўсизлантирас эди, албатта. "Худоларни ҳақорат қилгани" учун Анаксагор худосизликда айбланиб, ўлимга ҳукм қилинган эди. Аммо Афина республикасининг бошлиғи Перикл ҳимояси туфайли ўлим жазоси

бадарға қилиш ҳукми билан алмашинади. Буюк донишманд сургунда вафот этади.

Диний ривоятларга ишонмагани учун атоқли файласуф Протагорни ҳам Афина суди ўлим жазосига ҳукм қилган эди. Унинг "Худолар ҳақида" номли асари қўйдирилган, ўзи Афинани ташлаб, қочиб кетишга мажбур бўлган. Атеист Диагор эса диний удумларни масхара қилгани учун сиртдан ўлимга ҳукм қилиниб, унинг боши учун катта мукофот эълон этилган. Ажойиб драматург Эврипид ҳам Афинадан ҳайдалиб, чет элда бошпана топган. У ўткир сатирик трагедияларида худоларни ахлоқсиз деб тасвиrlаган. Унинг асарларида Гера, Аполлон, Афродита ва бошқа худолар бузуқ ниятлари билан қанча бегуноҳ кишиларнинг ўлимига сабаб бўладилар. Эврипид ҳатто худоларнинг борлигига очиқ шубҳа билан қарайди. Унинг "Беллерфонт" номли трагедияси қаҳрамонларидан бири осмонга кўтарилиб, худоларни ахтариб топа олмаганигини айтади:

Осмонда худо бор дейдилар!..  
Йўқ! Йўқ! Улар йўқ. Агар кимдаки,  
Бир томчи ақл бўлса, у ишонмайди  
Ўтмиш ривоятларига.

Бу даврда ҳам инсоннинг қалби ва онги учун кураш илмий тафаккур билан хурофий тасаввурлар орасидаги муросасиз курашда ўз ифодасини топди. Қадимги юонон демократияси яшнаётган замонда ҳаёт, табиат ва жамият ҳодисаларини динга зид ҳолда илмий жиҳатдан ўрганиш кучаяди. Бунга иккита буюк мутафаккир — Гиппократ ва Фукидид ёрқин далил бўла олади.

Машҳур врач ва мутафаккир олим, "тиббиётнинг отаси" Гиппократ касалликларнинг пайдо бўлиши ёвуз руҳлар ва худо ғазаби билан боғлиқ эмаслигини, балки маълум сабабларга кўра келиб чиқишини тушунтирган. Унинг айтишича, тиббиёт масалаларида арвоҳлар ёки худолар иродаси билан эмас, балки киши баданидаги табиий холатни ўрганиш асосида мулоҳаза юритиш мумкин. Гиппократ табиблар тавсия қиласиган ҳар хил хурофий даволаниш йўлларини, сеҳргарлик усул ва воситаларини

фош қилади. У ит, эчки, от каби ҳайвонларни ёриб очиш асосида эпилепсия ва бошқа асаб қасалликларининг сабаби гайритабии куч ёки худо ғазаби эмаслигини исботлаб берган.

Унинг замондоши тарихчи Фукидид эса ижтимоий ҳодисаларнинг пайдо бўлиши сабабларини илмий жиҳатдан изоҳлаган. Геродот тарихий воқеалар сабабини ҳар хил афсона ва ривоятлардан ахтарган бўлса, Фукидид унга қарама-қарши ҳолда воқеаларнинг ривожланишида гайритабии кучларнинг ҳеч қандай роли йўқ дейди. Унинг фикрича, қўрқинч, уруш келтирадиган социал оғат ва бошқа мусибатлар диний эътиқоднинг манбаидир.

Табиат ҳодисаларининг моҳиятини илмий тушунтиришда ажойиб файласуф, фанда юнонлар орасида биринчи энциклопедик ақл-заковот соҳиби деб танилган Демокрит алоҳида ўринни эгаллайди. Атомистиканинг асосчиларидан бири ҳисобланган бу донишманд икки бош ибтидони — атомлар ва фазони эътироф этиб, атомлар бирикмасидан буюмлар ҳосил бўлади, уларнинг парчаланиши жисмларнинг ҳалок бўлишига олиб боради, деган фикрни илгари суради. Бениҳоя кўп, "туғилиб ва ўлиб турадиган" оламларни худо яратган эмас, улар табиий йўл билан, зарурият юзасидан пайдо бўладилар ва ўладилар. Демокрит сабабият зарурият билан бир, атомлар абадий ҳаракатда, барча жонли мавжудотлар ҳам атомлардан ҳосил бўлади, деган муҳим ғояни илгари суради. Унинг айтишича, жон ҳам атомлардан ташкил топган, аммо у маҳсус турда — доирасимон ва тез ҳаракат қиласидиган атомдир. У ўлмас жонни инкор қилиб, "жон ўладиган тана билан бирга йўқолади", дейди.

Инсоннинг билиш қобилиятини эътироф қилиб, Демокрит киши борлиқни ўз ҳиссий органлари орқали сезади, билим буюмларнинг моҳиятини аниқлаб, бизга атом ва бўшлиқ тўғрисида маълумот беради, дейди. Бу билимга ақл орқали эришилади. Кишининг ҳиссий идроки билиминг асосий манбаи ҳисобланса ҳам, чинакам "ёруғ", нозик билим ақл воситаси билан юксалиб туради ва бу билим оламнинг моҳиятини: атомлар ва бўшлиқни билишга олиб боради. Бу фикр, албатта, динга тубдан қарама-қарши. Демокрит диний таълимотга мутлақо хилоф

фикрлар айтган. Унинг таърифича, худолар ҳам бошқа буюмлар сингари атомлардан ташкил топган. Нисбатан узоқ яшашса-да, худолар ҳам ўлади. Демокрит диннинг келиб чиқиши сабабларидан бири қўрқинч дейди. Демокрит ўзининг сиёсий қарашларига кўра антик дунё демократиясининг ёрқин намояндаси, қулдорлик зодагонларининг жиддий мухолифи эди.

Демокритнинг ҳурфикрлилик гоялари эллинизм замонасида ижод қилган доно файласуф Эпикур томонидан янада ривожлантирилган. У ички ҳаракат манбаига эга бўлган материянинг абадийлигини эътироф этиб, худоларнинг дунё ишларига аралашуви инкор қиласди. Демокрит атомизмини қайта тиклаган Эпикур унга оригинал ўзгартишлар киритади: бўш фазода бир хил тезликда ҳаракат қиласдиган атомларнинг тўқнашуви мумкинлигини изоҳлаш учун у атомнинг тўғри чизикдан ички сабабли оғиши тушунчасини киритади. Бу ҳаракатнинг ички манбаи тўғрисидаги фаразга йўл очиб берган эди. Унинг айтишича, инсон учун билишнинг мақсади — уни жаҳолат ва хурофотдан, худолардан ва ўлим ваҳимасидан ҳалос қилишдан иборат, бусиз инсон баҳтга эриша олмайди. Ахлоқ масалаларида Эпикур кишига оқилона ҳузур-ҳаловат, завқ-сафо зарурлигини асослаб, бу ҳузур-ҳаловат замрида азоб-уқубатлардан четлашиб, осойишта ва қувноқ руҳий ҳолатга эришишдан иборат бўлган идеални қўяди.

Теран тафаккур эркинлиги ва даҳрийлик гоялари қадимги юонон драматурглари асарларида ҳам ўзининг ёрқин ифодасини топган. Уларда олижаноб, жафокаш прометейлар жаҳлдор, золим илоҳий зевсларга қарама-қарши қўйилади. Аристофан ва Лукиан комедияларида, Эврипид трагедияларида ва бошқа драматик асарларда қадимги юонон маъбудаларининг ярамас хатти-ҳаракатлари зўр маҳорат билан дадил танқид қилинади. Ўтган аср мутафаккирларидан бирининг таърифича, илоҳий кучлар Эсхилнинг "Кишанланган Прометей"ида бир марта трагедия шаклида — ўлгудек жароҳатланган бўлса, Юнонистон худолари Лукианнинг "Сұхбатларида" яна бир марта — комедия шаклида "ўлишига тўғри келади".

Демократиянинг гуллаган давридаги қадимги Юнонистон эркин тафаккурининг энг ажойиб ютуғи шундан

иборат эдики, бу даврда фалсафада ҳам, санъатда ҳам кишиларнинг хулқ-автори ва фаолиятини бошқарувчи омил — файритабиий куч эмас, балки, даставвал, ердаги ҳаёт, инсон ўзи яратган ахлоқ нормалари деган ғоя пайдо бўлади. Протагор: "Инсон — барча нарсаларнинг меъёридир", деган эди. Кеосслик мутафаккир Продик эса, диний эътиқоднинг илдизи инсоннинг ўзига фойда келтирадиган барча нарсанни илоҳийлаштиришида, дейди. Бу инсоннинг табиат ва ижтимоий кучлар олдида ожизлиги ва қарамлиги диний тасаввурлар пайдо бўлишининг сабабидир, деган гапнинг ўзидир.

Ўша даврда зодагонлар манфаати ва мафкурасини и福德аловчи машхур Сократ ва унинг издошлари, чунончи, энг йирик идеалистик файласуф Платон материализмга, табиий-илмий билимлар ва даҳрийликка қарши ҷиққанлар. Сократ диний-ахлоқий таълимотида оламнинг тузилишини, нарсаларнинг физик табиатини билиб бўлмайди, биз фақат ўз-ўзимизни билишимиз мумкин, дейилади. Унинг фикрича, билим — умумийлик ҳақидаги тушунча, билимнинг олий вазифаси назарий эмас, амалий мақсадга қаратилган яшамоқ санъатидан иборат. Бу ғояни Сократ "ўз-ўзингни бил" деган формула билан и福德алайди. У дин ва ахлоқ негизи руҳ ва ақлда, деб билади. Сократнинг таърифича, ёмон қилиқлар фақат билмасликдан келиб чиқади ва ҳеч ким ўз хоҳиши билан ёмон бўлмайди. Гарчи Сократ шу тариқа диний тасаввурларни ёқласа-да, уни динсизлик ва ахлоқсизликда айблаб қатл қилганлар.

Платон ҳам материалистик таълимотларга қарши актив кураш олиб борган, идеалистик қарашни ҳар томонлама тарғиб қилган. Платон борлиқни изоҳдаш учун нарсаларнинг жисмсиз шакллари мавжудлиги ҳақидаги назарияни ривожлантиради, бу нарсаларни "шакллар" ёки "ғоялар" деб атаб, уларни абадий борлиқ билан бирдай қилиб кўрсатади. Унинг космологиясининг марказида "оламий руҳ", дунёни яратган худо ҳақидаги диний таълимот туради. Билишнинг турларини у ўрганилувчи буюмларнинг тафовутларига қараб бир-биридан фарқ қилган ва чинакам билишнинг манбаи — ўлмас руҳнинг олам ҳақидаги хотиралари деб ҳисоблаган.

Платон афсоналарда куйланган Олимп худоларининг антропоморф, яъни одам шаклидаги образларини, хушчақ-чақ қулги, кайф-сафо тўла ҳаётини рад қилган. У тасвирланган аристократик жамиятда юмор, қулги ва кайф-сафо ман қилиниши зарур, бадиий адабиётда фақат худоларни ва қаҳрамонларни улуғлайдиган кўйлар бўлиши мумкин. У мифологияни рад қилса ҳам, инсон тақдирини бошқарувчи худолар борлигига ишонган. Унинг фикрича, нариги дунёда ўлганларнинг жонлари суд қилиниб, гуноҳига яраша ёмон бўлса даҳшатли азоб берилар, тақводор бўлса ҳузур-ҳаловотда лаззатли ҳаёт кечирар эмиш. Платон таърифича, ёмонларни дўзахда олов танли қабиҳ маҳлуклар кўл-оёғини боғлаб, ерга ётқизиб қамчилайдилар, тиканлик ва тошлоқлардан судраб, ернинг энг чукур туби Тартарга иргитиб ташлайдилар. Платон ўзининг foявий душманлари — материалистларни шафқатсиз жазолашга, қамоққа олишга, калтаклашга, қашшоқликка маҳкум ва бадарга қилишга чақирган. Христиан дини Платон foяларини, айниқса, худо йўлида ва қиёмат учун бу дунё лаззатларидан воз кечиб, тақводор бўлиш foясини тўлиқ қабул қилган.

Платоннинг идеалистик таълимотига унинг шогирди, ажойиб файласуф ва қомусий олим Аристотель қарши чиқади. У устознинг жисмсиз шакллар ("foялар") тўғрисидаги таълимотини танқид қиласди. Платон идеализмини бутунлай бартараф қила олмаган бўлса-да, Аристотель материализмга яқинроқ турган. Унинг "шакл" ҳақидаги объектив идеалистик таълимоти Платон идеализмiga қараганда кўп жиҳатдан объективроқ ва умумийроқ, шунинг учун ҳам, натурфилософияда кўпроқ материализмга олиб келади. Аристотель таълимотининг материалистик foялари феодализм даврида илмий foяларнинг ривожланишида муҳим роль ўйнади, идеалистик элементлари эса Аристотель таълимотини "ўлик схоластика"га айлантирган, ундан ўрта асрнинг дин арбоблари "диалектиканинг жонли куртаклари ва талаблари"ни бутунлай чиқариб ташлаб, идеалистик foяларини бўрттириб кўрсатганлар.

Милод бошларида (I – II асрларида) антик атеизм буюк рим файласуфи ва шоири Лукреций Кар ва ажойиб сатирик ёзувчи Лукиан асарларида ўзининг олий ифодасини топган эди. Поэтик жанрда ёзилган "Нарсаларнинг

табиати ҳақида" номли асарида Лукреций материалистик ва атеистик ғояларни ўртага ташлади. У атомистик таълимотга асосланиб, барча нарсалар атомлардан ташкил топган, улар доимо ўзгарувчан, абадий ва йўқолмайдиган характеристерга эга, деб таъкидлайди. Унинг жонли дунёнинг тадрижий ривожланиши тўғрисидаги мулоҳазалари эътиборга лойиқ. Барча жондорларни табиат ўз қонунлари асосида яратди, шунинг учун ҳам ерга она номи берилган, дейди у. Демак, дунё илоҳий таълимотда айтилганидек, худо томонидан яратилганилиги қуруқ гап. Лукреций Кар инсониятнинг келиб чиқиши ва тараққиётида одамнинг қурол ишлаб чиқариш қобилиятига эга бўлиши муҳим роль ўйнаганлиги тўғрисида кенг мулоҳаза қиласди. "Даставвал, кишига қурол бўлиб унинг кучли қўллари, тирнофи, тишлари, тошлар, дараҳтларнинг синган шохлари ва олов хизмат қилган. Кейин мис ва темир ишлатилган", — дейди у. Агар одам дастлабки даврда пассив ҳолатда табиатга мослашган бўлса, кейинчалик меҳнат қуроллари туфайли фаол кун кечирадиган бўлган, сўнгра тикиш, уй-жой қуриш, шаҳар ва қалъалар тиклашни ўрганганди.

Лукреций Кар диннинг илдизи кишиларнинг дунёвий ҳаётида, айниқса, уларнинг табиатнинг қудратли кучлари олдида қўрқувида, дейди. Ҳодисалар сабабини ўрганиш орқали бу қўрқувдан қутулиш мумкин. "Ҳар хил даҳшат ва руҳнинг хидаланишини бартараф қилиш зарур, бунга табиат қонунларини ўрганиш ва изоҳлаш йўли билан эришилади". Демак, Лукреций таърифича, динга қарши курашда асосий восита — фан, биринчи галда табиатшунослик фани. Дин ва фан бир-бирига зид, фан бор ерда хурофотга, динга ўрин йўқ ва аксинча. Теварак-атрофда нарсаларнинг муайян тартиби ўрнатилган. Шу тартиб асосида яшин, момақалдироқ, бўрон, шамол ва бошқа табиат ҳодисалари рўй беради. "Одамлар, — деб ёзади Лукреций Кар, — мазкур ҳодисаларнинг сабабини тушуна олмайдилар. Шунинг учун ҳам улар барча нарсалар худо иродаси билан бўлади деб ўйлайдилар". Унинг фикрича, одамлар ўзининг нодонлиги туфайли худодан мадад ахтарадилар. Эпикурдан юқори кўтарилган Лукреций Кар ўз ғояларига содик бўлиб, худоларнинг борлигига мутлақо ишонмаган. Унинг таърифича, худоларнинг борлигига ишонган киши

ноилож хурофотга берилади. Мазкур дадил эркин фикрлар динга қаттиқ зарба эди.

Қадимги антик даврнинг Вольтери, деб танилган буюк сатирик Лукиан диннинг барча томонлари ва шакллари ни жиддий танқид қилган. II асрнинг энг кўзга кўринган даҳрийси ва жасур мутафаккири ҳисобланган суряялик бу олим "Худолар суҳбати" ва бошқа ажойиб асарларида одам образидаги худоларнинг салбий томонларини дадил тасвирлайди. Унинг таърифича: барча худолар ёлғончи, ўғриликдан ҳам қайтмайдиган муғомбир, ҳирсга берилган. Худолар ва одамларнинг отаси ҳисобланган Зевс шаҳватпастликка берилиб, хотинига бевафолик қилиб, ҳатто баччавозлик қиласи, шу мақсадда у Олимп тоғига ердан чиройли ва нодон Ганимед номли баччани олиб келади. Зевснинг ўғли ҳисобланган худо Гермес эса отасининг салтанат ҳассасини (скипетри), Афродитанинг камарини ўғирлайди. Лукиан, айниқса, худоларнинг ҳайвонсимон образлари устидан завқланиб қулган. У Зевснинг ё бургут, ё ҳўқиз, ё оққуш шаклида намоён бўлганилиги тўғрисидаги ривоятларни, қўчкорбошли ва итбошли Миср худолари образларини қаттиқ масхара қилган.

Лукиан, айниқса, қурбонликларни ва шу одат орқали таъмагир худоларни масхара қиласи. Худолар ҳам бадалсиз бирон иш қилмайдилар, улардан бир ҳўқиз, қўй, хўрз ёки бир ҳовуч донга соғлиқни ҳам, ҳокимииятни ҳам, омадни ҳам сотиб олиш мумкин, дейди Лукиан. У беҳуда урғодат ва маросимлар, сон-саноқсиз бемаъни хурофий тасаввурлар, охират тўғрисидаги уйдирма, афсоналар, ҳар хил ёлғончи авлиёлар ва фирибгар дуохонларни шафқатсиз фош қилган.

Шундай қилиб, антик даврдаги ҳурфикрлилик ва даҳрийлик асосан мавхум тафаккурга ва антик диалектикага таяниб ривожланган. Қулдорлик даврида ҳали етарли даражада илмий замин бўлмаганлиги, яъни фан-техника билимлари ҳали ўсиб етишмаганлиги сабабли бу замондаги илмий foялар стихияли, содда ва кўпинча исбот қилинмаган эди. Аммо антик замондаги илм-фан ва илоҳий таълимотлар орасидаги буюк зиддият асли ҳукмрон ижтимоий тузум ва қарама-қарши турли табақалар орасидаги шафқатсиз зиддиятнинг акс садоси эди.

**Ислом.** Кейинги бир асрдан ортиқ давр давомида Фарб ва Шарқ муаллифлари ислом ва унинг келиб чиқиши, тарихи ва ривоятлари, ибодат ва ақидалари, Аллоҳ ва пайғамбарлар тўғрисида жуда кўп асарлар яратганлар. Улар мазкур муаммоларни ўз асарларида асосан илоҳиётга, даставвал Куръон ва ҳадисларга таяниб баён этгандар. Диний масалаларга оид қайси бир асарни олманг, барчаси ўрта асрлардагидек Аллоҳ исми ва Куръон суралари билан бошланади. Кўпчилик муаллифлар ҳозиргача этник (миллий) бирлик билан диний бирлик (мусулмончилик)ни аралаштириб, янгича замонага мослашган foяла-рини кўтариб чиқмоқдалар.

Шуни алоҳида қайд қилиш лозимки, кейинги ўн йилликларда жаҳон исломшунослиги анча салмоқли тадқиқотлар ўтказиб, кўп ноаниқ, чалкаш муаммоларни ҳал қилишга мусассар бўлди. Ҳатто энг йирик исломшунос олимларнинг эскирган, чалкаш, аммо жуда кенг тарқалган фикрларига аниқликлар киритилди. Айниқса, ниҳоятда қоронғу, илмий жиҳатдан кам ёритилган араб халқининг исломгача маданияти, адабий мероси, дунёқарashi ва оғзаки ижоди соҳасида самарали иш олиб борилди. Мазкур тадқиқотлар исломшунослик фанини анча бойитди ва тўртинчи жаҳон дини тарихининг сирли саҳифаларини, Аллоҳ, пайғамбарлар, авлиё-анбиёлар, муқаддас китоб ва ривоятлар тўғрисидаги жумбоқларни ечишга имкон берди. Биз ҳам ушбу ютуқлар туфайли кўлга киритилган хуласалар асосида ислом тарихининг баъзи саҳифаларини варактаемиз.

Ҳозир жаҳонда, юқорида қайд қилинганидек, ўзини мусулмон (муслим) деб ҳисоблайдиган аҳолининг сони аниқ бўлмаган маълумотларга қараганда, 800 миллиондан бир миллиардгача, яъни ер куррасида тахминан ҳар олтинчи киши мусулмон. Айрим илоҳиётчилар таърифи-ча, вақти келиб, сон жиҳатдан мусулмонлар жаҳонда биринчи ўринга ўтармиш. Улар асосан Осиё, Африка ва қисман Европа қитъаларида жойлашган. Аммо ўзини "мусулмон" деб атаганларнинг ҳаммасини диндорлар қаторига киритиш нотўғри. Чунки ислом кенг тарқалган ёки ҳукмрон бўлган мамлакатларда ҳам диний ақидалар ва ибодатлар бутун ижтимоий ва оиласий майший ҳаётнинг барча ҳужайрасига сингиб кетган, ҳар кунги урф-одат,

одоб ва турмуш тарзини ифодалайдиган қонун-қоидалар даражасига кўтарилиган. Шунинг учун айрим кишилар ўз эътиқоди билан диндор бўлмаса ҳам ўзини мусулмон деб ҳисоблайди ва барча диний (асли миллий тусга кирган) одат ва маросимларга риоя қиласидилар; Айниқса, ижтимоий-иқтисодий жиҳатдан ривожланган мусулмон мамлакатларида диний ақидаларга тўла риоя қиласидиган ва ҳар кунги ибодатни адо этадиган кишилар кам учрайди. Уларнинг кўпчилиги мусулмончиликнинг биринчи талаби — калима келтиришни, яъни қуръон сураларидан баъзи ибораларни айтишни биладилар, турмуш тарзига айланган қонун-қоидалаштирилган расм-удумларга ва маросимларга риоя қиласидилар, холос. Араб бўлмаган ғайри миллатли мусулмон мамлакатларида эса кенг омма шариат қонунларини яхши билмайдилар, Қуръон сураларининг моҳиятини тушунмайдилар.

Ислом динининг таъсири кўп жиҳатдан у ёки бу мамлакатнинг ижтимоий-иқтисодий, маданий-сиёсий дараҷаси билан бевосита боғлиқ. Илк Ўрта асрларда пайдо бўлган асосан феодал ва қисман жамоа-қулдорлик тузуми мафкураси сифатида юзага келган ислом ҳозир ҳам асосан илоҳиётчи консерватив тузумларга тўла хизмат қилиб келмоқда. Масалан, Осиё ва Африкада жойлашган 28 мамлакатда ислом давлат дини ҳисобланади, учта мамлакат эса (Эрон, Покистон, Мавритания) ўзини Ислом Республикаси деб эълон қиласидиган. Саудия Арабистони феодал-теократик давлат сифатида бутун ички ва ташқи сиёсати, ижтимоий-иқтисодий ва маданий-маиший ҳаётини шариатга бўйсундирган.

Ислом динининг вужудга келиши ва қисқа муддат ичida узоқ юртларга, чеккага, қўшни мамлакат ва элатларга кенг тарқалиб, жаҳон динига айланишининг асосий сабабларидан бири — унинг энг қадими Европа ва Шарқ оралиғидаги элементлари — юнон фалсафаси ва рим хуқуқшунослиги, қадими форс маъмурий тадбирлари, кўхна зороастризм, индуизм ва буддизм таълимоти муқаддаслаштирган айрим ҳадодат ва урф-одатларини ҳамда халқ ижоди намуналарини ўзида мураккаб синкетик (аралашма) тарзда мужассамлаштирганилигидadir. Албатта, бундай синтез қадимги араб маданияти, этник бирлиги ва

маъмурий-давлат тузуми негизида юзага келган эди. Яқин Шарқда милоднинг V-VI асрларида Рим империяси емирлигандан, узоқ вақт давомида туганмас қон тўкишлар, чет эл ва ички зулмлар, жабру жафолардан доду фарёди кўкка кўтарилигандан турли элат ва халқларни, қул ва заҳматкашларни хаёлий (йлохий куч орқали) бўлса ҳам эркинлик ва тенглик, осойишталик ва аҳиллик вайда берадиган таълимотга эҳтиёжи кучли эди. Илк христианликдаги сингари ислом дини ҳам даставвал мазлумларнинг оху фарёдини енгиллаштирадиган, анча такомиллашган, оддийроқ, бавзи демократик ғояларга эга бўлганлиги туфайли тез вақтда кенг омма орасида тарқала бошлаганлиги ҳам бежиз эмас.

VII аср бошларида диний-сиёсий мафкура сифатида юзага келган ислом бир томондан инқизорзга учраётган ва аста-секин емирилаётган ибтидоий жамоа тузуми демократик тартибларини, иккинчи томондан, энди куртак отаётган янги ижтимоий муносабатларни ифодаловчи турли табақаларнинг манфаатини, ўзаро низо ва курашлардан чарчаган сиёсий бирликка интилаётган араб қабилаларининг орзу-умид ва мақсадларини амалга оширишда энг муҳим восита бўлди. Янги диний тизим ўзидан олдин юзага келган замини ва маданий анъаналари бир бўлган яҳудийлик ва христианлик сингари монотеистик ғояга асосланган, аммо уни ниҳоятда такомиллаштирган ва тартибга солган таълимот сифатида шаклланган. Шунинг учун мусулмонларнинг муқаддас китоби Куръондаги тоат-ибодат қоидалари, мифологияси ва образлари, ахлоқ-одоб нормалари ва ҳоказолар христиан ва иудаизм билан жуда кўп умумийликка эга.

Аммо фалсафий-мифологик ва диний ибодат соҳасидаги умумийликларга қарамай, ислом дини ўз издошлирининг кундалик майший турмуши ва амалий фаолиятига, Осиё ва Африкадаги бошқа элатларнинг маданиятига таъсир қилишда ўзига хос хусусиятлари билан ажralиб туради. Шу билан бирга жуда кенг ҳудудга тарқалган ислом маҳаллий халқлар ва элатларнинг ҳаётига жиддий таъсир қилибгина қолмай, аксинча узоқ тарихий анъаналарга эга бўлган юксак маданият намуналарини ўзига сингдириб, оқибатда қурама араб-ислом дунёсини юзага келтирган эди.

Ислом пайдо бўлгунча милоднинг бошларида анча кенг ҳудудда жойлашган араблар деҳқончилик, савдо ва кўчманчи чорвачилик билан шуғулланганлар, давлат тузумидан хабардор Византия ва Эрон таъсирида бўлганлар. Яқин Шарқда узоқ даврлардан бери яшаётган араблар асли турли элатлардан иборат семит халқларидан бири эди. Қуръонда таърифланишича, шунингдек, кейинги ривоятларга биноан араблар яхудийлар билан бир авлод, ягона отанинг болаларидан келиб чиққан эмиш. Тавротда тилга олинган Иброҳим пайғамбар яхудийлар ва арабларнинг катта отаси (бобоси) бўлиб, унинг ўғиллари Иса-акдан — яхудийлар, Исмоилдан — араблар тарқалган, деб ҳикоя қилинади. Ота бир, она бошқа ака-укалардан пайдо бўлган яхудийлар ва арабларнинг афсонавий бирлиги тарихий жиҳатдан ҳам бир семит илдизидан келиб чиққанлиги исботланган.

Илк араб шаҳар ва давлатлари — Яман, Макка, Ясриб ва бошқалар Farb билан Шарқ ўргасидаги муҳим савдо йўлида жойлашганлиги туфайли қудратли қўшнилар Византия ва Эроннинг доимо диққат марказида бўлиб турганлар VI аср бошларида бирлашган араб давлатини ҳабаш подшолиги Оқсум босиб олиб, талон-тарож қилади, ундан сўнг 570 йили уни Эрон тортиб олади ва бутун савдони қўлга киритади. Араб элининг муҳим тирикчилик манбаи ҳисобланган жанубий савдо йўли аста-секин Эрон давлати зўрлигига шимолга кўчирилади. Кетма-кет бўлиб турган босқинчилик урушлари, ички тўқнашувлар ва савдо йўлининг ўзгариши араб жамиятини жиддий иқтисодий-сиёсий инқирозга олиб келган эди. Бу оғир вазиятдан қутулиш йўлларидан бири ўтиш даврига хос мафкуравий жиҳатдан янги диний таълимотнинг юзага келиши муҳим омил бўлган эди.

Исломга қадар араб жамиятида турли ибтидоий динлар ва қўшни Месопотамия, Византия ва Эрон таъсиридаги диний эътиқодлар кенг тарқалган. Масалан, қуёш ва ойга, айрим худолар ва арвоҳларга, табиат кучлари ва ўлиқ аждодларга сифиниш, Жанубий Арабистонда, айниқса, фетишизм муҳим роль ўйнаган. Маккадаги муқаддас ибодатхона Каъбада энг катта қора тош ва унинг теварағида ўрнатилган ҳар бир қабиланинг арвоҳлари ва худо-

ларини ифодаловчи фетиши бўлган санамлар (умумий сони 360) муқаддас ҳисобланган. Куб шаклидаги машхур Қоратош барча қабилалар томонидан Олий худо рамзи сифатида танилган. Шубҳасиз, бундай тасаввурлар энди куртак отаётган монотеистик ғоялар билан боғлиқ энг Олий худо образини ифодалаган.

Якка худолик, яъни монотеистик ғоялар Арабистонда ҳам яхудийлик ва христианлик таъсирида Макка ва Ясриб (Мадина)да анча вақтдан бери маълум эди. Чунки кўп шаҳарларда, айниқса савдо марказларида яхудийлар жамоаси мавжуд бўлиб, улар ўз динларини тарғиб қилгандар. Ҳатто V-VI аср оралиғида Ясриб ва Яманда қисқа муддат иудаизм давлат дини деб ҳам танилган. Яманни хабашлар босиб олгандан кейин иудаизм таъсири сусайиб, христианлик дини кенг тарқала бошлаган. Айниқса, Фаластин, Сурия ва Месопотамия араблари орасида унинг таъсири жуда кучли бўлган. Жанубий Арабистон шаҳарларида эса христиан жамоалари ва ибодатхоналари пайдо бўлган<sup>1</sup> Бу ерда қўшни Эрон таъсири остида зороастризм дини ҳам тарқала бошлаган, кейинчалик зороастризм христианлик билан аралашиб, маҳаллий диний эътиқодлар заминида монотеистик ғояларга яқинлашган манихейлик — маздакизм таълимотини юзага келтирган эди. Мана шундай ниҳоятда мураккаб бир вазиятда, хилма-хил диний-маданий тасаввурлар ва эътиқодлар таъсири остида қолган араб қабилалари ўзига хос монотеистик диний таълимотга муҳтож эдилар.<sup>2</sup>

Дастлаб яккахудолик ғоялари VI асрда Жанубий Арабистонда тарқалган ҳанифийлар ҳаракатида ўз ифодасини топган. Ҳаниф сўзи ягона худога итоат қилувчи киши деган маънони англатиб, ривоятларга кўра уни даставвал Иброҳим (Авраам) пайғамбар тарғиб қилган ва ҳанифийлик кейинчалик ислом динининг ғоявий манбаларидан бирига айланган. Баъзи маълумотларга қараганда, айрим ҳанифлар ўз фаолиятида ягона худо маъносида Аллоҳ сўзини ҳам ишлатганлар ва ҳар бир ҳаниф ўзини худо томонидан юборилган ваколатли шахс — наби (пайғамбар) деб ҳисоблаган.

Лекин, Қуръон таърифлаганидек, одамлар ҳеч бир пайғамбарнинг ваъдасига эътибор қилмасдан, фақат охирги

наби — Мұҳаммадни "барча пайғамбарлар мұхри" (хата-му-н-набийин), Аллоҳнинг элчиси (расулу-л-лаҳ) сифатида тан олғанлар. Шундай қилиб, VII асрда пайғамбарлик ҳаракати юзага келген. Энг охирги ва катта бош пайғамбар деб танилган Мұҳаммад таълимотининг асосий ғояси Аллоҳни ягона ва буюк деб тан олиш ва ҳамма унинг ирода-сига бўйсуниш, итоат қилиш эди. Аслида "Ислом" сўзи "итоаттўйлик", "муслим" — "итоаттўй" деган маънони англата-ди, яъни мусулмончилик итоаттўй бўлишдан бошланади. Тақводор диндор кишини "мўмин" деб ҳам атаганлар.

Аммо Мұҳаммад даврида ўзини наби (пайғамбар), яъни худо томонидан юборилган воиз деб ҳисоблаган кишилар анча бўлган. Масалан, Яманда ҳанифа қабиласи бошлиғи Мусайлима соҳиб кароматли шахс ҳисобланган. Унинг билан иттифоқ бўлган тамим қабиласидан чиққан Сажаҳ номли аёл пайғамбар деб эълон қилинган. Нажждан чиққан пайғамбар Гулайҳа ҳам Аллоҳ номидан воизлиқ қилган ва асал қабиласига бош бўлган. Ямандан чиққан пайғамбар ал-Асвал бошлигидаги отлиқ-суворилар қисқа мuddатда бутун Жанубий Арабистонни ўзига бўйсундирган. Мадинада набилик қилган ёш яхудий Ибн Сайёд Мұҳаммад билан учрашган ва уни ўзининг пайғамбарлик фаолияти билан таништирган. Янги пайғамбарлар ягона қудратли худо сифатида Аллоҳни, ё Раҳмонни (ўша вақтда кенг тарқалган якка худо образида) тан олғанлар.

Шуни алоҳида қайд қилиш лозимки, бир ўзини пайғамбар деб эълон қилган шахс муайян ижтимоий гуруҳлар ёки этник бирикма (қабила)лар манфаатини ифодаловчи сиёсий арбоб сифатида юзага чиққан. Улар ҳанифийлар сингари фақат шахсий ибодат билан чекланмай, ягона худо номидан актив вазъхонлик фаолияти билан танилганлар. Пайғамбарлик ҳаракати исломгача қадимдан Арабистонда тарқалган экстаз, яъни жазавали ҳолатда ҳаяжон билан худога "яқинлашган" коҳинлар фаолияти билан боғлиқ бўлган. Қадимги араб коҳинлари на руҳоний, на сеҳргар бўлмасдан, балки оддий кишилардан ажралган пинҳоний дунё билан алоқадор "олий тоифа"даги шахслар ҳисобланган. Аслида араб коҳинлиги араб пайғамбарлигини юзага келтирган. Макка аҳли ҳам дастлаб Мұҳаммадни коҳин деб қабул қилган. Демак, исломгача араб жамиятида ҳар

бир катта ҳудуд ёки ижтимоий-этник гурӯҳ муайян сиёсий манфаатларини ифодаловчи ўз пайғамбарларига эга бўлган.

Муҳаммаднинг бошқа замондош пайғамбарлардан устунлиги тор маҳаллий манфаатлардан чиқиб, бутун араб аҳли келажагини ўйлаб, ўз муҳитининг уруғ-қабила анъаналарини сақлаб, куртак отаётган феодал муносабатларни ифодаловчи янги жамият (умма) тузиш мақсадида актив фаолият кўрсатганингидан шунинг Рассули сифатида биринчи бўлиб муваффақиятли адо эта бошлаган. Ҳижозлик пайғамбар илгари айрим шахслар бажаридиган ишларни: қабила бошлиғи (сайд), ҳарбий юришлар атамани (оқид), ҳакамлар суди (ҳаким), коҳинлик, кароматли вали (арраф) ва ҳатто нотиқ шоир вазифасини ўзида моҳирлик билан мужассамлаштирганинг туфайли бошқа пайғамбарларни енгиб чиққан. Илгари арабларда коҳинлик руҳоний сифатида эмас, худо билан яқин жазавали ҳолатда башорат қилувчи катта обрўли шахс, шоир эса фақат ижодкор эмас, балки коҳин сингари гайридунё билан алоқадор, ундан бир поғона паст турган "сехрли" зўр кучга эга сўзлардан таъсирчан вайз айтадиган шахс ҳисобланган. Муҳаммад коҳинлар ва шоирлар хизматидан кенг фойдаланган, унинг ўзи ҳам баъзан шоирлик қилган. Уммага худо сўзини етказадиган маҳсус нотиқ (ҳотиб)лар ҳам бўлган. Муҳаммад ўз фаолиятида ҳотиблик вазифасини ҳам бажарганлиги тўғрисида маълумот бор.

Муҳаммаднинг тарихий шахс эканлиги фанда тасдиқланган. Аммо унинг таржимаи ҳоли тўғрисида, айниқса, ёшлиқ даврига оид аниқ маълумотлар жуда кам. Энг илк биографик асарни Ибн Исҳоқ деган киши пайғамбар вафотидан 130 йил ўтгач яратган. Ундан кейин араб филологи Ибн Ҳишам (834 йили вафот этган) ўша Ибн Исҳоқ ёзган Муҳаммад таржимаи ҳолини қайтадан ишлаб чиққан. "Сира ар расул Аллоҳ" номли бу асар кейинги муаллифлар учун асосий манба бўлган. Аммо унда ҳам пайғамбарнинг тугилган йили ва куни аниқ кўрсатилмаган.

Барча ривоят (ҳадис)лар ва мавжуд адабиётдаги маълумотларни тадқиқ ва қиёс қилиш натижасида Муҳаммаднинг қисқача таржимаи ҳоли қуйидагича таърифланади. Масалан, миср илоҳиётчи олими Муҳаммад ал-Ху-

дарининг 1909 йили нашр этилган "Ҳақиқат нури" номли асарида кўрсатилганидек, мусулмонларнинг пайғамбари рабиъул-аввал ойининг 9-куни (571 йили 20 апрель) душанба эрталаб туғилган. Пайғамбарнинг ўлган куни ҳам 11 ҳижра йили душанба рабиъул-аввал ойининг 13-кунида (831 йил 8 июнь) деб тасдиқлайди. Аммо кўпчилик адабий манбаларга биноан Мұхаммад 570 йили Макка шаҳрида қудратли қурайш қабиласининг ҳошимийлар уруғ-жамоасида дунёга келди. Унинг отаси Абдулла фарзандини кўришга мұяссар бўлмай вафот этади, онаси Аминадан эса у олти ёшлигида ажралади. Эрта етим қолган Мұхаммад аввал бобоси Абд-ал-Мутаалиб, икки-уч йилдан кейин бобоси ўлгач, бутпараст (мажусий)лар ибодатхонаси ҳисобланган Каъбада хизмат қилаётган амакиси Абутолиб қўлида тарбияланади. Дастлаб амакисининг подасини боқади, сарбонлик қиласиди. 12 ёшлигида узоқ Сурияга амакиси билан кўп ойлик саёҳатга чиқади ва ўша ерда христианлар ва яхудийлар билан танишиб, унда ётдиний тасаввурларга қизиқиш уйғонади.

Вояга етгач, Мұхаммад амакисининг тавсияси билан бой савдогар бева хотин Ҳадичага ишга ёлланади ва унинг савдо ишларидаги ишончли кишисига айланади. Бир оз вақт ўтгач 25 яшар Мұхаммад ёши қирқларга борган бадавлат Ҳадичага уйланади. Аммо уйланишдан олдин сарбонлик қилиб, ёшлигида саёҳат этган йўл билан Сурияга бориб яна турли диний жамоалар билан танишади, христиан монахлари билан учрашиб суҳбатлашади. Шубҳасиз, бундай яқин муносабатлар кейин ҳам бўлиб, оқибатда Мұхаммаднинг монотеистик ғояларининг туғилишига замин яратган эди. Албатта, ғайри дин вакиллари билан ўтган қаттиқ тортишувлар ва баҳслар унда янги "ҳаққоний йўл" топишга туртки ролини ўйнаган ва бу йўл кейинчалик Куръонда ўз ифодасини топган.

Уйланиб деярли чорак асрга яқин баҳтиёр оилавий турмуш қурган Мұхаммад Ҳадичадан икки ўғил ва тўртта қиз кўрган (илгариги эридан икки ўғил ва бир қиз қолган). Катта ўғли ал-Қосим ва иккинчиси Абдаллаҳ ҳам гўдаклигигидаёқ вафот этган. Қизларидан фақат кенжаси Фотима пайғамбар авлодини давом эттирган. Диний ривоятларда Мұхаммаднинг ўгай болалари ҳақида ҳеч қан-

дай маълумотлар йўқ. Севимли хотини Ҳадича тириклигига якка хотин билан яшаган пайғамбар рафиқаси вафот этгач, 14 марта уйланган (9 таси билан бир вақтда яшаган). Аммо ҳеч биттаси ҳам Ҳадиччанинг ўрнини боса олмаган ва улардан фарзандлар ҳам сақланмаган.

Бадавлат хотинга уйланиб, иқтисодий жиҳатдан анча қудратли бўлиб қолган Муҳаммад қирқ (ёш)ларга боргач, савдо ишларини йиғиштириб, ўзини бутунлай диний-сиёсий фаолиятга бағишлиайди. Дастреб бу ишларда Муҳаммадга ёрдамчилик қилган Ҳадича, жияни ва күёви Али, асранди ўғли Зайд уни пайғамбар деб таниғанлар. Айниқса, жасурлиги, фаоллиги ва қудратлилиги билан танилган курайшийлардан Ҳамза ва Умарнинг янги диний жамоага қўшилиши Муҳаммадга катта мадад бўлган. Макканинг йирик савдогарларидан бири Абу Бакр унинг энг яқин ёрдамчиси бўлиб хизмат қилган.

Ягона Аллоҳ таълимотини кўтариб чиқсан янги пайғамбар ўз издошларини ҳар куни яккахудолик йўлида ибодат қилишга, итоатгўй бўлишга, камбағалларга садақа беришга, закот тўлашга чақиради. У Маккада тахминан 610 йиллардан ўз таълимотини тарғиб қила бошлаган, мўминларни яхудий ва христианларнинг муқаддас шахри Иерусалимга қараб намоз ўқиш зарур деб кўрсатган. Кейин яхудийлар билан келишмасдан, уларнинг масхаралашидан фазабланиб, қиблани ўзгартирган, мусулмонларнинг диний марказига айланна бошлаган Маккага қараб юз ўгиришни тавсия қилган.

Лекин маккаликларнинг юқори, бой табақалари уни қўллаб-куватламаган, аксинча, Муҳаммаднинг ўсиб бораётган обрўсидан, муқаддас Каъба худоларининг таъсисири камайишидан чўчиган Макка зодагонлари унга қарши чиқа бошлаган. Айниқса, 620 йили севимли хотини Ҳадича ва икки ойдан сўнг амакиси Абутолиб (гарчи у мажусий сифатида ислом таълимотига қўшилмаган бўлсада) вафотидан кейин Муҳаммад ички таянчдан маҳрум бўлиб, 622 йили 26 июлда бир гурух издош (асҳоб)лари оиласлари билан Маккадан Ясриб (Мадина)га кўчиб ўтишга мажбур бўлади. Бу кўчиш (араҷча "ҳижра") йили ва куни янги мусулмонлар тақвимининг бошланиши ҳисобланади. Маккага доимо қарши бўлган мадиналиклар Муҳам-

мадни қулоч ёйиб кутиб оладилар ва ўзларининг ғоявий-сиёсий раҳбари қилиб кўтарилилар.

Қисқа давр ичида яхудийлар жамоасининг якка худолик ғояси таъсирида бўлган мадиналиклар ягона Аллоҳга асосланган ислом таълимотини қабул қиласидилар ва ҳатто кўшни қабилаларга, айниқса, жанубий ва гарбий Арабистон аҳолисига ҳам уни тарқатадилар. Асли Муҳаммаднинг Ясирига қўчиши (кейинчалик у Мадина, яъни пайғамбар шаҳри деб аталган) унинг бутун турмуш тарзини тубдан ўзгартириб юборади. У Мадинадалик даврида оддий дин тарғиботчиси бўлибгина қолмай, одамларга худо қонун-қоидаларини етказувчи чинакам "Расули Аллоҳ" бўлиб танилади. Фақат Макка анча вақт бўйсунмай келган. Аммо жиҳод (диний ғоя учун кураш) билан рағбатланган мусулмонлар кўшни маккаликларга ҳужум қилиб, кўп марта уларнинг карвонларини талаб, мағлубиятта учратиб турганлар.

Курайш қабиласининг кўпчилиги Муҳаммад тарафига ўта бошлаган. Оқибатда 630 йили Муҳаммад ўз издошлиари билан Маккага тантанавор кириб келади ва қолган шаҳар аҳлини мусулмонлаштиради. Маккаликлар талашибига биноан Каъба бутун мусулмонларнинг муқаддас жойи, деб эълон қилинади. Лекин барча санамлар йўқотилиб, фақат битта муқаддас Қора тош сақланиб қолади. Расмий равишда янги диннинг пойттахи деб танилган Маккадан Муҳаммад Мадинага қайтади. У 632 йилда маҳсус Каъбани биринчи марта расмий зиёрат қилиш (ҳаж)га бориб қайтгач, касал бўлиб, уч ойдан кейин Мадинада вафот этади ва ўша ерда дағн қилинади.

Муҳаммад тирик вақтида унинг шахсига сифиниши бўлмаган. У оддий шайх ёки катта бир жамоа бошлиги сифатида танилган. Куръонда тилга олинган сураларга қараганда, Муҳаммад ўзини мўъжизакор қилиб кўрсатмаган, ҳар хил касалларни даволайдиган сеҳргарлик қобилиятига эга бўлган шахс қилиб таърифламаган. Ҳатто унинг афсонавий туғилиши ва турли мўъжизалар кўрсатиши тўғрисидаги ривоятлар пайғамбар вафотидан иккича аср кейин тўқилган. Чунки Муҳаммад тирик вақтида ўз мўминлари олдида оддий инсон сифатида, подачи ва сарбонликдан оила боши ва катта арбоб бўлиб кўтарилиганилиги аниқ эди. Ундан ташқари айrim шахсни — Му-

ҳаммадни тириклигига ҳаддан зиёд кўтариш ягона худоғосига путур етказиши мумкин эди. Шунинг учун унинг тарафдорлари фақат IX-X асрларга келиб пайғамбар шахсини муқаддаслаштириб, турли афсоналар ва ривоятлар тўқиганлар. Аммо Муҳаммад вафотидан кейин Арабистоннинг ва қўшни мусулмонлашган давлатларнинг айрим ҳудудларида соҳта пайғамбарлар ҳам пайдо бўлган.

Муҳаммаднинг дастлабки энг катта хизмати шундан иборат эдик, у ўзининг яхлит таълимоти билан инқизорзга учраган тарқоқ араб жамиятини бириттириди, кейинги бойиш ва кучайиш йўлини аниқ кўрсатиб берди. Пайғамбар ўзи тирик вақтидаёқ ислом байроғи остида (жиҳод эълон қилиб), талон-тарож юришлар натижасида бойлик орттириб, ўз мўминларини амалда оёққа тиклаган эди. У қадимий маданият марказлари ҳисобланган, анча фаровон қўшни мамлакатларни босиб олиб, қўлга киритган ҳарбий ўлжаларнинг бешдан бир қисмини ўзига, қолганини лашкарларга тарқатиб бериш йўли билан ислом учун курбон бўлишга рағбатлантирган эди.

Муҳаммад вафотидан кейин мусулмонларга бош бўладиган, энди яратилган катта давлатга раҳбарлик қиласидан ҳам диний рутба, ҳам дунёвий ҳокимлик вазифасини бажарадиган муносиб халиф (пайғамбарга "ўринбосар")-га эҳтиёж пайдо бўлди. Албатта, меросхўрлик нуқтаи назаридан пайғамбарнинг жияни ва кўёви, севимли набиравлари Ҳасан ва Ҳусаннинг отаси Али халиф бўлиши мумкин эди. Аммо араб жамоаси Муҳаммаднинг энг яқин сафдоши, бой тажрибали Абу Бакрни биринчи халиф қилиб сайлади. У қисқа муддат (632-634 йиллар) халифлик қилса ҳам, анча ишларни бажариб, ички талашувлар ва курашларни бартараф қилди, қўшни ўлкаларни босиб олиш сиёсатини кучайтириди (айниқса Сурия ва Месопотамияга муваффақиятли юришлар ташкил қилди). Унинг ўрнига таҳтга келган иккинчи халиф Умар (634-644 йиллар) бу сиёсатни яна ҳам кучайтириб, катта ғалабаларни қўлга киритган эди. Умар лашкарлари сосонийлар Эронидаги ички низолардан фойдаланиб, бутун Эронни, Кавказоргини, Сурия ва Фаластинни эгаллаб, Византия маркази Константинополгача етиб бордилар, 639 йили эса Мисрни халифаликка кўшиб олдилар.

Умарни эронлик христиан қул ўлдиргандан кейин таҳтга Мұхаммаднинг яна бир яқын сафдоши, Курайш қабиғасидан бадавлат Усмон ўтиради (644-656). Янги халиф кучли шахслардан бўлмаса ҳам, арабларнинг босқинчилик юришларини давом эттирган. Улар халифаликка Кичик Осиё ва Арманистонни, Шимолий Африканинг бир қисмини қўшиб олганлар. Усмон уруғи тарафдорлари бутун даромадли мансабларни эгаллаб, қўп ерларни ўз мулкига айлантира бошлаган. Оқибатда халифга қарши кучлар пайдо бўлган. Ички низоларни тартибга солиш мақсадида Усмон Куръоннинг охирги таҳририни ташкил қилган. Аммо унга қарши Али бошчилигидаги маҳсус гуруҳ (шиа) бош кўтарган.

Шиалар Усмон ўрнига пайғамбарнинг авлоди, унинг жияни ва сафдоши Али халиф бўлиши шарт деб ҳисоблангар. Халифдан норози араблардан ташқари эронликлар ҳам шиаларни қўллаб-куватлаганлар. Оқибатда 656 йили Мадинага зиёратга келган бир гуруҳ шиалар халиф саройига бостириб кириб, Усмонни чопиб ташлаганлар ва Алини халиф деб эълон қилганлар. Али пойтахтни Куфа (Месопотамия)га кўчириб, Усмон тайинлаган барча ҳокимларни бўшатган. Аммо Сурия ҳокими Муовия Алига бўйсунмаган ва унга қарши урушга тайёргарлик кўра бошлаган.

Али тарафдорлари анча кучли бўлса-да, халиф энг ҳал қилувчи вақтда бетарафлик қилиб, масалани манфаатдор бўлмаган ҳакамлар судига ўтказган. Алидан норози бўлган қаттиқ сиёsat тарафдорлари ундан юз ўгириб, унинг сағидан чиқадилар ва ўзларини хорижийлар деб ҳисоблаб, бошқа халиф сайлайдилар. Хорижийларга қарши кураш бошлаган Али масалани ҳал қила олмай, охирида 661 йили хорижий ханжаридан ҳалок бўлади. Янги халиф қилиб Муовия тайинланади ва 750 йилгача халифлик қилиб турган Ўмайялар сулоласига асос солади.

Аммо таҳт учун бўлаётган ички курашлар исломнинг ҳужумкорлик билан олға қараб ривожланишини тўхтата олмади. Араблар Муовия давридаёқ Афғонистон, Бухоро, Самарқанд, Марвни олдилар. Улар VII-VIII асрларда Византиянинг кўп қисмини, Грузиянинг бир бўлагини бўйсундирдилар. Ўрта Осиёни халифаликка қўшиб, Ҳиндистон ва Хитойгача етиб бордилар. Шимолий Африка-

да Ливия, Тунис ва Марокашни бўйсундириб, Гибралтар орқали Испанияга ўтиб, Франциягача етиб борган араб лашкарлари 732 йили Пуатьедаги жангда мағлубиятга учраб, орқага чекинишга мажбур бўлганлар.

Исломнинг бундай тез голибона тарқалиши жуда кўп омилларга боғлиқ эди. Дастлабки даврларда савдонинг инқизози туфайли қашшоқлашган араблар бой ҳарбий ўлжага қизиқиб, қўшни ўлкаларни талон-тарож қилиб, ўзини бир оз тиклаб олган бўлса, қудратли халифалик давлати пайдо бўлгач, дин сиёсий маъмуритчилик билан бирлашиб, бошқа халқларни мусулмон қилиш асосий шиорга айланади. Пайғамбар ноиблари халифлар империяга янги ерларни қўшиш билан чекланмай, босиб олинган ўлкалар аҳолисини мусулмонлаштиришни ўзининг бош вазифаси ва бурчи деб ҳисоблаганлар. Улар ислом байроби остида янги динни сингдирибгина қолмай, балки келиб чиқиши бир бўлган қўшни семит халқларини араблаштиришни ҳам амалга оширганлар, маҳаллий элатлар нисбатан енгиллик билан ассимиляция қилиниб, қисқа муддат ичидан асосан умумий араб тили, маданияти ва этник белгиларига эга бўлганлар. Аммо семит бўлмаган айрим халқларда бу жараён анча мураккаблашган. Масалан, Шимолий Африкада носемит халқлар (мисрликлар, ливияликлар) анча христианлашган бўлиб, исломни ўрнатиш ва араблаштириш бир оз қийинчиликлар билан ўтказилган.

Эрон, Афғонистон, Кавказорти, Ўрта Осиё каби қадимий маданият марказларида яшовчи ғайри тилдаги элатларни мусулмонлаштириш араблаштириш йўли билан эмас, асосан иқтисодий воситалар ва зўрлик билан амалга оширилган. Масалан, ички ва ташқи золимларнинг оғир зулмидан эзилиб келган кенг халқ оммасини дастлабки даврлардан исломга ўтганларини ҳар хил солиқлардан озод қилиб рағбатлантирганлар. Мусулмонлар фақат ушр (даромаднинг ўндан бир қисми), бошқалар эса хирож (ҳосилнинг учдан бир ёки икки қисми) ва жон бошига солиқ (жузъя) тўлаганлар. Савдо солиги ҳам фарқ қилган: мусулмонлар ўз молидан 2,5 фоиз, бошқа диндагилар 5 фоиз, яъни икки ҳисса кўп тўлашга мажбур бўлганлар. Шубҳасиз, бундай иқтисодий зўрлик исломнинг тарқалиши учун муҳим омил бўлиб, араб лашкарларини босқинчилик сиё-

сатининг муваффақиятини таъминлаган халифаликнинг яна ҳам кенгайишига сабаб бўлган. Кўп мамлакатларда араб истилоси арафасида ибтидоий жамоа ёки қулдорлик тузумининг инқирозга учраб, янги феодал тузуми куртак отаётганилиги ҳам халифалик диний-сиёсий ҳаракати учун қулагай келган эди. Бу даврда бутун Яқин Шарқда ва Европада оммавий ҳалқ ҳаракатлари кучайган бўлиб, улар одатда диний байроқ остида ўтган.

**Ислом таълимоти ва Куръон.** Чинакам мусулмон қуидаги бешта асосий қоидага амал қилиши шарт ҳисобланган. Даставвал мусулмон бўлиш учун исломнинг энг асосий марказий гояси ҳисобланган "Аллоҳ ягона, ундан бошқа худо йўқ, Муҳаммад унинг расули" (Ла илаҳо Илла-лоҳ-у Муҳаммадан Расул Аллоҳ), яъни якка худолик эътиқодига эга бўлиш орқали киши ўзини шоҳид итоатгўй эканлигини исботлаши зарур. У бу гояни тиловат қилиб, уч марта тақрорласа, ҳақиқий мусулмон ҳисобланади. Қандай иш бошламасин, мўмин киши ягона Аллоҳнинг раҳмдил ва шафқатли эканлигини тасдиқловчи муқаддас сўзларни айтиши шарт бўлган.

Мусулмоннинг иккинчи асосий вазифаси ҳар куни мажбурий беш вақт намоз ўқишидан иборат. Намоз арабча салот (ибодат) исломда энг муҳим вазифа ҳисобланади. Уни бажармаган киши коғир деб қораланганд. Ноғозни уйда, мачитда ёки далада ҳам ўқиш мумкин. Аммо мўмин намоз ўқишидан олдин ўзини тозалаши (таҳорат қилиши) шарт. Айрим кишиларнинг фикрича, таҳорат гигиена эҳтиёжи сифатида бажарилар эмиш. Асли таҳорат ҳам, тўшаладиган жойнамоз (сажжад) ҳам диндор кишини теварак-атрофдаги нопок фоний дунёдан ажратиб, уни бутун вужуди билан диний эътиқодга берилишига қаратилган ибодат элементидир. Шунинг учун, масалан, таҳоратни сув ёки бошқа шароит бўлмаган тақдирда ҳам муайян тартибга биноан унинг ўрнини босадиган иримга ("таяммум") риоя қилиш мумкин. Саҳрода ёки сувсиз чўлу биёбон ва тоғли жойларда қўлини тоза тупроққа, кум ёки тошга суйкалаш таҳорат ўрнига ўтади. Энг муҳими — бу мусулмончиликда намоз ўқувчи қатъиян қоида турага кирган ирим ва ҳаракатларни қилиб, ўзининг бутун ўй-фикрини ибодатга йўналтириши шарт

бўлган. Фақат қиблага, яъни Каъба томон қараб номоз ўқиш ҳам иймонли бўлиш мақсадида бажарилган.

Мусулмончиликнинг учинчи энг муҳим вазифаси йилда бир марта ой давомида рўза тутиш. Ўша муддат ичидагўдак норасталар, сайдхлар ва касаллардан ташқари ҳамма мусулмон тонг отгандан кун ботгунча ейиш, ичиш, чилим чекиш, турли машнат ва ҳоказолардан маҳрум бўлади ва бутун вужудини Аллоҳ таолога бағишлиади. Фақат қоронги тушгач, муайян диний қонун-қоидага риоя қилиб, тонг ёришгунча спиртли ичимликлардан ва ҳаром ҳисобланган таомлардан ташқари истаган нарса истеъмол қилиш мумкин бўлади. Мусулмонлар тақвими — 354 кундан иборат бўлганлиги туфайли рўза (рамазон) ойи йилнинг турли фаслига тўғри келиши мумкин: қиши кунлари анча қисқа ва салқин бўлса, баҳор ва айниқса, ёз фаслида узун жазира маҳалла кунларга тўғри келади. Бундай вақтда ҳам мўмин бандаси узоқ кун бўйи емай-ичмай, фақат "раҳмдил ва шафқатли Аллоҳ"ни ўйлаши шарт. Рамазон ойидан ташқари мусулмон аҳд қилган бўлса ёки бир оғат келганда ҳам қўшимча рўза тутиши мумкин. Рамазон ойида кундалик беш вақт намоздан ташқари кечки йигирма ракатли қўшимча (олтинчи) намоз ўқилиши тавсия қилинади. Рўза тугагач, катта ҳайит сайиллари ўтказилади. Рўза байрами (ийд-ал-фитр) кунлари мачитда жамоа тўпланиб ҳайит намози ўқилади.

Рўза ҳайити исломда қурбон (ийд-ал-адҳа)дан кейин иккинчи аҳамиятли катта байрам ҳисобланади. Бу ҳайит рамазондан кейинги шаввал ойига тўғри келади ва уч кун давом этади. Ҳайитда камбағалларга атаб садақа берилади. Ўша давр ичидагў миннадор рўза ойи давомида тақвадор бўлганлиги, диний талабларга риоя қилганлиги, Куръон ва ҳадисларни ўргангандиги тўғрисида ўз виждони олдида ҳисоб берадилар. Агарки, виждони хатоларга йўл қўйганлигига иқрор бўлса, ўз гуноҳини ювиш учун жарима тўлаши (кўй ва тия қурбон қилиши ёки пул бериши) шарт ҳисобланади.

Рўза ҳайитидан етмиш кун кейин энг катта ҳайит — Курбон байрами (ийд-ал-кабир ёки ийд-ал-адҳа) нишонланади. У мусулмон йил ҳисобича ҳажжа ойининг ўнidan бошланиб, уч-тўрт кун давом этади. Одатда, бу бай-

рамда катта сайиллар ўтказилиб, Аллоҳ номига қурбонлик сўядилар. Ривоятларга биноан қурбон байрами Иброҳим пайғамбарнинг ўз фарзанди Исмоилни худо йўлига қурбон қилишга тайёр бўлиб, Аллоҳ амри билан қолдирилганлиги муносабати билан ўтказилади. Бу ривоят асли исломга Тавротдан ўтган бўлиб, фақат унда Исоқ ўрнига Исмоил номи киритилган. Қурбон қилинган ҳайвон гўшти камбағалларга тарқатилади ва қисман байрам таомларига ишлатилади. Бу байрамда сармолар янгиланади, ўзаро меҳмондорчилик кучаяди, маҳсус ҳайит намози ўқилади. Қурбон ҳайити мусулмончиликнинг яна бир муҳим шарти — ҳажга бориш вақтига тўғри келади.

Мусулмон учун фарз ҳисобланган тўртинчи шарт Маккага зиёрат (ҳаж)га бориш-зулҳижжа ойининг биринчи ўн кунлигига бўлиб, Мина водийсида Қурбон байрами тантаналари билан тугайди. Ҳажга борганлар маҳсус оқ кийим (ихром)да Каъба мачитига бориб, муқаддас Қора тошни етти марта айланиб, унга сажда қиласидилар. Асли ҳаж одати ибтидоий бутпарамастлик ва фетишизм динларига бориб тақалади. Каъбага сифингандан сўнг зиёратчилар муқаддас қудук — Замзам сувидан ичиб, Сафо ва Марва тепаликлари оралиғидан бир неча марта югуриб ўтадилар. Ривоятларга кўра Иброҳим пайғамбарнинг хотини Ҳажар гўдак Исмоилга сув етказиб бериш учун шу ердан кўп ўтган эмиш. Кейин улар Арофот тоги этагида оммавий намозда иштирок этгач, Мина водийсига бориб, Иброҳим пайғамбар худога атаган ўғли Исмоил хотирасига гўёки Жаброил амри билан келтирилган қўй сўйилгандек тантанали қурбонлик сўйиш маросимини ўтказадилар. Маккадан кейин кўпчилик зиёратчилар Мадинага бориб пайғамбар қабрини зиёрат қиласидилар.

Буюк қурбонлик кунлари бир неча минг кишилик аҳолига эга бўлган Маккага келадиган зиёратчилар сони баъзан икки миллиондан ҳам ошиб кетади. Тарихий манбаларга қараганда, масалан, фақат Ўрта Осиё ва Қозогистондан ўтган аср охирларида 1500 дан ортиқ (бутун Россиядан 3350) киши ҳажга борган экан. Маккага зиёрат бошқа ойларда ҳам ўтказилиши мумкин, унга кичик ҳаж (умра) дейилади. Маккани зиёрат қиласан киши ҳожи деган фахрий номга эга бўлади. Ўрта Осиё Республикала-

ри, жумладан Ўзбекистон мустақилликка эришгандан кейин ҳажга боришига яхши шароит яратилди, ҳар йили минглаб фуқаролар ўзларининг мусулмончилик вазифаларини адо этиш имкониятига эга бўлдилар.

Ҳар бир мусулмон ўзининг даромадидан йилига бир марта камбағаллар фойдасига хайр-эҳсон сифатида муайян улуш ажратиши шарт. Мусулмончиликнинг бу охирги талаби — мажбурий улуш "закот" деб аталади ва бир йиллик даромаднинг муайян қисмидан бадавлат кишилар гуноҳларини ювиш мақсадида ёки худодан тилаб, айрим авлиё-мачитларга ёки девона-дарвишларга ихтиёрий равишда улуш (садақа) берадилар. Садақа пул, мол ёки мулк (ер) сифатида берилиши мумкин. Ўзбек мумтоз адабиётида тақдир сўзи фараз, эҳтимол ёки баҳолаш, қиймат бериш маъносида, қисмат сўзи эса бўлиш, тақсим, ҳисса, улуш маъносида ишлатиб келинган. Асли исломдаги тақдир ҳам инсоннинг иродасини файритабиий куч билан боғлаб, унинг бутун ҳаёт-мамоти Аллоҳ атаган улуси, насибасида, деган ғояга таяниб, "инсон заиф яратилган", "ҳаммаси худодан", "худонинг амрисиз кишининг бир туки ҳам тўкилмайди", у нақадар тақводор бўлса, Аллоҳ таоло унинг тақдирини енгиллаштиради каби илоҳий таълимотга асосланади.

Тақдирни азал таълимоти, асли итоаттўйликка чорлайдиган файриилмий тасаввурлар билан боғлиқ бўлиб, аҳолининг айрим қисми онгига пессимизм, муросасозлик, тақдирга тан бериш сингари ҳис-туйғуларни сингдиради, кўпинча кишини фаол бунёдкорлик йўлидан чалғитиб, баркамол шахснинг шаклланишига халақит беради. Ислом ва бошқа жаҳон динлари тарғиб қиласидан "тақдирни азал" ғояси инсонни "нариги дунё"ни ўйлаб, бу дунёга кўнгил қўймасликка даъват этиб, турмушда ва оилавий муносабатларда учрайдиган ҳар хил эски муносабатларни сақлашга ёки уларнинг қайта тикланишига замин яратади.

Ислом ривожининг илк даврида, Куръон тафсири энди пайдо бўлаётган, мусулмон ҳуқуқшунослиги назарияси (фижҳ) илоҳиёт билан чатишиб кетган бир пайтда фатализм кенг омма онгига сингиб, халифаликнинг ҳарбий юришлари муваффақиятли ўтишига зўр омил бўлган эди.

VIII – IX асрларда Куръон ақидаларида суннатларга таянган ислом ҳуқуқшунослиги ортодоксал ислом доира-

сида ҳозиргача ўз кучини сақлаган тўртта энг йирик мустақил мазҳабларни юзага келтирган эди. Уларга асос солған атоқли хукуқшунос имомлар Абу Ханифа (ханифизм), Малик (маликизм), Аш-Шафия (шафиизм) ва Ибн-Ханбал (ханбализм) таълимотлари бизнинг давримизгача ислом дунёсида муҳим ўринни эгаллайди. Мазкур мазҳаблар хукуқ, услуб ва ибодат масалаларида ўзаро мунозарада бўлса ҳам, шариатга тўла риоя қилиб, ҳозиргача осойишта яшаб келмоқдалар. Ҳар бир мазҳабга ислом соҳасидаги олий маълумотли мутахассис қонуншунослар (фақиҳ) ва илоҳиётчи (муталлим) лар раҳбарлик қиласидилар.

Мусулмонларнинг муқаддас китоби Куръонда Муҳаммад пайғамбар таълимотининг асосий ғоялари ва тамоилиллари баён этилган. Ривоятларга кўра, 610 йилдан бошлиб умрининг охиригача пайғамбар Аллоҳ номидан Жаброил орқали эшитган ваҳийларини умматларига етказиб турган. Унинг оғзаки ва ёзма "худо ҳақиқати"ни Муҳаммад ҳаёт вақтидаёқ сақлаб қолган ва ҳатто оғзаки, ёддан тарғиб қилган киши (қори)лар бўлган. Барча пайғамбар ваҳийларини тўплаб китоб тузиш Зайд ибн Собитга топширилган, у даставвал айрим варақларга кўчирган ва биринчи халифлар учун қўлланма сифатида "Суҳуф" номли тўплам тузган. Бундай тўпламлардан яна тўрттаси маълум бўлган ва улар бир-биридан фарқ қилган.

Мавжуд тўпламларни муайян тартибга солиш, номувофиқликларини бартараф этиш мақсадида халиф Усмон буйруғи билан йиғишириб, ягона тўплам тузиш вазифаси яна Ибн Собитга топширилади. Яхудий ва христиан матнларини кўп эшитган Муҳаммад ваҳийлари қофияли наср шаклида баён этилиб, Куръон оятларида ўз ифодасини топган. Пайғамбар тириклигида тўпламга эҳтиёж бўлмаган, чунки барча саволларга ўзи жавоб берган. Собит тўплами расмий қабул қилинганидан сўнг бир неча нусха кўчирилган. Халифа Усмон Куръон ўқиётган пайтида қатл қилинган ва унинг қони тўкилган Куръон нусхаси бизгача етиб келган. Ҳатто Тошкентда дастлаб Ўзбекистон халқлари тарихи музейи фондида, ҳозир эса Мовароуннаҳр мусулмонлари диний назоратида Усмон "қонига" бўялган Куръон нусхаси мавжуд. Афсоналарга чулғангандан шундай нусхалар бошқа мамлакатларда ҳам бор.

Катта-кичик турли оятлардан тузилган 114 сурадан иборат Қуръонда диний-ақидавий, диний-мифологик, лирик ва диний ҳуқуқшунослик мазмунидаги материаллар асосий ўринни эгаллади. Уни ҳаётда учрайдиган саволларга жавоб бера оладиган илохий энциклопедия, содда билимлар ва таълимлар берадиган қонун-қоидалар тўплами, деб таърифлаш мумкин. Баъзи ҳисобларга қаранганд, унинг тўртдан уч қисми ҳар хил пайғамбарларнинг ҳёти ва фаолияти тасвиридан иборат бўлиб, улар Таврот ва Библиядан олинган ва янгича талқин қилинган. Ҳатто афсонавий ҳазрати Одамота, машхур тарихий шахс Александр Македонский (Искандар), Тавротдаги яхудий подшолари Соломон (Сулаймон) ва Давид (Довуд)лар пайғамбар деб танилган.

Ислом ва Қуръоннинг яшовчанлиги ва таъсирчанлигининг сири шундаки, унда асрлар давомида тўпланган араб жамияти амалий тажрибаси, анъаналари ва ҳалқ ижоди яратган намуналар мужассамлашган ва диний руҳдаги қонун-қоида кодексига айланган. Инсон ҳётидаги барча ҳужайраларни қамраб олган Қуръон ақидалари тўқилган афсона ва ривоятлар орқали кенг заҳматкаш ҳалқ оммасининг онги ва қалбига жо бўлган. Қуръоннинг илоҳий-фалсафий қисми Таврот ва Библиядан олинган тасаввурларга тўла. Ўз навбатида яхудийлар ва христианларнинг муқаддас китоблари ҳам қадимий араб жамияти яратган мифологияни ва Марказий Осиёда тарқалган қадимий диний таълимотларни моҳирлик билан ўзида мужассамлаштирган эди. Аммо мусулмон мифологиясида Иброҳим, Мусо, Юсуф, Сулаймон, Довуд каби пайғамбарлар, ҳар хил шайтон ва дев-парилар каби ҳалқ ижоди яратган, руҳонийлар тўқиган мазлум оммани итоат-гўйликка чорлайдиган даҳшатли образлар ҳам учрайди.

Кулдорлик тузумининг емирилиши ва унинг янги куртак отган феодал тузум билан алмашинуви инсон фаолиятининг барча томонларини ўз назоратига олган дин ва черков таъсирида пайдо бўлган ўтиш даврига хос жамиятнинг маънавий инқирози билан бир вақтда рўй берган эди. Юқорида таърифланганидек, инқирозга учраган эски динлар ўрнига янги динлар келади. Барча мамлакатларда, айниқса, Фарбий Европада феодализм даврида дин

хукмрон мафкурага айланади, ҳаётнинг ҳамма томонла-рига кириб боради, руҳонийлар ва черков эса йирик ер эгалари бўлибгина қолмай, маънавий-сиёсий ҳокимликни ҳам қўлга киритади.

Айниқса, илк Ўрта асрларда кенг тарқалган еретик-лик (юонча ерес — дастлаб сараланган, кейинчалик таълимот, мактаб ёки мазҳаб деган маънони англатган) ом-мавий халқ ҳаракати феодал тузум ва унинг мафкураси — католицизм ва черковга қарши қаратилган кучли оқим бўлган. Бу ҳаракат негизида ҳар хил синфлар ва табақалар манфаати учун кураш ётади. Дастлаб бу сўзни Византия императори Феодосий (379-395) ортодоксал христиан дини ақидаларига қарши чиққан кишиларга нисбатан ишлатган. Биринчи энг катта Павликиан номли еретик ҳаракат VI-VII асрларда Арманистон ва Сурияда пайдо бўлган. Уларнинг таълимотига биноан оламда икки куч мавжуд: осмонда эзгулик дунёси — у олий куч худо ихтиёрида, ер остида ёвуз кучлар — уни шайтон бошқарди. Павликиянлар черков тузуми ва диний ақидалардан воз кечишни талаб қылганлар, чунки улар черков зодагонлар ҳукмронлигининг куроли, шайтоннинг иттифоқдоши, деб ҳисоблаганлар. Улар ўз foяларини тарғиб қилиш билан чекланибгина қолмай, фаол ҳаракатга ҳам ўтганлар. IX асрда феодалларга қарши кўтарилиган йирик ом-мавий куролли қўзғолонлар бунинг мисоли бўла олади.

Павликиянлар ҳаракати кейинчалик кенг тарқалиб, кўп мамлакатларда, чунончи, Озарбайжонда (хуррамитлар), Болгария ва бошқа Европа мамлакатларида (богомиллар), Кичик Осиёда ҳар хил деҳқон қўзғолонларида ўз ифодасини топган. Бу даврдаги энг йирик еретик ҳаракат павликиян ва bogomillar таъсирида пайдо бўлган ва бутун Европага тарқалган катарлар ёки альбигоилар (Жанубий Франциядаги Альба қишлоғи номи билан) ҳаракати эди. Альбигоий ереси XII асрга келиб айрим деҳқон қўзғолонларининг очиқдан-очиқ диний байроғига айланади.

Еретик ҳаракатлар феодализм даврида барча динларда муҳолиф мазҳаб сифатида намоён бўлади. VII асрда пайдо бўлган энг охирги жаҳон дини ҳисобланган исломда ҳам пайғамбар авлодлари ва яқинлари орасидаги тоҷ-таҳт курашида мусулмонлар "шиа" ва "сунна" оқим-

ларига бўлиниб кетади. Исломдаги кейинги асрларда пайдо бўлган ҳар хил мазҳаблар ҳам феодализм давридаги социал зиддиятларнинг муҳим оқибати сифатида келиб чиққандир. Буни жуда кўп тарихий воқеалар асосида исботлаш мумкин. Феодализм тузуми инқирозга учраган қулдорлик тузумининг харобалари ўрнида пайдо бўлар экан, бу жараён ижтиомий онг шаклларининг ҳалқ ҳаракатлари билан чирмашиб кетган ҳар хил йўналишларида ўз ифодасини топади. Мазкур воқеалар истило қилинган мамлакатларда, даставвал, Ўрта Осиёга араблар келган даврда ҳам рўй берган эди.

Бутун Ўрта Осиё ҳудудида содир бўлган бу янги ижтиомий ва сиёсий жараён марказлашган қудратли давлатлар ўрнида тарқоқ майда подшолик ва ҳонликларнинг пайдо бўлиши даврига тўғри келиб, юқорида қайд қилинганидек, араб истилосининг муваффақият қозонишига анча енгиллик туғдирган эди. Истилочи араб лашкарла-ри VII асрнинг ўрталарида Византияning Осиёдаги мулк-ларига ва Эронга ҳужум қила бошлайдилар ва Ўрта Осиё чегараларида пайдо бўладилар. Улар дастлаб шартномалар тузиш ва маълум даражада солиқ солиш билангина чекланганлар. Марв, Ҳирот, Балхдек чегарадош бой шаҳарларни аста-секин урушсиз қўлга киритиб олгандан кейин араблар бу шаҳарларни Ўрта Осиёни истило қилишида муҳим истеҳкомга айлантирганлар. 654 йилда Сўғдиёнага қилинган ҳужумда ҳам улар қурол кучи билан талон-тарож қилиш ва тавон тўлатиш билан чекланганлар.

Ўрта Осиёнинг босиб олиниши VIII аср бошларида Хурсонда ноиблик қилган Қутайба ибн Муслим номи билан боғлиқ. Қутайба бошчилигидаги араб истилочилари ислом динини қурол кучи билан ўрнатибгина қолмай, туб аҳолининг барча маданий ва маънавий бойликлари-ни ваҳшийларча йўқ қилганлар. Ўрта Осиёнинг буюк мутафаккир олими Абу Райхон Беруний ёзганидек, 712 йилда Хоразмни забт қилган "Қутайба турли йўллар билан хоразмликларнинг ёзув ва ривоятларини сақлаган кишиларни ва шу қаторда барча олимларни тарқатди ва уларга барҳам берди. Натижада уларнинг ислом келгунига қадар бўлган тарихи қоронгуликка айланниб, бу тўғрида ҳақиқий билим қолмади". Бундай ҳолат ажойиб мада-

ният яратган қадимги Бақтрия, Сүғдиёна ва Моварауннахрнинг ҳам бошидан кечган эди.

Хоразмнинг Кутайба томонидан босиб олинишига оид тафсилотлардан бири ниҳоятда диққатга сазовор. Араб муаллифларидан Табарийнинг хабар қилишича, Чагом номли Хоразм шоҳининг укаси Ҳурзод ўз тарафдорларига суюниб қўзғолон кўтаради ва қонуний шоҳни мамлакатдан ҳайдаб, ҳокимиятни қўлга киритади. У шоҳ тарафдорлари бўлган аслзодаларни қаттиқ жабрлайди, уларнинг мол-мулкини, чорвасини, қизларини, сингилларини ва хотинларини тортиб олади. Аслида Ҳурзод қўзғолони моҳияти жиҳатидан маздаклар ҳаракати каби диний тусдаги аксилфеодал характерга эга бўлиб, зодагонларга қарашли ҳарамларни йўқотиш, хотин-қизларнинг феодаллар томонидан тортиб олинишини тугатиш ва қадимий жамоа анъаналарини тиклашга қаратилган эди. Бу қўзғолондан қўрқан Хоразм шоҳи Чагом қўзғолончиларига бош бўлган ўз укаси Ҳурзодга қарши курашиш учун Кутайбадан ёрдам сўрайди ва унга ўз шаҳарларининг олтин калитларини юборади. Кутайба Хоразмга келиб Ҳурзодни тор-мор қиласи ва уни асир олади. Тўсатдан қўлга тушган Ҳурзод билан бирга тўрт минг асирини истилочилар ўлимга ҳукм қиласидар. Шунинг ўзи ҳам Ўрта Осиёнинг араблар томонидан босиб олиниши учун замин яратиб берган эди.

Кутайба бу билан чекланиб қолмай, юқорида қайд қилинганидек, хоразмликларнинг тарихий адабиётини ва маданий меросини яратган ва сақлаб қолган олимларни қириб юборди, қувғин қилди. "Кутайба ибн Муслим Бахилий, — деб ёзади Беруний. — Хоразм хаттотларини ҳало-катга дучор қилганидан, руҳонийларни ўлдириб, уларнинг китоблари ва ёзувларини куйдирганидан сўнг хоразмликлар саводсиз бўлиб қолдилар ва ўзларига лозим бўлган масалаларда ўз хотираларигагина ишондилар".

Бошқа жаҳон динларидағи сингари, ислом динида ҳам шайтон, ажина, иблис каби ҳар хил ёвуз руҳ ва парилар тўғрисидаги таълимот муҳим ўринни эгаллайди. Барча мазҳаб тарафдорлари, илфор ғоялар ва ҳалқ қўзғолончиларининг бошлиқлари ислом арбобларининг қаттиқ ғазабига учраганлар, уларнинг фаолияти иблис билан боғлаб

талқин этилганки, Куръонда ва ҳадисларда ҳар хил сонсаноқсиз ёвуз дев, ажина ва шайтонларнинг бошлиғи — иблис кўп тилга олинади. Даҳрий (еретик) деб аталган барча донишманд алломаларни ислом дини ҳам христиан (католицизм) сингари иблис йўлдан урган, шайтон йўлига ўтган кишилар деб айблаб, уларни худосизлар рўйхатига киритган.

Илк ўрта асрларда нодонлик ҳукмрон бўлса ҳам мусулмон оламида VII аср охирлари — VIII аср бошларида ислом ақидаларига қарши чиққан қодирийлар номли еретик ҳаракатлар вужудга келди. Қодирийлар инсон ҳамма нарсага қодир, яхшилик ва ёмонлик унинг эркин иродасига боғлиқ, тақдир, қисмат каби ҳеч қандай фаталистик куч йўқ, деган таълимотни тарғиб қилганлар. Уларнинг фикрича, киши ўз ҳаракати ва фаолияти, барча хулқ-атвори учун худо олдиди ўзи жавоб беради. Бу гояни анча изчиллик билан ва қатъий эътироф қилган мұтазила мазҳаби бутун Яқин ва Ўрта Шарқ ҳалқлари ҳаётида ва уларнинг араб ҳалифаларига қарши курашида ниҳоятда катта аҳамиятга эга бўлган. VIII аср охирларида Бағдод ҳалифалигида пайдо бўлган бу мўтадил рационалистик таълимот ўша даврда араб тилига таржима қилинган антик дунё файласуфларининг асосланган эди.

Адолатли ягона худо борлигини эътироф этган мұтазилачилар Аллоҳнинг одам шаклида эканлигини инкор қилганлар, тақдири азал таълимотига қарши чиққанлар. Уларнинг фикрича, азал инсон эркини чеклабгина қолмай, балки ердаги ёвузликларнинг пайдо бўлишида худонинг иштироки бор, деган фикрни туғдирари ва бу фикр ўз навбатида "адолатли худо" тўғрисидаги ақидани пучга чиқаради. Шунинг учун улар қодирийлар сингари инсондаги ирова эркинлигини эътироф этган. Ўтган аср муаллифларидан бирининг "Инсоннинг ўзи барча эзгулик ва ёвузликларнинг бунёдкори, бу ерда худонинг роли йўқ", деган ибораси мұтазила таълимотини тўлиқ ифодалайди.

Илмий тафаккурни илоҳиёт таъсири ва бўғовларидан, ўринсиз васийлигидан озод қилиш учун илк Ўрта асрларда пайдо бўлган икки хил ёки "қўшалоқ ҳақиқат" таълимоти Осиёдагина эмас, Европада ҳам кенг тарқалган

эди. Бу таълимотга биноан фан ўзича ҳақ, дин ва илоҳият — ўзича ҳақ, улар орасида объектив зиддият бўлиши мумкин, аммо ҳар бири ўз йўлида ривожланади. Бу таълимотнинг тарафдорлари орасида ўзининг жасур илмий фоялари билан танилган ўрта аср фалсафий ва ижтимоий-сиёсий тафаккурининг буюк намояндалари Ал-Хоразмий, Беруний, Фарғоний, Фирдавсий, Форобий, Ибн Сино, Умар Хайём, Носир Хисрав, Саъдий Шерозий, Ал-Кинди, Маарри, Ибн Рӯшд ва бошқалар мавжуд. Яқин ва Ўрта Шарқнинг мазкур ажойиб донишмандларининг илғор ва рационалистик илмий фоялари бир неча асрлар давомида фақат исломнинггина эмас, балки католик черковининг ҳам илоҳиёт мафкурасига ва хурофотга қарши курашда муҳим восита вазифасини бажариб келди.

Кулдорлик жамияти ёмирилиб, янги феодал тузум қад кўтараётган бир даврда кучли ички ларзалардан тушкунликка учраган кўхна Шарқ нисбатан қисқа муддат ичida иқтисодий ва маданий инқизорни енгигиб, Уйғониш (ренессанс) даврини бошидан кечиради. IX-XII асрларда шарқий мамлакатларда, айниқса, Ўрта Осиёда йирик маданият марказлари ва буюк сиймоларнинг пайдо бўлиши бунинг ёрқин далилидир. Ўша даврдаги энг ажойиб ҳодиса ҳурфикрлилик қандай шаклда (материалистик, атеистик, действистик, идеалистик ва ҳоказо) намоён бўлмасин, замонасининг забардаст мутафаккирлари ўз фикр-мулоҳазаларини дадил ва очиқ-ойдин (баъзан диний ниқобда бўлса-да) изҳор қилиб, илмий-ижтимоий тафаккурнинг ривожига ва ижтимоий тараққиётга ўз ҳиссаларини қўшганлар.

## ЯНГИ ДАВР ДИНЛАРИ ВА ҲУРФИКРЛИЛИК

Жаҳон тарихида қадимги Юнонистон ва Римда пайдо бўлган классик қулдорлик жамияти инсониятнинг маданий ва маънавий тараққиётида ниҳоятда катта роль ўйнаган. Шарқ халқларининг антик даврда яратган барча ижтимоий-иқтисодий ва маданий ютуқларини мужассамлаштирган ва уни яна ҳам юксак даражага кўтарган юонон-рим маданияти асли ривожланган қулдорлик жамияти нинг маҳсулни эди. Ўтган аср мутафаккирларидан бири одилона қайд қилганидек, қуллик бўлмагандан юонон давлати, юонон санъати ва юонон фани ҳам бўлмас эди; қуллик бўлмагандан Рим давлати ҳам бўлмас эди. Юнонистон билан Рим қуриб берган пойдевор бўлмагандан эса, ҳозирги Европа ҳам бўлмас эди. Ана шу маънода биз антик замон қулдорлик тузуми яратган юксак маданият заминида илк феодализм даврида пайдо бўлган Шарқ Ренессанси бўлмагандан Фарб Ренессанси юзага келмаган бўлар эди, десак хато бўлмайди. Чунки умуминсоний маданиятнинг энг муҳим ҳалқаларидан Шарқ ва Фарб Ренессанси яратган буюк маданий мерос ҳозирги жаҳон цивилизациясининг бош омили бўлиб хизмат қилган ҳамда замонамизнинг қудратли кучига айланган илмий-техника инқилобига пойдевор кўйган эди.

Шубҳасиз, жаҳон динларидан энг кенг тарқалган христиан динининг Рим империясида муайян мафкура сифатида шаклланиб юзага келиши ва унинг кейинги ривожи умум тарихий тараққиёт билан узвий боғлиқ бўлган. Ислом динининг пайдо бўлиши ва унинг жаҳон динига айланиши ҳам мазкур жараённинг таркибий қисми сифатида намоён бўлган эди. Аммо барча жаҳон динлари феодализм тузуми даврида муайян таълимот даражасига кўтарилиб, ўзига хос

оқимларни юзага келтирган бўлса, буюк географик кашфиётлар ва Ўйғониш давридан кейин шаклана бошлаган капиталистик муносабатлар жаҳон динларига ҳам ўз таъсирини ўтказиб, янги йўналишларни юзага келтирган. Ўз навбатида жаҳон динлари ҳам ижтимоий тараққиётга мослашган ҳолда жамиятга, янги ижтимоий муносабатлар ва муайян тузумга хизмат қилиб келган.

Шуни алоҳида қайд қилиш лозимки, янги ва энг янги даврда ҳам жаҳон динлари билан бир қаторда Осиё, Африка, Австралия, Америка, Ҳиндистон ва Океаниянинг айrim қисмларида қабилавий диний тасаввурлар сақланаб келган ва сақланиб келмоқда. Улар ниҳоятда мураккаб маҳаллий урф-одат, расм-удум ва тартиботларни ўзида мужассамлаштирган, инсон ҳаётидаги турли воқеа (бона туғилиши, исм қўйиш, дағн қилиш ва ҳоказо)лар билан боғлиқ, ҳар хил коинот ва табиятдаги ҳодисаларни ифодаловчи диний-мифологик тасаввурлар шаклида намоён бўлмоқда. Ҳозиргача қабилавий динлар қадимдан сақланаб келган қадрияларни, ахлоқ тартиблари (қабила одатларига, тартиб-қоидаларига тўла риоя қилиш, шахс манфаатини жамоа манфаатига бўйсундириш, хун олиш қабилар)ни ифодалаб, уларга амал қилиш мажбурий ҳисобланади. Аммо христиан ва ислом динларининг таъсири остида қабилавий динлар аста-секин анъанавий хўжалик ва ижтимоий тузумнинг емирилиши жараёнида ўзгариб, синкетизм (курама) шаклида юзага келиб, ўзига хос диний тасаввурларнинг пайдо бўлишига сабаб бўлмоқда. Масалан, Шимолий Африка аҳолисининг этник бирлиги асосида кўпчиллик, яъни 94-95 фоизи мусулмонлар, 4 фоизи христианлар, қолганлари ибтидоий қабилавий динларга итоат қилса, Фарбий ва Марказий африкаликларнинг деярли ярмиси маҳаллий диний эътиқодларга амал қилалилар. Буюк географик кашфиётлардан кейин бу қитъага христиан дини зўрлик билан киритила бошлаган. Мустамлакачилик емирила бошлагандан кейин бу ерда ислом динининг тарқалиши кучаяди. Ҳозир Фарбий Африка аҳолисининг 32 фоизи мусулмон, таҳминан 18 фоизи христиан, қолгани анъанавий диний тасаввурлар таъсирида. Айrim мамлакатларни мисол қилиб олсак, Либерияда аҳолининг тўртдан уч қисми, Фил суюги соҳилида учдан

икки қисми, Юқори Вольта ва Ганада тўртдан уч қисми, Нигерия ва Гвинея-Бисауда деярли ярми маҳаллий анъанавий динларга, айниқса, аждодлар арвоҳига сифинадилар. Тропик Африка анъанавий динларидан энг кенг тарқалгани мархум аждодлар руҳига сифиниш, шу муносабат билан арвоҳларга аatab ҳар хил маросимлар ўтказиш, курбонликлар бериш каби урф-одат ва ибодатлар ҳозиргача кўпчилик элатлар орасида муҳим ўринни эгаллайди. Олимлар орасида Африкани "аждодлар ибодатининг мумтоз намунаси" деб айтилиши бежиз эмас.

Сунна мазҳабидаги ислом Фарбий Африканинг асосан шимолида ва соҳил қисмида, айниқса, Сенегал, Гамбия, Гвинея, Мали, Нигер каби мамлакатларда ҳукмрон динга айланган. Масалан, Нигерда 96 фоиз аҳоли, Сенегал ва Гамбияда 80 фоиз аҳоли мусулмон. Маҳаллий анъанавий диний эътиқод ва ибодатларга амал қилувчилар Фарбий Африкада 38 фоизни ташкил қилади. Марказий Африка аҳолисининг 14 фоизи анъанавий динларга риоя қиладилар. Ҳозир Мадагаскарда яшовчи малагасий ёки мальгашийларнинг ярмидан кўпи (54 фоизи) маҳаллий анъанавий динларга, асосан, аждодлар арвоҳига сифинадилар. Кўпчилик аҳоли турмушида одамнинг туғилишидан то ўлимигача уруғ-қабила ибодатлари ва маросимлари, айниқса, дағн қилиш ва хотиралаш одатлари алоҳида ўринни эгаллайди. Булардан ташқари қитъада минтақавий христиан-африка аралашма диний эътиқодлари ҳам кенг тарқалган. Бундай қурама (синкретик) динлар таъсирига Фарбий Африканинг 26 фоиз аҳолиси, Марказий Африканинг 17 фоиз аҳолиси ўтган.

Мантиқан таажжубланадиган вазият шундан иборатки, ҳозир Африка мамлакатларининг кўпчилигида, айниқса, тропик қисмида, жаҳон динлари (христианлик ва ислом), тадқиқотчиларнинг қайд қилишича, маҳаллий, қабилавий диний тасаввурларнинг, чунончи уруғ-оиласиий аждодлар ибодатини қурамалаштирибгина қолмай, балки мустаҳкам сақланишига (консервациялашга) ёрдамлашаётир. Шунинг учун ҳам айрим синкретик христиан черковларида аждодлар ибодатининг ўйғониши рўй бермоқда.

Қабилавий диний тасаввурлар Австралиянинг туб аҳолиси орасида, Ҳиндистоннинг қолоқ этник гуруҳла-

рида, Жанубий Америка ўрмонларида яшовчи аҳолининг айрим қисмларида ҳозиргача сақланиб қолган. Масалан, Ҳиндистондаги адиваси қабиласининг бошлиғи (оқсоқоли) ўзининг файритабии кучига ишониб, ўзини қабиланинг бош коҳини ва ҳатто худоси деб ҳисоблади. Машаллий аҳоли уни Вишну худоси образини ўзида мужас-самлаштирган олий мавжуд деб тасаввур қиласди ва унга тегишли иззат-икромлар изҳор қиласди. Масалан, қабила раҳбарини маҳаллий ҳокимиёт сайловларига депутат қилиб кўтарадилар, унинг вафотидан кейин фарзандига гўё отасининг руҳи ўтган, деб ҳисоблаб, меросхўр сифатида ўғилларидан бирини қабила бошлиқлигига тайинлайдилар.

Генетик жиҳатдан қабилавий динлар билан боғлик бўлган бизгача сақланиб келган иудаизм сингари миллий давлат динлари ва мазҳабчилик ҳам айрим мамлакатларда ўз моҳиятини йўқотмаган. Бундай диний тасаввурлар ҳар кунги ўзига хос ибодати, урф-одати, ҳар хил йўл-йўриқ ва қоидалари билан бошқа динлардан ажралиб туради. Ҳозирги миллий-давлат диний эътиқодларига ва йирик мазҳабларга тўла амал қилиш, аслида, миллатчилик ҳиссиётларини кучайтириб, ҳалқлар орасида низо уйғотади ва улар орасидаги яқинликка путур етказади. Бундай миллий руҳдаги динлардан конфуцийчилик, даосизм, синтоизм, ҳиндуизм ва иудаизм ўз издошларида гўёки худо томонидан инъом қилинган миллий устунлик туйгуларини уйғотишга интилади. Оқибатда мазкур туйгулар миллатчилик ҳиссиётларининг юзага келишига сабаб бўлади. Бундай ҳолат жаҳон динларида, айниқса, христианлик мазҳабларида ҳам намоён бўлмоқда ва унинг оқибатида жиддий миллий низолар вужудга келмоқда. Масалан, ҳозирги ирландияликлар билан инглизлар, Югославиядаги православлар билан мусулмонлар орасидаги қонли тўқнашувлар, протестант, англикан, католик черковлар ва янги сектантлик (мазҳаблар) орасидаги келишмовчиликлар ва зиддиятлар ёки ислом динидаги мазҳабчилик, сунна ва шиалар, фундаменталистлар ва ислоҳотчилар орасидаги қарама-қаршиликлар туфайли давримизнинг турли фожиали воқеалари юзага келмоқда. Бу ҳам диний эътиқодларнинг таъсири ҳозиргача нақадар кучли эканлигининг ёрқин далилидир.

Ҳозирги вақтда Ҳиндистонда ҳар хил неоҳиндуистик ибодатлар, башорат (каромат) қилувчи дайди ваъзхонлар, йога ва тантриклар, яъни мазҳабчилик тарафдорлари пайдо бўлган. Неоҳиндуизм йўналиши аслида диний синкетизм сифатида юзага келган, айрим диний таълимотнинг устунлигини инкор қиласиган, каста ёки диний тафовутларни рад этиб, кишиларни бириктирувчи ғояларни тарғиб қиласиди. Замона талабига мослашган бундай диний тасаввурлар кенг халқ оммасига маъқул тушиб, кўп издошларни яратган ва ҳозирги ҳинду жамиятига муайян таъсир ўтказмоқда. Неоҳиндуизм таълимоти бир неча хилдаги мактаб ва мазҳабларни юзага келтириб, улар гарбда — Европа ва Америкада ҳам тарқала бошлаган. Масалан, кришнуитлар (ёки "Кришнани билиш халқаро жамияти") ҳаракати бутун жаҳонга, айниқса, Фарб мамлакатларига тарқалган. Япониядаги Синто ҳам бир неча йўналишларга — сулолалик, ибодатхоналилк ва хонакиликка бўлинган. Шу билан бирга умуммиллий ибодатхоналар сони кўпайиб, синтоист ва буддист диний байрамлари, марҳумлар хотирасини нишонлаш кенг тарқалган.

Аммо Ҳиндистонда кам сонли элатлар ҳам борки, уларнинг бир қисми буддизмга, айримлари илк дин шаклларига амал қилиб келмоқдалар. Шуни ҳам қайд қилиш лозимки, Ҳиндистон буддизмнинг ватани ҳисобланса-да, ўрта асрларга келиб мазкур дин қўшни мамлакатларга тарқалиб, жаҳон динига айланган. Буддизм қулдорлик жамияти даврида пайдо бўлиб, қисқа вақт ичиди Марказий Осиё, Шарқий ва Жануби-Шарқий Осиёга тарқалган.

Буддизм дастлаб (милоддан аввалги VI асрлар) қулдорлик жамиятида кенг меҳнаткаш омманинг каста (табақаланиш) тузумига мослашиб, шафқатсиз жабр-зулмга қарши тенглик ғоясини кўтариб чиқсан диний эътиқод сифатида пайдо бўлган эди. Арий қабилаларининг кўчиб келиши туфайли узоқ давр мобайнида уларнинг диний эътиқодлари маҳаллий ибодат ва эътиқодлар билан аралашиб, ҳиндуизмни юзага келтирган эди. Бу таълимот асли политеистик (кўп худолик) характерга эга бўлиб, унинг ҳозиргача машҳур худоларидан муқаддас учлик — Брахма, Кришна ва Шивага сифиниш бутун Жанубий

Осиёда сақланган. Унда "абадулабад" яратилган каста тузумини илоҳийлаштирувчи ғоялар ўз ифодасини топган. Ҳиндустилар ўз кастаси (табақаси)га садоқати туфайли ахлоқий бурч ва бадали (карма)га қаттиқ итоат қиласидилар.

Ҳиндуизмда ягона марказ, ягона ақида ва маросимлар йўқ, аммо итоатгўйликни бошқарувчи коҳинлар ва каста кенгагиши (панчаята) мавжуд. Бу динда турли йўналишлар ва мазҳаблар жуда кўп. Шулардан энг йириклиари — вишнуизм, шиваизм, шактизм. Янги мазҳаблар неоҳиндуизм сифатида намоён бўлмоқда. Ўрта асрларнинг охири (XVI-XVII асрлар)да мазкур таълимотнинг элементлари билан ислом, буддизм ва бошқа диний тасаввурлар аралашмасидан якка худолик диний таълимоти (сикхизм) юзага келади ва у асосан Панжобда ҳукмрон дин бўлиб танилади. Сикхалар буддистлар сингари каста тартибини инкор қиласидилар, дарвешлик ва худо тасвирини гуноҳ деб ҳисоблайдилар.

Ўзига хос майший турмуш ва маданият хусусиятларини сақлаб келган, асосан қабилавий тузум тартибларига риоя қилиб яшаётган айрим элатлар (санталлар, гондалар, мундалар, ведалар, никобўрлар, андаманлар, кхаси, курумба, бхил, магара ва ҳоказолар)да ҳозиргача ибтидий инициация маросимлари, уруғ-қабилаларда аждодлар ибодати, табиат кучлари (шамол, момақалдироқ, күёш, ой, ғалати ҳоллар ва булоқлар) га сифиниш, тотемистик ва анимистик тасаввурлар сақланиб келмоқда.

Умуман олганда Жанубий Осиё ҳалқларининг диний эътиқодлари турли-туман бўлиб, масалан, Ҳиндистонда аҳолининг 83 фоизи ҳиндустилар, 11 фоизи мусулмонлар, 3 фоизига яқини христианлар, 2 фоизи сикхалар, фақат бир фоизи буддистлар ва жойнистлар.

Мустамлакачи инглизлар иродаси билан бошқаришга қуляй ҳолда парчаланиб, Ҳиндистондан фақат диний жиҳатдан сунъий равишда ажратиб чиқарилган Покистон аҳолисининг 97 фоизини, Бангладешда эса 80 фоизини мусулмонлар, 18 фоизини ҳиндустилар ташкил қиласиди. Непалда ҳам ҳиндустилар кўпчилик — тахминан аҳолининг 89 фоизи. Шри Ланка аҳолисининг 66 фоизи буддистлар, 19 фоизи ҳиндустилар, 8 фоизи христианлар

ва 7 фоизи мусулмонлар, қолганлари ибтидоий анъанавий динларга итоат қиласилар.

Ҳозиргача сақланиб келаётган миллий-давлат динларидан иудаизм ҳам янги даврда замонага мослашиб ислоҳ қилина бошлаган. Масалан, XVIII асрнинг бошларида Шарқий Европа ва Россия яхдийлари орасида антифеодал чиқишлари натижасида халқ оммасининг норозилигини ифодаловчи диний кўриниш сифатида хасидизм пайдо бўлган. Бу оқим (қадимиј яхдийча — "тақводор") дастлаб жамоалардаги молиявий доираларнинг ва уларни қувватлаган раввинларнинг ҳукмронлигига қарши қаратилган эди. Лекин хасидизм ўзининг илк моҳиятини йўқотиб, иудаизмнинг мазҳабига айланади. Бу таълимот тарафдорлари асли ягона худони рад қилиб, пантеистик ғояларни тарғиб қиласи, уларнинг тасаввурида худо (шехина) инсонни ўраб турган барча мавжудот. Мазкур таълимотга биноан ибодат пайтида худо билан бевосита мулоқот қилиш мумкин, одам раввинларнинг воситачилигига муҳтож эмас, деган фикрни асослашга ҳаракат қилинади. Социал зиддиятлардан, хасидизм ғояларига кўра, инсон индивидуал ҳолда ўзининг диний ахлоқий камолоти орқали қутулиши мумкин. Талмуд ақидаларига биноан "олимлик"ка ва раввин хизматига эҳтиёж йўқ. Хасидизм ёмонликни яхшиликнинг энг паст босқичи, деб ҳисоблайди ва бу қарашлар шоду ҳуррамлик доктринаси деб аталмиш ғояларда намоён бўлади. Бу фикр мазкур диний эътиқоднинг кўшиқ ва рақсларида, зоҳидликни рад этишда ўз ифодасини топади.

Ҳозирги вақтда хасидизм АҚШ ва Истроилда тарқалган бўлиб, унинг мистикаси замонавийлаштирилган нео-хасидизм шаклида иудаист маддоҳлар томонидан кенг тарғиб қилинмоқда. Асли бу маддоҳ (қадик)лар хасидизмни рад этган раввинлар ўрнини босган ва улар хасидистик тасаввурларнинг диний мистицизм ва фанатизм руҳида айнишига сабабчи бўлганлар. Бундай замонавийлашган хасидизм ғоялари ақидавий иудаизмга қайтиб, ҳозирги яхдий илоҳиётчилари томонидан фаол тарғиб қилиниб, иудаизм ақидаларига жиддий таъсир қилмоқда.

Ҳозирги замон иудаизмининг энг муҳим йўналишларидан бири Фарбий Европадаги яхдийларнинг XVIII аср

бошларида пайдо бўлган буржуа тузумига мослашган — ислоҳ қилинган иудаизмдир. Бу йўналиш мессия (халоскор) ҳақидаги ақиданинг яхудийларнинг Фаластинга қайтиши ҳамда яхудий давлатининг тикланиши ҳақидаги тасаввурлар билан боғлиқлигидан воз кечиб, улар иудаизмда уни универсал этик таълимот деб эълон қилдилар. Асри-мизнинг бошларида иудаизмда яна бир оқим — консерватив йўналиш пайдо бўлади. Унинг тарғиботчилари диний ақидавий анъаналарга қайтадан "ижобий" ёндашиш ва янги давр миллатчилик ғоялари оқимида юзага келган реакцион назария — сионизм билан яқин иттифоқ тарафдори бўлиб чиқдилар. Бунга ҳамоҳанг 30-йилларда иудаизм янги йўналиш — реконструкционизм номи билан вужудга келади. Унинг тарафдорлари диний мавқеини мустаҳкамлаш мақсадида иудаизм гўё миллий мансубликни белгилаб берадиган "яхудийлар цивилизацияси" деб эълон қилганлар. Илоҳий сионистик тамойилларни асос қилиб олиб, иудаизм илоҳиётчи раҳбарлари кўпчилик диндорларнинг иродасига зид ҳолда сионизмни қўллаб-куваттаб чиққанлар ва ҳатто 1976 йилдан Жаҳон сионистлар ташкилоти билан бирлашганлар. Ҳозирги пайтда яхудий илоҳиётчилари Исроилда энг құдратли позицияга эга бўлиб, сиёсатга ва ижтимоий ҳаётга зўр таъсир ўтказмоқдалар.

Жаҳон динлари муқаддас китобларининг ақидавийлиги ва итоаттўйлик ғояларининг ниҳоятда кучлилигига қарамай, буддизм, христианлик ва ислом капиталистик муносабатлар пайдо бўлганидан бошлаб муайян ўзгаришлар ва ислоҳотларни бошидан кечирган. Мазкур динлар, айниқса, Буюк географик кашфиётлар ва Уйғониш (Ренессанс) давридан кейин мураккаб тадрижий тараққиётни босиб ўтган эди. Албатта, бундай жараён ҳамма динларда бир хил бўлмаган. Чунки жаҳондаги мамлакатларнинг ривожи турли даражада ва ҳар хил мавқеда бўлган. Айниқса, маданий ва маънавий тараққиёти, миллий хусусияти, нафосат ва ҳиссий туйғуларининг хилма-хиллиги ҳам диний тасаввурларнинг характеристига таъсир қилган.

Афсуски, сабиқ совет тузуми ва диншунослик фанининг динга бир ёқлама қараши, «жанговар материализм»га асосланган марксча-ленинчча таълимотнинг сохта ақида-

вийлик ёндашуви туфайли инсон тафаккурининг муҳим томони ҳисобланган диний эътиқодга гўёки ёвуз душман, зарарли сарқит деб қарашиб натижасида ҳаққоний илмий хуласалар қилишга имкон бермаган эди. Бўрттириб кўрсатилган илмий атеизм назариясининг файри назарияларга қарама-қарши жанговар руҳдаги таълим сифатида намоён бўлиши ижтимоий онг шакллари ёки дунёқарашларни инкор қилиб, асли файриилмий сохта тасаввурларни юзага келтирди. Оқибатда бизлар диний ҳамда марксизм-ленинизм таълимотига (синфий кураш нуқтаи назаридан) қарши бўлган барча ғояларни, айниқса, анъанавий ва янги пайдо бўлаётган диний қарашлар ва ҳаракатларни нотўғри ёки бир ёқлама баҳолаб келганимиз. Ўша вақтда илмий дунёқарашга зид бўлган назария ва ғояларнинг ижтимоий-иқтисодий ва сиёсий илдизларини топишга интилиб, уларнинг маънавий-ҳиссий ва руҳий томонларига кам эътибор берилиган. Ваҳоланки бутун жаҳонда рўй бераётган дунёқарашларнинг асли кучи ва таъсирчанлиги ҳам шу жиҳатларга боғлиқ эканлиги унтилган.

Ҳозирги диндорлар орасида эмоционал-руҳий моҳијати кучли бўлган илк динларга қайтиш ҳаракатининг кучайиши сабабларини ҳам мазкур жараённи ўрганиш орқали билиш мумкин. Замонамизнинг ҳар хил мистик ва хурофий мазҳабчиликка берилиши, диндорлар орасида янги диний қарашлар, биз хурофий деб ҳисоблаган ибтидоий тасаввурларга қайтиш, уларни замонага мослаштириб тиклаш каби ҳолатлар мураккаб ижтимоий-сиёсий ва иқтисодий зиддиятларнинг, айниқса зиддиятли давримиз яратадиган маънавий қашшоқликнинг табиий маҳсули эканлигини аниқлаш жуда муҳим вазифадир. Ҳозирги даврдаги янги диний тасаввурлар билан бирга эски архаик дин шаклларига қайтиш ёки тиклаш муайян ижтимоий гуруҳлар учун жаҳон динларидағи ақидавийликдан афзал деб қабул қилиниши тасодифий эмас. Масалан, Фарбий Европа ва Америка жамиятларида сеҳргарлик (магия) ва шаманизм каби ибтидоий дин шаклларининг кенг тарқалиши, Германия ва Швецияда қадимги герман худолари ибодатларининг қайта тикланиши муайян ижтимоий-психологик ва миллий ҳиссиётлар билан боғлиқ эканлигини тушуниш қийин эмас. Мазкур жараённи жиддий

тадқиқ қылган Фарб диншуноси М.Вебер "Дин социологияси" номли асарида янги диний тасаввурларнинг пайдо бўлиши ва эски диний қарашларнинг қайта тикланиши тасодифий эмас, балки муайян замонага хос тенденциядир, деган хуносага келади.

Ёки Японияда пайдо бўлган "янги динлар" иккинчи жаҳон урушидан кейинги қўплаб қишлоқлардан шаҳарларга кўчиб келган (миграцион жараён билан боғлиқ) майда буржуа элементларининг қашшоқланиши ва хўрланиши оқибатида уларнинг "эски динлар"дан юз ўгириб нажот ахтариши натижасида юзага келган. Шаҳар фожиалари, япон тадқиқотчиларининг таърифича, янги ҳаётдан яхшиликлар умид қылган диний ҳаракатларни юзага келтирган. Бу «динлар»да яхши, фаровон турмушга интилиш ва унга эртаклардагидек умид боғлаш ғоялари илгари сурилган. Асли бундай жараён илк капитализм пайдо бўлгандаги буржуа реформаторлик ҳаракатини эслатади.

"Бюргер реформаторлиги" деб номланган Европадаги мазкур ислоҳотчилик ҳаракати ўзининг ғоявий оптимизми ва афсонавий бой имкониятларни яратиб "порлоқ келажак" тўғрисидаги таълимотга таяниши билан ажralиб турди. Янги дин асосларидан Эйтё-но-из яратган таълимотга биноан: "Одам худо фарзанди экан, демак, унинг учун амалга ошмайдиган нарса йўқ ва у оламни ўз ўй-фикрига монанд ҳолда, ўзининг қалб истаги билан эркин яратишга қодир". Худди шу маънода Япониядаги "янги динлар" таълимоти инсон эркинлиги ва бунёдкорлигини, янги замон талабига жавоб бера оладиган ғояларни тарғиб қилибгина қолмай, балки ўзига хос "пайғамбар" ва "авлиё"ларни яратиб, цивилизациялашган оламга ҳам тарқалган. Тақводорлик ва тарқидунёччиликни рад этиб, дунёвий фаолиятни тарғиб қилувчи янги замонга мос диний таълимотлар нафақат Осиё мамлакатларида, балки Европа ва Америкада ҳам кенг тарқалмоқда.

Шуни алоҳида қайд қилиш лозимки, асли неоҳиндуизм ва япон "янги динлари"нинг пайдо бўлиши асримиз бошларида Россияда кенг тарқалган "худоизловчилар" оқимини эслатади. Бундай ҳолат маҳаллий зиёлиларнинг озодлик ва миллий уйғониш ҳаракати билан боғлиқ бўлиб, қадимий даврлардан келаётган инсонпарварлик ғояларини

рўёбга чиқариш мақсадида юзага келган таълимотлар деса бўлади. Буларнинг ўзига хослиги шундаки, агар япон диний ислоҳотчилиги шартли равишда бой фольклор руҳида ривож топган бўлса, ҳиндуйизмдаги янги оқим Ауробинди Гхоин, Махатма Ганди каби машҳур тарихий шахсларнинг инсонпарварлик фоялари заминида пайдо бўлган диний ислоҳотлар маҳсулидир. Ҳиндуистик оқим романтизми негизида юзага келган мумтоз мавзу кучли иродага эга, Ватанга садоқатли қаҳрамонлар, рус декабристлари сингари ўзини омма учун қурбон қилишга тайёр эркин шахсларни тарғиб қилади. Япон "янги динлари" каби неоҳиндуизм ўзининг "авлиёлари" ва диний-идеал шахсларига эга бўлиб, улар анъанавий фольклор қаҳрамонларини эслатади. "Янги динлар" тасаввуррида шахс ва жамият орасида ҳеч қандай зиддият йўқ, романтик ҳиндуистлар бу зиддиятни очиқ сезган ҳолда, уни фидокорона хизмат орқали ва оммани раҳбарлар даражасига кўтариш йўли билан ҳал қилиш мумкин, деган фикрни илгари сурадилар.

Жаҳон динлари ҳам ўзининг янги даврдаги ривожида замонага мослашган ҳолда турли хилдаги йўналишлар ва мазҳабларни яратган ва яратмоқда. Масалан, буддизм ўзига хос янги диний тузум (мазҳаб)лар шаклида бошқа мамлакатларга тарқалмоқда. Маълумки, буддизмнинг энг қадимий шакли хинаянаадир. Хинаяна ("кичик арава" ёки "нажот топишнинг тор йўли")нинг асл моҳияти — яхши монахлик жамоаси (сангхи)га кириб, якка-ёлғизликда тарқидунёчилик ва тақводорлик йўли билан кундалик ҳаёт ташвишларидан ҳолос бўлишга интилишдан иборат эди. Вақт ўтиши билан, яъни феодал муносабатларнинг ривожи туфайли мазкур таълимот ўзининг янги давр тала-бига жавоб беролмаслигини кўрсатди. Янги йўналиш тантризм ёки важраяна турли йўналиш ва мактабларнинг умумий номи бўлиб, асосан эркак ёки аёлнинг жинсий кудратига сифиниш ибодатини тарғиб қилади. Тантризм таълимотича, "инсон микрокосмос" деб тасаввур қилинади, унинг танаси космосга ўхшаш ва ундаги моддалар танада ҳам мавжуд. Бу таълимотга биноан киши йога амалиёти орқали улуғланиш ҳолатини тақлидий такрорлаш йўли билан табиатнинг ҳимматини яратиши ёки кучайтириши мумкин.

Ҳиндистандан ташқарига кенг тарқалган буддизмнинг икки асосий оқимидан бири ҳисобланган маҳаяна ("кatta арава" ёки "нажот топишнинг кенг йўли") руҳий камолот аҳдига риоя этувчи, худога илтижо қилувчи, роҳибларга инъомлар бериб ёрдам қилувчи ҳар қандай диндор киши илоҳиётдан нажот топиши мумкин, деган қоидага асосланади. Ҳар бир инсон "олий мутлақ" (нирвана) бирламчи ҳақиқат, қонун-қоида, бурч ва ҳиммат мажмуи дхармалар олами билан бир деб ҳисоблаб, унга эришиш орқали нажот топади. Бундай ҳаммабоп нажот йўли буддизмнинг жаҳон динига айланишига сабаб бўлган.

Маҳаяна йўналишининг бир тури сифатида ламаизм (маҳаллий динлар ва тантризм чатишмасидан вужудга келган) таълимоти тибет, бурят, қалмиқ, мўғул ва тыва халқлари орасида ҳозиргача кенг тарқалган. Бу таълимот буддизмнинг барча ақидаларига таяниб, инсон фақат ламалар орқали нажот топади (гуноҳларидан покланади), уларсиз оддий бандалар жаннатга туша олмайди, нирванага етишиш у ёқда турсин, бу дунёга қайта келиш ҳақида ўйлаб ҳам бўлмайди. Ламаизмнинг ўзига хослиги шундаки, олий руҳонийлар намояндаси — хубилган (тирик худо)лар ибодати ва шу асосда худоларнинг ердаги вакили ҳисобланган ламаларга ва дунёвий ҳокимиятга сўзсиз бўйсуниш энг муҳим фазилат ҳисобланади. Монахлик, дабдабали ибодатлар ва театрлашган турли маросим (мистерия)лар ўтказиш ҳам ламаизмга хосдир. Худолардан раҳм-шафқат тилаб, уларнинг қаҳр-ғазабини ва ёвуз руҳларнинг зиён-заҳматларини қайтаришга қаратилган кўпгина расм-удумлар шаманлик фаолиятида ўз ифодасини топган ва ҳозиргача сақланиб келади.

Буддистлар ҳозирги Бирма, Таиланд, Лаос, Вьетнамда аҳолининг кўпчилик қисмини ташкил қиласиди ва улар миллий-озодлик курашида фаол қатнашадилар. XX асрнинг 50-йилларидан бошлаб, ҳар хил необуддизм оқимлари кенг тарқала бошлайди ва улар сиёсий тусга кириб диний-ислоҳотчилик ҳаракатининг кучайишига сабаб бўлмоқда. Айниқса, ривожланган мамлакатларда ёшлар орасида дээн-буддизм (асли V-VI асрларда Хитойда пайдо бўлган мазҳаб) таълимоти издошлари тобора кўпайиб бормоқда. Бу мазҳабга асос соган афсонавий ҳинд мов

нахи Бодхидхарманинг таълимотига кўра, инсон ички дунёсига мурожаат қилиш, Будданинг умумий, чин донолиги билан яқиндан алоқада бўлиш орқали ҳақиқатга ва барка-молликка эришиши мумкин. Мазкур мазҳаб қаттиқ тартибот ҳамда руҳий (психик) ва маҳсус машқларга амал қилишни талаб қиласди. Дзэн катталар обрўсини, ҳаттоқи Буддани инкор қилувчи нигилистик руҳдаги фоялари билан ёшларни ўзига жалб қиласди. Дзэнни мафкурачилар ирқи, миллати, диний эътиқодидан қатъи назар "ҳаммага мос жонли амалий ҳақиқат", деб номлайдилар. Бу таълимот 50-60 йилларда Фарбий Европада, айниқса, АҚШ ва Канадада кенг тарқала бошлаган. Ҳозир дзэн-буддистлар сони дунёда ўн миллиондан ортиқ, уларнинг кўпчилиги (тўқиз миллионга яқини) Японияда истиқомат қиласди.

Замонавийлашган янги мазҳаблар (шу жумладан дзэн-буддизм ҳам) диний назарияларга унчалик эътибор бермайди, улар амалий медитация, яъни фикрлаш орқали диққатни бир жойга тўплашга ёрдам берувчи психик (руҳий) машқларга катта эътибор беради. Медитациянинг энг машҳур тизими йога ҳисобланиб, "ақлий пешлашнинг" маҳсус услуби — психотерапия ва психоанализ кўриниши сифатида намоён бўлади. Бу услуг христиан ва католицизм динларининг энг оммабоп оқимларида ҳам ўз ифодасини топади. Бу ислом сўфийлигидаги руҳий камолотга эришиш йўлидаги таълимот ва ҳаракатларнинг ўзига хос кўринишларидандир.

Рим империясининг Шарқ қисмida милоднинг I асрда пайдо бўлган христианлик бир неча тарқоқ, майда мазҳаблардан IV асрга келиб қудратли мафкуравий оқим сифатида бутун жаҳонга тарқала бошлади. Оқибатда, у энг кенг тарқалган ва ўз издошларининг маънавий-ижтимоий ва сиёсий ҳаётига улкан таъсир кўрсатган жаҳон динига айланди. Янги диннинг мафкураси Янги Аҳд ақидаларида ўз ифодасини топган ва 325 или Никей шаҳрида тўпланган христиан черковининг I Жаҳон собори (кенгаши)да қонунлаштирилган эди. 1054 или христиан дини икки йирик йўналишга — православ ва католицизм черковларига бўлиниб, кейинчалик Фарб Уйғониш даврига келиб, бир неча мустақил мазҳабларга ажralиб кетади. Иккала черковда ҳам ислоҳотчилик ҳара-

кати зўр бўлган. Айниқса, VI асрда пайдо бўлган қудратли антифеодал ва антикатолик ҳаракатлари бутун Европа мамлакатларига тарқалиб, католицизм черковининг парчаланиб кетишига сабаб бўлган эди. Дастреб Германияда ислоҳотчилар ҳаракати туфайли протестантизм, кейин лютеран (ёки евангелия) черкови юзага келади. Швейцарияда кальвинизм, Англияда англикан черковлари, Европанинг турли қисмида методистлар, меннонитлар ва баптистлар махсус мазҳаб сифатида, реформаторлик ҳаракатининг маҳсули сифатида юзага келган эди.

XIX асрнинг 30-йиллари АҚШ да баптистлар, адвентистлар, 70-йиллари бошида протестантлардан «иегово шоҳидлари», ўтган аср бошларида пятидесятниклар, кейин «мармонлар» ёки "охират авлиёлари", "нажот", "христиан фани" мазҳаблари ажralиб чиқади. Протестантлар бирлашишга интилиб, 1948 йили «Жаҳон черковлари кенгashi»ни тузишда фаол иштирок қилганлар. Протестант фалсафасига асосланган реформация ҳаракати диний эътиқод — инсоннинг худо билан шахсий алоқаси, деган таълимотни олға суради. Ҳозирги замон протестант илоҳиёти вакиллари худо фалсафий билишнинг обьекти бўла олмайди, у эътиқод обьектига айланниши учун ҳис-туйғулар ёки ақл-идрок хизматига муҳтож эмас, деб даъво қиласи. Шунинг учун ҳам ҳозирги замон протестантлиги (П.Тиллих фикрича) христианликнинг замонавий онг шакллари билан, шу жумладан фалсафа билан йўқолган синтезни (бирлашишини) қайта тиклаш зарур деб ҳисоблайди.

Шуни ҳам қайд қилиш лозимки, агар протестантизм пайдо бўлгандан бўён бир неча хилдаги черков йўналишлари, мазҳабларга бўлинниб келган ва бу жараён ҳозиргача давом этиб келган бўлса, аксинча, католицизм анча жиддий марказлашган дин сифатида намоён бўлиб келмоқда. Факат 1870 йили католиклардан кичкина бир гурӯҳ — Швейцария ва Жанубий Германияда эски католиклар ажralиб чиқди. Улар Рим папасининг "бегуноҳлиги" тўғрисидаги янги ақидага қарши бўлиб, черков иштирокига ва диний ибодатга бир оз демократик тартибларни киритганлар.

Православ черкови ҳам ўз тараққиётида бир неча даврни бошидан кечириб, ақидавий ва ташкилий жиҳатдан

баъзи ўзгаришларни киритган. Мазҳабчилик ҳаракати ҳам православ черковини чеклаб ўтмади. Православлар ҳозир 15 та мустақил (автокефал) черковдан иборат: Константинополь (Туркия), Искандария (Миср), Антиохия (Сурия, Ливан), Иерусалим (Қуддус), Кипр, Рус, Грузин, Серб (Югославия), Булғор, Эллада (Юнонистон), Румин, Албан, Поляк, Чехословакия ва Америка черковлари. Бундан ташқари, яна учта автоном православ черковлари мавжуд — Синай, Фин ва Япон черковлари. Уларнинг барчаси умумий ибодат ва таълимотга эга бўлса-да, аммо ақидавий жиҳатдан мустақил ҳисобланади.

Православ черковлари ягона бошқарув марказларига эга эмас, уларда маҳсус анжуман (собор) қонун чиқарувчи олий ташкилот мавжуд. Православ диний таълимотида черковнинг ташкилий масаласида ҳам ўзига хос хусусиятлар сақланган ва улар ўзаро мустақил фаолият кўрсатадилар. Константинополь (Истамбул) черкови Патриархи бошқа черковларга Бош (Вселенский) ҳисоблансада, у маҳаллий (поместный) черковларнинг ишига аралашмайди. Мазкур черковлар VIII асрдан бери умумий собор (анжуман)лар ўтказганлар, аммо уларнинг бариси учун Никон (325й.) ва Константинополь (381 й.) жаҳон соборларида қабул қилинган эътиқод муайян дастур тимсолида таърифлаб берилган. Православ таълимотининг асосини Библияда ифодаланган муқаддас ёзув ва муқаддас ривоятлар ташкил этади. Рус православ черкови Москва патриархияси сайлангандан сўнг (1589 йили) мустақил (автокефаль) черков деб эълон қилинди.

Православие таълимоти оламнинг яратувчиси ва бошқарувчиси муқаддас учлик (троица)дан иборат ягона худо эканлигини, охират (нариги дунё), дастлабки гуноҳ туфайли ажр ва азоб-уқубатлардан нажот топишига имкон берувчи Исо Масиҳнинг халоскорлик миссиясига ишониш каби эътиқодларни тан олади. Черковнинг худо ва пайғамбар ўртасидаги воситачилик ролига алоҳида эътибор бериб, христианларни етти сирли маросим (тайинство)-га итоат қилишни бандасидан талаб этилади. Православие диний байрамларга алоҳида эътибор беради.

Автокефаль черковларнинг ичida энг йириги Рус православ черковидир. Бу черков 988 йили Киев Руси хрис-

тианликка ўтказилгандан сўнг пайдо бўлиб, 500 йилча Константинополь патриархига қарам бўлиб келган. 1589 йили Россияда патриарх бошчилигидаи черков бошқарув тузуми (патриархлик) таъсис этилган ва у XVIII аср бошларигача ишлаб келган. 1721 йилда Буюк Петр ҳукми билан мазкур черковга раҳбарлик қилиш Обер-прокурор бошчилигида ташкил этилган Синодга юкландган.

Рус православ черкови феодал тузумининг асосий мафкурачиси ва энг йирик мулкдори ҳисобланиб, ҳукмрон табақалар ва чор самодержавиесига бутун тарихи мобайнида таянч бўлиб хизмат қилиб келган. Ўз навбатида чор ҳокимияти ҳам черков ташкилотини қўллаб-куватлаб, унинг ривожига катта эътибор берган. Черков ўз мавқенини мамлакатда ва ҳалқаро миқёсда мустаҳкамлаш мақсадида XVII асрда патриарх Никон даврида бир қатор ислоҳотлар ўтказган ва бу тадбирлар Синод ва подшо томонидан маъқулланган. Масалан, айрим диний китобларга ўзгартишлар киритилган, баъзи ақидавий қоидалар янгиланган, чунончи икки бармоқ ўрнига уч бармоқ билан чўқиниш, ибодат пайтида руҳонийнинг ўзини тутиши ва ҳаракати белгиланган, "аллилуйя" сўзини уч марта тақрорлаш, ибодат вақтида вазъхонлик мажбурий деб ҳисобланган ва ҳоказо. Аммо руҳонийларнинг, боярлар, савдогарлар ва деҳқонларнинг бир қисми янгиликларга қарши чиққан ва бу ҳаракат давлат ва черков сиёсатидан норозилик билан қўшилиб жиддий тус олган. Оқибатда кенг ҳалқ оммаси орасида мазкур зиддият кучайиб, диний байроқ остида антифеодал ҳаракатга айланган.

Аслида черков ислоҳоти масаласидаги келишмовчиликлар рус православ черковининг XVII асрнинг иккичи ярмида бўлинниши натижасида пайдо бўлган ва уни қабул қилишдан бош тортган гуруҳларнинг бирикиб, янги диний оқимларнинг юзага келишига сабаб бўлган. Бундай гуруҳлар мажмуи старообрядчилик мазҳабини пайдо қилган. Бу оқим черков ислоҳоти масаласидаги келишмовчиликда уч асосий куч ўзаро тўқнашувида намоён бўлади: 1) черковни давлатга бўйсундиришга интилган дворянлар монархияси; 2) феодал тарқоқликни ва ўзларининг табақавий имтиёзларини сақлаб қолишга уринган боярлар; 3) феодал руҳонийлар ҳамда Никон раҳбарли-

гида черковни марказлаштириш, дунёвий ҳокимиятни диний ҳокимиятга бўйсундириш мақсадларини кўзлаган руҳонийлардан иборат. Кейинчалик, старообрядчилик гурухларининг кўпчилиги тарқалиб, бошқа диний мазҳаб ва оқимларга қўшилиб кетган. Шулардан энг асосийлари попчилик (поповщина), попчилик мухолифлари (беспоповщина ва беглопоповщина) кабилар бутун Россияга тарқалган. Деярли уч аср давомида Рус православ черкови старообрядчиликни анафема деб эълон қилиб, яъни лаънатлаб черковдан четлаштирган. Натижада улар қатағон қилиниб, мамлакатнинг чеккасига сургун этилган.

Рус православ черковига Москва ва Бутун Рус патриархи раҳбарлик қилади. У бутун ақидавий ва ибодат масалаларини бошқариш ва суд ишларини адо этишга қодир. Унинг қошида доимий ва муваққат аъзолардан иборат Синод (маҳсус анжуман) хизмат қилади. Черковнинг қуий диний-маъмурӣ ташкилоти приход ҳисобланади, у руҳонийлар ва диндорлар жамоасига эга бўлиб, приходни бандалар умумий йиғилишида қавмлардан сайланадиган черков кенгаши бошқаради.

Православ черкови қанча қаттиққўллик билан диндорлар жамоасини бошқармасин, унга ва ҳукмрон тузумга қарши чиқишлиар тўхтамаган. Айниқса, XVIII асрдан бошлаб Россияда янги типдаги мазҳаблар пайдо бўла бошлайди. Улар аслида рамзий маънода помешчик самодержавиеси ва черковнинг зулмига нисбатан деҳқон ва бошқаларнинг қаршичишишининг ифодаси эди. Ўша даврда пайдо бўлган "божъи люди" (худо одамлари) ёки христианлар мазҳаби расмий ақидаларга, черков ибодати ва ҳоказга қарши чиққан. XVIII асрнинг иккинчи ярмидан мазкур мазҳабдан ажralиб чиққан ахталар (скопцы) ўтакетган фанатик (мазҳабга кирганлар ўзларини бичиши шарт бўлган) диндорлардан иборат бўлиб, хурофот тарафдорлари бўлган.

Бундай мистик мазҳаблардан ташқари рационалистик руҳдаги гурухлар ҳам пайдо бўлиб, улар христиан таълимотига "оқилона" ёндашишни талаб қилганлар. Булар дұхборлар, молоканлар, иеговистлар ёки ильинлар ва ҳоказо. Мазкур мазҳабларнинг таълимотида бир томондан деҳқонларнинг стихияли равишда патриархал жамоачилик

тартибларига қайтиш бўлса, иккинчидан, эркин капиталистик муносабатларни ривожлантириш хусусиятлари ўз ифодасини топган. XIX аср ўрталаридан бошлаб Россияга ғарбдан протестант мазҳабларидан — штундистлар, меннонистлар, кейинроқ баптистлар кела бошлиди ва улар рус мазҳаблари билан яқинлашиб, баъзан уларни сиқиб чиқарган.

XIX асрда Европа ва Америкада ишчилар ҳаракатларининг кучайиши ва улар орасида социалистик гояларнинг тарқалиши диний таълимотларга ҳам таъсир кўрсатди. 40-йиллардан бошлаб Франция, Англия ва Германияда "христиан социализми" оқими, 80-йиллардан бошлаб христиан касаба иттифоқлари (Бельгия, Франция ва ҳоказо) ташкил топади. Бундай иттифоқлар, айниқса, Бельгия, Италия, Германия каби мамлакатларда кучли бўлган, чунки бу ерда католик сиёсий партиялар мавжуд эди. Мазкур партияларнинг айримлари давлат бошига чиқсан ҳукмрон партия ҳисобланиб, кенг халқ оммасига, жумладан диндорларга таъсири катта бўлган.

Шуни ҳам қайд қилиш лозимки, христиан черковлари XIX-XX асрларда фан-техниканинг гуркираб ўсиши туфайли илм-фанга бўлган муносабат ҳам ўзгарган. Ғарбуҳонийлари орасида фанга қарши ақидавийчилар (айниқса АҚШда) мавжуд бўлса-да, христиан ақидаларини замона фани билан яқинлаштиришга интилаётганлар сафи анча кўпайди. Улар Йижил ва Таврот ақидаларини янгича талқин қилиш йўли билан мослаштиришга ҳаракат қилмоқдалар.

Маълумки, исломда икки асосий йўналиш — суннийлик ва шиалик мавжуд. Статистик маълумотларга биноан, жаҳондаги барча мусулмонларнинг қарийб 90 фоизи суннийлар. VIII асрда пайдо бўлган исломдаги мистик-фалсафий, тақводорлик таълимоти — сўфизм ёки тасаввубуфлик ҳам йирик диний оқим сифатида юзага келган эди. Дастреб сўфизм тарафдорлари шахсий истакдан тўла воз кечиш гоясини тарғиб қилганлар. Тасаввубуда неоплатонизм таълимоти, зардуштийлик, иудаизм, христианлик ва ҳатто шомонийликнинг жиддий таъсири сезилади. Ўзига хос синкетизм таълимоти сифатида кенг тарқалган тасаввубуфлик ижтимоий тараққиёт хусусиятла-

ри билан боғлиқ ҳолда хилма-хил шакл ва оқимларга эга. Сўфийликнинг асосий объекти — инсон ҳамда унинг худога муносабати.

Руҳий камолотга эришиш учун сўфий тўртта босқичдан ўтиши керак: биринчиси шариат, унга биноан тасаввубуф аҳли унинг барча талабларига бўйсуниши зарур; иккинчи босқичда тариқатга кўтарилиш мумкин, бунда муридлар ўз пирларига итоат қилиши ва шахсий истакларидан воз кечиши шарт; учинчи босқичда тасаввубуф маърифатга кўтарилади, бунда у Коинотнинг бирлиги худода мужассам бўлишини, яхшилик ва ёмонликнинг нисбийлигини ақл билан эмас, қалб билан англашлари керак, деб ҳисобланади; тўртинчи босқичда сўфий ҳақиқатга эришади, яъни тақводор "шахс сифатида тугаб" худога етишиши, унга сингиб кетиши ва натижада абдийликка эришиши мумкин, деб қайд этилади. Бунга тасаввубчилар маҳсус руҳий ва жисмоний ҳаракатлар, сигиниш ва ибодатлар орқали етишишга интиладилар.

IX-XI асрларда сўфийлик ақидавий исломга зид бўлганилиги туфайли ҳукмрон табақалар томонидан қаттиқ танқид қилинган. Аммо сўфийлик таълимотининг мистик элементлари айрим илоҳиётчилар томонидан ортодоксал ислом тизимиға киритилган. Бу соҳада йирик мутафаккир илоҳиётчилар Нажмиддин Кубро, Аҳмад Ясавий, Баҳоуддин Нақшбанд ва Ал-Фазалийнинг хизматлари катта. Масалан, Фазалий дунё қонуниятларини ақл орқали билишни инкор этмаса-да, худони ақл орқали англаш мумкин эмас, уни маҳсус руҳий, жисмоний ҳаракатлар, сигиниш ва ибодатлар орқали англаш мумкин, деб ҳисоблайди. Унинг фикрича, жон худо сингари коинотдан ташқарида, олам худо томонидан яратилган. Фазалий таълимоти сўфийликни ортодоксал ислом билан бирлаштиришга интилиб, бу билан у амалда исломнинг ислоҳчиси бўлиб танилган эди.

Ўзбекистонда тасаввублик IX асрнинг иккинчи ярмидан кенг тарқала бошлаган ва унинг ўзига хос образлари ва атамалари Шарқ мутафаккирлари, олим ва шоирларининг ижодида ўз ифодасини топган. Улар ўзларининг илфор фикрларини тасаввублик қобигида тарғиб қилганлар. Масалан, Низомий, Навоий, Ҳофиз, Жомий,

Огаҳий, Мунис каби буюк шоирларнинг ижоди ҳам маълум даражада сўфийлик таълимоти билан боғлиқ бўлган. Сўфийлик тариқати Ўрта Осиёда асримиз 20-йилларига келиб асосан барҳам топган. Ҳозирги даврда хорижий мамлакатларнинг айримларида тасаввуф ғоявий оқим сифатида қисман сақланиб, мафкуравий жиҳатдан муайян роль ўйнаб келмоқда.

Асли мазҳабчилик ҳаракати дастлаб исломдан бошланган бўлса-да, унинг энг авжга кўтарилиган ва оммавий ҳалқ чиқишиларига сабаб бўлган ўрта асрларда Европада кенг тарқалган. Юқорида қайд қилинган еретиклик шаклидаги омма ҳаракати ҳукмрон тузум, дин ва черковга қарши қаратилган кучли оқим сифатида юзага келган эди. Шарқда бошланган дастлабки Уйғониш (Ренессанс) даври буюк мутафаккирлари, шоир ва адиларининг нодонлик ва хурофотга қарши чиқишилари ҳамда Фарб Ренессанси билан узвий боғлиқ ҳолда ўша вақтдаги диний қарашларнинг ҳукмронлиги туфайли барча ҳалқ ҳаракатлари дин байроби остида намоён бўлган. Қайси бир буюк шахснинг ижодий ёки амалий фаолиятини олманг, дунёвий муаммолар, эзгу ниятлар, ҳатто юксак ғоялар муайян дин таълимоти ва ғоялари таъсирида юзага келганинг гувоҳи бўласиз.

Аммо айрим исёнкор мутафаккирлар ўзларининг қалбни ларзага келтирадиган ўй-фикрларини яшира олмай, инсон эрки, баҳт-саодати ва фаровон ҳаёти учун курашиб, хурофот ва нодонликка қарши дадил чиқиши қилгандар. Улар ўзларининг жўшқин ва ўткир шеърий сатрларида инсонни ҳар томонлама улуғлаб, кишини ҳаёт вақтида дунё лаззатларидан баҳраманд бўлишга чорлайдилар, ўзида ажойиб инсоний фазилатларни мужассамлаштиришни тарғиб қиласидилар. Масалан, Шарқ классик адабиётининг забардаст намояндаси, машҳур Абдулқосим Фирдавсий офтоб каби нурли, жўшқин асарлари билан хурофот булутларини тарқатишга ўз ҳиссасини қўшган. У ўзининг ажойиб асари "Шоҳнома"да кишидаги ватанпарварлик, садоқат, жасурлик, инсонпарварлик каби юксак фазилатларни, шунингдек тинчлик ва осойишталикни зўр маҳорат билан кўйлаган.

Ўша даврларда яшаб, форс-тожик тилида ижод этган Шарқ мумтоз адабиётининг ажойиб вакилларидан Абу Шукур Балхий чуқур мажоз ва истиораларга бой ажойиб қасидалар яратган. Абулҳасан Фарруҳий инсон фазилатларини юксак маҳорат ва дид билан улуғлаган, "форс-тожик адабиётининг асосчиси" деб танилган Абу Абдулло Рӯдакий каби илғор шоир ва олимлар ўз асарларида гуманистик ғояларни тарғиб қилганлар, нодонлик ва хурофотни қаттиқ масҳарадаганлар.

XI-XII асрларда инсонпарварлик ғоялари ва даҳрийлиги учун кўплаб ажойиб олим ва шоирлар хурофотчи, илоҳиётчи уламолар ва уларнинг ҳомийлари, подшоҳокимлар томонидан қувғин қилинган, айримлари зинданга солинган, баъзилари қатл этилган. Даҳрий сатрлари, тафаккур эркинлиги, ўткир сатираси учун ҳамадонлик шоир Маъсуд Саъд Салмон йигирма йил зинданда ётган, лекин зўр иродаси туфайли ўз ғояларидан кечмаган, ўз эркини қўлдан бермаган. Ўз замонасининг атоқли шоирларидан Собир Термизий Хоразмда жосусликда айбланиб, шоҳ Отсиз буйруғи билан Амударёга чўқтирилган. Шарқ классик адабиёти тарихида "ҳақиқат изловчи" деб аталган оташин шоир Носир Хисравнинг (1003-1088) нодонлик ва хурофотга қарши ниҳоятда ўткир исёнкор мисралари ҳозиргача ўз аҳамиятини йўқотмаган. Амалдорликдан воз кечиб, кўп Шарқ мамлакатларига саёҳат қилган, мағрут, ҳеч кимга бўйин эгмай бутун умрини оддий халқнинг аҳволини яхшилаш учун курашга бағишлаган бу буюк инсоннинг худо билан мунозаралар тарзида ёзилган даҳрий сатрлари дин арбобларининг фазабини қўзғатмай иложи йўқ эди:

Дилларга сен экдинг фитна уруғин  
Ҳамма халойиқни яратган замон...  
То абад тортамиз бизлар машақкат,  
Азобни азалдан сен этгач рўзи.  
Тоат учун бизни яратган бўлсанг,  
Шайтонни яратмоқ нимадир ўзи?  
Нафас чиқаришга сендан қўрқаман,  
Дилимда гап кўп-у, йўқдир журъатим.  
Зоҳидга заррача эътиқодим йўқ.

Қиёматдан қўрқиб, бунчалик ташвиш -  
Нима учун тортар бечора бу дил?  
Иблиснинг майини иблис жомидан  
Ичмоққа ундаиди иблис муттасил...

Носир Хисрав антик даврнинг буюк мутафаккири Ксенофан сингари худонинг "ниҳоятда адолатизлигини" қоралаб, ҳалқларнинг ҳар хил ирқда яратилишини, ижтимоий тенгсизликни ўткир сатирик мисраларда ифодалайди.

Эй худобӣ, худолигинг туфайли агар,  
Ҳамма инсонлар тиноти тузук тузулмиш.  
Нега энди румликларнинг юзи чиройли,  
Хабашлар чеҳраси нечук хунук тузулмиш?

Ҳурларнинг юзидай, дўзахнинг дилидай  
Турк юзи оқу ҳиндий чеҳраси қорадир.  
Мехробнинг зоҳиди ва бутхона кошиши  
Недан баҳтиёру, нечун баҳти қорадир?

Сен бўла туриб ҳаммага доя — энага,  
Нима учун туғилишда бунча айирма?  
Бойларнинг мол-мулки дарё дарёю  
Камбағал на учун кема-кема?

Булар очиқдан-очиқ динга, ҳурофий тасаввурларга қарши қаратилган даҳрийлик рӯҳидаги ғоялар эди. Ҳурофотни фош қилган "адолат оламининг тожи", инсонпарвар Носир Хисрав ислом уламоларини шунчалик қўрқитганки, улар шоирнинг ҳалқ олдидаги нуғузидан фойдаланиш мақсадида унинг вафотидан кейин "авлиё" деб эълон қилишган ва ажойиб сатирик асарларини йўқотишга интилганлар.

Ўша даврда яшаган қомусий олим, буюк мутафаккир, ажойиб шоир Умар Хайём (1040-1123) ўз замондошлари томонидан материалист ва атеист деб эътироф этилган эди. Европа тадқиқотчилари Ренан, Мюллер ва бошқалар уни эркин фикрли, диний эътиқодни бузувчи, худосиз ва мистицизмни масҳараловчи, пантеистик ғояли шахс деб таърифлаганлар. Йирик табнатшунос, математик ва астроном Хайём 1079 йилда Григориан тақвимидан ҳам

аниқроқ янги тақвим кашф этиб, ўз номини абадийлаштирган эди. Унинг ажойиб илмий асарлари ва ўткир ру боийлари ислом ақидаларини рад этиб, илгор фалсафий таълимотларнинг ривожланишига катта таъсир ўтказган. Хайём фалсафа масалаларига оид бешта асар яратган. Уларда оламнинг моддийлиги, ундаги ўзгаришларнинг абадийлиги ва қатъий қонуниятга эга эканлиги таъкиданади. Унинг таърифика, борлиқ — бошланиши ва охирни йўқ абадий оқим, ундаги нарсалар тўхтовсиз янгилашиб, ўзгариб туради, материянинг бир шаклдан иккинчи шаклга ўтиши, бир сифатдан иккинчи сифат ҳосил бўлиши борлиқнинг табиий ҳолатидир. Хайём табиатни билишда инсоннинг ақлий қобилиятларини улувлаган, инсон табиатнинг энг етук маҳсули эканлигини, табиатни билишда ақл ва илмга асосланиш зарурлигини исботлаб берган.

Токай бутхонаю, масжиддан дейсан,  
Токай жаҳаннаму беҳиштдан дейсан?  
Тақдир лавҳасини кўр, қалам устоди —  
Бўлар ишнинг барин ўшанга чеккан,—

деб инсонни нодонлик ва хурофотдан озод бўлишга чақиради шоир. У ўзининг оташин рубоийларида охират тўғрисидаги уйдирма, афсоналарни, дўзах ва жаннат тўғрисидаги хурофий тасаввурларни фош қилиб, хушчақчақ, жўшқин турмуш кечиришга, ҳаёт лаззатларидан баҳра олишга чорлайди.

Муҳтоҷлик кўйида кўнгилни овла,  
Юракка яқину маъқулни овла.  
Бир дилча турмас юз лойхона Каъба,  
Каъбада нима бор, бир дилни овла.

Гул узра кўкламнинг шабнами яхши,  
Чаманда юз очган ҳамдами яхши.  
Яхшимас кечаги кундан сўз очмоқ,  
Кувнаб қол, бу куннинг ҳар дами яхши.

Хайём худони адолатсизликда, жоҳилликда ва меҳр-сизликда айблайди, диний ақидалардан норозилигини

билдиради. Унинг ҳар бир рубоийсида ҳурфикрлилик элеменлари, инсонпарварлик, ҳалол меҳнат ва адолат фоялари янграйди. Жўшқин ва шодиёна лаззатли реал ҳаётни дунё насия ваъдаларига қарама-қарши қўйган шоир инсон қадрини яна ҳам юқори кўтаради. Хайём ижтимоий тенгсизликни "яратган" худони қаттиқ танқид қиласди:

Э чарх, нокасларни қилдинг фаровон —  
Ҳаммому уй бердинг, ер, сув, тегирмон,  
Тўғри киши гаров бир бурда нонга,  
Жиртакка арзимас бундайин даврон.

Умар Хайём ўзининг "Рисолаи жабр" китобининг муқаддимасида жоҳил ва мутаассиб уламоларга қарши қаттиқ кураш олиб борганлигини шундай таърифлайди: "Биз илм аҳлининг инқирозини бошдан кечирдик, кўп жафо кўрган фақат бир кичик гуруҳгина қолди, холос... Энди бизнинг замон донишмандларининг аксарияти ростни ёлғон билан яширадилар, билимда фириб ва шуҳратпрастликдан нарига ўтолмайдилар. Агар илм бобида бирор нарса билса, уни ҳам фақат тубан мақсадлар ва ўз майшатлари учун сарф қиласдилар. Агар бирор киши ҳақиқатни қаттиқ талаб қилса, тўғриликни афзал кўрса, фириб ва ёлғонни рад этишга ҳаракат қиласа, риёкорлик ва ҳийладан холос бўлишга азм қиласа, уни ҳақорат қиласдилар, масхаралайдилар".

Хайёмнинг жўшқин асарларида, айниқса, оламга машҳур рубоийларида кучли ҳурфиксалик фоялари яққол намоён бўлганлиги туфайли уни динсизликда айблаб, қувғин қилганлар. Хайём ноилож, юзаки бўлса ҳам жоҳил уламолар олдида ўзини "оқлаш" учун қариганда Маккага бориб келишга мажбур бўлган. Бу аҳволни унинг замондошлари ҳам тўғри тушунишган. Хайёмнинг рақибларидан бири: "Замон аҳли унинг динсизлигини таъна қилиб, яширинча сирлари очилиб кетгач, ўз жонидан қўрқиб, қалами ва тилининг жиловини тортди ва художўйликдан эмас, қўрққанидан ҳажга жўнаб, ўзининг нопок сирларини ошкор қилди", деб ёзган эди. Юрт кезиб, мусофиричиликни бошидан кечирган бу улуф олим умрининг охирида она шахри Нишопурга қайтиб келади ва фақирликда оғир умр кечиради. Аммо илмий тадқиқот-

ларини, ижодий фаолиятини тўхтатмайди, янги асарлар ёзади, атрофига шогирдлар тўплаб, дарс беради, бир гуруҳ олимларни тарбиялаб етиширади. Аммо ўз ҳаётида кўп мұваффақиятсизликларга учрагани, кўп олижаноб орзу-умидлари пучга чиққани сабабли Хайём пессимистик ҳолатга тушиб, бир қатор рубоийларида фатализмга бे-рилади, тақдиди азалга бўйсуниш зарур деган холосага келади. Шундай бўлса-да, у қора булутли ўрта асрнинг хурофотли осмонида ярқираган йирик юлдуз эди.

Ўткир тафаккурнинг ёрқин нурлари билан нодонлик ва хурофот туманини тарқатишга ҳаракат қилган буюк гуманист Умар Хайём аслида охират, дўзах ва жаннат тўғрисидаги тасаввурларини "ясоғлиқ олам" деб мутлақо инкор қилган ва оптимистик ғояларни куйлаган. Ўзининг жўшқин, ҳаётбахш рубоийларида инсонни дунёning тилаги ва самари, ақл кўзин қораси-жавҳари, жаҳон узугининг гавҳари, деб таърифлаб, боғларда шилдираб оққан сувларни жаннатнинг кавсари, гуллаб-яшинаётган боғ-бўстонларини жаннатнинг ўзи, теварак-атрофдаги гўзал дилбарларини жаннатнинг ҳурлари, деб тасвирлайди. Шоир "Насиясидан нақдроғи яхши, ноғора товушидан узоги яхши", деб дунёвий ҳаётни жаннатдан афзал кўради. Адолатсизлик ва гуноҳни, барча ёмонликларни "яратган" парвардигордан норози бўлган исёнкор шоир дўзах азобларидан кўрқмайди. Чунки унинг таърифика:

Дўзаху жаннатни ким кўрган, э дил,  
У дунё хабарин ким берган, э дил.  
Кўркув, умидимиз шулардан, аммо  
Ному нишонасин ким билган, э дил.

Умар Хайём шум тарона тарқатувчи каъбаю бутхона кули бўлгунча Жайхундек жўшқин бўл, ёшлиқ даврони-ни сур, "ақлдан бегона бўлмай, жаҳлга хона бўлмай, ҳеч кимни ранжитмай" ҳалол турмуш кечиришни насиҳат қиласи. Шоир ҳаётдаги ҳақсизлик, адолатсизлик, жабр-зулмларни йўқотишини истаб, шундай ёзган эди:

Тақдир лавҳасида ҳукмим бўлганда,  
Майлимча ёзардим уни шу онда.  
Қайғуни дунёдан йўқотиб буткул,

Шодликдан бўларди бошим осмонда.  
Фалакка хукм этар тангридай бўлсам,  
Фалакни қилардим ўртадан барҳам,  
Янгидан шундай бир фалак тузардим.  
Яхшилар тилакка етарди шу дам.

Лекин Хайём ижтимоий тенгсизлик, зўрлик ҳукм сурган бу замонда ўзининг ожизлигидан афсусланиб, "Оlam тузофидан озод эмасмиз, бир нафас олмоқдан ҳеч шод эмасмиз", деб нолийди. "Қашшоқ, дилтанг ҳаётдан" тўйган Хайём қудратли Аллоҳга йўғини бор қилишни сўраб қанча ялинса-да, ҳеч қандай садо чиқмаганлиги сабабли ундан норозилигини билдиради. Мутафаккир шоир "ўликирик ишни тузатувчи, тарқоқ коинотни кузатувчи" худонинг дунёвий ишларни бошқаришдаги "ожиз"лигини танқид қиласди:

Бир қўлда Қуръону биттасида жом,  
Баъзида ҳалолмиз, баъзида ҳаром.  
Феруза гумбазли осмон тагида  
На чин мусулмонмиз, на кофир тамом.

Бундай сатрларни ўрта асрларда фақат чинакам жасур, доно, эркин тафаккур эгаси яратиши мумкин эди. Табиат қонунларини илмий идрок этишга ҳаракат қилган ва бу соҳада анча ютуқقا эришган, "кўп мушкул түгунни ечган ва англаган" бу буюк инсон учун "ечилмай қолгани — биргина ажал" ҳисобланган.

Шарқ Ренессанси осмонида порлоқ нур сочган, XII-XIII асрларда яшаб ижод қилган Озарбайжоннинг буюк фарзанди Низомий Ганжавий, балхлик шоир Жалолиддин Румий, улуғ италиялик шоир Данте ижодига таъсир кўрсатган "Худо бандасининг у дунё сайри" номли ажойиб асар яратган Абдулмажид Саноий, узоқ ҳаётининг учдан бир қисмини саёҳатда кечирган, ўлмас асарлар ("Гулистан" ва "Бўстон") яратган улуғ мураббий шоир Сайдий Шерозий кабилар инсон қалби, онги ва эрки учун, унинг дунёвий баҳти учун ўткир қалами ва тафаккури билан фидокорона курашганлар. Бир оз кейинроқ, ривожланган феодализм даврида яшаб, илм ва бадиий адабиёт соҳасида самарали ижод этган, ҳурфикрлилик ва гу-

манистик ғояларни тарғиб қилган Улуғбек ва Алишер Навоий, Дурбек ва Абдураҳмон Жомий, Бадриддин Ҳило-лий ва Фузулий, Абдуқодир Бедил ва Машраб каби улуг сиймолар ҳам Шарқ Ренессанси заминида пайдо бўлган ёрқин тафаккур эгалари эди. Мазкур буюк инсонпарвар шоир ва мутафаккирларнинг ҳаётбахш асарларида нодонлик ва хурофот фош қилиниб, таркидунёчиликни тарғиб этувчи диний зоҳидлик таълимотларига тубдан зид ҳолда жўшқин қувноқ ҳаёт куйланади. Ҳаётсевар, қалби эзгу орзу-умидларга тўла, қувноқ инсон образи бу асарларнинг асосий негизини ташкил қиласди.

Ўрта аср мусулмон оламидаги энг йирик мутафаккир-файласуфлардан Ибн Рӯшд (тўлиқ исми Абул Валид Мұхаммад ибн Аҳмад ибн Рӯшд Европада Аверроэс номи билан машҳур) ўз замонасида энг илғор ғояларни илгари сурган олижаноб шахс эди. Тадқиқотчиларнинг таърифича, Ибн Рӯшд ўтмишдошларининг илғор ғояларини ривожлантиришда юксак натижаларга эришибгина қолмай, улардаги мавжуд материалистик хуносаларни максимал даражада хурофий уйдирмалардан озод қилган ва ўзининг илмий ғояларини тарғиб қилишда кенг фойдаланган. Ибн Рӯшднинг фалсафа тарихидаги энг катта хизматларидан бири шундаки, у қадимги юонон тафаккур меваларини йигиб-териб, келажак авлодга етказиб берган. У, айниқса, Аристотель ва Ибн Сино асарларидаги илмий йўналишни чукур ўрганиб, бу забардаст сиймаларнинг асарларини Европа илм хазинасига олиб кирди. Буюк рус демократи Герцен: "Қадимги дунё ҳаробалари остида кўмилиб ётган Аристотелни бу араб (яъни Ибн Рӯшд — И.Ж.) қайта тирилтириб, хурофот ва нодонликка ботган Европага олиб келди", деб ёзган эди.

Ибн Рӯшд Испаниянинг Кордова шаҳрида 1126 йилда туғилиб, шу ерда униб-ўсли, ажойиб ақл-идроки ва ноёб истеъоди билан йирик олим даражасига кўтарилди. У 72 йиллик умри давомида жуда кўп асарлар яратди, Аристотелнинг 18 асарига танқидий ва қиёсий тафсиллар берди, Платон, Птолемей, Гален, Форобий, Ибн Сино, Ибн Божий каби улуғ мутафаккирларнинг асарларига жиддий изоҳлар ёзди. Замондошларининг таърифича, Ибн Рӯшд ниҳоятда камтар, ахлоқий пок ва кечаки

кундуз тинимсиз ишлайдиган заҳматкаш ижодкор бўлган. Айтишларича, у умрида фақат икки марта — никоҳ куни ва отаси вафот этган куни илмий ишини тўхтатган эмиш. У табиий фанлар, фалсафа, хукуқшунослик, филология ва медицинага оид элликдан ошиқ йирик асарларида диний хурофотни ва руҳонийларнинг найрангларини фош қилиб, масҳаралаган. Антик давр файласуфларининг илғор илмий гоялари, мутазилийларнинг муқаддас китобларини масҳаралаш, Форобийнинг охират ва жоннинг абадийлигини инкор қилиш назарияси, Ибн Синонинг оламнинг абадийлиги ва ҳеч ким яратмаганлиги тўғрисидаги ҳурфиксалик руҳидаги илмий гоялари Ибн Рӯшд тълимотининг асосини ташкил қиласди.

Ўзига хос фалсафий тизим яратган бу буюк донишманд худонинг борлигини эътироф қиласди, бироқ худо материяни яратувчи эмас, материя абадий, унинг бошланиши ва охири йўқ ва у ҳеч қачон йўқолмайди, ҳаракат ҳам шундай, деб таълим беради у. Моддий оламга худо ҳам бўйсунади. Шу тълимот асосида у қиёмат, охират, ўликларнинг қайта тирилиши каби диний тасаввурларни мутлақо рад қиласди. Ибн Рӯшд жонни танадан ажратиб бўлмайди, жон абадий эмас, у ҳам тана билан ўлади, фақат инсоният, унинг колектив идроки ва ақли абадий яшайди, деган гояни тасдиқлайди. Унинг фикрича, инсон зоҳидлик ёки жўш-хуруж ҳаёт кечириш йўли билан эмас, балки илмий-фалсафий билимлар орқали камол топади. Ибн Рӯшд асослаб берган "икки томонлама (ёки кўшалоқ) ҳақиқат" тълимоти фан билан диннинг орасини очиқ қилди ва илмий тафаккурни диний кишанлардан халос этиш имконини яратиб берди.

Ибн Рӯшд дунёқарашидаги атеистик руҳдаги тизим барча Фарбий Европа мамлакатларида "аверроизм" номи билан кенг тарқалган. XII асрнинг биринчи ярмида ал-Хоразмий, Форобий, Беруний, Ибн Сино сингари Шарқнинг буюк мутафаккирларининг кўп асарлари арабчадан лотинчага таржима қилинганлиги аверроизм таъсирини яна ҳам кучайтирган эди. Ўша даврда мустақил ажралиб чиққан ва ўз ҳукмини ўрната бошлаган католик черкови учун аверроизм тълимоти ниҳоятда хавфли тафаккур эркинлиги намунаси сифатида намоён бўлади. Шунинг

учун ҳам XIII асрда Парижнинг бош епископи Темпъ аверроизм тарғиб қилаётган тезисларни диний анафема (лаънати) деб эълон қилган ва унинг тарафдорларини қувфин қилишга чақирган.

Ўша даврда Париж университетида таълим берувчи Сигер Брабантский ва унинг издоши Вильям Оккам, но-милист Дунс Скотт, йирик олим ва файласуф Рожжер Бэкон аверроизмни ёқлаб, католицизмнинг расмий фалсафаси ва илоҳиётига қарши чиққанлар. Католик черковининг энг йирик мафкурачилари Ансельм Кентерберийский, Абеляр, Альберт Буюк ва унинг истеъдодли шогирди, илоҳиётчи файласуф Фома Аквинскийлар бўлса аверроизмга қарама-қарши ҳолда Аристотель таълимотига мослашишга интилганлар. Бироқ диний дунёқарашни назарий жиҳатдан асослаб беришга интилган схоластлар орасида ҳам черковнинг қаттиқ қувфин қилишига қарамай Ибн Рӯшд тарафдорлари пайдо бўлган.

Албатта, бундай мураккаб шароитда католик динини Аристотелнинг илғор ғоялари таъсиридан сақлаб қолиш ва диний эътиқодни мустаҳкамлаш мақсадида бу буюк антик давр мутафаккири обрўсидан фойдаланиш зарурияти пайдо бўлади. Бу мушкул вазифани ўрта аср схоластикасининг йирик вакили, католик черкови ва феодал тузумининг танилган мафкурачиси, авлиё даражасига кўтарилган Фома Аквинский ўз зиммасига олган эди. Унинг яхлит фалсафий тизими диний эътиқод билан ақлни уйғуллашибиришга қаратилган бўлиб, ақл худонинг борлигини рационал исботлаш ва диний ҳақиқатларга қарши эътиrozларни рад этишга қаратилган деган таълимотни илгари суради. Фома Аквинский аверроизмга қарши чиқиб, ақл ҳақиқати билан илоҳий ҳақиқат зид эмас, балки бир-бирини қўллаб-қувватлаб тўлдириши зарур, деб таъкидлайди. У илмий ҳақиқатнинг илоҳий ҳақиқатдан чекиниши туфайли билимда хатолар рўй беради, дейди. Шу ғоя асосида "фалсафа — илоҳиётнинг хизматкори" деган фикрни илгари суради. Черков олди-даги улкан хизматлари учун Фома Аквинский ўрта асрлардаёқ "черковнинг устози", "фаришта", "фаришта доктор" ва "фалсафа князи" деб ном қозонган. Бу "авлиё" "Исо пайғамбар эътиқоди" ва "худо шуҳрати" йўлида бар-

ча еретикларни, яъни диний хурофотга қарши эркин тафаккур эгалари бўлган донишманд, илғор кишиларни бераҳм қириб ташлашга чақирган. Католик черковига дастак бўлган мазкур реакцион таълимом Ватикан томонидан "католицизмнинг ягона ҳақиқий фалсафаси" деб танилган.

Ўша даврдан бошлаб, айниқса, даҳшатли инквизиция суди ташкил қилинганидан кейин руҳонийлар еретик ҳаракатларнинг барчасини шайтон, ёвуз арвоҳлар ва иблисларнинг иши деб айблаб, душманларини қувфин қилгандар ва кўплаб қира бошлаганлар. Албатта, оммавий халқ ҳаракатлари, еретиклик, илмий тафаккурнинг ривожи феодал тузум пойдеворларини ва унинг мафкуравий таянчи — динни қақшатиб заифлаштириб қўйган. Шафқатсиз қувфинлар, минглаб кишиларни гулханда куйдириш ва бошқа жиноятлар инқирозга учраётган тузумнинг бир мудофааси эди. Даҳшатли махлуқлар, ваҳимали шайтонлар ҳақидаги гаплар, инсон чидай олмайдиган қаттиқ қийноқлар, руҳий азобларнинг ҳаммаси битта мақсад — ичидан чириб бораётган тузумни мустаҳкамлашга қаратилган эди. Минглаб еретиклар ва "жодугарлар"ни йўқ қилиш натижасида ҳокимият ва черков катта бойлик орттирган. Ўша даврда бир диний арбобнинг ҳазил сўзлари афоризмга айланган эди. У шундай деган: "Жодугарлик жараёни — бу янги алхимия, инсон қонини олtinga айлантириш санъатидир".

Айниқса, 1484 йилда Германияда "Жодугарлар болғаси" номли китоб чиққандан кейин қаттиқ қатафон бошланган. Бу китобда "шайтон билан алоқадор" одамларни жазолаш инструкцияси батафсил кўрсатилган. Католик черкови тарихининг энг шармандали саҳифаларидан бири — 1572 йилги "Варфоламей кечаси" эди. Франция қироличаси Медичи ва католик черковининг бошлиғи Гизамининг ташаббуси билан икки-уч кун ичida 30 минг киши ўлдирилган. Ўша қурбонлар ичida атоқли олим Рамус каби машҳур шахслар ҳам бўлган. XV-XVII асрларда Германия, Австрия, Италия, Швейцария, Испания ва бошқа мамлакатларда жодугарликда айланган минглаб кишиларнинг ёстиғи қуриган. XIII асрдан то XVIII асргacha фақат инквизиция судида жодугарликда айбланиб, жазо-

лаб ўлдирилганларнинг сони (XVIII аср немис ёзувчиси ва юриспруденция профессори Христиан Томазий берган хабарга қараганда) 9 миллион 440 минг кишидан ортиқ бўлган. Тадқиқотчи Росков ҳам 1869 йилда чоп этилган "Иблис тарихи" номли китобида жуда ваҳшиёна қийноқлар ва руҳий азоблар йўли билан 9 миллиондан ошиқ бегуноҳ эркак ва аёллар, гўдак болалар ва ожиз қариялар қатл қилинганлиги тўғрисида ёзган эди.

"Иблиснинг иттифоқдоши" деб айбланган юзлаб ажойиб донишманд олимлар, ҳалқ манфаати учун курашувчи буюк шахслар қувфин қилинган. 1415 йилда черков томонидан буюк реформатор, чех ҳалқининг миллий қаҳрамони Ян Гус хавфли еретик деб, тириклайн ўтга ташланган эди. Жодугарликда ва иблис билан алоқадор деб айбланган француз ҳалқининг ажойиб фарзанди, инглизларга қарши озодлик курашининг қаҳрамони оддий дехқон қизи Жанна д.Арк 1431 йил 30 майда Рауна шаҳридаги майдонда гулханда куйдирилган. 500 йил ўтгандан кейин Ватикан бу жасур қизни авлиёлар рўйхатига киритади ва унга ҳалқ эътиқодини кучайтириш йўли билан черков қўшимча даромад ола бошлаган. XVI асрда Германияда бўлган дехқонлар қўзғолонининг раҳбари Томас Мюнцер ҳам "иблиснинг куроли" деб эълон қилинган.

Ўрта асрларда айрим илоҳиётчиларнинг динни дастак қилиб фан ва маърифат олдида қилган жиноятини тарих ҳеч вақт унутмайди ва кечирмайди. Гулханларда қанча-қанча ажойиб инсонлар, буюк алломалар куйдирилган, асрлар давомида яратилган тафаккур мевалари — ажойиб китоблар кулга айланган. Масалан, Испанияда тулкидек маккор, оч бўридек йиртқич табиатли "буюк инквизитор" Торквемада бўйруғи билан XV аср ўрталарида бир шаҳарда олти минг китоб куйдирилган. Чунки китоб, илм, маърифат католик черковининг энг ашаддий душмани эди. Атоқли дин арбоби Кальвин: "Донишманд жасурлигидан тақводорнинг нодонлиги минг марта афзал", деб таълим берган. Унинг фикрича, ҳокимиятни мустаҳкамлаш учун ҳалқни қашшоқликда сақлаш зарур. Чунки қашшоқлик бор жойда итоатгўйлик бор, акс ҳолда тафаккур эркинлиги пайдо бўлади ва бу ҳол ҳалқни ҳаракатга келтириши мумкин.

Француз маърифатчиларидан К.Гельвеций "Кимки мустақил фикр юритишда дадиллик кўрсатса, кимки руҳонийларнинг ақл-идрокига нисбатан ўз идрокига кўпроқ ишонса ва тенг ҳуқуқликни талаб этса, уни даҳрийлик ёки худосизликда айблаб жазолайдилар", деган эди. Фан тарихидаги энг ёрқин шахслардан бири, буюк ақл-идрок ва истеъодод эгаси, жасур олим Жордано Бруно тақдирни бунга ёрқин мисол бўла олади. У бутун умрини ва ақл-заковатини фанга бағишлаган эди. У илмдан бўш вақтларида сонетлар ва комедиялар ҳам ижод қилган.

Брунонинг бизга етиб келмаган "Нав кемаси" сатира-сидаги бир лавҳа дикқатга сазовор. Кемага ким биринчи чиқади, деган масалада кўп тортишувлар бўлиб, охири эшак енгиб чиққан. Шунда шоир тақводорлар ва ақидапараст руҳонийларга қаратиб заҳарханда билан айтган: "Эй муқаддас аҳмоқлик, муқаддас нодонлик! Эй муҳтарам ақли-пастлик, калтафаҳмлик ва диёнатли художўйлик! Сизлар одамларни шундай саховатли қиласизларки, ўзларининг ақли ва билимидан сизларни афзал кўрадилар!" Хурофий замонасидан дод-фарёд қилган Бруно кейинги "Диалог"-ида "Агар диний эътиқод бўлмаганда нодонлик ҳам бўлмасди", деб ёзган эди. Албатта, бундай эркин фикрлар нодонликнинг пойдевори ҳисобланган католицизмга ёқмасди. Черков руҳоний (поп) унвонига эга бўлган Брунони ере-тик деб айблаб, қаттиқ қувғин қилади. Унга 130 та айб билан ҳукм чиқардилар. У ватандан қочишга мажбур бўла-ди. Брунонинг жўшқин қалби тинч, осойишта яшаш учун эмас, ўзининг юксак ғоялари ва илмдаги орзу-умидлари йўлида муросасиз кураш учун, фанга бегараз фидокорона хизмат қилиш учун яратилган эди.

Унинг қудратли ақли, теран тафаккури, дадил илмий кашифиётлари, оташин нутқлари ҳукмрон диний мафкура учун катта хавф туғдирган. Шу туфайли у хурофот қурбо-ни бўлди. Бруно хоин ватандошининг гапига кириб, Венецияга қайтиб келади ва дарров қамоқقا олинади. Сак-киз йил давомида уни қамоқда ҳар хил даҳшатли қий-ноқлар билан жазолаб, ўз ғояларидан кечишни талаб қилганлар. Ҳақиқатга меҳр қўйган, ниҳоятда мағур ва жасур донишманд Бруно сўроқ вақтида: "Мен тонмайман ва тонишни истамайман. Чунки менинг тонадиган,

қайтадиган ҳеч нимам йўқ", деб жавоб берган. Бу жавоб унинг тақдирини ҳал қилган эди. Инквизициянинг ҳукми билан Жордано Бруно 1600 йил 17 февралда Римнинг Гуллар майдонида куйдирилди. Фалакнинг гардиши билан юз йилдан кейин ўша Гуллар майдонида, худди гулхан ёнган жойда турли мамлакатлардан келган минглаб кишилар иштирокида бошқа бир катта тантана рёй беради: ўтмишнинг буюк мутафаккири Брунога ҳайкал тиклаш маросими ўтказилади. Шу муносабат билан унинг пайғамбарона айтган сўзлари қулоқда жаранглайди: "Ўлим мутафаккирни бир аср ичидаги келажак замонларда абадий яшайдиган қилиб қўяди".

Даҳшатли инквизиция ҳукми билан гулхан оловида буюк испан донишманди, медик Сервет, италиялик ажойиб мутафаккир, католицизмнинг ашаддий душмани Жордано Брунонинг издоши Ванини ва бошқа юзлаб мутафаккирлар куйдирилган ва қатл қилинган. Бошқа жаҳон динлари, жумладан Ислом дини ҳам бундай даҳшатли қотилликларга ўз ҳиссасини қўшган. Масалан, Навоийнинг ажойиб замондошлари — истеъоддли шоирлар Камолиддин Биноий ва Бадриддин Хилолий қатл этилган, диний ақидалар ва руҳонийларни аёвсиз фош қилган улуғ олим ва шоир Машраб худосиз деб Балҳда дорга осилган.

Шуниси қизиқки, атом сирлари эгалланган, космос забт қилинаётган, фан-техника тарақкий этаётган мамлакатларда иблис, шайтон, ёвуз руҳларга ишонадиган кишилар, жодугарлик қиласиган ва шу асосда судга тортилган шахслар ҳам кўп учрайди. АҚШдаги жамоатчилик фикрини ўрганувчи Гэлап институтининг 1971 йилда Европа мамлакатларида ўтказган тадқиқотларига қаранганд, иблисга ишонадиганлар сўроқ қилингандарнинг Францияда — 17 фоизини, Англия ва Швейцарияда — 21 фоизини, Австрияда — 23 фоизини, ГФРда — 25 фоизини, Голландияда — 29 фоизини, Норвегияда — 38 фоизини, Юнонистонда 67 фоизини ташкил қиласиган. Инквизиция суди асосида "жодугарлик"да айбланиб, энг охирги марта 200 йил муқаддам Нюренбергда бир "гуноҳкор" гулханда куйдирилган эди.

Ўша замонларда асосан илғор фикрли, динга шак келтирган кишилар жазога тортилган. Ҳозирги вақтда эса,

аксарият Farb мамлакатларида жодугарлик билан шуғулланиб, одамларни алдаб бойлик ортираётган товла-мачилар жуда кўп. Бундай шахслар баъзан суд жавобгарлигига тортилади. Масалан, Германияда файритабиий кучлар билан алоқада, яъни жодугарликда айбланган кишилар устидан ҳар йили 70 га яқин суд процесси ўтказилади. У ерда "шайтонларни ҳайдаш"ни касб қилган 10 мингдан ортиқ эркак ва аёл замонавий жодугарлик билан шуғулланади. Католик черкови эса расмий равишда "Фаришталар ҳам, иблисларнинг борлиги ҳам чинакам ҳақиқат" деб эълон қилган. Бу фикр, худди ўрта асрлардаги сингари, 1972 йил 15 ноябрда ва 1975 йил 26 июнда чиқарилган маҳсус ҳужжатларда тасдиқланган, уларда иблис реал одам шаклидаги маҳлук, деб таърифланган.

Маънавий қашшоқлик ва руҳий инқизорзни бошидан кечираётган айрим мамлакатларда, юқорида айтилганидек, янги худо изловчилар ва тузувчилар, даврга мос дин ижодкорлари ва янги пайғамбарлар ҳам онда-сонда пайдо бўлмоқда. Илмий-техника инқилоби таъсирида ҳатто ўрта асрлардаги сингари фан ва динни яқинлаштиришга интилаётган шахслар ҳам учрайди. Бундан юз йил муқаддам пайдо бўлган "Христиан фани" номли диний йўналишнинг ана шундай таълимотни тарғиб қилувчи ҳозирги тарафдорлари, Американинг "Тафаккур асли" журналининг ёзишича, 400 мингдан зиёддир. Булар жуда актив фаолият кўрсатадилар, аслида эса бутун жаҳонда мазкур таълимотнинг муҳлислари бир неча миллионга етади. АҚШда ҳар хил руҳий "шифокорлар" сони, айниқса, кейинги йилларда кўпайиб, баъзилари ўзларини пайғамбар даражасига кўтаргандар. Бундай ҳодисаларнинг яна бир сабаби, жаҳоннинг энг тараққий қилган мамлакатида яшовчи ҳар ўн иккинчи одам, муайян вақтларда психиатрия (жиннилар) касалхонасига тушади. Ўзини "осмондан юборилган" деб эълон қилган америкалик 68 ёшли фирибгар Рон Хаббард асаб касалликларидан кутулишга ёрдам берадиган янги черков (дин)ни кашф этиб, Кейптаун ва Нью-Йоркда, Мельбурн ва Мюнхенда диний марказ очган. Фақат ГФРда бу черковнинг кассасига 100 миллион марка даромад тушган. Умуман жаҳон бўйича беш миллионга яқин киши унинг гирдобига тортилган.

Охириг пайтларда бу жамоа "Илмшунослик мазҳаби" номи билан машҳур. Хаббарднинг бир йилги шахсий даромади ўн миллион доллар.

Айрим мамлакатларда ҳозир ҳам дин ниқобидаги ақидапарастлар ўзларининг ёвуз ниятларига эришишга интилмоқдалар. Ундаги ички зиддиятлар, беадаблик ва ярамасликлар "янги" диний мазҳаблар орқали ҳам намоён бўлмоқда. Бунга жаҳон жамоатчилигини ларзага солган Гайанадаги фожиа ёрқин далил бўла олади. 1963 йили АҚШда "Халқ ибодатхонаси" номли диний мазҳаб юзага келган. Унга ўзини "воиз ва пайғамбар" деб эълон қилган Жим Жонс деган киши бошлиқ. Етмишинчи йилларда янги диний мазҳаб тарафдорларининг сони 20 мингга етган. Улар ўз "пайғамбари"га қатъиян бўйсунганлар. Бу янги масиҳ издошларидан 1200 киши билан Лотин Америкасидаги кичкина давлат Гайанага келиб, жунгли тўқайзорларида ўз номи билан Жонстоун қишлоғига асос солади.

У ўзи тузган диндорлар жамоасини намунали христианлик принципидаги муҳаббат, тенглик ва биродарликка асосланган соғ табиат манзарасида ишлаб яшайдиган қишлоқ барпо этишни мақсад қилиб қўйган. Жонсни АҚШнинг собиқ вице-президенти Ж.Мондейл, Калифорния губернатори Ж.Браун ва бошқа йирик арбоблар қўллаб-куватлаган. Қисқа муддат ичida концлагерь тартибини ўрнатиб, катта даромад олаётган "масиҳ пайғамбар"нинг Farbий Европа, Лотин Америкаси ва АҚШ банкларидаги бойлиги 10 миллиард доллардан ошиб кетган. У АҚШнинг ўзидан жамоа аъзолари учун ҳар йили 65 минг доллар олиб турган. Чет эл матбуотининг берган хабарига қараганда, "Халқ ибодатхонаси" мазҳаби бошлифининг фақат Панама банкларидаги ҳисоб рақамида 15 миллион доллар сақланган. Шундай катта бойликка эга бўлган Жонс ўз жамоа аъзоларини қаттиқ зулм ва қашшоқликда сақлаган. У ҳар кунги ваъзида одамларни атом уруши келтирадиган "қисмат" билан қўрқитиб, нариги дунёга тайёрланиш зарурлигини тарғиб қилган. Бу ўтакетган фирибгар ўзининг фош қилинишини сезгач, 1978 йилнинг 18 ноябринда садоқатли мазҳабчилардан тузилган "шахсий соқчилари" ва "ўлим эскадрони" ёрдами-

да бутун жамоа аъзоларини қиёмат бошланди деб, оммавий ўлimgа ҳукм қилиб, заҳарлаб ўлдиради, ўзини ҳам қатл қиласилар. Оқибатда АҚШ гражданлари ҳисобланган "янги пайғамбар"нинг жамоа аъзоларидан 900 киши, шу жумладан 180 бола-чақанинг ёстиғи куриган. Гайана пойтахтига қочиб кетган 72 кишидан жунгли тўқайзорларига яширган 37 киши тирик қолган, холос. Қолганларнинг тақдирни номаълум. Тирик қолганларнинг гувоҳлигига қараганда, бундай ваҳшиёна оммавий ўз-ўзини ўлдириш, бўйсунмаганларни эса лимонадга ўхашаш ичимлик — ционистий калий қўшилган суюқлик ичириб, азоб билан ўлдирилишини таърифлаш қийин.

Бунга ўхашаш мазҳабларни Farbda ҳозир ҳам кўп учратиш мумкин. Масалан, чет эл матбуоти хабар беришича, фақат АҚШда бир неча миллион издошларга эга бўлган уч мингга яқин диний мазҳаблар мавжуд. Шуниси хавфли, мазҳабчиларнинг ярмиси ёшлардан. Мазҳабларнинг хизматидан йирик арбоблар, концерн ва фирмалар кенг фойдаланади. Шунинг учун уларни ҳокимият ташкилотлари йўқотишга ожизлик қиласи. Айниқса, АҚШда ташкил топган ва бошқа мамлакатларга тарқаган ўн мингдан ортиқ ёш издошларга эга бўлган "Худо фарзандлари" номли диний мазҳаб ўспириналарни маънавий-ахлоқий жиҳатдан бузиб, пароканда қилувчи жуда хавфли ташкилот жаҳон жамоатчилигини газабга келтирмоқда. Масалан, Австрияда ушбу мазҳабдагилар жуда кўп ёш ўспириналарни "Тўла эркинликка эга мазҳаб коммуна"сига жалб қилиб жамоат нафратини уйғотдилар. "Янги дин" тарғиботчилари мураккаб индустрисал жамият яратган ижтимоий адолатсизлик натижасида пайдо бўлган норозиликлардан ташқари, мактаб ва ўқувчилар, ота-она ва болалар орасида юз берадиган зиддиятлардан ҳам моҳирлик билан фойдаланиб, ёшларни ўз тўрларига енгил илинтироқдалар.

Замонавий мазҳаблар ва "пайғамбар"лар фаолиятининг кучайиши, юқорида қайд қилинганидек, айрим мамлакатлардаги маънавий ҳаёт инқизозга учрашининг ёрқин далилидир. Кўп ўлкаларда мазкур жараён натижасида ижтимоий қарама-қаршиликларнинг кескинлашуви — кенг омма орасида ҳаётдан қаноатланмаслик, норози-

лик, келажакдан, яъни эртанги кундан кўрқиш ва умидсизлик, теварак-атрофдаги воқелик олдида ожизлик туйғуларини юзага келтиради. Ўзларининг оғир аҳволини яхшилашнинг реал йўлларини топа олмасдан руҳий тушкунликка учраган баъзи одамлар таскин берувчи восита сифатида хурофий таълимотларга мурожаат қилишга мажбур бўладилар.

Айниқса, собиқ Совет Иттилоғи емирилиб, мустақил республикалар пайдо бўлгач, эски жамиятнинг ўрнига янги бир тузум барпо қилишга киришган ўлкалар бозор иқтисоди гирдобига тортилиб, ҳалигача аниқ мақсадга эга бўлмай, оғир ўтиш даврини бошдан кечирмоқдалар. 80-йилларнинг ўрталаридан бошлаб "қайта қуриш" деб аталган утопик ғоялар туфайли қисқа муддат ичидаги бутун бир иморат пойдевори билан емирилиб, ҳалигача кўплаб ўлкаларда лойиҳаси йўқ иморатни қуришга уринмоқдалар, ҳалқ оммаси эса умидсизлик, руҳий тушкунлик, маънавий қашшоқлик каби ҳис-туйғуларни бошидан кечирмоқда.

Мустақил Ўзбекистонда келажаги буюк давлатни бунёд қилишга қаратилган сиёsat амалга оширилмоқда. Илмий-техника тараққиёти киши ҳаётини енгиллаштириб, унинг янада ривожланишини, ҳар томонлама камол топишини таъмин этишга, барча ижтимоий табақалар орасида илмий дунёқарашни шакллантиришга хизмат қиласиди. Оқибатда энг илфор, гуманистик ғоялар, умуминсоний қадриятлар, юксак ахлоқ нормалари кенг омманинг хурофий тасаввурлардан озод бўлган қалбига сингиб, зўр бунёдкор моддий қудратга айланиши шубҳасиз.

Албатта, Ўзбекистон шароитида ҳар бир фуқаро ҳаётдаги ўрни, мавқеини ўз жамияти, ватани, теварак-атрофдаги муҳит олдидаги бурчи, масъулиятини ички ҳис-туйғулари ва виждони орқали чуқур тушуниб олса, бу мамлакатимиз ижтимоий тараққиётининг жуда зўр омили бўлиб хизмат қиласиди.

## ДИН ВА ЗАМОНАВИЙЛИК

Тарихда янги ва энг янги давр деб аталган Фарб ренесансидан кейинги асрлар ўзининг бош омили илмий-техника тараққиёти ва унинг социал оқибатлари жиҳатидан барча ўтмиш замонлардан фарқ қиласди. Чунки фан ва илм-маърифатнинг гуркираб ўсиши нафақат бутун жамиятни, балки инсоннинг ўзини, унинг дунёқараши, онги ва табиитини тубдан ўзгартиришига сабаб бўлди.

Хар қандай жамият тарих саҳнасида пайдо бўлиши билан турли таълимотлар ва назариялар, мазҳаб ва йўналишлар пайдо бўла бошлайди. Улар асли ўз идеалларини, орзу-умидларини ва шу асосда яратилган мафкураларини байроқ қилиб, кенг халқ оммасини ўз тарафига тортишга ва шу орқали ўзларининг сиёсий мақсадларига эришиш учун курашиб келган. Бундай курашлар тараққий қилган юксак маданиятли демократик мамлакатларда нисбатан тинч ва осойишталикда намоён бўлса, қолоқ, хурофий тасаввурлар таъсирида нодонликда яшаб келаётган ўлка ва мамлакатларда жиддий тўқнашувлар ва ҳатто қонли урушлар шаклида ўтаётганлигининг гувоҳи бўлмоқдамиз. Афғонистоннинг фожиали аҳволи бунга ёрқин мисол бўла олади.

Деярли чорак кам бир аср давомида собиқ Совет Итифоқи даврида ўрнатилган социалистик тузум ҳам ўзининг кўп жиҳатдан умуминсоний қадриятларга асосланган утопик идеалларини амалга оширишга интилиб, диний ва бошқа файрийлмий ғояларга қарши аёвсиз, баъзан ваҳшиёна курашиб, муайян ютуқларга эришган бўлса-да, давр синовидан ўта олмади. Аммо кенг халқ оммасининг ижтимоий-маданий ва сиёсий онгининг анча ўсишига, айниқса, илгари феодал-патриархал тузум занжирида эзилиб келган

қавм ва халқларнинг ҳозирги замон маданиятига етиб олишига ўз ҳиссасини қўшган собиқ социалистик тузум ҳам, энг ривожланган капиталистик тузум ҳам муайян тарихий ютуқларни қўлга киритищдаги бош омил илм-маърифат ва фан-техника эканлигини ҳеч ким инкор қила олмайди.

Қандай сиёсий ёки гоявий таълимот пайдо бўлмасин, у, албатта, тарих синовидан ўтади ва умуминсоний қадриятларни нақадар тўла ифодалашига қараб ўзининг яшовчанилигини тасдиқлайди. Диний эътиқодларнинг яшовчанлиги ва узоқ тарих синовидан ўтиши ҳам ўз таълимотида умуминсоний қадриятларнинг асосий ва муҳим томонларини мужассамлаштириб, ҳар бир даврда ўз моҳиятини сақлаб, моҳирлик билан замонавийлашиш қобилиятига эга бўлганлиги туфайлидир. Бунга жаҳон динлари, айниқса, буддайлик, христианлик ва ислом ёрқин мисол бўла олади.

Христианлик XI аср ўрталарида иккита катта оқимга — православие ва католицизмга бўлиниб кетгач, ҳар қайсиси ўзининг диний ақидалари, маросимлари ва диний ташкилотларининг тузилишида ўзига хос хусусиятларни юзага келтирган. Аммо иккала оқим ҳам дастлаб Farbий Европада феодализм тараққиётининг муҳим омили бўлиб хизмат қилган. Кейинчалик, янги даврда капиталистик муносабатлар пайдо бўлгач, янги тузумга мослашиб, унинг маънавий маданиятининг таркибий қисмига айланган. Католицизмга кўпроқ ўрта аср ислохиётчи файласуфи Фома Аквинскийнинг диний қарашлари асос қилиб олинган ва у ҳозирги замонга неотомизм таълимоти сифатида мослаштирилган. Католик черкови қатъий марказлашган ягона жаҳон маркази (Ватикан)га эга бўлиб, ҳозиргacha бутун жаҳон сиёсатида муҳим роль йўнаб келмоқда.

Европада капиталистик тузум ўрнатилган давр — XVI асрда католицизмга қарши муҳолифат (оппозиция) тарзида пайдо бўлган протестантизм реформация ҳаракати билан боғлиқ диний эътиқод тарзида шаклланиб, жуда кўп мустақил черковлар ва мазҳабларни ўз ичига қамраб олади. Протестантлар фалсафасига биноан инсон худо билан шахсий алоқада бўлиб, диннинг ўзи дунёвий ақл-идрок билан мушоҳада қилиш объектига айлантирилади. Асризизмининг 60-йилларида католицизм ва протестантизмда

ривожлантирилган янги сиёсий илоҳиёт таълимоти асосий дунёвий масалаларга бефарқ қарамай, христианликни шахсий нажот топиш таълимоти сифатида танқид қилиб чиқсан: "ҳеч ким ўзи ёлғиз нажот топиши мумкин эмас, христиан эзгулиги фақат шахсни эмас, балки жамиятни ҳам эътиборга олиши керак". Сиёсий илоҳиёт тарафдорлари христианликнинг асосий тушунчалари — ҳақиқат, гуноҳ, муҳаббат ва ҳоказони қайта кўриб чиқиш, уларни "сиёсий" талқин қилишни тарғиб этмоқдалар.

Ҳозирги замоннинг ижтимоий онгдаги муҳим жараёнларидан бири секуляризация, яъни жамиятнинг турли соҳалари, ижтимоий гуруҳлар, индивидуал (шахсий) онг, кишилар фаолияти ва хулқ-атвори, ижтимоий муносабатлар ва тартиботларнинг дин таъсиридан халос бўлиш жараёнидир. Бу жараён ўз навбатида жаҳон динларида, айниқса, христианликнинг протестантизм мазҳабида экумен ҳаракатини юзага келтирган эди. "Экумен" атамаси юнонча "коинот, одам яшайдиган олам" маъносини англатади. Мазкур ҳаракат диний инқирознинг, чунончи христиан ўюшмалари ва оқимлари инқирозининг олдини олиб, уларни бирлаштириш тарафдори бўлган оммавий ҳаракат сифатида намоён бўлган. Дастребу Жаҳон Черковлари Кенгаши (ЖЧК) бошқариб турадиган барча христиан ташкилотларини бирлаштиришга қаратилган ҳаракат бўлиб, уни кўпчилик протестант ва православ, арман-тригорян ва бошқа черковлар кўллаб-кувватлаганлар. Ватикан ҳам экумен ҳаракатига кўшилиб, ўзининг II Ватикан Соборида (1962-1963) бу тўғрида махсус қарор қабул қилган. Экумен ҳаракатининг раҳбар ташкилоти 1948 йилда Амстердамда ўtkazilgan Butun Jaҳon Chernovlari assambleyasida "Butun Jaҳon Chernovlari Kengashi" nomi bilan sainangan, uning markazi Женевада жойлашган.

Христиан экуменизми нохристиан диний ташкилотлар ва ўюшмалар (Жаҳон Буддистлар Биродарлиги, Жаҳон Ислом Конгресси ва бошқалар)га ҳам ўз таъсирини ўtkazmoқда. Мазкур ҳаракат мафкураси асосан барқарор характерга эга бўлган ҳолда, Farb мафкураси, илоҳиёти ва диний социологиянинг турли концепцияларига таянади. Кўпгина экумен ташкилотлари фаолияти ҳалқаро кескинликни юмшатиш, тинчлик ва ҳалқаро хавфсизлик

учун курашга ўз ҳиссасини қўшмоқда. Ҳозирги вақтда Жаҳон Черковлар Кенгашига дунёда жуда кўп протестант, православ, қадимий Шарқ черковлари аъзо бўлиб кирган. Шу жумладан собиқ Совет Иттифоқидаги олтига христиан черкови: рус ва грузин православ черковлари, арман черкови, Латвия ва Эстониядаги евангелия-лютеран черкови, Бутунитифоқ евангелия христиан баптистлар кенгashi тўла ҳукуқли аъзо ҳисобланган.

Шуни ҳам алоҳида қайд қилиш лозимки, янги даврда протестант ва бошқа христиан диний йўналишлари ҳар хил ижтимоий-сиёсий позицияларда турган. Масалан, лютеранлар ва кальвинистлар Библияга асосланган муайян ижтимоий тузумни ҳимоя қила оладиган ягона ижтимоий доктрина тузиш мумкин эмас, деб ҳисоблайдилар. Шу билан бирга ижтимоий ҳодисаларни тўғри баҳолашда христиан ахлоқи муҳимлигини эътироф қиласидар.

70–80-йилларда мафкуравий кураш тўлқинида, айниқса, АҚШ протестантлари орасида, консерватив ва фундаменталистик ташкилотларнинг фаолияти бир оз жонланган. Ўша даврда антикоммунизм ва антисоветизм байроғи остида турли ашаддий гуруҳлар бош кўтариб, қуролланиш мусобақасини, охират бошланиши тоғасини, Иоанн ваҳийномасида ривоят қилинган барча подшолар иштирокида бутун жаҳонда сўнгги жанг юз берадиган Армагедон тоғасини ёқлаб чиқсан илоҳиётчилар ҳам пайдо бўлган. Бундай сиёсий илоҳиётчилар АҚШни жаҳонда ҳукмронлик ўрнатиш ва уни "худо танлаган" мамлакат сифатида гегемон бўлиб кўтарилиш тоғасини тарғиб қилган эдилар. Совет Иттифоқининг парчаланиб кетиши ва АҚШнинг энг қудратли рақибдан қутулиши мазкур тушунчаларга барҳам берди.

Ислом пайдо бўлган даврдан то бизнинг замонамизга ча нафақат баязи ўзгаришларни бошидан кечирган, балки у тарқалган мамлакатларда маҳаллий элат ва халқарнинг қадимий эътиқодлари, турмуш тарзи ва анъанавий маданий ҳаётига ҳам мослашган. Ҳозирги исломда иккита йўналиш мавжуд – анъанавий ва модернистик, яъни янгилашиб йўналишлари. Феодализм тузуми қолдиқлари сақланиб келаётган айрим Шарқ мамлакатларида анъанавийлик мустаҳкам илдиз отиб, эскичилек (консерватив) тараф-

дорларига жуда құл келган. Мазкур оқимга ақидапарастлар ва ваҳҳобийлар жүр бўлмоқда. Консерватив руҳонийлар барча янгиликларга ва гайри диндагиларга қарши чиқиб, илк "пок ва жиддий" исломга қайтиш, жаҳондаги фан ва техника ютуқларидан фойдаланмаслик фояларини тарғиб қиласилар. Уларнинг фикрича, гуё жамиятда тараққиётни фақат Куръон ва шариат таъминлаши мумкин. Аммо айрим мамлакатларда, масалан Афғонистонда, ақидапарастлик давлат сиёсати даражасига қўтарилиб, катта фожиаларга сабаб бўлди.

Миллий буржуазия феодализм тартиботларини тугатиш тарафдори сифатида XIX аср бошларида исломни капиталистик муносабатлар даражасига "қўтариш"ни, ислоҳотлар ўтказиши мақсад қилиб қўйган мафкурачиларни юзага келтирган. Улар шариатни Farb ҳуқуқшунослиги билан алмаштиришни, ибодатларни оддийлаштиришни, Farбий Европа мамлакатларидаги фан ва техника ютуқларидан фойдаланишини таклиф қилиб чиққанлар. Бундай тамойил ўтган асрнинг 20-йилларида Шарқда биринчилардан бўлиб капиталистик тараққиёт йўлига ўтган Туркияда амалга оширилган эди.

Модернистлар орасида қайтадан шариатга мурожаат қилиш зарур, деган фояни илгари сурғанлар ҳозирги даврда ҳам мавжуд ~~Аммо~~ улар илгаригидек фан ва динни муросага келтириш, бошқа динлар билан яқинлашиш тарафдори бўлиб чиқмоқдалар. Шу йўл билан модернист илоҳиётчилар исломнинг асл моҳиятини сақлаб қолиб, ўз умрини тугатган майда-чуйда эскиликлардан кечиб, замона талабларига мослашишини ўйладилар. Масалан, ҳозирги Саудия Арабистонида ҳукмрон фоя ҳисобланган ваҳҳобийлик асли XVIII асрда диний-сиёсий оқим сифатида Арабистонда пайдо бўлган эди. Бу таълимот тарафдорлари яккахудоликни қатъий талаб қилиб, "динни тозалаш", исломни илк ҳолига келтириш, арабларни мусулмонларнинг яшил байроғи остида бирлаштириш фояларини кўтариб чиқишиган. Улар яккахудоликни ҳимоя қилиб, ҳар хил "муқаддас жойлар"га, мозор ва авлиёларга сифинишни, зоҳидликни қоралаганлар, оддий кийинишни, камтарона яшашни, айш-ишрат ва бойлик тўплашга берилмасликни тарғиб этганлар. Ваҳҳобийлар ҳозир ҳам Ҳиндистонда,

Африка, Марказий ва Жануби-Шарқий Осиё мамлакатларида кўп учрайди. XIX асрнинг ўрталарида Эронда пайдо бўлган бобийлик ҳаракати ва мазҳаби ҳамда унинг давоми тариқасида юзага келган беҳойлик мазҳаби миллий мустақиллик манфаатига қарама-қарши ўлароқ, бутун инсоният учун ягона дин ва давлатни вужудга келтириш фоясини илгари суради. Беҳойлик ўзини моҳияти жиҳатидан янги замонавий дин деб ҳисоблайди, мусулмон илоҳиётчилари эса уни исломнинг бир қисми деб тан олмайдилар. Беҳойларнинг қўпчилиги Европа ва Америкада, қисман Осиёда тарқалган, уларнинг асосий марказлари Германия, АҚШ, Панамада жойлашган.

Янги даврда асосий аҳолиси мусулмонлардан иборат бўлган қўпчилик давлатларда ислом шиори остидаги сиёсий ҳаракатлар пайдо бўлиб, улар турли назарияларнинг яратилишига сабаб бўлди. Ўтган аср бошларида давлат ҳокимиётининг дунёвий тамойилини ислом қонунчилиги негизида амалга ошириш, замонавий шароитларда ислом жамиятини қарор топтириш ва ислом жамоаси раҳбарлик усулини татбиқ қилиш назариялари кенг тарқалди. Бу назариялар, жамиятнинг анъанавий ислом модели асосида, ҳокимиётнинг олий ҳукмдори — худо, дунёвий ва диний таълимотларнинг бирикуви, худо иродаси, яъни Куръонга амал қилиш орқали адолатли демократик тузум ўрнатишни кўзда тутади. Бу тузум ислом тамойилларига таянган иқтисод ва тартибот, даромадларни қайта тақсимлаш, аҳоли ҳамжиҳатлигини қарор топтириш каби фояларни ўзида мужассамлаштирган ислом давлатини барпо этишни мақсад қилиб кўйган эди. Бундай давлатнинг ҳозирги назарий ва амалий моделини Эрон, Покистон, Ливия, Саудия Арабистони мисолида кўриш мумкин. Янги замон мусулмон илоҳиётчилари Фарбий Европа йўлидан бораётган мамлакатларнинг қўпчилиги диндорларини илк ислом давридаги мусулмонлар жамоасини ҳамда тартибларини тиклашга даъват этиб, жамият ривожининг ягона йўли — хукуқ ва ахлоқ соҳасига шариат талабларини киритишдан иборат деб ҳисоблайдилар. Мазкур жамоа тузуми Афғонистонда очиқ намоён бўлган эди.

Ҳозирги даврда ислом диний ва ижтимоий таълимотини янги замон шароитларига мослаштириш, ислом дини-

нинг сиёсий, хуқуқий, социал муаммоларига тааллуқли ақидаларини янгича талқин этиш, хўжалик ҳаётини тартибга солиш ва мусулмончилик тамойиллари асосида янги тараққиёт йўлларини ишлаб чиқиши каби масалаларни ҳал этишни ўзининг асосий мақсади қилиб қўйган учта оқим — традиционализм, яъни анъанавийлик, фундаментализм ва ислом модернизми кўп мамлакатларда фаол иш олиб бормоқда. Улар кенг маънода ҳозирги ижтимоий ҳаёт ва илмий-техника талабларига ислом таълимотини мослаштиришни ўзининг бош вазифаси деб ҳисоблайдилар. Ислом модернизми тарафдорлари "ғайри ислом" олами билан ҳамкорликда иш олиб бориш, ҳатто ислом ва "ғайри ислом" маданиятларини умуминсоний қадриялар асосида биритиреш гояларини тарғиб қилмоқдалар.

Фарб тадқиқотчилари XX асрнинг 60-йиллар ўрталарида "сиёсий модернизация" ("замонга мослашув") назариясини кашф этган ва бу ҳозирги диншуносликлида "ислом омили" тушунчасининг кенг ишлатилишига туртки бўлган эди. Мазкур назарияга кўра, илгари "ислом омили" мусулмон мамлакатларида жамиятнинг олий табақалари сиёсий фаоллиги ва мафкурасига хос бўлиб, кенг ҳалқ оммаси учун бу омилнинг унчалик аҳамияти йўқ, деб ҳисобланарди. Аслида кўпчилик диндорлар — олий табақаларнинг ўй-фикр ва кўрсатмаларига бўйсунувчи пассив оммадир, деган тушунча асосида туғилган тасаввур кенг тарқалган эди. Мазкур тадқиқотчилар бу хато тушунчаларидан кечиб, исломнинг кучайиб бораётганлигини сезиб, бу масалага оид назарияларни қайта кўриб чиқдилар. Кейинги вақтларда мусулмон мамлакатларида кенг ҳалқ оммаси миллий онгининг ўсиши натижасида "ислом омили" кучайиши билан бирга, энди "Ислом Уйғониши", "Исломлаштириш" каби сиёсий-ижтимоий концепциялар ҳам пайдо бўлди.

80-йилларнинг ўрталаридан бошлаб, энг кам тарқалган клерикал назариялардан бири ҳар хил диний типдаги социализмнинг "миллий идеаллари"ни яратишдан иборат эди. Ўша вақтларда 53 та мустақил мамлакатларнинг (бутун жаҳон ҳудудининг 39 фоизини эгаллаган) хукуматлари ҳар хил моделдаги социализм қураётганликларини расмий баён қилганлар. Бундай "социализм" қура-

ётган мамлакатларнинг айримларида ижтимоий ва шахсий ҳаётнинг барча тармоқларига дин ўз таъсирини ўтказган, ишлаб чиқариш қуроллари ва воситалари хусусий мулк ҳисобланган, мерос, никоҳ, тарбия масалалари диний тартибга бўйсунган. Масалан, миср файласуфи доктор Жалолиддин Мұхаммад Сайд ўзининг "Ислом социализми" номли асарида бу тузумнинг беңта тамойилини қайд қиласди: 1) мулкни чеклаш усули; 2) социалистик ишлаб чиқариш усули; 3) кенг истеъмол маҳсулотларини социалистик тақсимлаш усули; 4) меҳнат қилишга даъват; 5) ҳаддан ташқари бойишга қарши кураш. Бошқа кўп мусулмон мафкурачиларининг асарларида мулкчилик, молия-кредит, меҳнат, ижтимоий адолат, тенглик, демократия каби масалаларда "ислом социализми"ни барча тузумлардан устун қўядилар. Улар исломдаги закот гёй мулкни чеклайди ва бойликини сунестемол қилишга йўл қўймайди, ислом озиқ-овқат, кийим ва бошқа буюмлардан фойдаланишда нобудгарчиликка ҳам йўл қўймайди, деб тасдиқлайдилар.

"Ислом социализми" тарафдорлари, сиёсий ва диний мафкурачилар турли, баъзан мутлақо қарама-қарши назария ва фикрлар билан чиққанлар. "Ислом социализми" байроби остида, бир томонда, мафкуравий жиҳатдан инқиlobий ҳаракат, ижтимоий-иктисодий ўзгаришларга асосланса, иккинчи томонда, уни ўша даврда жиҳдий тус олган антикоммунизм ва антисоветизм тарафдорлари мафкуравий қорол сифатида фойдаланишга интилганлар. Янги ислом шиорларини тарғиб қилаётган Африкадаги мусулмон миссионерлари ўз олдига қуйидаги тўртта вазифани қўйганлар: 1) ибтидоий диний эътиқодларни тугатиш; 2) синкетик африкалаштирилган христианликни сиқиб чиқариш; 3) Исройл ва сионистик ташкилотларнинг таъсирига қарши кураш ва 4) марксизм, илмий атеистик дунёқараш ва атеистик тушунча ва эътиқодларнинг тарқалишига қарши кураш. Булар асосий дастур деб кўрсатилган.

"Ислом социализми" мафкурачилари турли далиллар билан социализм ва исломнинг асосий ғоялари бир деб тасдиқлашга интилганлар. Масалан, миср журналисти Мұхаммад Ўда шундай деб ёзади: "Социалистлар худога энг яқин кишилар: социализм асли исломнинг моҳияти. Капитализм даврида инсон бозорга солинган товардир. Со-

циалист фикрича, киши оч, ялангоч, ишсиз ва қашшоқ, муҳтожлиқдан қутила олмагач, оламни яратган (худо) тўғрисида ўлаш ва фикрлашга ҳамда унга эркин ибодат қилишга имкони бўлмай қолади. Шунинг учун социализм иқтисодий ва маданий тараққиётни биринчи даражали вазифа, деб ҳисоблайди", дейди. Турк мафкурачиси доктор Турхон Гўк-Гўз: "На дин, на миллатчилик социализмга зид эмас. Ишлаб чиқариш қуроллари ва воситалари умумийлаштирилса, бас", деб қайд қилади. Айрим мусулмон руҳонийлари ислом ҳам социализм сингари бошқа кишининг меҳнатидан фойдаланишга қарши, деб тасдиқладилар. Улар шу муносабат билан қуйидаги ҳадисни келтирадилар: "Аллоҳ қул меҳнатидан фойдаланишдан бошқа барча гуноҳлардан кечиши мумкин". Мусулмон ислоҳотчилари XIX асрдаёқ исломни замонавий тараққиёт даражасига "кўтаришни" мақсад қилиб, шарият ва фиқҳи Farb ҳуқуқшунослиги билан алмаштиришни, ибодатни осонлаштириб, Европа мамлакатларидағи фан ва техника ютуқларини дадил жорий қилишни таклиф қилгандар. Ҳозирги модернистлар эса шариатга қайтиш ва лекин айрим эскирган ибодат қоидаларидан воз кечиши гоясини кўтариб чиқмоқдалар. Бу гояларга ҳозирги Марказий Осиё илоҳиётчилари ва руҳонийлари ҳам амал қилмоқдалар.

Ислом мафкурачиларининг кўпчилиги ҳозирги кунда ислом фанга қарши эмас, диний ва илмий қоидалар орасида умумийлик мавжуд, замонавий фан гояларининг кўп қисмини Куръон ва ҳадисларда ёки ислом илоҳиётчилари асарларида учратиш мумкин деб ҳисоблайдилар. Масалан, Куръони каримдаги сайёralарнинг ҳолати таърифи ҳозирги фандаги Қуёш атрофидаги планеталар ҳаракати таърифига тўғри келади. Ёки фанда қабул қилинган эволюцион таълимот асли ислом илоҳиётчилари томонидан IX асрда таърифлаб берилган. Ҳатто буюк қашфиётчи олимлар Бор ва Эйнштейннинг баъзи фикрларидан фойдаланган ислом илоҳиётчилари ўзларининг рационал билимларининг диний эътиқод олдидаги чекланганлиги тўғрисидаги файриилмий гояларини асослашга интилалар. Баъзи руҳонийлар Куръонни илмий билимларининг мажмуаси, адолат ва тенглик гояларининг манбаси, ма-

даният ва маънавиятнинг асоси деган фикрни тарғиб қилмоқдалар. Айрим мусулмон мамлакатларида кенг тарқалган "ислом социализми" назариясига биноан социалистик тамойилларнинг асосий қоидалари гўё дастлабки исломда мавжуд бўлган, Муҳаммад пайғамбар давридаги илк мусулмон жамоасидаёқ социалистик тузум қоидалари амалга оширила бошлаган.

Ислом динининг мағкуравий жиҳатдан йирик маркази ҳисобланган Мисрда 1978 йилда пайдо бўлган "Халқаро матбуот ва ахборот эркинлиги ташкилоти" янги назария ва ғояларни кашф этишда ва тарғиб қилишда, айниқса, актив фаолият кўрсатмоқда. Асли учта мамлакат: Америка — Миср — Саудия Арабистони томонидан ташкил топган клерикал характердаги мазкур умумий мусасасани Саудия Арабистони маблағ билан тъминлаган, унга тегишли ғояларни асосан АҚШ етказиб берган, бевосита тарғибот билан эса Миср шуғулланган эди. Мағкуравий жиҳатдан барча тадбирларнинг катта дастури ишлаб чиқилиб, бу дастурни амалга ошириш учун дастлаб 500 миллион доллар ажратилган.

Саудия Арабистонининг Макка шаҳридаги "Мусулмон биродарлар" ташкилоти ва Жаҳон Ислом уюшмаси, Покистондаги "Ислом тадқиқот институти", Париждаги ислом "Тарғибот маркази", Работ шаҳрида тузилган Ислом Конференцияси Ташкилоти ва шу каби бошқа ҳалқаро мусулмон бирлашмалари ислом оламини ҳар томонлама қўллаб-қувватлаб келган. Индонезия, Туркия ва бошқа ислом дини ҳукмрон бўлган мамлакатлардаги турли мусулмон уюшмалари ва ташкилотлари ҳам бу йўлда фаол ҳаракат қилмоқдалар. Шу муносабат билан Фарбий Европа ташвиқотининг барча штаб ва марказлари ҳозиргacha Шарқдаги ҳамкасларининг мазкур ҳолатларига мос келадиган ғояларни тарғиб қилиб келмоқдалар. Натижада адабиётда яна бир йўналиш пайдо бўлган эди. Миллий-озодлик ҳаракатининг моҳиятини ўзgartириш ва уни сабиқ советларга қарши ўзанга буриб юборишга уринишдан иборат бўлган бу йўналиш адабиётда "мусулмон миллий коммунизми" номини олган. Унинг ғояси А.Бенингсон ва шогирди Э.Уимбунинг 1979 йили Чикагода нашр этилган

"Совет Иттифоқида мусулмон миллий социализми" асарида очиқ баён қилинган.

Фарб миллатчилиги ишлаб чиқариш воситаларига хусусий мулкчиликнинг сақланиб қолишини, социал тенгизликтининг янада чуқурлашувини, миллатлар тенг ҳукуқлигини сўздагина тан олиб, амалда шовинизмни авж олдириш ва noctorroq миллатларни камситишни назарда тутади, ўз ҳукмронлигини мустаҳкамлаш учун у шахсий, миллий бидъатни, миллий шухратпарастлик, миллий манманлик хислатларини кенг оммага ўтказишни мақсад қилиб қўяди. Асли Фарб миллатчилиги қарам мамлакатларда ўз ҳукмронлигини мустаҳкамлаш ва абадийлаштириш ҳамда мустамлакачилик сиёсатини такомиллаштиришга қаратилгандир.

Айрим мусулмон мамлакатларида 70-йилларда тарқалган "Миллий социализм" концепцияси ҳам янги замон ҳукмрон табақаларининг мафкураси бўлиб, маҳаллий миллатчиликнинг турли кўринишдаги аралашмасидан иборатdir. У қандай қиёфада бўлмасин, миллатчилик тартибларини мустаҳкамлашга хизмат қиласди. Чунончи, "Африка социализми", "Араб социализми", "Ислом социализми"ни амалга оширишга дастлабки уринишлар музайян мамлакатдаги йирик мулкдорнинг, банкир ва саводогарларнинг равнақ топишига ёрдам бериш билан бирга, элат ва миллатлар, синф ва табақалар, турли партия ва уюшмалар, ватанпарвар юртдошлар ҳамда хорижийлар орасида низо ва курашлар юзага келишига сабаб бўлмоқда. Совет Иттифоқи парчаланиб кетгандан кейин, социалистик ғоялар ҳам аста-секин обрўсизланиб, инқизотга учрай бошлади.

Жаҳонда диний рақобат кун сайин кучайиб, ҳар бир дин кенг халқ оммасини ўз ғоясига тортишга ҳаракат қилмоқда. Ислом таъсирини кучайтириш ва секуляризация жараёнини сусайтириш мақсадида ривожланган мусулмон давлатлари ҳатто иқтисодий жиҳатдан ҳам ўз таъсирини ўтказишга интиладилар. Масалан, 1980 йили Араб Мамлакатлари Лигаси Осиё ва Африка мамлакатларининг 40 тасига молиявий ёрдам кўрсатиб, шу орқали ислом дини ва унинг анъаналарини экспорт ҳам қилгандар. Яқин ва Ўрта Шарқ мусулмон мамлакатларидан Африка қитъ-

асига келаётган капитал улар миллий даромадларининг  
50-60 фоизини ташкил қиласди.

ХХ асрнинг 60-йиллари охирида юзага келган Ислом Конференцияси Ташкилоти (ИКТ) 1980 йилда мустамлакачиликдан озод бўлган 42 мамлакат (21 араб, 14 африка ва 7 та Осиё мамлакатлари)ни бириктирган. Унинг маркази Саудия Арабистони (Жидда)да жойлашган. Бу ташкилотнинг аъзолигига 1986 йили энг катта Африка мамлакати Нигерия кирган. Ислом Конференцияси Ташкилотини 1975 йили БМТ тан олган, Нью-Йоркда марказий қароргоҳи очилган. ИКТ бошқа ислом ташкилотлари — Умумжаҳон Ислом Конгресси, Ислом Олами Лигаси, Африка Бирлиги Ташкилоти ва ҳоказолар билан ҳамкорликда иш олиб боради. Ҳозиргacha фаол иш кўрсатा�ётган ашаддий жаҳолатпаст "Мусулмон биродарлар" ташкилоти 1928 йилда Мисрда ташкил топган эди. Бирлашманинг шиори: "Худо — бизнинг идеал, пайғамбар — бизнинг доҳий, Куръон бизнинг конституция, жиҳод бизнинг восита, дин ва худо йўлида қурбон бўлиш — бизнинг эзгу ниятимиз". Афсуски, бундай тажовузкор ташкилотлар Жазоир ва Мисрда, Яқин ва Ўрта Шарқ мамлакатларининг кўпчилигига очиқ фаолият юритмоқда. Уни Саудия Арабистони, Қувайт каби бой мамлакатлар моддий томондан қўллаб-қувватламоқдалар. Мазкур шиорни ҳозирги афғон толибонлари ва ўлкамизга тажовуз қилган ислом жангарилари ҳам ўзига байроқ қилиб олганлиги ҳаммага аён. Ҳозирги пайтда АҚШда яшаётган беш миллион мусулмон, Европа мамлакатларидағи, Япония ва Австралиядаги мусулмон жамоалари бундай ҳаракатларга тубдан қаршидир. Улар жаҳон терроризмiga қарши курашда якдиллик намоён қилмоқдалар. Айниқса бу кураш 2001 йил 11 сентябрда АҚШ да рўй берган фожиали воқеадан кейин авж олди.

Албатта, диндорлик масаласи энг мураккаб ижтимоий ҳодисалардан биридир. Бу тушунчага диний дунёқараш ва диний ҳиссиёт, урф-одат ва маросимлар, диний фаолият ва бошқа нозик масалалар киради. Диндорлини тўлиқ аниқлаш ҳам осон эмас. Айниқса, диний статистика кўп мамлакатларда бўлмаганлигидан, аҳоли диндорлигини фақат социологик тадқиқотлар орқали тахминий

аниқлаш мумкин, холос. Айрим мамлакатларда диний статистика мавжуд бўлса-да, у ёки бу диндорларнинг сони чинакам ҳақиқатни акс эттиrmайди. Чунки баъзи аҳоли рўйхатига айрим кишилар у ёки бу динга алоқадор, деб кўрсатиб, асли диндан қайтганлигини ёки даҳрийлигини асло билдиrmайди. Атеистлар рўйхатига эса фақат диннинг ашаддий душманлари, яъни фаол даҳрийлар кири-тилади, бефарқ қаровчилар ёки иккиланувчилар одатда диндорлар, деб кўрсатилади.

Кенг оммага доимо жумбоқ бўлиб туолган табиатни ва ижтимоий ҳодисаларни тушунишда илмий билимлар қурратли воситадир. Бундан уч аср муқаддам атоқли инглиз файласуфи Фрэнсис Бэконнинг дастлаб Шарқ Ренессанси мутафаккирлари қайд қилган "куч-кувват — билимда" деб айтган ибораси шу кунгача кенг тарқалган қанотли афоризмлардан ҳисобланади. Инсон фаолиятининг тарихи илмий билимларнинг нақадар зўр қурратга эга эканлигини кўп марта намойиш қилиб келган. Киши билимсиз бўлса, атрофидаги ўраб олган мұхитнинг сирли кучлари олдида бўйин эгади. Кишининг ишончи чукур билим асосида, яъни бир нарса ёки ҳодисанинг ҳақиқийлигини ва унинг моҳиятини аниқлаб, тушуниб олиш мақсадида пайдо бўлса, ижтимоий муносабатлар ривожланади ва инсонни яхши ниятлар ва зўр режалар сари олдинга чорлайди.

Республикамиз фуқароларининг эркинликларини, уларнинг онгига демократик қадриятларни ва миллий мағкуруни мустаҳкамлаш ва ривожлантириш ҳозирги пайтда энг долзарб вазифалардан бири. Юртбошимиз кўрсатганидек, "ўз ҳақ-хуқуқини танийдиган, ўз кучи ва қобилиятига таяниб яшайдиган, атрофига рўй берадиган воқеа-ҳодисаларга мустақил муносабатда бўладиган, шу билан бирга, ўз шахсий манфаатларини мамлакат ва халқ манфаатлари билан уйғун ҳолда кўрадиган эркин шахси шакллантириш учун барча шарт-шароитларни яратиш даркор."<sup>1</sup> Ҳуқуқий давлат тузиш моҳиятини чукур англамагунча, унинг қонун-қоидаларини ҳурмат қилма-гунча тараққиёт бўлиши амримаҳол.

<sup>1</sup> Ислом Каримов. Озод ва обод ватан, эркин ва фаровон ҳаёт — пи-ровард мақсадимиз. Т., «Ўзбекистон», 2000, 9-бет.

Ўтмишда ва ҳозир ҳам маънавий маданиятилизнинг таркибий қисми ҳисобланган динимизнинг хулқ-аворимизни, анъанавий турмуш тарзимизни мустаҳкамлашдаги хизматини асло унутмаслигимиз даркор. "Биз ислом дини ота-боболаримиз дини эканини, у биз учун ҳам иймон, ҳам диёнат, ҳам маърифат эканини доимо юксак қадрлаймиз. Ҳалқимизнинг минг йиллик тарихини, бугунги маънавий ҳаётини, дину диёнатимизни мухтасар ғифодалаб айтиш мумкинки, Аллоҳ бизнинг қалбимизда, юрагимизда. Динга ҳурмат ва эътиқод — биз учун ўлмас қадриятдир"<sup>1</sup> — деган эди Ислом Каримов. Аммо катта сиёsat, давлат ишларида, замонавий ҳалқаро муносабатларни самарали бошқаришда умуминсоний дунёвий қонун-қоидаларга риоя қилиш давр талабидир. Шунинг учун Конституциямизнинг 31-моддасида: "Ҳар бир инсон хоҳлаган динига эътиқод қилиш ёки ҳеч қайси динга эътиқод қиласлик ҳуқуқига эга", деб ёзилгани жуда ўринлидир. Афсуски кейинги вақтларда деярли барча ривожланган мамлакатлар амал қилаётган "Виждон эркинлиги" қонунини ғифодаловчи мазкур моддага зид ҳолда баъзан бир томонлама хатти-ҳаракатлар намоён бўлмоқда. Бундай ҳолат маънавий бойлигимизнинг муҳим соҳаси — ислом дини номидан ўз ёвуз ниятларини амалга оширишга интилаётган айрим шахсларга жуда қўл келмоқда. Ўрни келганда шуни айтиш керакки, ҳатто ўрта асрларда Шарқ Ренессанси, яъни Уйгониш даврида ҳам "икки хил ҳақиқат" назарияси кашф этилиб, дин ўзича ҳақ, фан ва сиёsat ўзича ҳақ эканлигини буюк мутафаккирлар исботлаб берган ва унга ўша даврдаги давлат ва дин арбоблари амал қилганлиги юқорида қайд этилди.

Бизда қайта қабул қилинган "Виждон эркинлиги ва диний ташкилотлар тўғрисида"ги қонун ҳаммага — ҳукумат идоралари, диний ташкилотлар ва барча фуқароларга тааллуқли. Унга ҳаммамиз ҳурмат-эҳтиром билан амал қилишимиз зарур. Чунки тарих синовидан ўтган виждон эркинлиги қонунига тўла риоя қилиш кенг омма билан давлат ўртасидаги ўзаро муносабатларнинг яққол намоён

<sup>1</sup> Ўша асар, 21-бет.

бўлишига хизмат қилади. Бунга ўлкамизда сўнгги йилларда динга ва диндорларга нечоғлик катта эътибор берилаётганлиги ёрқин дадил бўла олади.

Конституциянинг 18-моддасида жуда ҳам ўринли тарьиғланганидек, бизда "барча фуқаролар бир хил ҳуқуқ ва эркинликларга эга бўлиб, жинси, ирқи, дини, ижтимоий келиб чиқиши, эътиқоди, шахси ва ижтимоий мавқеидан қатъи назар, қонун олдида тенгдирлар". Унда ҳар ким фикр, сўз, эътиқод эркинлиги ҳуқуқига эга ва бу эркинлик Конституция ва қонунлар билан ҳимоя қилинади, деб аниқ қўрсатилган (13 ва 28-моддалар.)

Хурофот ва нодонлик доимо ҳалқ оммаси бошига оғир фожиа ва мусибатлар келтирган. Қасоскорлик инсон табиатига зид ҳолда доимо фожиага сабаб бўлганлиги тарих тажрибасидан маълум. Шунинг учун нафақат ҳукумат идоралари ва матбуот ҳодимлари, барча илғор зиёлилар аҳли дин ва диндорлар орасида виждан эркинлиги қонуни тўғри ва ҳақ, унинг Конституция моддасига киритилиши табиий эканлигини тушунтириб тарғиб қилишлари лозим.

Илм-маърифат ҳалқнинг, айниқса, ёшларнинг маданий савияси, унинг саводлилиги ва билимдонлиги билангина эмас, балки умуминсоний қадриятлар ва ижтимоий тараққиёт билан бевосита боғлиқ. Шунинг учун ҳам Туркистон ўлкасининг асримиз бошларида инқилобий кураш тўлқинларида пайдо бўлган ажойиб фарзандлари — жадидлар ўзларининг ватанпарварлик бурчларини вақтли матбуот орқали илм-маърифатни тарғиб қилишга, мактаб, маориф ва маданият ишларида жиддий ислоҳотлар ўтказишга киришганлар.

Ҳур Ўзбекистонимизнинг чинакам порлоқ келажагини ўиласак, Асосий Қонун (Конституция)га таяниб, ҳалқимизнинг маданий ва маънавий ҳаётига, давримизнинг қудратли кучига айланган фан ва техника тараққиётига, маърифатнинг барча соҳаларига катта эътибор беришимиш, уни моддий жиҳатдан янада қўллаб-қувватлашимиз зарур. Чунки замондошимизнинг ҳаёт-мамоти ва турмуш тарзи ҳам, равнақи ва келажаги ҳам, даставвал, илм-фан ва маърифат билан узвий боғлиқ. Заҳматкаш ҳалқимизнинг умуминсоний қадриятларга ва илмий билимларга

асосланган эътиқодини мустаҳкамлаш, унинг орзу-умидларини рўёбга чиқаришга ишонч ҳосил қилиш ҳозирги куннинг энг долзарб вазифасидир.

Мустақилликка эришган дастлабки йиллардаги ва ўтиш даврига хос қийинчиликлар орқада қолмоқда. Ҳозир республикамиз катта қурилиш майдонига айланган. Қай томонга қараманг, ҳамма ерда фаол бунёдкорликнинг гувоҳи бўласиз. Атоқли адабимиз Одил Ёқубовнинг "Ўзбекистон овози" газетасида чоп этилган "Келажак йўли" номли ҳаяжонли мақолосида келтирилган доно ўй-фикрлар кишига оптимистик руҳ бағишлайди. "Инсон ҳёти шундай эканки, у вақт қандай ўтганини сезмай қоларкан, — деб ёзади адаб. — Бугун ўйлаб қарасам, ўлкамиз осмонида миллий байроғимиз ҳилпиллаб, юртимиз истиқололига ҳам — ўн йил бўлибди... Назаримда, мустақилликка эришганимиздан кейинги ўтган давр буюк бунёдкорлик йиллари бўлди. Бундан ўн йил муқаддам асос солинган кўркам боғимизнинг илк ниҳоллари гулга кирди, яна бир-икки йилдан кейин бу гулга кирган ниҳоллар мева бера бошлади". Муаллиф ўз фикрини тасдиқлаб, Асака автозаводи, Бухородаги нефтни қайта ишлаш корхонаси, Тўйтепада қад кўтарган газмол фабрикаси, Қашқадарёдаги "Шўртангаз" комбинати каби "ниҳолларнинг" бир-икки йилда мева бера бошлаганини мисол қилиб кўрсатади. Унинг таърифича, "албатта, дарё тошганда унинг юзига хас-хашак ҳам чиқади. Булар — ўткинчи. Ва бизнинг келажагимиз кўп тўфонларни енгиб ўтиб, бепоён денгизга чиқиб олди. Денгиз — беқиёс, лекин манзил аниқ. Йўл — ойдин... Мен ич-ичимдан шукрлар айта-айта Аллоҳдан сўрадим: "Илоё, кемамизнинг йўли бехатар, Дарагамизнинг қўли баланд, иродаси мустаҳкам бўлсин!" Севимили адабимизнинг қалб тилагига ўзбек элининг ҳар бир чинакам фарзанди тўла кўшилади.

## **МУНДАРИЖА**

Муқаддима .....	3
Илм-фан, маънавият ва эътиқод .....	10
Диннинг келиб чиқиши ва унинг илк шакллари .....	33
Миллий-давлат динлари, ҳурфикрлилик ва даҳрийлик .....	70
Жаҳон динлари ва тафаккур эркинилиги .....	<u>113</u>
Янги давр динлари ва ҳурфикрлилик .....	169
Дин ва замонавийлик .....	206

**Исо Жабборов, Санжар Жабборов**

**ЖАҲОН ДИНЛАРИ ТАРИХИ**

Муҳаррир *Г. Каримова*  
Бадний муҳаррир *У. Солиҳов*  
Техник муҳаррир *У. Ким*  
Мусаҳҳих *Н. Умарова*  
Компьютерда тайёрловчи *А. Юлдашева*

Теришга берилди 5.11.2001. Босишга рухсат этилди 01.05.2002.  
Қоғоз формати 84×108<sup>1/2</sup>. Шартли босма т. 11,76. Нашр т. 11,55.  
Тиражи 2000. Буюртма № 91. Баҳоси шартнома асосида.

«Ўзбекистон» нашириёти, 700129, Тошкент, Навоий, 30,  
Нашр № 185-2001

Ўзбекистон Республикаси Давлат матбуот қўмитаси  
1-босмахонасида босилди.  
700002, Тошкент, Сағон кўчаси, 1-берк кўча, 2 уй.

**Жабборов Исо, Жабборов Санжар.**

Ж 13 Жаҳон динлари тарихи: Олий ва ўрта маҳсус ўқув юртлари талабалари, ўқитувчилари учун ўқув қўлланма/ Масъул муҳаррир: М. М. Хайруллаев.—Т.: "Ўзбекистон", 2002. 224 б.

I. Муаллифдош.

**ББК86.2я73**